



C. 47.2.




LVII

E

15







# HISTORIA ZARINGO BADENSIS

AUCTOR

IO. DANIEL SCHOEPPFLINUS

HISTORIOGRAPHUS FRANCIAE

---

TOMUS SECUNDUS

---




---

CAROLSRUHAE  
EX OFFICINA MACKLOTIANA

---

MDCCLXIV.



# CONSPECTUS

## TOMI II.

---

### LIBER IV. BADENSIS.

#### III. PERIODUS RUDOLPHINA.

RUDOLPHUS I. Hermanni V. Fil.

CAP. I. - - - pag. 1.

HERMANNUS VII. Rudolphi I. Fil.

CAP. II. - - - pag. 13.

RUDOLPHUS II. Rudolphi I. Fil.

pag. 16

HESSO Rudolphi I. Fil. - - - pag. 19.

RUDOLPHUS HESSO

ET

HERMANNUS VIII. Heffonis

Filii - - - pag. 23.

RUDOLPHUS III. Rudolphi Fil.

pag. 26.

FRIDERICUS II. Hermanni VII.

Fil. - - - pag. 33.

HERMANNUS IX. Friderici II.

Fil. - - - pag. 39.

(\*)

|  |              |
|--|--------------|
| <u>RUDOLPHUS IV. Hermannii VII.</u>          |              |
| <u>Fil. CAP. III.</u>                        | - - pag. 43. |
| <u>RUDOLPHUS V. Wecker Rudolphi IV. Fil.</u> | - - pag. 48. |
| <u>FRIDERICUS III. Rudolphi IV.</u>          |              |
| <u>Fil. CAP. IV.</u>                         | - - pag. 53. |
| <u>RUDOLPHUS VI. LONGUS</u>                  |              |
| <u>Friderici III. Fil. CAP. V.</u>           | - pag. 57.   |

#### IV. PERIODUS BERNHARDIANA.

|  |                 |
|--|-----------------|
| <u>BERNHARDUS I. Rudolphi VI.</u>          |                 |
| <u>Fil. CAP. I.</u>                        | - - pag. 65.    |
| <u>RUDOLPHUS VII. Rudolphi VI.</u>         |                 |
| <u>Fil.</u>                                | - - - pag. 126. |
| <u>JACOBUS Bernhardi I. Fil.</u>           |                 |
| <u>CAP. II.</u>                            | - - - pag. 131. |
| <u>CAROLUS I. Jacobi Fil.</u>              |                 |
| <u>CAP. III.</u>                           | - - pag. 151.   |
| <u>BERNHARDUS II. Jacobi Fil.</u>          |                 |
| <u>CAP. IV.</u>                            | - - - pag. 189. |
| <u>JOHANNES TREVIRENSIS ELECTOR</u>        |                 |
| <u>Jacobi Fil. CAP. V.</u>                 | - pag. 195.     |
| <u>GEORG. METENSIS EPISCOPUS</u>           |                 |
| <u>Jacobi Fil. CAP. VI.</u>                | - pag. 217.     |
| <u>MARCUS LEODIENS. EPISC. POSTULATUS,</u> |                 |
| <u>Jacobi Fil. CAP. VII.</u>               | - pag. 225.     |

V. PERIODUS CHRISTOPHORIANA.

CHRISTOPORUS I. Caroli I.

Fil. CAP. I. - - - pag. 237.

CHRISTOPHORI Fratres

ALBERTUS CAP. II. pag. 289.

FRIDERICUS ULTRA-

JECT. EPISC. CAP. III. pag. 293.

CHRISTOPHORI Filii

JACOBUS II. TREVIR.

ELECTOR. CAP. IV. pag. 311.

PHILIPPUS I. CAP. V. pag. 323.

O R D O

TABULARUM GENEALOGICARUM.

TAB. I.

PROSAPIA RUDOLPHINA pag. 1.

TAB. II.

PROSAPIA BERNHARDIANA pag. 65.

TAB. III.

PROSAPIA CHRISTOPHORIANA

pag. 237.

(\*) 2

**ORDO**  
**TABULARUM AERI INCISARUM.**

**T A B. I.**

Bickesheimenia Monumenta - - - - - pag. 5.

**T A B. II.**

Badæ Castrum vetus, incunabula gentis,  
pars aduersa Num. I. - - - - - pag. 278.

**T A B. III.**

Idem Castrum, pars auersa Num. II. - - pag. 278.

**T A B. IV.**

Ejusdem Castri latus meridionale Num. III. pag. 278.

**T A B. V.**

Castrum novum Badenſe cum oppido Bada  
Num. IV. - - pag. 278.

**T A B. VI.**

Christophori Marchionis Familia - - - pag. 287.



HISTO-



# P R O S A

plura Sveviæ loca durante interregno occupat, quæ in pro 375.  
marcis argenti A. 1283. † d. XIX. No

|              |                    |                        |
|--------------|--------------------|------------------------|
| ADELHEID     | HERMANNUS VII.     | RUDOLPH GARDIS,        |
| Abbatissa in | A. 1246. interfuit | † A. 1295. U Eberhardo |
| Lichten-     | laudo Episc. Spir. | dis Ochsenf de Wir-    |
| thal,        | Bellum cum Co-     | dolphi I. Imberg.      |
| † A. 1295.   | mite Bipontino &   | lia, Comit d           |
|              | cum Comite E-      | antea nupt             |
|              | bersteinii gessit. | Gertrudem              |
|              | † Ann. 1291.       | Rudolphi I             |
|              | Ux. Agnes.         | affinis fui            |

FRIDERICUS II. Castra Remchingen & Oberwülfen HERMANNUS  
ni in Eberstein, † A. 1333. Ux. Adelheid. Comitissa iadolefscens  
Abbatissa in Lichtenenthal, † A. 1300.

HERMANNUS IX. Dominus de Eberstein, a Caro- V. dictus der  
lo IV. Imp. investitur A. 1350. de Comitatu Yberg & r. Ux. Adel-  
de Wüspurg. Emit vicum Elmendingen, † A. 1353. i Hessonis,  
Ux. Mechtild. Comitissa in Vayhingen. densis filia.

FRIDERICUS & RUDOLPHUS  
in puericia mortui.

R. 1361. nupta  
felchafrido, filio  
Heining. II. Hen-  
Ux. Litzelstein.

BERNHARDUS  
vid. Tab. II.

RUDOLPH Henrico XIII.  
A. 1421.







HISTORIAE  
**ZARINGO-BADENSIS**  
 LIBER QUARTUS.  
 PERIODUS TERTIA  
**RUDOLPHINA.**

CAPUT I.  
 RUDOLPHUS I. AB A. 1242. ---- 1288.



§. I.  
 Universam Domus Zaringo - Badensis Historiam Nexus.  
 in septem Periodos majores divisimus; qua-  
 rum quatuor priores, Alfato - Brisgovicam,  
 Zaringicam, Herinnanniam & Hachbergi-  
 cam Tomus primus exposuit.

Tom. II.

A

Rudolphina, Bernhardiana & Christophoriana exponendæ superfunt.

Rudolphina, quam aggredimur, sex constat Rudolphis; quorum primus & sextus Marchiam omnem, reliqui in partes divisam, possederunt, quibus Principis dignitas fere fuit onerosa.

Sex Hermannis ergo, quos supra enarravimus, sex succedunt Rudolphi; centum & viginti circiter annorum expletes spatium, suo fine memorabile; quod Rudolphus VI. dispersas in corpus recollegerat partes; cui novum vigorem & pristinum robur conciliavit successor, novæ epochæ conditor, Marchio Bernhardus.

## §. II.

Rudolphus I.

Rudolphus Badenses inter Marchiones hujus nominis primus; Hermanni V. ex Irmengarde Palatina filius; Hermanni VI. qui genus suum in Austria propagaturus credebatur, natu junior frater; stirpem Badensem propagavit in Marchia.

Hermannus perpetuas inter turbas rexerat Austriam. Rudolphus in diuturno illo Germaniæ interregno, quod vocant, Marchiam regens, illi parti adhæsit, quæ Hohenstauffis adversa, Henricum Rasponem, Thuringiæ Landgravium, atque deinceps Richardum, Regis Angliæ fratrem, Germanorum Reges agnovit.

§. III.

Munificus & liberalis in ecclesias, more gentis suæ & fe-  
culi, fuit noster Rudolphus. Munifi-  
centia in  
ecclesias.

Junctis enim cum fratre Hermanno consiliis jura patrona-  
tus in Ettlingen & Baden, decimas in Iffesheim, villas Winden  
& Buere, curias in Offe & Eberstein aliaque bona A. 1245.  
matri suæ donavit; quæ, condito a se prope Badam Lucidæ Vallis  
Cisterciensium parthenio, quod ingressa est, bona illa tradidit. Parthen.  
Lucidæ  
Vallis.

Tria post lustra curiam quoque in superiori parte villæ  
Summesheim (a) Rudolphus eidem clauistro concessit, ut in pa-  
rentum suorum & Hermanni fratris sui, Austriæ Ducis, anniver-  
sariis lautius viverent moniales. (b)

A. 1277. dimidiam partem decimarum oppidi Etthe-  
ningen (Ettlingen) eidem Lucidæ Vallis cœnobio donavit Ru-  
dolphus. (c)

§. IV.

Marianum Bickesheimense Fanum, bihorio ab Ettlinga  
distans, si non primum, certe primarium conditorem Rudolphum Fanum  
Bickes-  
heim.

Tom. II.

A 2

(a) Summesheim, hodie *Sinsheim* prope Badam & Lucidam Vallem

(b) GANANSIUS *Generalog. Bad.* pag. 25.

(c) Cod. Diplom. Badens.

RUD. I.

nostrum agnoscit. *Ædes* hæc, sacris peregrinationibus incluta, Rhenum inter & Martianæ silvæ montes, in fertili & amœna plenitie sita, adhuc usque diem conditoris sui & Cunigundæ Ebersteinæ, uxoris ejus, insignia primæ columnæ insculpta, conservat, quæ suo loco exhibemus lectori. (d)

Rosa quinque foliorum Ebersteinæ gentis fuit primævum insigne. Hæc non modo in columna, sed & in fenestris, retro altare minoris ecclesiæ nunc flavo, nunc rubro colore picta variis modis reperitur.

Fenestræ ædificio coætaneæ, adeoque quingentorum annorum sunt opus. *Ædificatio* circa A. 1250. facta censetur. (e)

## §. V.

Monaster. in Alba.

A. 1251. Rudolphus confirmavit ea, quæ parentes fratque Hermannus monachis in Alba concesserant. (f)

Ejusdem Albani monasterii Charta anni sequentis oppidi *Etheningen* munita sigillo, mentionem facit *Illustris Dom. R. Marchionis de Baden & Advocati ejus Monasterii in villa Molsch.*

A. 1155. monialibus in Steinheim suam curiam ibidem cum pacto reuicionis vendidit Rudolphus. (g)

(d) Inter sigilla domus Badensis.

(e) Germanica hujus fani descriptio A. 1747. impressa Moguntiae.


(f) Alba Dominorum monasterium A. 1148. fundatum.

(g) PETRI Suevia *Ecclesiastica* pag. 756. seq. BESOLD. in monaster. virg.




*Bickesheim.*

*Fani Fenestrae.*



*Bickesheim. Columna.*



A. 1256. festo b. Jacobi Erlewinus scultetus Pforzheimensis expedivit literas, quibus monachi in Alba coëmerunt partem decimarum in Dietenhausen, iisque appendit sigillum civitatis, quod gentilitia Badensium insignia exhibet, manifesto indicio, Pforzheimium jam tunc sub Marchionum fuisse ditione. Idem apparet ex literis A. 1257. quibus Rudolphus Marchio & uxor ejus Cunigundis, Erlewino Libenecio bona sua in veteri juxta Pforzheimium civitate (*in der alten Stadt*) Pforzheimenlibus monialibus testamento legandi facultatem concesserunt.

Oppidum hoc ab Hermanni V. temporibus uxorio jure ad Marchiones Badenses devolutum publicisque tabulis ab Imperatore Friderico II. confirmatum fuisse asserit M A J. U. S. (*h*)

Idem Rudolphus Abbati Schœnaugienfi Benedictino Diocesis Wormatiensis A. 1260. permisit, ut bona, quæ a proavo ejus in Opphouven dono accepit, venderet. (*i*)

Schœnaug.

§. VI.

Idem Marchio cum Godesavienfibus Benedictinæ Cluniacensium regulæ monachis, haud procul Durlaco, super plantatione villæ prope Eckenstein, A. 1260. transiit per arbitros. (*k*)

Godesaug.

A 3

(*h*) In vita REUCHLINI p. 6. & 119. ubi Hermannum hunc appellat sextum.

(*i*) G U D E N T Sylloge Diplom. num. 121. Oppus vicus inter Manhemium & Franckenthal.

(*k*) Cod. Diplom. Zaringo - Badenc.

RUD. I.

Eidem cœnobio duo talenta Hallensia ex villa sua *Neureuth* annuatim percipienda, nec non decimas minutas villæ *Linckenheim* A. 1272. adscripsit, & biennio post, una cum conjugue duas curias in Burthen, (*Beyerten*) quas Wezelo. Comes & Henricus miles ei dederant, in castro suo Grezingen confirmavit. (1)

Schwarzach.

Schwarzacum, aliud Ordinis S. Bened. Cœnobium, per literas, A. 1288. Ebersteinii datas, vineam in Alswiler ab eo quoque accepit in donum. (m)

Park-nang.

Backnangre ecclesiam, ab hostibus vastatam, Rudolphus cum fratre suo Hermanno restauravit. (n) Eorundem fratrum *Hermanni & Rudolphi, Marchionum de Baden*, precibus inductus Innocentius IV. Pontifex Maximus Magistro Bertoldo, rectori ecclesiæ de Acher, Argentinensis diœcesis, privilegium præter beneficia ecclesiastica, quæ jam tum habuit, aliud quoque beneficium seu dignitatem recipiendi concessit. (o)

## §. VII.

Res gestæ.

Rudolphus noster in ecclesias liberalis Marchiæ tamen suæ non parum prospexit.

(1) GAMANSIUS pag. 188.

(m) Tabularium Schwarzac.

(n) SÄTTLER Württemberg. Part. I. pag. 136.

(o) Codex Diplom. Badenf.



Steinbaco, Marchionatus sui oppido, jus nundinarum eo modo, quo Friburgum Brisgoviae illud exercebat, a Richardo Rege Romanorum A. 1258. obrinuit. (p)

A. 1263. quarto Kal. Sept. Bertoldus Advocatus & Belreimus fratres de *Wizenstein* (q), omne jus suum in castro Liebenecke & in villa Wirme, in illustrem Dominum suum, Rudolphum Marchionem de Baden, transtulerunt; vassallis suis potestatem concedentes, ut villam *Huochevelt* eidem resignent. (r)

Ex castro illo Liebenecke Rudolphus literas Argentinen-  
sibus scripsit anno, uti videtur, 1269. (s)

Eidem Rudolpho Ulricus, Comes Palatinus in Tübingen bona sua in Forch & Niederbiel A. 1264. superadditis 200. marcis argenti concessit. (t)

Belli A. 1266. a Palatino & Rudolpho Marchione de Baden cum Episcopo Spirensi Henrico Comite de Leiningen gesti, mentionem facit LEHMANNUS. (u)

§. VIII.

Conradinus ultimus stirpis Holienstaufficae furculus, cum A. 1268. Neapoli  
Friderico, Rudolphi nostri ex fratre nepote A. 1268. Neapoli

(p) ION. GAMANSIUS loc. cit. pag. 194.

(q) *Wizenstein*.

(r) Codex Diplomat. Bad.

(s) WENCKER in *Apparatu Archiv.* pag. 179.

(t) GAMANSIUS.

(u) Lib. V. cap. 101. pag. 547.

RUD. I.

capite quom fuisse truncatus, (x) patrum ex Suevica Conradini hereditate aliquid occupasse tradunt, sed occupata vel silent, vel male designant. (y) Rudolphus I. Cæsar bona illa vindicaturus coronæ, Rudolpho Badensi indixerat bellum, Marchionem, pluresque Sueviæ, Franconie & Alfatie nobiles terrarum Imperii usurpationis accusans.

Extat Rudolphi Marchionis scriptum A. 1274. quo diferte testatur, cum omnibus munitionum suarum *Sets & Seldenouwe* devastatoribus, Leiningæ nimirum ac Biponti Comitibus, Fleckensteini Dynastis, civibusque Argentinenfis se rediisse in gratiam, die Dominica post Sancti Jacobi. (z)

Ludovici Palatini aliorumque auxilio in bello hoc usus est Cæsar. (a)

Addunt

(x) Vide supra Tom. I. pag. 330. sq.

(y) HISTORIA AUSTRALIS ad A. 1276. IRENICUS *Exog. Germ.* Lib. VI. c. 128. HEDIO in *Paratip. ad Chron. Ursperg.* CRUSIUS *Annal. Suev.* Part. III. Lib. III. cap. 20. Pforzheimium huc refert; quod tamen Marchicæ ditionis jam antea fuerat, ut supra §. V. ostensum, & ex charta ejusdem Rudolphi A. 1258. Maulbronnensi cœnobio data, apparet. Adde THOM. CANTIPRATAN. *de Miraculis* Lib. II. Male quoque Cellam (*Liebenzell*) huc refert IRENICUS.

(z) Ap. WENCKER *Appar. Archiv.* pag. 180. NAUCLERUS in *Chron.* Vol. 2. Gen. 42. fol. 966. add. *Alfat.* illustr. Tom. II. pag. 181.

(a) HISTORIA AUSTRALIS plenior ab initio, ap. FREHER. *Script. rer. Germ.* Tom. I. pag. 470.

Addunt nonnulli, Durlacum & Mülbergam tum fuisse occupatas & Grezingæ castrum eversum. (b)

Finito bello Rudolphus noster pacem religiose servavit, ipsumque Imperatorem Hagenoam est secutus; ubi cum civitate quoque Argentinensi Cæsar in gratiam rediit; (c) intercedente Marchione Rudolpho, qui centum & octoginta marcas argenti pro damnis illatis præstandas ei pollicitus est; cujus promissi Henricus, Comes de Fürstenberg, Henricus Marchio Hachbergicus, Sigismundus Comes Bipontinus junior, & Hermannus Marchio, Rudolphi filius, dati sponsores. (d)

§. IX.

Biennio post Argentinensis Episcopus Rudolpho nostro intulit bellum.

Bellum cum Episcopo Argent.

ANNALES COLMARIENSES ad A. 1279. rem ita referunt: „ Conradus de Lichtenberck, Episcopus Argentinensis castellum Turlac per ignem destruxit, & quæ in eo reperiit deportavit. „ Bellum hoc, ut iidem nos docent Annales Tom. II.

B

(b) KOENIGSHOV. *Chron. Argent.* p. 118. *Paratipom.* pag. 258. FUGGER. *Oesterreich. Ehrensp.* Lib. I. pag. 92.

(c) *Alfat. Illustr.* Tom. II.

(d) Instrumentum datum Hagenoæ an dem Zinsdage nach S. Johanes Nefs 1276. ap. WENCKER. *Col'ect. Archivi & Cancellar.* pag. 59.

RUD. I.

usque ad A. 1281. continuatum: „ Quo Episcopus Argentinensis congregata militum multitudine Domino de Badin quoddam oppidum noscitur obsedisse. Episcopus vero Basiliensis sibi quinquaginta milites in auxilium trans mittebat. Plures autem ex eis à Marggravio capiuntur, propter quod pax eorum pristina reformatur.

## §. X.

Matrimonium.

Felicio ribus Rudolphi fatis accensendum est matrimonium cum Cunigunda, Ottonis senioris, Domini in Eberstein, filia, ex qua non tantum numerosa proles, sed & primum in terras Ebersteinenses jus Badenlibus natum est.

Pertinet huc charta A. 1277. qua Rudolphus, Marchio Veronen sis, Hermannum, Rudolphum, Hessonem & Rudolphum filios & heredes suos, ut & focerum suum Dominum Ottonem seniore m de Eberstein, qui sigillum chartæ appendit, ipse memorat.

Socero defuncto, cum filio ejus Ottone juniore asine suo, A. 1283. die VIII. post Sanctæ Walpurgis de hereditate uxoris transegit, partem illam veteris castri Eberstein nactus, quam Bipontinus Comes, Simon antea possederat. (e) Præter hæc quartam partem ejusdem castri pro 375. marcis argenti Rudolphus

(e) *Carlsruher Sammlungen* pag. 366. Ebersteinensi ibi egregie & solide dilucidavit Ill. PREUSCHEN. Vid. p. 337. 549.

coëmit, atque Ebersteinii deinceps sedit frequenter. (f). Sed & quandoque sedit Pforzheimii. (g)

Super Altensteiga litem aluit cum Burcardo, Hohenbergico Comite, quæ A. 1288. Rudolpho I. Rege Romanorum iubente terminata per arbitros. (h) Ceterum durante longa illa anarchia Germaniæ inductus est noster Rudolphus Marchio, ut Veronensis quoque Marchiæ, ab avo & proavo possessæ, renovaret memoriam. In sigillo enim chartæ A. 1260. *Marchio de Verona*, in ipsa autem charta tantum *Marchio de Baden* vocatur. In alia A. 1277. *Rudolphus Dei gratia Marchio Veronensis Dominus de Baden*.

## §. XI.

Excessit e vita die 19. Novembris A. 1288. (i) postquam Monasterio Lucidæ Vallis, in quo mox sepeliendus erat, præter ea, quæ jam dederat, centum marcas argenti donasset; quod ipsi ejus filii suis literis firmarunt. (k)

Cunigunda uxor idem Monasterium ingressa, quo anno excesserit vita, non constat. Necrologium Lucidæ Vallis diem tantum obitus ejus notat, X. Kalendas Maji. (l)

Tom. II.

B 2

(f) Charta in Codicæ Diplomatico Badensi.

(g) GAMANSIUS.

(h) Charta Archivi Bada-Durlac.

(i) Lapis sepulchralis in choro ecclesiæ Lucidæ Vallis: *Anno Domini MCCXII obijt Rudolphus Marchio senior de Baden in die S. Elisabeth.*

(k) Die Veneris ante S. Luciæ 1288. apud GAMANSIUM loc. cit. p. 202. fq.

(l) SCHANNAT *Vindem. Lit. Coll.* 1. pag. 166.

RUD. I.

Liberi.

Rudolphus I. præter quatuor filios jam antea memoratos, Hermannum VII. Rudolphum II. Hessonem & Rudolphum III. filias quoque duas reliquit, ut patris & filiorum chartæ plures testantur. Adelheidis ultra 30. annos Abbatissa Lucidæ Vallis monasterio præfuit, atque die XVII. Calendas Septembris A. 1295. decessit. (m)

Irmengardis Eberhardo, Comiti Wirtembergico, nupsit. (n)

(m) GAMANSIUS pag. 197.

Sexta Adelheidis adest, oriunda ex stemmate celfo,

Heroum Bada quos fuscipit alma Duces,

Triginta cum casta dnos præfedit in annos

Sacris virginibus, mens pia juncta Deo est.

Rexit ab A. 1263. ad A. 1295.

(n) SATTLER Part. I. pag. 135. PREQUIER in libro, cui tit. *W'irtemberg, Cridersbaum* pag. 7. nuptias has anno 1297. celebratas fuisse scribit. At in literis jam A. 1296. datis feria quinta ante festum B. Johannis Baptistæ, quibus Eberhardus juri suo in villas Langensteinbach, Uetelsbur (*Ittersbach*) & Wolmarsbur in gratiam monachorum in Alba renuntiat, id facere se ait pro se, *collaterali sua, Irmengarde, uxore legitima, finisque liberis.*



# CAPUT II.

## HERMANNUS VII.

AB ANNO 1288 — 1291.



### §. I.

ermannus hic, Rudolphi I. filius natu maxi-  
mus fuit, stirpisque propagator. Con-  
radi Episcopi Spirensis laudo A. 1246.  
subscripsit *Hermannus filius Marchionis*;  
& quidem post Comites; adolescens pa-  
tria sub potestate constitutus. (a)

Herman-  
nus VII.

### §. II.

In literis Conradini, Sueviæ Ducis postremi, quibus Ba-  
variæ Duci A. 1266. Donawerdam legavit, (b) testis quoque  
hic comparet Hermannus.

Res ge-  
itæ.

B 3

(a) Vide supra Tom. I. cap. VI. §. I. pag. 322.

(b) *Bayrische Deduction contra Oesterreich.*

HERM.  
IX.

A. 1277. Hermannus, Rudolphus & Hesso, Marchiones de Baden, castrum Lindenfels cum hominibus ei adscriptis, quod a patre suo (Rudolpho) vivo adhuc, cum aliis terris acceperant, Comiti Palatino ad Rhenum *secundum jus & consuetudinem terræ* tradiderunt. (c)

A. 1278. in documento, quo Comes Fridericus de Truhendingen domui ordinis Teutonici in Oettingen bona quædam in Pffeffingen dono dedit, (d) idem Hermannus post Conradum Ducem de Tekke inter illustres & principes memoratur in Rudolphi I. Imperatoris diplomate A. 1282. quo filios de Ducatu Austriæ investivit. Sequitur eum Henricus Marchio de Hochperg. (e)

Ad patris exemplum usus est titulo *Marchionis Veronenfis, Domini de Baden, Dominique in Eberstein.*

A. 1281. patre adhuc vivo cum Biponti Comitibus propter Liutolsheim (Lidolsheim) & Ruchesheim (Rusheim) bellum gessit, quod certis deinceps conditionibus compositum; ita, ut simul occasio acquirendorum vicorum Spielberg & Dür-

(c) *Reichsständische Archival - Urkunden* in causa equestri Tom. I. Sect. III. cap. IV. membr. II. num. I. pag. 449. Pretium in fragmento haud expressum, sed referunt Excerpta Actorum Compromissi Aurelianensis, & TOLNER in *Historia Palatina* pag. 42. solutas fuisse 2300. marcas.

(d) MEICHENSNERUS *Decif. Cam.* Tom. II. pag. 272.

(e) *Deduction de la maison de Baviere* Tom. II. p. 428.



renwetterspach (hodie Hohenwetterspach) ad Marchionem transfirer, filia autem Marchionis, Comiti Henrico, completo anno XII. collocanda desponderetur. (f)

Eodem anno Hermannus & Rudolphus fratres, Marchiones Badenses, oppidum suum Selse Conrado Episcopo & Ecclesie Argentinensi in feudum femininum obtulerunt. (g)

A. 1283. Hermannus junior Marchio Badensis redivit suos in *Knodelingen* & *Nuwerute* (h) civi cuidam Argentinensi pro XXVI. marcis argenti oppigneravit, unde Prefecturam Mülbergensem, quæ vicos eos complectitur, vivo patre possedisse Hermannum laud immerito colligimus. Rudolphum I. filiis suis terrarum partem vivum tradidisse paullo ante ostensum. Ipse cum filiis suis A. 1287. & sex mille armatis contra Burcardum, Hohenbergæ Comitem, prope castrum Altinstia-ge, quod Burcardi fuerat, pugnavit. (i)

### §. III.

Obiit A. 1291. Hermannus noster, in Capella Marchionum Monasterii Lucidæ vallis sepultus. Sepulchralis ejus lapis

Mors &  
sepul-  
ta.

(f) GAMANSIUS. III. PREUSCHEN. in *Carlsruher Sammlungen* p. 366.

CROLIUS de Comitibus Bipont.

(g) *Alsatia Illustr.* Tom. II. pag. 181.

(h) Hodie *Knielingen* & *Neureuth*.

(i) CRUSII *Annal. Suev.* Tom. II. Part. 3. Lib. 3. pag. 162.

HERM.  
VII.

adhuc eum inscriptione hæc habet: „Anno Domini MCCXCI  
 „ obiit Hermannus Marchio de Baden in divisione Apostolo-  
 „ rum. (k) „ Festum hoc in diem XV. Julii tum incidit.

## §. IV.

Uxor.

Uxor ejus Agnes, Henrici & Conradi, Comitum de Vaihingen soror fuit. (l) Vidua Friderico, filio suo, literas dedit A. 1296. quibus villam *Langensteinbach* ut venderet concessit. In illis mentio quoque fit Rudolphi & Hermannii filiorum, Friderici fratrum, qui annos discretionis nondum attigerant (m) Neque Hermannus eos unquam attigisse videtur, quod nulla deinceps ejus memoria extat.

## RUDOLPHUS II.

## §. V.

Rudol-  
phus II.

Septem annis modo patri superstes, Rudolphi fratris junioris respectu *senior* dicebatur; vivo patre nuncupatus *junior*.  
 „ Rudolphus Marchio de Baden *junior* nobili femine Adelhey-  
 „ di, sue uxori legitime, dedit & donavit mille marcas argenti  
 in

(k) SCHANNAT *Pindeu, Lit.* pag. 158.(l) RITTERHUSIUS *Genealog.* Tab. 127. GANANSIUS pag. 200. aliique.

Sunt, qui eam Geutiam, ex Anhaltinis ortam, male appellant.

(m) Codex Diplomaticus Badensis.

„ in dotem sive donacionem propter nuptias. „ Ita Rudolphus I. Imperator in Charta A. 1237. Heilbronnæ data, qua pro 1000 marcarum dote castrum *Mülenberg*, feudum Imperiale, Adelheidi huic, ex sorore nepti, oppignerari permittit. (n)

A. 1289. tertio Kalendas Maji Rudolphus *Dei gratia Marchio senior de Baden* Abbatiam Schwarzacensem protectionis suæ specialis & salvi conductus diplomate per omnem Marchionatum liberaliter munivit. (o)

Tom. II.

C

(n) Male itaque in Chron. Alberti Argent. pag. 111. Albertus Rex Romanorum Adelheidem hanc Rudolpho March. de Baden uxorem dedisse legitur, quum Alberti pater Rudolphus I. Imperator hoc jam matrimonium viderit. Autographum Bongarsianum istius Chronici, quod in Bibliotheca Bernensi servatur, errorem hunc egregie corrigit hoc modo: „ Relictam Comitis de Strasberg, sororem Ottonis de Ochsenstein, confobrinam Regis (Alberti), ipse Rex (Rudolphus) Marchioni de Baden - - - copulavit.

Notis huc usque nomine Alberti Argentinenfis scriptor, emendator & auctor sub veri auctoris *Matthiæ Neuburgensis* nomine, inter Scriptores Rerum Alfaticarum, quos ad prelum paratos propediem editurus sum, comparebit.

(o) Verba Chartæ Monasterio Schwarzac. A. 1289. datæ, hæc sunt: „ Cum „ antecessores nostri felices recordationis magna & speciali dilectione „ ecclesiam beati Petri in Schwarzach semper fuerint complexi nos „ ipsorum vestigia in hoc imitari volentes - - - ecclesiam beati Petri

Abbatie Gottfaviensi sex modios filiginis, ex decima vil-  
le *Burten* quotannis percipiendos, eodem anno legavit.

A. 1291. mens. Aug. Rudolphus *senior* & Fridericus,  
Marchiones Badenses, cum Abbatie Monachorum in Alba Ad-  
vocati fuissent electi, de pristinis ei caverunt juribus novaque  
privilegia addiderunt. (p) Advocatia hæc eis propterea collata  
fuit, quoniam ex Ebersteinii Comitibus, monasterii fundatori-  
bus, sanguinem per matrem aviamque Cunigundam ducebant. (q)  
Eidem Abbatie de redditibus suis in *Malsche* XV. malteras filigi-  
nis anno sequenti Rudolphus donavit. (r) Qui cum patre sepul-  
tus est in Sacello Lucidæ Vallis A. 1295. (s)

## §. VI.

Uxor.

Adelheidem, absque sobole ex se suscepta, viduam reli-  
quit, quæ Lucidæ Valli quoque XXX. malteras filiginis dedit in

---

„ in Schwarzach antedictam & nuntios ejusdem per totam terram no-  
„ stram sub nostra recipimus protectione & conductu, volentes ipsos  
„ sub alis nostræ protectionis & defensionis existere securos, ipsisque  
„ omnia jura sua capitalia, quæ vulgariter dicuntur *Fälle*, & census  
„ suos ab omnibus hominibus *terra nostræ incolis* dari & persolvi  
„ præcipimus.

(p) Codex Diplomaticus Badensis.

(q) Vid. cap. I. §. 10. pag. 10.

(r) Cod. Dipl. Bad.

(s) Epitaphium in Parthenio Lucidæ Vallis his legitur verbis: Anno Domi-  
ni MCCXCV. obiit *Margrave Rudolph der alte an Sant Valentinstag*.

Curia Willre (*t*). Hæc ex priore cum Comite Strasbergæ matrimonio duas filias habuit, quarum unam Rudolphus III. Marchio Badensis, ut infra videbimus, alteram Waltherus de Horburg uxorem duxit.

Cognitionem Adelheidis cum Rudolpho I. & Alberto I. Imperatoribus schema sequens ostendit:

Albertus Sapiens, Comes Habsburg.

Rudolphus I. Imperator,

† 1291.

|

Albertus I. Imperator,

† 1308.

Cunigunda, uxor

Ottonis Domini in Ochsenstein.

|

Adelheidis, uxor

1) Comitis de Strasberg.

2) Rudolphi II. March. Bad.

1287.

## H E S S O.

### §. VII.

Hesso, tertius Rudolphi I. Marchionis filius, cum Rudolpho I. Romanorum Rege Germershemii, vivo patre, versatus, privilegium civitatis Wormatiensis post ducem Austriæ, ante Henricum Hachbergensem Marchionem & Conradum Ducem

Tom. II.

C 2

HESSO.

Teccensem A. 1284. testis signavit, *Hesso Marchio de Baden.* (u)

Idem triennio post in ejusdem Cæsaris diplomate, Heilbronnæ scripto, reperimus, quo Hessonis frater, Rudolphus II. castrum Mülenberg uxori suæ in dotem adscribendi potestatem accepit, uti supra ostensum.

## §. VIII.

Gesta  
cum Co-  
mite  
Wirtenb.

Eberhardus Illustris, Wirtenbergæ Comes, qui sub quinque Imperatoribus sæpe iniquis vixerat, Henricum VII. Imperatorem cum agnoscere recusasset, a Conrado Weinspergenfi Comite, Cæsaris per Sueviam Vicario, ejectus est terris; & ab Hestone nostro receptus, Besighemii, ad mortem usque vixit Henrici; a successore ejus, Ludovico Bavaro, suis terris restitutus. (x)

Eberhardus, beneficii memor, Hessonis, dein mortui, debita solvenda suscepit, atque cum filio Hessonis Hermanno transegit, qui castrum Reichenberg cum bonis inde pendentibus, Eberhardo dedit in pignus; ita quidem ut intra decennium libera filius reluitio esset; sed pecunia propria, non accepta in mutuum.

(u) MORITZ vom Ursprung der Reichsstände in Append. pag. 179. & LUDWIG Reliquia MSS. Diplomatum Tom. II. p. 240.

(x) ALBERTUS Argent. Chron. pag. 115. Edit. Urstis.

Præter Reichenbergam, Bachnanga quoque oppidum & Beilstein tradita fuere Eberhardo. (y)

## § IX.

Annus mortis ejus certo non constat. GAMANSIUS Mors. eum ad A. 1317. ponit, & quidem recte, ut videtur; cum post hunc annum nulla ejus vivi mentio recurrat.

In Ludovici enim Imperatoris diplomate A. 1322. de quo infra sub Friderico II. vitium sine dubio irrepfit; cum Hessonem, Friderici II. Marchionis patruum A. 1322. inter vivos referat, Hesso in literis filii sui Rudolphi Hessonis, datis *an Sancti Thomas-tag* 1319. & in aliis ejusdem Rudolphi Hessonis *an der Mittewochen vor Sante Walpurgetag* 1321. jam refertur inter beatos vel mortuos; his verbis: *Wir Marcgrave Rudolf, Marcgrave Hezzen seligen Son von Baden.* Item: *Wir Rudolf von Goltz Gnaden ein Marcgrave von Baden, Marcgrave Heffen seligen Son.* (z)

Imo cum Fridericus II. Marchio A. 1318. villam Malsch cum castro Waldenfels Monachis Albensibus venderet, venditionis literæ datæ die Sabbati post festum Ascensionis Domini firma-

(y) SATTLER pag. 140. qui anno 1296. Hessonem qd plures jam abbas scribit pag. 135.

(z) Vide Codex Diplom. ad annum 1319. & 1321.

Hesso.

tæ fuerunt agnatorum tunc temporis superstitum sigillis, Heinrichi de Eberstein avunculi ejus, Rudolphi Marchionis senioris de Baden patruī ejus, Rudolphi Marchionis fratris ejus & Rudolphi Hessonis Marchionis de Baden. Nulla inter hos Hessonis mentio, cujus tamen consensus non fuisset neglectus, nisi eo jam tempore inter vivos esse desisset.

Quin & in ipso, quod citatum est, Ludovici Imperatoris diplomate, non Hesso noster, sed filius ejus Rudolphus Hesso intelligendus esse videtur. Postponitur enim Rudolpho III. non postponendus, si per Hessonem frater natu major Rudolphi III. indigiteretur. Erratum ergo à Secretario Imperatoris in vocabus *patruis suis*, cum alter tantum patruus, alter patruelis Frederici II. Marchionis fuerit.

## §. X.

Uxor.

Irmengardim, Eberhardi, Comitis Wirtenbergenſis ſororem, Hessonī nōstro conjugem juniores quidam tribuunt ſcriptores; A. 1317. defunctam eſſe ſtatuentes. (a) At monumentum ſepulcrale, quod in monaſterio Baſileæ minoris, *Klingen* dicitur, ſupereſt, Claram cuſtodit, quam ex Klingæ Dynaſtis prognatam ei tribuo uxorem. Annus mortis in lapide ejus ſepulcrali deletus eſt. (b)

---

(a) RITTERSMUSIUS *Genealog.* Tab. 127. & reliqui.

(b) Legitur ibi: *Vrouwa Clara Marggravinne von Baden.* Waltheri Domini à



RUDOLPHUS II.  
HESSONIS FILIUS.

AB A. 1317 -- 1335.

## §. XI.

Hessoni duo filii, Hermannus & Rudolphus Hesso, tri-  
buuntur; quorum ille clericus, hic vixit secularis.

Rudolphi  
Hessonis  
geita.

Henricus VII. Imperator oppidi Imperialis *Heydolfesheim* oppignerationem, Conrado Comiti de Vehingen pro octingentis libris & *Marchioni de Baden clerico* pro mille libris Hallensibus ab Advocato provinciali, Cunrado de Winsperg, factam, A. 1311. ratam habuit.

Friderici Marchionis Badensis Chartæ venditionis vici Malsch & castri Waldenfels A. 1318. sigillum appensum est *Rudolphi Hessonis Marchionis de Baden.* (c)

Iter sacrum ad sepulcrum Dominicum cum vovisset Rudolphus Hesso, Johannes XXII. Papa A. 1326. Episcopo Spi-

---

Klingen, qui A. 1295. decessit filia fuit. *TONIO LA Basilica Sepulta* p. 325.  
URSTIS. *Chron. Basil.* pag. 136. Filias Waltheri hujus referunt Tabulæ  
venditionis apud HERN. *Genealog. Habsburg.* Tom. III. pag. 421.

(c) Codex Diplomaticus Badensis.

RUDOL.  
HESSO.

rensi potestatem concessit, ut Rudolphum ab hoc voto absolveret; si legitimam causam absolvendi repererit. (d)

Rudolpho Marchioni Badensi dicto Hessoni ter mille & centum libras Hallenses se debere professus est Ludovicus Imperator A. 1333. quæ ex redditibus Hagenoënsis foresti & civitatum Alsatie Imperialium tributis ei erant solvendæ. (e)

## §. XII.

Lites  
cum Fri-  
burg.

Eodem anno inter Marchionem Rudolphum, qui dictus Hesso, Dominum de Baden, & uxorem ejus, Johannam, Reginaldi Comitis de Montebeliardo filiam, ex una, ac inter civitatem Friburgi ex altera parte, propter cives quosdam Friburgi bonis suis spoliatos, lis intercessit; decisa per arbitros; quos inter ex parte Badensium erant Johannes de Eptingen, dictus Spengel, & Hartmannus de Mafonis Monasterio, milites. Hujus rei superarbitrium penes tres civitatis Argentinenfis Magistros, Swarberum, Twingerum & Judenbreterum erat. (f) Dominus *de Baden* in Chartis his dicitur Rudolphus Hesso; unde *Badam*, Marchionatus caput, eum tenuisse colligimus; id quod & alia monumenta nos docent.

A. 1305.

(d) Idem.

(e) Idem.

(f) Cod. Membr. Argent. de anno 1370.

A. 1335. Hannemannus de Heidweiler, Præfecturam Traubaci in Sundgovia ipsi & conjugi Johannæ Montisbeliarden-  
fi resignavit. (h)

§. XIII.

Obiit illustris Rudolphus Hesso, Marchio de Baden, in Mors.  
octava b. Laurentii martyris A. 1335. ut lapis sepulchralis Luci-  
dæ Vallis declarat. (i)

Johanna uxor primitus nupta fuerat Ulrico, Comitum Uxor &  
Phirretensium postremo, qui A. 1324. vita excessit. (k) liberi.

Ad filias, quas ex illo suscepit, Johannam & Urfulam,  
Comitatus Phirretensis transiit, & per Johannam, natu majorem,  
ad Albertum Sapientem, maritum ejus, Austriæ Ducem (l). Ex  
secundo cum Rudolpho Hessone Johannæ connubio, quod ho-  
rum conjugum literæ A. 1333. probant, (m) duæ filiae prodie-  
runt, *Margaretha* & *Adelheidis*, Marchionibus Badensibus, agna-  
tis suis, ut infra videbimus, matrimonio jungendæ, quas ex Ul-

Tom. II.

D

(h) Tabular. Oenipont.

(i) Apud SCHANNAT. *Undem. Lit. Coll. I.* p. 165. mors hæc ad mensem Febr.  
anno 1335. vitiose ponitur.

(k) AL'SAT. ILLUSTR. Tom. II. pag. 610.

(l) Ibidem pag. 503.

(m) STEYERER *Hjß. Alberti II. Austr.* pag. 236.

RUD. III.

rico Phirretenſi natus GUILLIMANNUS, (u) atque HERGOTTUS (o) male exiſtimarunt.

In hereditatis maternæ diſiſione, A. 1347. inſtituta Altkirchæ, viva matre Johanna, quæ tertias cum Cattimelibocenſi Comite GUILIELMO iniverat nuptias, Margaretha Dynaſtiam Hericurtenſem, Adelheidis Belfortenſis partem forte obtinuit. (p)

## RUDOLPHUS III.

## §. XIV.

Rudol-  
phus III.  
dictus  
Senior.

Rudolphi I. filiorum natus minimus fuit Rudolphus III. qui patre & fratre ſeniore Rudolpho II. mortuis, ut a juniore Rudolpho, fratris ejus Hermanni VII. filio, & Rudolpho Heſſone diſtingueretur, *ſenior* quoque appellatus eſt. Vendidit hic vici *Langenſteinbach*, a fratruele Friderico monachiſ de Alba factam A. 1296. roboravit. (q)

A. 1306. Rudolphus ſenior cenſum vici *Malfch* monaſterio Albæ Dominorum conferens, patrem ſuum Rudolphum, fratrem Rudolphum, uxorem Gutaun, fratram Adelheidem de Ochſenſtein, ut & Fridericum ac Rudolphum juniorem, Mar-

(u) STEYERER loc. cit. 202.

(o) *Genealog. Haſſu*, Tom. I. pag. 60. & 219.

(p) *Alſatia Illuſtr.* Tom. II. pag. 610. not. (q).

(q) Chart. in Cod. Diplom.

chiones Badenses, suos ex fratre Hermannō nepotes, commemorat. (r)

A. 1327. responforias literas, Avenione datas, mittit Johannes XXII. Pontifex Maximus, *Rudolpho Marchioni de Baden seniori*, qui Papæ Fridericum de Zolre, ad Papæ & Ecclesiæ obsequia obtulerat. Vocatur hic Fridericus in iisdem litteris *nobilis vir nepos Marchionis*. (s)

## §. XV.

Scollhovam oppidum cum vicis *Selingen & Hugelshaim* Res gestæ.  
A. 1300. ab Eberlino de Windeck, mille trecentis & quinquaginta marcis argenti valoris Argentinenſis cōmīt. (t) Prædes solutionis magno numero dati.

Partem vici Graben à Dieterico de Ubſtatt libris Hallenſium ſeptingentis A. 1310. Rudolphus comparavit. Quadrienſio ante, Dieterici frater, Suuikerus, Marchioni promiſerat, ſe ſuam iſtius vici partem nec oppigneraturum nec venditurum, niſi prius illam Marchioni ejusve heredibus obtulerit.

---

(r) Codex Diplomaticus Badenſis.

(s) Idem Codex.

(t) Chartam emptionis memorabilem Codex Diplom. ad annum 1309. exhibet.

Rud. III.

A. 1327. donat Rudolphus Marchio de Baden partem vici Möglingen in Præfectura Grœningen Ulrico Comiti Wûrtembergensi. (u)

## §. XVI.

Bella  
cum Ar-  
gentin.

Cum Argentinensi civitate alternis vicibus per aliquot annos bellum pacemque inivit.

Libertas navigandi per Rhenum, immunitas a vectigalibus, per Marchiam omnem, frequens bellorum, depredationum, querelarumque materia fuit.

Primum.

Bello primo Johannes Argentinensium Episcopus, Ulricus Landgravius, Josfridus Leiningæ Comes, Otto Dominus de Ochsenstein alique Argentinensium secuti sunt partes.

Cum his omnibus in gratiam rediit Rudolphus senior (x) festo Sancti Jacobi A. 1313. Universis civibus ac subditis eorum plenam a vectigalibus suis & a naufragorum honorum occupatione immunitatem, quamdiu ipse viveret, concessit, partesque Friderici Marchionis, ex fratre nepotis, bellum continuantis, deseruit. (y)

---

(u) SATTLER. l. c. P. I. p. 199.

(x) Marggräfe Rudolf der 6ter von Baden.

(y) Cod. Dipl. Argent. Memb. de anno 1370. p. 150.

§. XVII.

Sed pacem hanc, parum fidam, novæ mox inimicitiae secutæ sunt. Damna illata, mille marcis argenti æstimavit Rudolphus. Judicium rei delatum ad arbitros.

Secundum.

Bruno de Windecke, & Heinricus de Selbach, milites, ex parte Marchionis, Nicolaus de Kageneck, & Reinboldus Hüffelius, milites, ex parte civitatis constituti sunt. Superarbitrè additus est Præful Argentinenfis. Ita conventum Lichtenaviae die Lunæ ante Sancti Bonifacii A. 1315, Johanne, Dynasta Lichtenbergenfi præfente. (z)

Germania tam omnis novi Cæsaris electione fuit scissa in partes. Marchiones Badenses Fridericum Austriacum secuti sunt; qui pacem inter partes reducere laboravit.

Hujus denique & Johannis Episcopi Argentinensis opera mense Martii A. 1317. pax coaluit inter Rudolphum & Fridericum Marchiones, mercatoresque & nautas Alsatiae. Conventum Offenburgi, ut suspensis Marchionum in terra Rhenoque vetigalibus, pro salvo conductu nonnihil aeris penderent mercatores. (a)

D 3

(z) Ibid. pag. 152. ubi Rudolphus dicitur: *Rudolf von Gottes Gnaden der elter, Herre und Marggrafe zu Baden.*

(a) Instrum. in WENCKER's Apparatu Archiv. p. 197.

## §. XVIII.

Tertium.

Verum anno sequenti recruduit bellum. Civium Argentinensium prædia in Willstetten & alibi vastavit Rudolphus. Argentinenses ex hostibus nonnullos Stauffenbergæ ceperunt. Damnis utrimque compensatis, falvisque singulorum juribus, perpetuæ tandem pacis formula signata est, die Veneris ante Sancti Urbani A. 1318. (b)

Quadriennio post, mense Augusto, Rudolphus & Fridericus Marchiones (c) novam de ratione salvi conductus & vectigalium per terram suam & aquas præstandorum pactiōnem ad proximum usque festum Sancti Georgii valituram, cum Argentinensibus inierunt. (d)

## §. XIX.

Quartum.

Stauffenbergæ castrum, quod modo memoravimus, Ganerbiale fuit, pluribusque adeo militibus commune. Hos inter Reinboldus miles de Stauffenberg, Albertum de Owe, militem, Episcopi Argentinensis ministerialem, castro illo excludere voluerat.

---

(b) Cod. Diplom. Argent. Tabularii de anno 1370. p. 152.

(c) *Marggrafe Rudolf der elter und Marggrave Friderich, sins Bruder sun, Herren von Baden.*

(d) Cod. Dipl. Argent. fol. 150.



Novum inde bellum A. 1329. surrexit, funestum Badensibus. Bertoldus Episcopus enim & civitas Argentinenfis junctis viribus, castrum illud, obsidione captum, solo æquarunt. Vim Reinboldo illatam Rudolphus IV. Marchio, dictus Pforzheimensis, & Comes Wirtembergensis vindicaturi, ductis per Rudolphi nostri senioris terras militibus, ditiones invadunt Episcopi, eo magis commoti, quod Rudolphum seniore, propter affinitatis vinculum, a libero transitu hostes suos prohibitarum speraverat. Rudolphus Episcopo, id exprobranti, terrarum ejus se non esse custodem, respondit. Episcopus Marchionatum Badensem cum sociis suis ingressus, aperta ubivis loca misere sordavit incendiis, a qua calamitate Stollhiovium tantum & Badam oppida mœnibus cincta, persisterunt immunia. Flammam hanc extinxit Otto, Dux Austriæ, qui Bischoffshemii ad Rhenum, data Reinboldo pecunia, ut Stauffenbergam reædificaret, omnia ad pacem reduxit. (e)

§. XX.

Postquam Friderici Austriaci æmulus in Imperio prævaluisse, Ludovicus Baviaræ Dux, ab hujus quoque partibus Ru-

Lud. Bav.  
adhucet.

(e) Testis hujus belli est ALBERTUS ARGENT. in vita Bertoldi Episc. Argent. apud URSTIS. *Rer. Germ.* Part. II. pag. 170. Badam mœnibus cinctam esse A. 1330. refert KOENIGSHOVEN *Chrop. Hist.* pag. 387. ubi & belli hujus mentio fit.

RUD. III.

dolphus noster, viriliter stetit. Septingentas marcas argenti ei promisit Cæsar, Selsam (*f*) & Hagenbacum, civitates Imperii, literis A. 1330. Hanoviæ datis, in pignus concedens.

## §. XXI.

Uxor.

Rudolphi hujus senioris uxor fuit Gutta, sive Gertrudis; ex primo Adelheidis de Ochsenstein cum Strasbergio Comite matrimonio, ut supra (*g*) jam diximus, nata, adeoque Rudolphus noster Adelheidis & affinis fuit & gener.

Adelheidis pro se & marito suo posteriore, Rudolpho II. Marchione, pridem defuncto, anniversarium in clauistro Lucidæ Vallis A. 1311. instituens, consensu Rudolphi Marchionis senioris de Baden, *filii sui*, id se fecisse, & Rudolphus ad petitionem Adelheidis, *focuri* suæ, foundationis hujus Chartæ sigillum suum appendisse, memorant.

Gertrudis frater erat Bertoldus Comes de Strasberg, qui cum A. 1316. decessisset improles, (*h*) tertiam hereditatis ejus partem sibi vindicavit Gertrudis. Hereditatem hanc, in qua castrum *Strasberg* & oppidum Helvetiæ *Buren* erant, Rudolphus & Ger-

---

(*f*) Hoc oppidum jam A. 1268. Rudolphus oppidum suum nominavit. Alf. III. Tom. II.

(*g*) Cap. II. pag. 19.

(*h*) Sepultus in Ecclesiâ Lucidæ Vallis cum inscriptione: *A. Dom. MCCCXVI. in vigilia S. Joh. Bapt. O. Bertholdus Comes de Strasberg.* GAMANS. p. 270.

& Gertrudis conjuges A. 1319. Ecclesiæ Basilienſi & Ulrico, Phir-  
retenſi Comiti, pro ducentis marcis argenti vendiderunt. (i)

§. XXII.

Obit denique Rudolphus III. improlis IV. Non. Februa- Obitus.  
rii A. 1332. postquam monasterio Lucidæ Vallis, in quo sepul-  
tus est, (k) centum marcas legasset. (l) Præceſſerat eum Ger-  
trudis uxor VI. Kalendas Aprilis A. 1327. ut ex epitaphio ejus in  
eodem monasterio conſtat. (m)

F R I D E R I C U S I I.

§. XXIII.

Mortuo patre Hernanno, cum patruo suo Rudolpho II. Frideri-  
monasterii Dominorum in Alba advocatiam, ut supra (n) retuli-  
mus, A. 1291. in se ſuſcepit, eidemque villam *Langenſteinbach*  
pro DL. libris Hallenſibus A. 1296. vendidit, Marchio de Ba-  
den ſimpliciter dictus.

A. 1304. ipſe cum fratre ſuo Rudolpho IV. ab Alberto de  
*Remichingen*, quidquid ille juris in caſtro ſui nominis habuerat,

Tom. II.

E

(i) Charta venditionis ap. HERRGOTT. *Geneal. Habsb.* Cod. Dipl. num. 725.

(k) SCHANNAT. *Vindem. Lit. Collect.* 1. p. 165. male habet A. 1331.

(l) Ita Epitaphium ibi loquitur: Anno Dni MCCCXXII. O. Rudolph Se-  
nior Marchio de Baden in die purificationis Btæ Vgis Mariæ.

(m) Ao. Domini MCCCXXVII. ob. Gutha, Marchioniffa VI. Cal. Aprilis.

(n) §. 5.

FRID. II.

nonaginta libris Hallensibus emit. Alteram partem A. 1310. a Dieterico & Ludovico fratribus de Remchingen eodem pretio comparavit. Decimas in villa Remchingen, monasterio Maulbrunnenſi olim dono traditas, Fridericus iniuſte ſe uſurpaſſe, poenitentia ductus, A. 1324. pridie feſti Paſch. ipſe conſeſſus eſt. (o)

A. 1308. Fridericus & Rudolphus germani Marchiones de Baden juſ patronatus eccleſiæ in Menſheim Mahtolſo militi de Menſheim ejuſque heredibus in feudum contulerunt.

## §. XXIV.

Acta ab  
A. 1312.

A. 1312. deſiderio Engelhardi a Weinspurſ ſatiſfacturus teſtis ſignat confirmationem privilegiorum monaſterii Lichtenſtern ejuſque donationis, ſitque ſimul cum Engelhardo ejuſdem monaſterii atque Abbatiffæ illius advocatus & deſenſor. (p)

Partem caſtri *Oberweſingen* & bonorum ejuſ a Reinhardo milite, diſto de *Nuuenburg*, A. 1314. acquiſivit.

Sunſhemium, Imperii oppidum, cum monaſterio vicino, mille marcis ab Imperatore deinceps redimendum, pro officiis præſtitis, Fridericus Auſtriacus Rex Romanorum Sellæ A. 1315. Friderico Marchioni & Rudolpho oppigueravit.

---

(o) Charta ap. GAMANS. pag. 210. Authentica in Tabular. B. Durlac.

(p) BESOLD. *monaſt. virg.* Tit. Lichtenſtern n. VII. p. 74. & PETRI *Suev. eccleſ.* pag. 516. ſeq.

Bella inter Marchiones & civitatem Argentinensem de navigatione Rheni & commerciorum libertate exorta, in rebus Rudolphi III. patruī ejus exposui. (q)

## §. XXV.

Fridericus noster præter vicum Langensteinbach, supra memoratum, totum quoque vicum *Malsch* & castrum *Waldenfels*, iisdem Monachis pro trecentis & mille libris Hallensibus A. 1318. sub pacto de retrovendendo (r) vendidit; accedente Henrici de Eberstein, Rudolphi senioris patruī, Rudolphi fratris & Rudolphi Hefsonis, Marchionum Badensium, consensu. (s)

Priusquam hoc fieret, Abbatiae Weisenburgensi, cujus Dominio directo vicus *Malsch* obnoxius erat, oblato ei vicissim in feudum oppido Cuppenheim, Fridericus satisfecit. (t)

Tom. II.

E 2

---

(q) Vide supra §. 16. sqq.

(r) Literas reverales Abbatis & Conventus Albenfis de retrovendendi jure in villam *Malsch* Marchioni servato A. 1318. vid. in Deductione Badensi contra Württemberg sub rubro: *In der Wahrheit gegründete Vorstellung.* num. I. pag. 52.

(s) Vide MEICHSNER, *Decif. Cameral.* Tom. IV. Decif. 35. ubi Charta hæc nonnihil mutila extat. Authentica Charta servatur in Tabulario Bada-Durlacensi.

(t) Charta apud MEICHSNER, l.c.

A. 1321. Fridericus & Rudolphus fratres Marchiones de Baden partem castrî & oppidi Enzeberg, (u) quæ jam decennio ante oppignerata ipsis fuerat, a Gerhardo milite de Enzeberg ejusque filiis Gerhardo, Alberto, Conrado & Geroldo, pro 460. libris Hallensibus coëmerunt.

## §. XXVI.

Castrum  
Ochsen-  
berg.

Eodem anno Castrum Ohlsenberg cum villis *Lenbrunne Michelbach, Zubernvelt, Ober-Ramspach & Damp*, ut & curiam in *Flechingen*, pro bis mille & ducentis libris Hallensibus à Zeifolfo de Magenheim emit. Rudolphus frater & Conradus, Urselingæ Dux, emtionis literas suis sigillis firmarunt. (x)

Quinquennio post idem Marchio cum filio Hermanno perpetuum jus aperturæ in castro hoc *Ochsenberg* contra quemvis, præter Marchiones Badenses reliquos, Rudolphum nempe patrum, Rudolphum fratrem & Rudolphum Hessonem patrualem, civitati Spirensi concessit. (y) Memorati Marchiones biennio post idem castrum Alberto de Gemmingen, Armigero, dicto de Enzeberg, oppignerantes, idem quoque jus servarunt Spirensibus, (z) solenni juramento præstito, absque Spirensium con-

(u) Ad Enzam amnem, inter Pforzhemium & Vaihingen.

(x) Dat. die Lunæ post S. Galli A. 1321. Tabular. Bada-Durlac.

(y) LEHMANN. *Chron. Spir.* pag. 676.

(z) LÜNING *Archiv. Imp.* Part. Spec. Contin. IV. Tom. II. pag. 483.

ensu arcem nulli se deinceps esse veudituros vel oppigneraturos. (a)

§. XXVII.

Vix victus fuerat & captus Fridericus Austriacus Anticæ-  
far, quum Ludovicus Bavarus Marchionem Fridericum, Austria-  
co deditum, ad suas partes pertraxit, largiens ei jure feudali, ut  
„ tredecim denarios Argentinenfis monete de quolibet plau-  
„ stro vini, cum quatuor denariis de navi, in qua plausfra hu-  
„ jusmodi in Reni alveo veherentur per loca districtus terre sue „  
acciperet; ea lege, ut *juxta nobilitatem & magnitudinem* suam ad  
singulas partes Rheni, Sueviæ, Franconiae & Bavariae, contra  
quemvis, Rudolpho fratre & Rudolpho ac Hesse patris tan-  
tum exceptis, pugnaret pro Cæsare; qui feudi hujus confirmatio-  
nem a Principibus Imperii se impetraturum recepit. Acta sunt  
hæc Monaci XIV. Kal. Jan. A. 1322.

Ad  
Lud. Bav.  
transit.

E 3

(a) Castrum hoc Ochsenberg cum adjacentibus locis paulo post in Wirtem-  
bergum Comitum manus pervenit. A. 1391. Albertus de Euzberg Se-  
nior dimidiam Ochsenbergæ, quam possederat, partem Wirtembergico Co-  
miti tradidit, qui eam Wolfio de Urbach dedit in feudum. A Wolfio  
Ochsenberga ad Sternfelsiorum familiam transiit. Eberhardus Comes  
Wirtemb. A. 1392. Henelio de Sternfels oppidum & Castrum Ochsenberg  
villasque Zabernfeld, Michelbach, Ramsbach & Lehenbrunn in feudum  
dedit Gœppingæ. Sternfelsii denique anno seculi hujus XLIX. Wir-  
tembergensia hæc feuda domino directo refutarunt. Conf. *Reichsständische  
Archival-Ürkunden in causa Equestri* Sect. 1. Cap. I. n. 12. p. 12. sqq.

## § XXVIII.

Fœdus  
cum civi-  
tatibus.

Moguntia, Argentina, Wormatia, Spira & Oppenheim civitates, pacis publicæ ad Rhenum tuendæ causa, fœdus ad aliquod tempus cum inivissent, Fridericus Marchio eidem fœderi contra quemvis seditiosum, agnatis iterum exceptis, A. 1325. accessit. (b)

A. 1326. idem Marchio vicum Münzesheim, Ebersteinenfis Comitatus feudum hoc anno sibi apertum, (c) Alberto Hoffwart, militi, contulit. (d) Hujus posterî Münzeshemium tenuerunt usque ad A. 1675. quo ad Fridericum VI. rediit Marchionem.

A. 1330. Fridericus & Hermannus Marchionès Chartam venditionis castri Beringersweiler testes signarunt. (e)

## § XXIX.

Obitus  
ejus &  
Uxor

Obiit Fridericus X. Kal. Jul. 1333. ut sepulchralis indicat lapis. (f) Uxorem ejus Adelheidem Comitem de Beuchlingen,

(b) Cod. Diplom. Argent. de A. 1370. pag. 152. ubi Charta incipit: *Wir Marggrave Friderich, Herre von Baden.*

(c) De eo Illust. PREUSCHENIUS in *Carlsruher sâtzlichen Sammlungen* P. I. pag. 348.

(d) Charta extat in Archivo Bada-Durlac.

(e) HANSELMANN. *Landeshoheit des Hauses Hohenlohe vor dem Interregno.* Fol. inter Diplom. pag. 440.

(f) Apud SCHANNAT. loc. cit. male X. Kal. Jul. 1332.



appellant; quæ vidua cum tribus filiabus, Agnete, Irmengarde & Maria, in Lucidæ Vallis claustrum secesserit, eique per XII. annos Abbatissa præfuerit. Defunctæ XV. Kal. Sept. 1348. successit Agnes filia, ad A. 1361. usque superstes. (g) Friderico filium successisse Hermannum, omni dubio caret.

## HERMANNUS IX.

## DOMINUS DE EBERSTEIN.

## §. XXX.

Venditio vici Malsch & castri Waldenfels, per patrem Hermannus IX.  
A. 1318. facta, firmior ut esset, Hermannus quadriennio post, major annis factus, eandem literis suis firmavit.

A. 1329. Engelhardi de Winsperg senioris, sine prole legitima utriusque sexus demortui, institutus est heres. (h) Acta Weinspergen-fia.  
Fridericus pater & Rudolphus patruus testes suis hoc corroborarunt sigillis. Ab hereditate autem hac dimidiam partem bonorum ac hominum in *Eberflat*, *Gelmerspach* & *Stein*, vici at-

---

(g) J. O. GAMANS. pag. 211. sq.

Hinc Adelheidis adit decimum prælustis honorem

E Beuchling Comitum scæminæ stirpe nata.

Ante Badensis erat Friderici Principis uxor,

Annos bis senos rexit, & æstra subit.

Agnes officium viduæ post funera matris

Suscipit haud tali filia matre minor.

Provida, larga fuit, mitis, placida atque benigna,

Post annos tredecim scandit ad æstra Poli.

(h) Codex Diplom. Badensis.

HERM.  
IX.

que castrī, fecernendam, eamque relinquendam esse Engelhardo & Cunrado de Winsperg fratribus, contra Hermannum Marchionem & Engelhardum seniore de Winsperg ipse Hermannī pater Fridericus & Engelhardus de Ebertsperg A. 1331. suis literis declararunt.

A. 1333. Hermannus oppidulum Klein-Gartach cum vicino castro Lünenberg seu Leimberg Alberto Bruzen vendidit. (i)

## §. XXXI.

Acta cum  
Lud. Bav.  
Imp.

Eundem Hermannum, parentis extincti loco, Ludovicus Imperator sibi obstricturus, mense Octobri A. 1333. illi Stutgardiae concessit, ut de omni plaustrō vini transvecto per Rhenum ad Mersfeldam, ultra solitum vectigal, posceret Schillingum Hallensem; donec bis mille & centum librarum Hallensium perceperit summam. Privilegium hoc Carolus IV. Imperator A. 1350. renovavit.

Proscri-  
ptio Cae-  
saris.

Abbatiae Monachorum ad Albam querelae de Hermannō frequentes Caesarem moverunt, ut, quem amicum paulo ante habuerat, Imperii hostem pronuntiaret; eique comescendo Ulricum Wirtenbergiae Comitem A. 1338. & sequenti liberas quasdam Sueviae civitates ad bellum proficisci juberet. (k)

In angustiis his Hermannus aēs alienum contraxit. (l)

Octo

(i) SATTLER. loc. cit. P. I. pag. 181.

(k) Mandata Caesarea edidit BESOLDUS in *Documentis rediivivis Monast. Wirtenberg.* p. 153. & 157.

(l) Extant literae ejus ad Elisabetham de Rotenstein scriptae A. 1340. ut Chartas quasdam Rudolpho March. redimendas traderet, in GUDENI *Cod. Diplomati. Mogunt.* Tom. III. p. 312.

Octo per annos protractum est bellum, firmissimæ mentis in hoc Principe documentum haud leve. A. 1346. denique, mense Febr. Hermannus armis & iudicio publico Heidelbergæ coactus, advocatiam Albensem dimisit e manibus.

Iudicio & actui huic solenni Ruperti duo, senior & junior, Comites Palatini, Gerlacus Nassoviæ, Eberhardus Werdenbergæ Comites interfuerunt. (m)

Paucis post diebus Ludovicus Imperator Hermannum plenariam in gratiam se recepisse, alio diplomate Francofurti testatus est. (n)

A. 1339. Nicolaus & Wolfgangus Ræderi fratres, Elisabetha & Wilburgis, eorum sorores, partem suam castri Hohenrod Herman- no Marchioni Badensi, Domino in Eberstein, pro 25. libris denariorum Argentin. vendiderunt. Bis mille & viginti quinque libras Hallenf. ab Engelhardo de Winsperg, oppignerata ei sua Domini Winspergenfis portione, A. 1341. accepit.

A. 1346. consentientibus agnatis oppidum & castrum Laufen Alberto Hoffwart juniore, qui in dicto oppido sedit, pro 3000. libris Hallenf. (o) & Maulbronnenfi monasterio dimidiam partem vici Unterœwisheim cum jure patronatus vendidit. (p)

Tom. II.

F

(m) Ludovici Cæsaris & Hermanni Marchionis hac de re literæ extant apud BESOLD. loc. cit. pag. 160. & 162. & in PETRI Sæv. Eccl. pag. 25. sq.

(n) GAMANS. *Annal. Badenf.* p. 238.

(o) SATTLER. loc. cit. P. II. p. 67.

(p) SATTLER. l. c. p. 189. Vicus Niederœwisheim Episcopus Basiliensis

HERM.  
IX.

Acta sub  
Carolo  
Imp.

§. XXXII.

Carolus IV. dein rerum summa potitus, in Hermannum nostrum non tantum eandem, de qua disceptatum fuerat, Advocatiam, sed & castrum atque oppidum *Weinsberg* A. 1350. ex nova gratia Norimbergæ contulit, simulque pacta successoria, cum agnatis inita, æque ac privilegia domus Badensis confirmavit. (g) Friderici III. patruelis sui, literas A. 1349. hac formula: *Marchio Hermannus, Dominus de Eberstein*, signavit.

A. 1351. Hermannus Marchioni, pacem publicam violanti, bellum a fœderatis illatum, quo victus pacem petens, Spirensibus damna refarcire coactus est A. 1353. (r)

§. XXXIII.

Mors.

Parthenio Lucidæ Vallis, ubi jacet sepultus, septingentas libras Hallenses Hermannus IX. destinavit. Idibus Aprilis A. 1353. defunctus est vita. (s)

Uxor &  
filii.

Filii ejus, Fridericus & Rudolphus, ex Mechtilde Comitissa Vayhingæ suscepti, præmature ante patrem extincti sunt fato. (t)

Redeundum jam ad Hermannum IX. patrum, Rudolphum IV, a quo reliqua Marchionum Badensium series descendit.

---

fuerat feudalis. In ejus locum vicum *Offe* Hermannus substituit, & a Johanne Episcopo Basiliensi primus in feudum recepit.

(g) GAMANSIUS.

(r) LEHMANN. L. VII. c. 47. p. 710.

(s) Necrolog. Lucidæ Vall. ap. SCHANNAT. *Vindem. Lit. Collect.* I. p. 166.

(t) GAMANS. loc. cit. pag. 239.

---

## CAPUT III.

RUDOLPHUS IV.

DOMINUS DE PFORZHEIM.

A. 1300 — 1348.



## §. I.

I n divisione terrarum, cum Friderico II. RUD. IV. fratre suscepta, Principatus sui sedem Rudolphus IV. accepit Pforzheimium; Pforzheimensis hinc dictus.

A. 1300. quo sui juris est factus, venditionem vici Langensteinbach, de qua superius actum, suis literis probavit, in quibus *Rudolphus Dei gratia junior Marchio de Baden* nuncupatur.

Ecclesiasticæ vitæ eum ab initio destinatum & Canonicum Spirenses factum fuisse, ex sigillo cognoscimus, quod adjectum est literis, quibus cum fratre suo lites inter Abbatiam monachorum in Alba & rusticos suos in Malsche compositas refert. A. 1307.

ubi legitur: *Rudolphus Marchio de Baden, Canonicus Ecclesiae Spirensis.*

## §. II.

Res ge-  
stae ab  
A. 1322.

Præter ea, quæ superius in Friderici II. fratris ejus vita memoravimus, observamus porro, quod Rudolphus A. 1322. dimidiam partem loci Bürckenfeld, ad præfecturam Neuenbürgensem pertinentis, pro centum libris Hallerorum oppigneraverit Württembergico Comiti, intra biennium redimendam, ita tamen, ut, si non fiat relucio intra hoc tempus, jus redimendi amissum sit. Arbitri de pretio, quod hoc casu addendum, statuunt. (a)

A. 1323. Leopoldo Austriæ Duci, Spirensis civitatem obsidenti, auxilium tulit Rudolphus. At eodem anno pax inita & de damno, Spirensibus dato, electis ab utraque parte arbitris, transactum. (b). Idem Marchio cum uxore sua Lutgarda suburbii Pforzheimensis Hospitalis Sancti Spiritus, nuper ab eo restitutum, A. 1323. donis ornavit. (c)

Eodem anno Conradus Abbas & Conventus Monasterii in Sunnensheim Ordinis Sancti Benedicti Rudolpho nostro jus patronatus parochialis Ecclesiae in Nyßern, ob præstitam defensionem, consensu Episcopi Basiliensis, pleno jure tradiderunt.

---

(a) SATTLER. *Beschreibung des Hertzogth. Würtemb.* P. I. cap. 17. §. 2.

(b) LEHMANN. *Chron. Spir.* Lib. VII. cap. 23. & 26.

(c) GAMANS. *Hist. Bad.* pag. 213.

A. 1329. Nicolaus Comes de Lewenstain venditionem oppidi Bünnekain & castri Obern Magenhain, durante minore ipsius ætate, Rudolpho Marchioni & Marchionissæ Lutgardæ factam, confirmavit, eorumque dominum directum, Archiepiscopum Moguntinum, facta refutatione, de investiendo Marchione rogavit.

A. 1330. Stempferi nobiles pacem cum civitate Spirensi inierunt, cujus servandæ sponsonem in se suscepit Rudolphus. (d)

Ide n cum Rudolpho Hessone Spirensibus damna intulit, quæ septem arbitrorum judicio refarcire coactus est, Bertoldo Ebersteinensi & aliis obstagium in se recipientibus. (e).

### §. III.

De Ludovico IV. Imperatore optime meritis, Imperialem Ortenaviæ Præfecturam omnem, ejusque castra, civitates, vicos, villas & bona reliqua, pro nongentis marcis argenti & quater mille libris Hallensium, quas Cæsar ei se debere professus est, A. 1334 pignoris loco obtinuit. Præterea Mülbergam aliaque feuda Imperii, morte Rudolphi Hessonis, Marchionis nostri patruelis vacantia, eidem contulit Cæsar.

Privilegia Ludovic. IV. Imp.

F 3

(d) LEHMANN. *Chron. Spir.* Lib. VII. cap. 28. & LÜDIG. *Archiv. Imp.* Part. Spec. Continuat. IV. Tom. II. p. 485.

(e) FUCHS in *Annotationibus ad Lehmann.* Lib. VII. cap. 30.

Noribergæ Imp. A. 1335. brevique post universis Germaniæ civitatibus, ne homines Marchionis proprios in collegia sua recipere, solenni diplomate ibidem interdixit. In literis his omnibus Rudolphus noster, Marchio *Pforzheimensis* appellatur, vel *Badensis*, *dictus de Pforzheim*.

## §. IV.

Wirtembergica.

A. 1339. Rudolphus dimidiam partem vici Mensheim, quæ ad ipsum pertinuerat, in Ulricum, Wirtembergiæ Comitem, transtulit. (f)

Palatina.

Eodem anno Brettam oppidum ab Ebersteiniis Comitibus titulo revocabili acquisivit. Acquistum ipse Comitibus Palatinis, Ebersteiniensium consensu, oppigneravit. (g) Palatini denique oppidum hoc emtione penitus sui juris fecerunt. (h) Iisdem Comitibus Palatinis oppidum Heildolsheim, quod pignus Imperii tenebat Marchio, intra sexennium (i) bis oppigneravit, (k) bis quoque redemptum. A. 1347. portorium in Murgio fluvio acquisivit.

(f) Conf. SATTLER. loc. cit. P. I. p. 101.

(g) *Acta Compromissi Aurelian.* p. 157. & TOLNER. in *Additionibus ad Histor. Palat.* p. 78.

(h) *Acta* cit. pag. 64. 148. 159. & CHYTRÆUS de *Greichgaa* in III. JON. JAC. REINHARDI *Script. rer. Palat.* Vol. I. p. 497.

(i) A. 1340. & 1346.

(k) *Acta Compr. Aurel.* pag. 157. & TOLNER. pag. 48. & 97.



## §. IV.

Post Lutgardam, Alberti Comitis de Loewenstein vi-  
duam, quam Rudolphus noster A. 1323. thori sui sociam junxit,  
secundis nuptiis duxit Mariam, Ludovici & Friderici Comitum  
ab Oetingen, Alfatiae infer. Landgraviorum, sororem; cum  
qua Pforzheimensi Hospitali Sancti Spiritus annuos viginti quin-  
que librarum Hallensium redditus A. 1336. donavit.

Denique septimo Kal. Jul. A. 1348. (1) in Lucidæ Val-  
lis monasterio decessit. Sepulcrum ejus Marchica inter monumen-  
ta comparebit.

Maria die 10. Jun. 1369. extincta, in Godefaugienfi Ab-  
batia, cui annuos redditus XV. librarum Hallensium & VI. quar-  
talium avenæ adscripserat, (m) sepulta.

Par filiorum Rudolphus noster reliquit, Fridericum III. Fili.  
& Rudolphum V. dictum *Wecker*, ut ex sequentibus patebit. De  
natu juniore improle primum, dein de majore, qui genus propa-  
gavit, agemus.

---

(1) SCHANNAT. loc. cit. p. 168.

(m) GAMANS. *Hist. Bad.* p. 216.

R U D O L P H U S V.

COGNOMINE WECKER

D O M I N U S D E P F O R Z H E I M .

A. 1348 — 1361.

§. V.

RUD. V.

Filius, ut distingueretur à patre, nomini paterno Rudolphi Marchionis Badensis, dicti de Pforzheim, adjectum est Weckeri cognomen. (n)

§. VI.

Acta sub  
Carol. IV.  
Imp.

Carolus IV. Imperator Spiraë commoratus A. 1349. die Martis ante Palmarum non modo de Imperialibus feudis eum investivit, sed & confirmavit ei Ortenaviae pignus; quod quinque millibus aureorum minorum adauxit. • Præterea Rudolphum & subditos ejus ab omni omnium Judæorum, Argentinenſium præfertim, actione mutui liberos pronuntiavit.

Per

---

(n) In literis investituræ Caroli IV. Imperatoris vocatur: *Rudolph Marggraf zu Baaden, Herr zu Pforzheim, der genannt ist der Wecker*. Idem nomen ipsi in aliis ejusdem Imperatoris literis A. 1362. datis, adſcribitur apud SCHILTKEN. *de simultaneis investituris princip. imperii* cap. II. §. 4. in *Comment. ad Jus feudale Alem.* p. 338.

Per investituram Cæsari, extra Marchionatum Badensem bellum gesturo, quinquaginta milites galeatos se debere Rudolphus professus est. (o)

Biennio post tamen ejusdem Cæsaris auctoritate, non refragantibus Friderico & Rudolpho Marchionibus, Ortenaviæ Advocatia in Bertoldi II. Episcopi Argentinensis manus legitima relictione transiit.

Carolus IV. de pace publica Rhenensi sollicitus, A. 1353. triennale fœdus Procerum ac Civitatum stabilivit Hagenoæ.  
 „ Recessit autem Weckerus Marchio de Baden, nolens esse in  
 „ Liga, cujus frater Fridericus & Hermannus patruus  
 „ (patruelis) in brevi sunt ante defuncti, ut scribit ALBER-  
 „ TUS „ (p)

§. VII.

Hagenbacum (q) & Selsa, Alsatiae oppida, oppignerata Badenensibus, tumultui bellico A. 1357. occasionem dederunt.

Bellum  
Alsatium.

Tom. II.

G

(o) Literæ Rudolphi March. Domini Pforzh. dicti Wecker, in SOMMERBER-  
 a II Script. Rev. Siles. Tom. III. p. 70.

(p) Chron. p. 160.

(q) ALSATIA ILLUSTR. Tom. II. p. 179. sq.

Frequentes enim ex illis in mercatores præsertim, qui præteribant, direptiones cum fierent, Cæsar Civitates Imperiales, ad Rhenum & in Suevia sitas, induxit, ut Advocatum suum provincialem Alsatia: sequerentur. (r)

Civitates imperata fecerunt, at immutata mox sententia Cæsar utrique parti per Rupertum seniore, Comitem Palatinum, & Johannem Episcopum Argentinensem pacis inspiravit consilia atque Marchionem porro debellari prohibuit. (s) Dirutum oppidum Selfam hoc bello, & mox a Carolo IV. restauratum esse, docet KOENIGSHOVIVS. (t)

Triennio post protectionis peculiaris diploma (u) Rudolpho seniori ac juniori, Marchionibus Badensibus (x) concessit; & mille marcas ex vectigali Selfensi, (y) totidemque seniori soli,

---

(r) WENCKER. in *Collect. Archivi & Cancellar. Jur.* pag. 378. Plura de Selfa vid. in ALSAT. ILLUSTR. Tom. II. p. 181. sqq.

(s) Ibid. pag. 379.

(t) Chron. Alsat. pag. 314.

(u) GLAFEY *Anecd.* num. 156.

(x) *Rudolph den eltern, den man den Wecker uennet, und Rudolph den jungen, Herrn zu Pforzheim, Margrafen zu Baden.*

(y) GLAFEY loc. cit. num. 155.

pro damnis Selfæ & Hagenbaci acceptis, Noribergæ cum versaretur, adscripsit.

Eodem anno cum utrisque Marchionibus mutui auxilii fœdus Elector Palatinus Rupertus inivit.

§. VIII.

Rudolphi Weckeri, Advocati & instauratoris sui, memoriam, Abbatia Gottsaugienfis Annalibus suis grata mandavit. (z)

§. IX.

Obiit quinto Kal. Sept. A. 1361. sepultus ante altare Sanctæ Catharinæ Lucidæ Vallis. (a)

Viduam reliquit Adelheidem, Marchionis Rudolphi Hessonis filiam, (b) quæ per matrem Johannam Montisbeliardi Co-

Tom. II.

G 2

(x) Ibidem num. 152.

(a) GAMANS. *Hist. Bad.* p. 240.

(b) In Charta A. 1347. HERRGOTT. num. 792. pag. 674. legitur: *Adelheit Margræfin zu Baden und Rudolph genant Wecker ihr ehlicher Mann. Ade STEYERER in Addit. ad Hist. Alberti Sap.* p. 244.

RUD. A.

mitissimam, heres fuit Dynastiæ Belfortensis ex parte, (e) marito  
superstes.

(c) Unde in literis A. 1362. quibus undecim Dynastiæ Belfort vicos à tributo  
manus mortuæ liberat, *Noble & puissante Dame Alix, Marquise de Bade*  
*& Dame de Belfort*, appellatur. Literas has Judex Curie Archiepisc.  
Vesont. exaravit. Cod. Diplom.



CAPUT IV.

FRIDERICUS III.

DOMINUS DE BADEN.

A. 1348 — 1353.



§. I.

ada: Fridericus, Pforzheimii frater Rudol-  
phus VI, Ebersteinii patruelis Herman-  
nus IX. suas sedes habuerunt.

Frideri-  
cus III.

A. 1348. Friderico huic ejusque fratri Rudolpho Wecke-  
rio (a) homagium & fidelitatis iuramentum præstiterunt cives  
Pforzheimenses.

G. 3

(a) Verba litterarum sunt: „Den Hochgedelten Marggrave Fridrichen und  
„ Marggrave Rudolffen gewant dem Wacker, Gebrüder von Baden und  
„ Herrn zu Pforzheim.

## §. II.

Res ge-  
stæ.

Literis A. 1349. quibus coronam, a Ruperto Palatino Judæis Argentinensibus pro Rudolpho patre olim oppigneratam, sibi in manus traditam Fridericus testatur, Hermannus Marchio, Dominus de Eberstein, & Marchio Rudolphus, dictus Wecker, Friderici frater, sua quoque appenderunt sigilla. (b)

Rupertus ille Fridericum nostrum focerum suum vocat in Charta, qua super corona ista Argentinenses absolvit. (c)

Fridericum & Rudolphum *fratres*, Marchiones de Baden, Carolus IV. Imperator in diplomate A. 1351. commemorat, quo Bertoldo Episcopo Argentinensi Advocatiæ Ortenaviæ relevationem permisit.

## §. III.

Mors.

Obiit *Illustris Fridericus Marchio de Baden* IV. Non.

(b) Codex Diplom. Argent. Membr. de A. 1370. pag. 150. ubi: *W'ir Marggrave Friderich Herre zu Baden*. In fine: *W'ir och Marggrave Herman von Baden, Herre zu Eberstein, und Marggrave Rudolf genant W'ecker, des vorgenanten Marggrave Friderichs Bruder*.

(c) Ibidem: *Unserm lieben Sweher, Marggrave Friderichs von Baden*.



Sept. A. 1353. teste Necrologio Lucidæ Vallis, (d) cui monasterio jus patronatus in Hauen Eberstein A. 1348. una cum fratre Rudolpho dederat dono. (e)

Fridericus noster duxit uxorem Margaretham, Rudolphi Uxor. Hessonis, patris sui, & Johannæ Montisbeliardenfis filiam natu majorem, (f) quæ per matrem Dynastiæ Hericurtensis fuerat heres, quam Dynastiam A. 1366. condito testamento, filia suæ Margarethæ, primum Godofredo Comiti Leininga-Rixingenfi, dein Henrico Comiti Lucelsteinensi (g) nuptæ, & hac sine legitima prole moritura, filio suo Rudolpho Marchioni Badensi, adscripsit. (h)

Præterea Margarethæ mille & quingenti floreni ex Dynastia Florimontana ab Austriæ debebantur Ducibus, unde & Florimontii nomen suis titulis adiecit.

(d) SCHANNAT. *Vind. Lit. Collect.* I. p. 169.

(e) GAMANSIUS p. 239.

(f) In charta divisionis hereditatis maternæ inter quatuor filias A. 1347. institutæ, *Grede Margrafen ze Baden, Margrafen Friderich ikr ehlicher Mann*, leguntur apud HERRGOTT. *Cod. Dipl.* num. 792. p. 674.

(g) ALSAT. ILLUSTR. Tom. II. pag. 619. ubi corrigendus est error in nomine Patris; pro Rudolpho enim Fridericus ponendus.

(h) Testamentum idiomate Gall. scriptum. Margaretha hoc utitur titulo: *Je Marguerite Marquise de Baade, Dame d'Ericourt & de Florimont.*

Fridericus III. ergo par liberorum reliquit, Margaretham Godefridi, vulgo Schaffridi, Comitis Leiningensis & postea Henrici Comitis Lützelsteinensis uxorem, & Rudolphum familiae Badensis statorem, de quo jam instituendus est sermo.



CAPUT

CAPUT V.  
RUDOLPHUS VI.  
COGNOMINE LONGUS.

A. 1353 — 1372.



§. I.

corporis proceritate *Longum*, non RUD. VI.

Magnum appello; quamvis elogio  
hoc eum censeam dignum; fuerat  
enim animo non minus, quam cor-  
pore valens. (a)

§. II.

Marchiæ Badensis partes, tam diu divisæ, in unum de-  
nique corpus sub hoc Rudolpho redierunt. Quamdiu cognominis  
patruus vixit Weckerus, Rudolphus noster dictus est *junior*.

Mar-  
chiam  
conjun-  
git.

Tom. II.

H

---

(a) Staturam ejus ad XII. pedes scriptores juniores fabulose extendunt.

Hic cum patruo A. 1356. pactum familiae condidit; omnium Domus Badensis pactorum basis & fundamentum. (b)

Placuit, ut alteri, sine macula sobole morituro, alter in universis succederet terris & bonis. Placuit, ut filiabus pro omni suo jure mille marcæ argenti, cum nubarent, solverentur. Terras & subditos alienare ne liceat. Oppignerare liceat, sed caute. In difficilioribus rebus, in tuendo potissimum jure salvi conductus, mutua præstentur auxilia. Domesticæ lites, si quæ oriantur, per arbitros, quos dicunt Austragas, componantur amice. Pacti hujus virtute patruo suo, A. 1361. ut vidimus, extincto, heres successit noster Rudolphus.

### §. III.

Investi-  
tur a Cæ-  
sare.

Idem a Carolo IV. Imperatore, in cujus aula fuerat educatus, veniam eodem anno obtinuit gabellam seu vestigal (*Umgeld*) imponendi vino omnique frumentorum generi, in civitate Pforzheim, secundum jus & consuetudinem terræ.

A. 1362. ab eodem Imperatore totius Principatus seu Marchiæ Badensis investituram Noribergæ accepit.

Cæsar limites ejus ita definit: „A Graba usque ad Mülpenberg ad Albam, ab Alba usque ad Schwarzacum & Hardtam interjacentem, cum Ettelinga oppido, cum jure forestali, condu-

---

(b) Conditum est Ettlingæ die Lunæ post S. Michaelis, A. 1356.

ctus per terram & flumina, cum moneta, judiciis & aliis juribus, quibus majores ejus sunt usi. (c)

Primæ hæ sunt literæ feudales, quas novimus, Marchionibus Badensibus super Marchiam a Cæsare datæ; in quibus hoc singulare, quod ad simultaneam Marchiæ investituram admittus est Rupertus I. Palatinus Elector. Occasionem rei dedit liberalitas Rudolphi, qui Ludovicum, Comitem Oetingensem, quem impense amaverat, Marchiæ suæ instituerat heredem. Factum hoc damnavit Cæsar, non quod res acta sine Cæsaris, ut domini directi consensu, sed quod peracta sine patrui consensu, quodque minor fuerit ætate Marchio; quasi de allodio, non de feudo Imperii ageretur.

Crederes Marchiam Badensem antea fuisse allodiam, quoad fundum, & Marchiones nonnisi de regalibus investitos a Cæsare; cujus generis feudorum & alia hodie prostant exempla. Marchiones profecto passim in Chartis *Domini in Bada* vocantur, quæ nunquam vera Marchia fuit, sed Dynastia a Principibus, qui Marchiones vocabantur, possessa.

Quicquid hujus rei sit, prima hæc si non fuit Marchiæ investitura Cæsarea, aliam antiquiorem indicaverit nemo. De

Tom. II.

H 2

---

(c) Extant in TOLNERI *Hist. Palat. Cod. Dipl.* n. 158. SCHILTERI *Cod. Feud. Aleman.* pag. 338. & LÜNING *Reichs-Archiv* Part. spec. Contin. 2. Fortsetz. 1. pag. 939.

Rud. VI.

De tota scilicet Marchia Badensi, non de partibus quibusdam, ut Mühlenbergæ Castro &c. quæstio est. Marchionatus Hachbergæ naturam allodii tum adhuc retinuit.

## §. IV.

Pactum  
success.  
cum Pa-  
lat.

A. 1363. Rudolphus noster successorum cum Ruperto, Palatino Electore, pactum inivit; in quo oppida Heidesheim & Wildberg ipsi promissa, si sine masculino herede decesserit Elector, quem vicissim terrarum Badensium scripsit heredem, si absque prole mascula obierit Marchio.

Eodem anno Rudolphus Diterico a Gemmingen investituram vici Damni concessit. Ouwenshemio autem duas curias in vico Bolach dedit in feudum.

## §. V.

Privile-  
gia Caro-  
li IV.  
Imp.

Tum temporis quoque Carolus IV. vestigal Grossi Turonensis Mülbergæ, & A. 1364. duorum Turonensium Schreckæ, de omnibus mercibus Marchioni concessit.

Quin & A. 1365. Comitatum Lœwensteinensem, Alberti Comitis morte ad Imperium rediturum, eidem Spiræ contulit in feudum. Spes hæc tamen caruit effectu. (d)

---

(d) Primus Comes de Lœwenstein fuit Albertus, filius Rudolphi I. Imp. spurius, quem scriptoribus ignotum, charta patris A. 1283. prodit. Chartam

§. VI.

**A** 1633. Ruperto I. Palatino Electori Belicheim & Bel-<sup>Palatina.</sup>  
heim, hodie præfecturæ Germersheimensis vicos, quos pignoris  
jure ab Imperio tenuerat, Marchio noster oppigneravit. (e)  
Reliquit eos aut ipse, aut filius Bernhardus, qui A. 1383. illos de-  
nuo Palatino subiecit.

§. VII.

**T**riennio post Rudolphus auxilium præstitit Eginoni,<sup>Fribur-</sup>  
Friburgi Comiti, in bello, quod cum civibus suis & Brisacensibus,<sup>genia.</sup>  
Neoburgensibus & Basiliensibus gessit. (f)

Eodem anno ab eodem Eginone omnes ejus vasallos infra  
Bleicham flumen in Ortenavia, Rhenum inter & Nigram silvam,  
biennioque post Castra Rotenfels, & Reichenbach cœmit.  
Stollhovam vero, aliorum pignus, florenis bis mille ac ducentis  
redemit.

H 3

---

hanc ex scrinio Elect. Palat. Codex noster Diplom. dabit. Comitatus  
iste Friderico Victorioso, Electori Palatino A. 1441. venditus est; unde  
nova Comitum Löwensteinsium progenies surrexit.

(e) Acta compromissi Aurelian. pag. 157. *TOLNER in addit. ad Histor. Palat.*  
pag. 79. ubi error in nomine Marchionis.

(f) *Histor. Bad. Tom. I. pag. 251.*

## §. VIII.

Bellum  
cum  
Eberh.  
Wirtenb.

Cum Eberhardo, Wirtenbergiae Comite, congressus est bello, quod Carolus IV. Imperator, multorum Imperii Principum consilio, A. 1370. composuit, Johannem de Ofweil, Wölfg. de Steine, Bertoldum & Hermannum de Sachsenheim, Georgium de Entzberg aliosque Nobiles obstringens, ut bona quaedam ex suis Marchioni nostro offerrent in feudum.

Eodem anno Leopoldus & Albertus, Austriae Duces, Rudolphum suarum in Brisgovia terrarum, inter quas nominatim expressa sunt oppida Neoburgum, Brisacum, Friburgum, Kenzinga, quibus addita Villinga, constituerunt Advocatum provinciae & militiae Praefectum.

## §. IX.

Mors &  
sepultura.

Obiit Rudolphus XIII. Kal. Aprilis A. 1372. in Abbatia Lucidae Vallis & quidem in Capella, Marchionum Badensium sepulturae destinata, sepultus. (g)

Ad latus Ecclesiae Monasterii Lucidae Vallis Capella est, quae Principum mortuorum vocatur Capella, Sanctae Annae dedicata. In ea sepulti sunt plerique Badenses, Periodi Rudolphinae Marchiones. In medio Capellae visitur sepulcrale monumentum Rudolphi Longi, cum imagine ejus jacente, quam circumdat In-

(g) Necrolog. Lucidae Vallis apud SCHANNAT. Vindem. Liter. Collect. I. pag. 166.



scriptio. Monumentum hoc æri incisum inter sepulcralia representamus Lectori. Rudolphus Marchionum Badensium in Lichenthal sepulcorum postremus.

§. X.

Uxor Rudolphi Longi fuit Mechtildis, Johannis Comitis Conjux. Spanheimensis filia, (*h*) quam vivo patre Friderico sibi despondit A. 1346. quinque millia librarum Hallensium cum ea accepturus pro dote. Ex summa hac duo millia Rupertus Palatinus, reliqua Johannes persolvit.

Rudolpho dati sunt hujus pacti sponsores, Rudolphus & Rupertus Comites Palatini, fratres, Gerlacus Nassovius, Simon Salmenfis, Walramus Spanheimensis, Adolphus & Johannes fratres Nassovii, Wilhelmus & Johannes Cattimelibocenses, Fridericus & Emericus fratres Leiningenses Comites, præter alios inferioris Ordinis Nobiles.

Mechtildi, præter hanc dotem, ex hereditate paterna nihil debebatur, nisi patre decedente sine mascula prole. (*i*)

Mechtildis marito suo diu superstes, A. 1378. a Gerhardo de Staffort, milite, homines proprios superioris & inferioris Harde sibi comparavit.

(*h*) Errant Genealogi, inter quos IMHOFFUS in *Notitia procer. Germaniæ* Lib. IV. Cap. VIII. §. 6. quod Mechtildem hanc Johannis Comitis Spanheimensis fratrem, Heinricum filium constituent. Emendatio nostra ex ipsis tabulis sponfalibus desumpta.

(*i*) *Ans Leibs-Eben.*

RUD. VI.

At alienavit eadem hæc Mechtildis plura. A. 1390. Ruperto II. Palatino Electori cessit bonis suis in Heidelberg, Wildsberg (*k*) & Eppingen. (*l*)

A. 1391. eidem Electori tradidisse arcem Befisheim scribit TOLNERUS. (*m*)

A. 1406. Ruperto Cæsari, concessit castra sua Mosbach & Obernheim. (*n*)

## §. XI.

Liberi.

Mechtildis mater suorum trium liberorum; Bernhardi, novam Familiæ Badensis qui periodum condidit, Rudolphi VII. & Mechtildis, quæ Henrico XIII. Comiti Hennebergensi nupta, A. 1421. decessit. (*o*)

(*k*) Alias Wiberg, hodie Wildberg.

(*l*) TOLNER in *addit. ad Hist. Palat.* ex Actis Comprom. Auræl. pag. 74.

(*m*) Idem l. c.

(*n*) Idem l. c.

(*o*) SPANGENBERG *Chron. Henneberg.* Lib. V. Cap. XVII. pag. 206. sq. ubi Mechtildis hujus matrem, quæ Spanheimensis genere fuit, Ebersteinensem male nominat.



CAPUT



# PROSA P

perpetuis be

Uxores: 1)

| ANNA.        | BEATRIX.     | MECHTILD. | MARGAR.     | DOLPHUS. |
|--------------|--------------|-----------|-------------|----------|
| A. 1398.     | A. 1400. nu- | nata      | nata A.     | natus    |
| nupta Lud.   | pta A. 1415. | A. 1401.  | despon.     | 1417.    |
| Lichtenberg. | Emiconi Lei- | †         | A. 1412. A. | †        |
| A. 1409.     | ning. Com.   | A. 1402.  | Naffa.      | 1424.    |

| CAROLUS I.                           | ARETHA.          |
|--------------------------------------|------------------|
| Seckenhemiana pugna infelix A. 1462. | † A. 1462.       |
| Uxor: Catharina Austriaca A. 1446.   | † 1490. A. 1445. |
| villae sepulta.                      | 1457.            |

CHRISTOPHORUS ARETHA.

vid. Tab. III



52.

Lichtenthal.

## PERIODUS IV.

SIVE

## BERNHARDIANA.

## CAPUT I.

## BERNHARDUS I.

AB A. 1372 — 1431.

## §. I.



Periodum Badensis Historiæ aggredior, multitudine Introitus.

& gloria rerum gestarum præ ceteris claram.

Tribus ea superbit Marchionibus, patre, filio, nepôte, qui singuli Marchiam omnem soli rexerunt potenter; nominis sui fama per orbem illu-

stres, magnitudine mentis in Annalibus notî. Bernhardum, Jacobum, Carolum intelligo, qui 103. annorum epocham complent.

Hos inter omnium judicio primatum tenet Bernhardus, <sup>Bernhardus I.</sup> princeps ad ardua natus; regiminis diuturnitate & gloria avis suis

Tom. II.

I

BERNH. I.

& omnibus seculi sui Marchionibus major; dignus, qui non Marchionatum modo, sed Imperium regeret.

Regimen ejus in turbida illa tempora incidit, quibus Wenceslaus Cæsar Imperiales Civitates in Principum ordinem, Principes vicissim in Civitates commoverat. Bernhardi pater distracta quædam Marchionatus Badensis membra revocavit ad corpus. Bernliardus Hachbergensem Marchiam eidem conjunxit; quin & terras novas adjecit. His nervis instructus prudens & bellicæ indolis princeps, fratre quoque sine prole defuncto, solus Marchiam regens, in Martis theatro comparere cœpit, ut contra multiplices hostes jura sua fociosque defenderet, bellaque undique illata repelleret.

## §. II.

Tutela  
ejus.

Bernhardi & Rudolphi fratris ejus tutelam gessit Rupertus I. Palatinus Elector, qui jus torcularis Monasterio Albæ Dominorum A. 1377. tutor confirmavit. Bernhardus regimen adiens, Rudolphi fratris tutelam ad annum usque 1380. gessit, quo divisionis pactum inivit cum fratre, sibi que Pforzheimium atque Durlacum cum inferioribus terris retinuit; Badam cum superiori Marchia fratri relinquens; (a) qui A. 1391. extinctus, Bernhardo soli Marchiam omnem reliquit.

---

(a) Instrumentum divisionis non reperi. Verisimile est, divisionem eodem anno 1380. factam, quo pacta familiæ inter se fratres inierunt. Legitimam ætatem attigisse tum videtur Rudolphus, cujus tutelam adhuc gesserat frater A. 1379.

## § III.

Bernhardus Equestribus ludis A. 1374. Eslingæ adole-  
scens interfuit. (b)

Initia  
Bernhar-  
di.

Quadriennio post ei & Electori Palatino Spirensis Episcopus  
patus defensus, a Carolo IV. Imperatore, commissa est. (c)

A. 1379. Rupertus senior & junior, Otto, Stephanus,  
Fridericus, Johannes & Rupertus, Palatini Ducesque Bavarie  
& Bernardus Marchio noster, suo & tutorio Rudolphi fratris no-  
mine, fœdus mutui auxilii cum Civitatibus Sueviæ Imperialibus,  
in quinque annos Badæ, die Sancti Ulrici iniverunt. (d)

Pactum  
familie  
cum fra-  
tre.

Unde factum, ut in magno illo VII. Rhenensium &  
XXXIII. Suevicarum Civitatum fœdere A. 1381. Spiræ con-  
tracto, & accedente paulo post Ratisbona, in decennium renova-  
to, Bernardus & Rudolphus, Marchiones Badenses, nominatim  
exciperentur; (e) nisi alteruter unam ex fœderatis Civitatibus in-  
juste petierit bello. (f)

Tom. II.

I 2

(b) CRUSTIUS *Suevicor. Annal.* Part. III. Lib. V. pag. 285.

(c) SIMONIS *historische Beschreibung aller Bischöffe von Speyer*, in Adolpho  
Episcopo pag. 131.

(d) DATT. *de pace publica* Lib. I. Cap. 6. pag. 39.

(e) LEHMANN. in *Chronico Spirenſi* Lib. VII. Cap. 66. pag. 747. & 748.

(f) DATT. l. c. Cap. 8. h. 12.

## §. IV.

**A.** 1380. die Sancti Galli Heidelbergæ, inter Bernhardum & Rudolphum Marchiones, fratres, conditum est Familiae Pactum in has leges:

1. Marchionatus Badensis nunquam plures, quam duo, habeat Regentes, sive maneat in statu præfenti, sive ditionibus augeatur.
2. Marchiones Regentes sint compotes mentis, animo & corpore sani.
3. Jus primogenituræ in utraque linea observetur.
4. Appanagiati singuli annuos 500. florenos accipiant.
5. Dos filiae principis sit 6000. florenorum.
6. Alienatio terrarum prohibetur.
7. Oppignratio earum limitatur.
8. Prohibetur, ne quid ex Marchicis terris Argentinenſi aut Spirenſi Episcopis, nec Comiti Wirtenbergiæ vendatur; vicinorum Magnatum ne augeatur potentia.

## §. V.

Acta  
A. 1381.  
& ſeq.

**A.** 1381. Bernhardus, cum Rudolpho fratre, Albertum de Enzberg, dictum Schuhelin, de parte ſua munimenti Enzberg, reſervato ſibi jure aperturæ, inveſtitiv. Eodem anno Eberhardus & Ulricus filius ejus, Wirtenbergæ Comites, Bernhardo & Ru-



dolpho fratribus omnem se daturos operam promiserunt, ne munimentum Straubenhart, communi ipsorum consilio destructum, restauraretur.

A. 1382. Argentineses una cum Lützelsteinensibus, castrum *Chatelot* in Montisbeliardenſi Comitatu, ob frequentes rapinas, ex eo in finitimos exercitas, funditus destruxerant. Vergius, Burgundiæ Comes, ad quem Castrum pertinuerat, vindictam sumpturus, collecta magna militum manu, Dominorum de Lützelstein & de Vinſtingen terras ferro & igne delevit. Argentineses eorumque Episcopus, Marchiones Badenses, alique Barones, Civitates & Nobiles, junctis inter se armis, in bellum adversus Comitem profecti sunt, qui, cum viribus suis diffideret, celeri fuga sibi consulere, quam dubio Marti se suorumque fortunas committere maluit. (g)

## §. VI.

Eodem anno Wenceslaus Cæsar Bernhardum de Marchionatu & terris, a Graba usque ad flumen Schwarzach, investitura Wenceslai Imp. investivit Francofurti. Feudalibus literis Castrum *Iberg* quoque insertum. (h) Quin & mentio fit Provincialis Judicii, vectigalium in

## I 3

(g) KÖNIGSHOV. Chron. Cap. 5. §. 160, aliisque Chronicis Mssis Argent.

(h) *Iberg* castrum hodie dirutum est in Marchionatu Badeusi, supra Steinhacum.

BERNH.

Sellingen ad Rhenum, in vico Raftatt, in oppido Ettingen, in Schreck ad Rhenum, ut & aliorum jurium, quæ in terris ejus ipsi competebant. Nec omissi Judæi. (i) Posteriores hæ partes in literis feudalibus Caroli IV. omissæ fuerunt.

Biennio post Leopoldus, Austriæ Dux, Austriacarum in Brisgovia terrarum advocatum constituit Bernhardum. (k)

A. 1383. Bernhardus oppida Bellichheim & Bellheim, Imperii pignora, quæ jam a Rudolpho, Bernhardi patre, Elector Palatinus ante vicennium redemerat, eidem redimenda concessit, addita quoque facultate Civitatem Elpingensem (Eppingen) reluendi; (°) quam tamen A. 1424. demum Electori dimisit.

A. 1387. Wenceslaus Imperator Marchioni privilegium de non evocando indulsit; ne ministeriales ejus vel subditi in aliis, quam Marchicis Judiciis convenirentur.

## §. VII.

Bellum  
cum Sue-  
viæ Civi-  
tatibus.

A. 1388. diuturnæ Principes inter & Suevici Fœderis Civitates discordiæ eruperunt in bellum; quo durante Badenses quoque ditones vastatæ sunt. Stephanus & Fridericus, Bavarie

(i) Literæ hæ investituræ extant in Cod. Diplom.

(k) Tabularium Bada-Badense.

(°) Electæ juris publici Histor. Palat. illustrantia pag. 160. 162.

Duces, A. 1387. Salisburgensem Archi-Præfulem Pilegrinum, memoratas ob Civitatum cum Principibus lites, captivum tenuerunt. (l) Civitatibus autem, Pilegrini fociis, cum quoque damna inferrent, foederatæ per Sueviam, Bavariam & Franconiæ Civitates, communicato cum Rhencensibus consilio, Bavaricæ Ducibus eorumque fociis bellum denuntiarunt. (m). Præcipuus barbarum auctor fuit Wenceslaus Cæsar, Principibus insensus, quod de eo deponendo consilia nuper agitaissent. (n) Unde non solum de patrocínio suo certas jussit esse Civitates, sed & ipse indicto Bavaricæ Ducibus bello, publice Civitatum partes amplexus est. (o) Bellum hoc in Bavaria initium ceperat, inde per Franconiam Sueviamque se extendit ad Rhenum. Rhenses, Alfatice & Wetteravicæ Civitates, a Wenceslao excitatæ, Ruperti Electoris Palatini terras invaserunt, ut ab auxilio Bavaricæ Ducibus ferendo eum arcerent, sed victæ sunt à Ruperto Civi-

(l) AVENTIN. *Hist. Bojor.* Lib. VII. Cap. 22. §. 2. HUNDII *Metrop. Salisburg.* Tom. I. pag. 17. ADLZREITTER *Annal.* Part. II. Lib. VI. §. 17.

(m) De bello hoc scripsit TRITHEMIUS in *Chron. Hirsang.* ad A. 1382. KONIGSHOV. in *Chron.* Cap. 5. §. 172. sqq. AVENTINUS Lib. VIII. *Chron.* Mss. Muegii aliorumque.

(n) LEHMANN. Lib. VII. Cap. 69. pag. 766. ubi literas Wenceslai exhibet, quæ id manifeste docent.

(o) Idem l. c. pag. 756.

BERNH. I.

tatum copiae, duobus praeliis; altero ad Spiram, altero ad Francfurtum commisso. In Suevia praefertim atque Bavaria, magno animorum ardore res gesta. Vici utrimque magno numero exusti.

## §. VIII.

Pax  
Egrana.

At Wenceslaus, semper animo hærens, prodita denique Civitatum causa, transivit ad Principes. Literas dehortatorias ad Salisburgensem Archiepiscopum dedit, (*p*) quem paulo ante adversus Principes in bellum stimulaverat. Unde, confluentibus ad Wenceslaum Principibus Civitatumque legatis, A. 1389. mense Majo funesta Civitatibus illa Pax Egræ composita, qua rescisso Civitatum & Principum foedere, pax publica ad Rhenum, in Suevia, Bavaria, Franconia, Thuringia, Misnia, in sexennium ordinata, atque statutum, ut Civitates tum demum pacis hujus essent participes, si vel amice, vel coram arbitris, ad id electis, de bello cum Principibus transfegerint. Civitates, magno ære Principibus soluto, Egranae Paci accefferunt paulatim. (*q*) Bernhardus Marchio, ipse licet non implicitus bello, damni tamen nomi-

ne

---

(*p*) Exhibet illas LEHMANNUS l. c. pag. 765.

(*q*) Vid. KOENIGSHOV. Cap. 5. §. 196. & LEHMANNUS in *Chron. Spir.* Lib. VII. Cap. 69. pag. 767.

ne XV. mille florenos a Spirensibus postulavit. (r) Argentinenses paulo post suam quoque partem solverunt. (s)

### §. IX.

Principes & Civitates, in varios districtus divisi, totidem Rhenensis.  
paces particulares condiderunt. Ad Rhenum Moguntinus Antistes, Ruperti, Comites Palatini, Fridericus Argentinensis Episcopus, Bernhardus & Rudolphus Marchiones Badenses, cum Civitatibus Moguntia, Argentorato, Wormatia, Spira, Francofurti, Fridberga; Gelnhufa, Hagena, Sella, Wisenburgo, Selesstadio & Ehenhemio, peculiari formula, jurejurando firmata, mense Junio A. 1389. pacem fecerunt. Conventum quoque de numero hastiferorum, (*Gleven*) quos singuli, redigendis in ordinem turbatoribus pacis, contribuerent. Bernhardus & Rudolphus Marchiones quisque duodecim milites darent. (t)

A. 1391. Fleckensteinensibus Dynastis auxilio fuit Bernhardus contra Advocatum provincialem & civitatem Hagenaensem, qui de vicis quibusdam cum Fleckensteinensibus litesalebant. (u)

Tom. II.

K

(r) LEHMANNUS l. cit.

(s) Vid. infra ad A. 1393.

(t) Instrument. exhibet WENCKER *de Uffburgeris* pag. 150.

(u) HERZOG *Chron. Alsat.* Lib. IV. Cap. 7. pag. 159.

Eodem anno Marchio noster Ruperto II. Electori Palatino concessit, ut novo Rheni alveo ad Lidsolshemium ducto, Gemersheimensis oppidi ruinam praeverteret. (x)

## §. X.

Bellum  
Argenti-  
nense.

A. 1392. (y) Bernhardus novo cum Argentinensibus bello implicitus est; cujus originem & fata paucis exponam. Bruno, Rapoltsteinensis Dynasta, cui civitatis jus concesserant Argentinenses, A. 1388. militem Anglum Johannem de Harleston, custodiæ mandaverat in Gemariæ Castro. (z) Rex Angliæ de liberando hoc milite literis aliquoties cum Argentinensibus egit. Bruno jure suo se usum cum pertinaciter contenderet, vimque ei inferre noluisse Argentinenses, res a Rege Angliæ ad Wenceslaum Imperatorem delata, qui civitatem indicta causa proscrispsit, sententia Burglitzii data A. 1390. Dinnissus e captivitate Harlestonius. Argentinenses de abolenda proscritione Pragam miserant legatos, qui ne in conspectum quidem Regis ad-

(x) Agri tum Lidsolshemensis pars, quam WILDICH appellant, trans Rhenum rejecta.

(y) Errant Auctor Anonym. Paraleipom. *Urspergens Chronico* additorum pag. 232. CASPAR HEDION *Chron.* pag. 598. alique plures, qui bellum hoc ad A. 1381. referunt.

(z) Causas hujus detentionis ex Archivo Rapoltsteinensi narrat WENCKE-  
RUS de *Usturgeris* pag. 179. qui & alia huc spectantia documenta ex Archivo Argent. producit.

missi, re infecta domum redierunt. Sed intercedentibus Argentinen-  
sium amicis, Lambertus Bambergensis Episcopus & Worzi-  
bojus de Swimar, Advocatus provincialis Alsatiae, a Rege no-  
minati, A. 1391. Moguntiae cum Argentinensibus transegerunt,  
ut solutis 4500. florenis, a proscriptione liberarentur. Verum  
enimvero Bernhardus Marchio Badensis, ut & Hachbergæ ac  
Sausenbergæ Marchiones, Fridericus Argentinensis Antistes, (a)  
Eberhardus Wirtembergæ Comes, Dux Geldriae, Dux Juliaci,  
Comites Kiburgi, Leiningæ, Lützelsteinii, Fürstenbergæ, Nassov-  
iæ, Salmæ, Blanckenbergæ, Sarwerdæ, Dynastæ Thierstei-  
nii, Bitenses, Lichtenbergenses, Geroldseckii, & Offenfarum pri-  
mus auctor Bruno Rapoltsteinensis, alique longo numero so-  
cii, (b) pacem impederunt.

## §. XI.

Argentinen-  
sium dominatus in Rheno, quem firmo pon-  
tis flumini imposito, (c) praefidiisque firmato, haud ita pridem

Ejus cau-  
fac.

Tom. II.

K 2

(a) Continuator KOENIGSHOVII apud SCHILTERUM pag. 757. auctor  
nobis est Episcopus Argent. ad centum membranas blancas (*Cartes  
blanches*) a Wenceslao impetrasse, sigillo Imperiali munitas, quibus ille  
principes multos ad bellum excitavit.

(b) Continuator KOENIGSHOVII l. c. pag. 756. & 758. CRUSTIUS *Annales  
Suevici*. Part. III. Lib. VI. p. 314. & *Chronica Mispta* Argent. Muegii &  
aliorum.

(c) Vid. infra in Rudolpho ad A. 1388.

stabiliverant, odia vicinorum adauxit; quibus periculofum videbatur, quod liberum Argentinatibus effet, finitimos trans Rhenum agros, quoties libuiffet, aggredi & infestare impune. De veftigali non loquor; nec de veteri querela, quod exteros fubditos in cives, quos Usburgeros & Pfalburgeros vocant, aliarum quoque Civitatum receperint more. Quin & ex Magnatibus plures oppignerationibus, ære alieno cenfibusque Civitati pridem fuerant obftricti; quæ debita bello fe extincturos fperaverant. Bernhardum fpeciatim stimulabat Sella, majoribus ejus ab Argentinenfibus adempta atque everfa; Marchionatus Badenfis, in nupero inter Civitates & Principes bello per Argentinenfes eorumque focios vaftatus. (d)

## §. XII.

Fata.

Principes ergo, junctis cum Advocato provinciali Alfatæ copiis, A. 1392. menfe Septembri inopinato Argentoraturn aggreffi funt bello; pofitisque cis & trans Rhenum castris omnem ejus agrum ferro & igne vaftarunt; velitationibus multis ad ipfa civitatis mœnia commiffis. Pontem novum Rheni ab utraque fluminis parte oppugnarunt fœderati. Dimiffæ verfus cum naves fulphure & pice ardenti refertæ, fed Argentinenfium induftria depulfæ. Aliæ prægrandes adverfus pontem actæ, pilas everfuræ, caruerunt quoque fucceffu.

---

(d) Literæ Bernhardi de A. 1392. infra pag. 77. not. h.



Inter hæc Argentinenſes frequentes ex urbe irruptiones fecerunt, multis hoſtium occiſis, vel in captivitatem abductis. Quin & ipſi in Epifcopi terras & Marchionatum Badenſem, bis facta incurſione, magna cum præda redierunt in urbem.

Eodem tempore Spanheimenſis Comes & Scultetus Oppenheimenſis cum Wormatienſium, Moguntinenſium & Spirenſium legatis Argentinam venerunt, de bello componendo tractaturi. Centum millia florenorum, inter Principes dividenda, ab Argentinenſibus petebantur. Judicem litium ſeſe obtulit Provincialis Advocatus Alſatiæ: ſed conditiones ab Argentinenſibus rejectæ. Advocatus cum parte copiarum in Bohemiam mox abiit, Marchio Badenſis cum Wirtembergico Comite aliisque foederatis, reverſi ſunt domum. Argentinenſes, miſſis Pragæ legatis, pacem a Wenceslao tandem obtinuerunt.

### §. XIII.

A. 1393. Pax Betteleriae concluſa. Argentinenſes, ſolutis 32000. florenis, in gratiam reducti. (e) Compensata ſunt damna durante bello illata; reſtituti captivi. Confirmatus Argentinenſibus Rheni pons & jura ponti annexa. (f)

#### K 3

(e) Inſtrumentum extat apud *Вѣнскеру де Уѣбургерс* pag. 191.

(f) Peculiare Diploma Wenceslai pro ponte Rhenenſi A. 1393. datum, exhibet.

ИДЕМ l. c. pag. 197.

Dies brevi post Hagenoam indictus est, quo reliqua componerentur gravamina. (g) Comparuit inter Principes Bernhardus, & bis mille florenis ab urbe acceptis, omni, quam ante bellum intenderat, liti renunciavit. (h)

(g) DANIEL SPECKLIN *Chron. Mpt. & HERZOG. Chron. Aljt.* Lib. IV. p. 104. Conventum hunc Hagenoensem locum habuisse tradunt. HEN-  
ZOGIUS loc. alleg. exhibet literas reversionales Principum & Civitatis,  
quibus sub pœna amittendæ actionis Hagenoæ se comparituros pro-  
mittunt.

(h) Instrumentum ea super re confectum die Lunæ post S. Crucem repertum  
in Archivo Argent. extat. In eo hæc leguntur: „ Wir Bernhart von  
„ Gots Gnaden Marggrafe zu Baden bekennen uns offenbar und tun  
„ kunt menglich mit diesem Briefe, um soliche Vordering und An-  
„ sprache, so Wir lange Zit an die Erbern Wisen den Meyster, den  
„ Räte, und an die Burgere gemeiniglich der Stat zu Strasburg ge-  
„ habt hant, von soliche Schaden und Übergriß wegen, so uns und  
„ den unsern u. auch unsern Dienern von In, In Burgern, helfern  
„ und dienern mit Dotschlegen, Brande, Nome und ander Verlust  
„ und Schaden geschach und geschehen ist, in unsrer Marggrafeschaft,  
„ in unser Pfantschaft zu Herrenberg und zu Hochberg zu den Ziten,  
„ da fürten und herm mit In und andern Steten Krieg hatten, der  
„ uns doch nit angien, - - - und ist darum ein solich ke-  
„ runge mit einer Summe gelts, mit Namen zweytnsend Guldin  
„ von In, als verre sie das eintrift, dafür worden u. bezahlt, damit  
„ uns gen In begnügt &c.

## § XIV.

A. 1394. Ordinis S. Wilhelmi Monachi in Valle S. Mariæ prope Hagenoviam a Bernhardo Marchione in tutelam recepti, perpetuam missam pro eo se dicturos promiserunt. Affa  
A. 1194.  
& seq.

Eodem anno Johannes Conzmannus, Nicolaus Conzmannus & Conzmannus de Staffurt fratres, scripto promiserunt, se majorum suorum exemplo, in perpetuo Marchionis ejusque posterorum perstituros servitio, nec corpora sua, nec bona, ab ipsis unquam alienaturos. In omnibus quoque munimentis & castris suis, quæ jam possideant & quæ acquisituri sint, jus aperturæ spoponderunt Marchionibus. Ex castris his nominantur Meyenfels & Staffurt.

A. 1395. (i) Bernhardus cum Conrado Moguntino Electore, Ruperto seniore Comite Palatino & Nicolao Spirenfi Episcopo, mutui auxilii fœdus adversus societatem Nobilium, quam vocabant *der Schlegel*, (k) publicæ paci exitiosam, Heidelbergæ inivit. (l). Fœderi huic eodem anno (m) Leopoldus Austriæ

(i) Die Dominica ante Festum Pentecostes.

(k) De societate hac vid. WENCKER de *Ußburg*. pag. 98. sqq. & in *Apparatu Archiv*. pag. 349. sqq.

(l) GUDENUS Cod. Diplom. Mog. Tom. III. pag. 6. unde Ruperti Comites Palatini in fœdere, eodem anno cum Civitate Spirenfi in triennium inito, Marchionem Badensem nominatim exceperunt. LEHMANN Lib. VII. Cap. 69. pag. 768.

(m) Die Saturni autè Festum S. Thomæ.

BERNH. I.

Dux, Eberhardus Wirtenbergæ Comes, pluresque Sueviæ Civitates, Pforzheimii (n) accesserunt. Anno sequenti nova illa Nobilium Societas periiit. (o)

## §. XV.

Ordinatio monasterii Alberti seminarum.

A. 1396. 15. Jul. Bernhardus cum Marquardo Albæ Dominorum & Alberto Gotfaviensi Abbatibus, in monasterium Albæ seminarum se contulit ibique compositis, quæ dudum inter Abbatissam & Conventum agitabantur, controversiis, novas monasterio leges præscripsit, quas mutandi, minuendi, augendive potestatem sibi diserte servavit. (p)

Pacta Moguntina.

Eodem anno feria sexta post Martini Bernhardus noster Moguntiae Godefrido Liningensi Comiti, quem Capitulum Moguntinum in Conradi, Archiepiscopi defuncti, locum elegerat, decem millia florenorum intra proximum quadrimestre spatium nutuo se daturum promissit. Summa hæc, tuendæ in Romana Curia electioni destinata, ex Gernsheimenfî telonio restituenda Bern-

(n) WENCKER *de Ußburgeris* pag. 103.

(o) LEHMANN *in Chron. Spir.* l. c.

(p) Ordinationem hanc vide in scripto: *Supplication pro mandato poenali &c. in Sachen Frauen Marggräfin zu Baden Baden, als Vormünderin, contra Frauen Mariam Gertrudem von Icktersheim Äbtissin, so dann Priorin und Convent des Jungfrauen Closters Frauenallé* pag. 97.

Bernhardo. (q) At Bonifacius Pontifex Johannem Nassoviæ Comitem Archiepiscopum nominavit (r) reprobato Godefrido: unde pacta caruerunt effectu.

## §. XVI.

A. 1397. feria 3. ante Dominicam Palmarum, Bernhardus ob damnum, ex Hohenbergensi Comitatu, ab officialibus Austriacis illatum, cum Leopoldo Austriæ Duce, Enfishemii convenit, ut rei amice componendæ duo ab utraque parte nominarentur consiliarii, quibus inter se dissidentibus, vel Hugo Montfortii Comes, vel Johannes Lupensis, vel Fridericus de Fledenitz, superarbiter adderetur. (s)

Lites  
cum Leo-  
poldo  
Austriæ  
Duce

Iisdem temporibus Bernhardus graves cum Spirensibus dissensiones alebat, quod plures ejus homines proprios, Pforzhemii atque Etlingæ habitantes, A. 1394. cives receperant, damnaque in bello inter Principes atque Civitates Marchioni illata, refarcire noluisse. Res multis utrimque turbis præbuit occasionem, donec A. 1397. Rupertus senior, Elector Palatinus, suam auctoritatem interponeret.

cum Spi-  
rensis.

Hic inspectis Bernhardi & Spirensium privilegiis ab Imperatore & Imperio acceptis, cum ea sibi invicem viderentur contra-

Tom. II.

L

(q) GUDENI *Cod. Dipl. Mog.* Tom. III. pag. 634. SERARI *res Mogunt.*

(r) GUDENUS pag. 623.

(s) HERRGOTT *Genealog. Diplom. Gentis Austr.* Tom. III. pag. 776.

BERNH. I.

riari, Cæsaris cognitioni litem reservavit. Idem quoque egit Rupertus junior Elector, senioris filius, qui sententia A. 1398. Bruchsalzæ data, declaravit, Bernhardum coram nullo alio, quam Cæsaris, Francofurtum, Heidelbergam vel alio ad Rhenum venientis, tribunali, a Spirensibus conveniri debere. His autem Wenceslaus Francofurti privilegium, de hominibus quibuscunque in gremium civitatis suæ recipiendis, eodem anno confirmavit, ita tamen, ut intra annale tempus homines proprios vindicandi Dominis salva esset potestas. (t)

## §. XVII.

Paſta  
cum  
Eberſtei-  
nenſibus.

A. 1399. die Lunæ poſt Dominicam Lætare, Bernhardus cum Comitibus Eberſteinenſibus, Bernhardo & Wilhelmo fratribus, conventionem de dividendis, quæ in monaſteria Reichenbach & Albam Dominorum utriſque competeabant juribus, inivit. (u)

Die inſequenti de modo adminiſtrandæ Advocatiæ monaſterii Albæ Feminarum cum iisdem Comitibus tranſegit. (x) Margaretha Abbatiffa, Eberſteinenſium amita, cum monialium conventu, Marchionem & Comites eorumque ſucceſſores, acceptis

(t) LEMMANN. in *Chron. Spirensi* Lib. VII. Cap. 71. pag. 769. & WENCKER de *Pfalburgeris* pag. 42.

(u) Conventio hæc indicatur in ſcripto Bada-Badenſium contra Abbatiffam & Conventum Albæ ſœminarum, ſupra ad A. 1396. allegato, pag. 118.

(x) Tranſactio hæc legitur ibidem pag. 103.

nonnullis privilegiis, perpetuos Advocatos agnovit; publice professâ, sine eorum consensu, neque præbendas augere, neque res & jura monasterii oppignerare aut vendere, neque ære alieno illud onerare se posse. Ad rationes etiam Marchioni & Comitibus quotannis reddendas, prioribus Advocatæ literis abolitis, sese obstrinxit. (y)

Eodem anno die Jacobi Bernhardus cum Comitibus Ebersteinii, de litibus ratione banni ferini per Comitatum, amice convenit. (z)

### §. XVIII.

A. 1401. Bernhardus ad Rupertum Palatinum, Wenceslai Regis nuper depositi, successorem Moguntiae hærentem, misit legatos, qui de investitura cum eo agerent. Rupertus diem Marchioni constituit; quo Heidelbergæ eum se investiturum promisit. Cæremonia die Martis post D. Jacobi solenni more peracta est. (a) At litterarum, a Wenceslao datarum, confirmationem constanter denegavit Rupertus; easque peculiari diplomate, eodem

Investitura Ruperti I. Imper.

Tom. II.

L 2

(y) Litteræ hæc reverales Abbatissæ & Conventus Albæ Feminarum extant in citato scripto pag. 104.

(z) Vid. Script. allegat. pag. 330.

(a) Litteras investituræ, ex Tabulario Palatino depromtas, Codici Diplomatico inferuimus.

BERNH.

anno & die dato, irritas declaravit. (b) Perpetuarum cum Ruperto Imperatore litium Marchionis origo.

## §. XIX.

Fœdus  
cum Au-  
relianen-  
sium Du-  
ce.

Eodem certe anno Italicam expeditionem quo suscepit Rupertus, Galeacium Mediolanensi ut ejiceret Ducatu; Bernhardus non modo non abrogavit vectigalia, quæ Wenceslaus liberalitate ad Rhenum acceperat, sed & cum Ludovico Aurelianensium Duce, Caroli VI. Galliarum Regis fratre, qui A. 1389. Valentiam, Johannis Galeacii filiam, in matrimonium duxerat, contra Rupertum inivit consilia.

Ludovicus Wenceslaus, deposito Cæsari, at hereditario Bohemiarum Regi, amicitia junctus, (c) Germanico folio eum restituere voluisset, si fuisset potentior. Jodocus, Moraviarum Marchio, cum indigeret pecunia, Luxemburgicum Ducatum, consentiente Wenceslao, iisdem conditionibus, quibus a Wenceslao fratre eum acceperat, Ludovico Duci concessit. (d) Ludovicus mense Septembri ejusdem anni Luxemburgum contendens, obvium habuit Bernhardum Marchionem, qui eum una cum Lo-

(b) Chartam hanc ex Tabulario Palatino exhibemus. Add. Diarium Mscpt. ad vitam Ruperti Regis Rom.

(c) WINDBECK *Hystor. Sigismundi Imp.* Cap. 13. apud MACKEN Tomo I. scriptor.

(d) BERTHOLET *Histoire du Duché de Luxembourg* Tom. VII. pag. 160. &c



tharingia Duce, aliisque principibus Luxemburgum conitatus est. (e)

Ludovicus cum Bernhardo foedus contra Rupertum ini-  
vit; Bernhardo privilegia, a Wenceslao collata, retinere, Ludo-  
vico, Mediolanensem Ducatum Johanni Galeacio, focero suo, con-  
servare cupientibus. Conventum, ut Ludovicus copias adduce-  
ret Marchioni, quibus Rupertum Palatinum, tum Imperatorem  
aggrederentur. (f) Ludovicus annuam bis mille aureorum (g)  
pensionem Marchioni ad dies vitae promisit. (h) Errant, qui  
Marchionem Ludovici vasallum fuisse scribunt. (i) Prodigus  
Princeps, Carolo VI. Galliae Rege mente capto, perpetuis cum Bur-  
gundiae Duce turbis ob regimen implicitus, Germanicis rebus se  
haud diu immiscuit.

## L 3

190. SAN MARTINI fratres *hist. genealog. de la Maison de France*  
Tom. I. pag. 574. & Auctor Anonymus histor. Caroli VI. pag. 452. Ludo-  
vici Gubernatorem Ducatus Luxemb. se vocat in Chartis apud BER-  
THOLETUM. Add. BROWERUS *Annal. Trevir.* Tom. II. pag. 251.

(e) REMBOLDUS SLECHT, Canonicus Argent. D. Petri Jun. in *Chron.*  
*Mscpt.* ad A. 1402. Chronicon hoc dabimus inter Scriptores Rerum Alsac-  
ticar. Add. Auctor histor. Caroli VI. loc. alleg.

(f) REMBOLDUS SLECHT loc. alleg.

(g) Pistolet.

(h) Tabular. Bada-Badense.

• (i) WENCKER, in *Apparatu Archiv.* pag. 294. & in *Collectan. Archiv.* pag. 405.

## §. XX.

Bellum  
cum Ru-  
perto  
Imp.

Cæsar, post infelicem Italicam expeditionem in Germaniam redux, repetitis mandatis Marchioni injunxit, ut a societate cum Aurelianensium Duce discederet, atque vectigalia abrogaret ad Rhenum Bernhardus, datis ad Rupertum literis, de singulari in eum studio multa præfatus, adversus Imperatorem vel Imperium se nihil machinatum, Aurelianensium Duci vero fidem, salvo semper & excepto Germaniæ Rege, se obstrinxisse ostendit, eaque de re ad Electorum Principumque provocavit judicium. De cetero Cæsarem ad amicum Bruchsalis Martio mense invitavit colloquium. Missi ab utraque parte conciliatores; qui cum re infecta discessissent, Rupertus vicinos Principes adversus Marchionem concitavit in bellum.

Ipse irruptione in inferiorem Marchionatum facta, Mühlbergam obsidione cinxit. Advocatus autem Imperii per Alsatiam, adjunctis sibi Argentinensi Episcopo & Lichtenbergæ Dynasta, superiorem Marchionatum aggressus est. Wirtembergæ Comes terras sibi propiores bello vastavit. Basilienses cum Civitatibus Imperii Alsaticis (k) & Rapoltsteinensi Dynasta, Ge-

(k) Literas Argentinensium hac super re ad civitatem Metensem exhibet WENCKERUS in *Collectaneis Archiv.* pag. 405. add. *Trithem. Chron. Hirsaug.* ad A. 1402.

mariam in potestatem suam redegerunt. Staffordia quoque, Muckensturm, aliaque castra a foederatis occupata. Monasterium Albæ Dominorum in bello hoc flammis deletum. Rupertus mense Majo A. 1403. Abbati & Conventui Albæ Dominorum injunxit, ut muris, turribus & fossa monasterium cingerent. (1)

## §. XXI.

Paulo ante Bernhardus, Friderici Colonienfis Archiepiscopi, Friderici Episcopi Ultrajectini & Simonis Spanheimensis Comititis opera, cum Cæsare redierat in gratiam, resque Wormatiæ (m) fuerat transacta: Cæsar omnia Bernhardi jura atque privilegia novo firmaret diplomate, ejusque filiabus jus succedendi defectu filiorum tribueret: (n) Staffordiæ castrum Cæsar redderet Marchioni, qui damno Cæsari id non futurum suis caverat literis: (o) dimidia Gemariæ pars ad Marchionem rediret, isque pacem Castrensem cum Maximino, Rapoltsteinensi Dynasta, jureret: de vestigialibus ad Rhenum; de Monasterio Albæ Feminarum, ex sententia trium Rhenensium Electorum Cæsar statueret: possessio vestigialium interea conservaretur Marchioni.

---

(1) BESOLDUS monument. Wirtemb. pag. 171.

(m) Die Saturni post Walpurgis. Sententiam hanc arbitralem ex Tabulario Palatino exhibemus.

(n) Duo hæc diplomata eodem die Marchioni tradita fuerunt.

(o) Literæ hæc, uti & priora diplomata in Electorali Tabulario Palatino servantur.

BERNH.

Vix transactio hæc fuerat inita, quum novæ Cæsarem inter & Marchionem lites orirentur, super quas D. Martini festo compromissum in arbitros, quibus Castrensis quoque Gemariæ Pacis, inter Marchionem & Rapoltsteinensem Dynastam tractandæ, delata est cura. Reinhardo Sickingenfi, Advocato provinciali Alsatiae, commissæ Gemariæ divisio; at reluendi jus Dynastæ Rapoltsteinensi servatum. (p) Ita inter Cæsarem & Marchionem restituta concordia, brevi duratura.

Privile-  
gium fo-  
ri.

Cæsar A. 1404. privilegium fori vasallis & subditis Bernhardi Marchionis concessit, ne ad alia, quam ejus judicia, excepto denegatæ justitiæ casu, traherentur. (q)

Eodem anno Bernhardum inter & Goldelinum quendam exortæ sunt lites, quibus componendis Imperator Fridericum Schenckium, Limburgensem Dynastam, arbitrum nominavit. Bernhardus literas, a Goldelino productas, falsitatis arguit. Limburgensis, rei difficultatem sentiens, eam ad Imperatoris cognitionem remisit; qui sententia hoc anno die Martis post festum Pentecostes data, literas illas suspectas, adversus Marchionem nunquam allegandas, rejecit. (r)

## §. XXII.

(p) Transactio in Electorali Tabulario Palatino extat.

(q) Charta hæc in eodem Tabulario servatur.

(r) WENCKER. *Collect. Archivii* pag. 157.

## §. XXII.

Insequenti tempore Bernhardus in novas cum Ruperto Imperatore incidit lites, concitante Moguntino Electore, multis ex causis Imperatori infenso. Occasio hinc nata foederi, quod Johannes Moguntinus, Bernhardus Marchio, Eberhardus Wirtembergæ Comes, cum Civitate Argentinensi & plerisque Sueviæ Civitatibus in quinquennium iniverunt Marbaci, die S. Crucis A. 1405. (s)

Fœdus  
Marba-  
cenſe  
contra  
Rupertum Imp.

Fœderi Moguntia, Spira, Wormatia (t) aliaque Civitates acceſſerunt & focii. Exceptus quidem in fœdere Rupertus Imperator, ſed addita conditione, ut fœderatorum jura conſervaret, neque in terris hominibus aut bonis ullo modo eis damnum inferret. Quodſi violaretur conditio, adverſus Regem ceterosque omnes, fœdere non comprehenſos, opem ſibi invicem focii & auxilium promiſerunt. Bernhardus ſex haſtiferos ſe miſſurum promiſit; ſed Ludovicum, Johannem, Stephanum & Ottonem, Palatinos Comites, ſpeciatiim excepit. Ipſe cum Moguntino Electore & Wirtembergico Comite, literis Marbaci datis, de fœdere ejusque conditionibus Cæſarem reddidit certiorum. (u)

Tom. II.

M

(s) Tabulas fœderis exhibet LEHMANNUS Lib. VII. Cap. 75. pag. 780.

(t) IDEM I. cit. & Archiv. Argent.

(u) WENCKER. in *Apparat. Archiv.* pag. 336.

## §. XXIII.

Cæſaris  
de eo diſ-  
ſolvendo  
confilia.

Rupertus timens, ne ſœderati ad Regis depoſiti partes reverterentur, diſſolvendo, quod ſine ipſius conſenſu initum, ſœderi, Moguntiam in diem undecim mille virginum A. 1405. conventum indixit; (x) ad quem ſpeciatiim Moguntinum Electorem & cum Bernhardo Marchione Wirtenbergicum Comitem, ceterosque ſœderis ſocios, evocavit. Per nuncios modo comparuerunt ſœderati. Rupertus ergo conſilio cum proceribus, qui convenerant, habito, ad alium diem ſœderatos Moguntiam in feſtum Epiphaniæ A. 1446. convocavit, ubi ipſos coram adeſſe juſſit, ut de negotiis Imperii cum illis conferret, eorumque gravamina dilueret. Imperatori a ſœderatis nunciatum, nihil ſe habere, quod in Comitii de Rege querantur. Particulares, quæ ſingulis cum eo intercederent, controverſias, non in conventibus publicis, ſed in privatis tractandas. Marbacenſe autem ſœdus, neque Imperatori neque Imperio adverſum; ſed publicæ tranquillitati ſervandæ a Principibus & Civitatibus initum, fruſtra impugnari. Imperator tamen Principes in Comitii præſentes eſſe volebat; certos eos eſſe jubens, omnia in illis amice tractanda. Principes denique ad proximum conventum, Moguntia habendum, venturos ſe polliciti ſunt.

(x) Conf. *Anbringen Kayſer Ruprechts Abgeſandten bey den Reichſtadten von wegen des Marbachſchen Bunds* apud WENCKER. loc. cit. pag. 276. ſeq.

## §. XXIV.

Constituto die, præter Marbacenses socios, (y) frequentes aderant Principes & Civitatum legati. Imperator inter alia de Moguntino, de Marchione Badensi & Wirtembergico Comite, multum conquestus est, quod in literis, ad eum datis, violatorum jurium privilegiorumque eum inculassent. Petit, ut exponerentur gravamina, paratum se publice ad ea respondere, ut omnes, injuriam sibi fieri, intelligant. Fœdus autem, inter Civitates & Principes, ut aboleretur, pertendit. Fœderati, non discessuri a fœdere, neque de litibus cum Imperatore in Comitibus disputaturi, in sententia persisterunt. Denique Moguntinus Præful & Marchio Bernhardus, longam seriem gravaminum adversus Regem exhibuerunt, ad quæ ille in pleno ordinum confesso respondit, & sua quoque contra Moguntinum & Badensem gravamina protulit, (z) voluitque, ut omnia in proximis Comitibus

Conventus Moguntinus, inter Cæsarem & fœderatos.

Tom. II.

M 2

- (y) Archiepiscopus Moguntinus, Marchio Badensis, Wirtembergiæ Comes, & fœderatarum quarundam Civitatum legati ad conventum hunc cum octingentis equis venerunt. vid. REMOLDUS SLECHT ad A. 1406.
- (z) Mutuæ hæc inter Cæsarem & Bernhardum querelæ de Rheni vestigalibus, de monasteriis Herrenalb, Frauenalb, Herde, Bure, Marienthale, eorumque juribus, de hominibus propriis, aliisque minoris momenti negotiis, indicantur in Compromisso Cæsaris & Marchionis in Fridericum Colon. Archiepisc. quod ex Tabulario Palatino exhibemus ad A. 1407.

Principum componerentur arbitrio. (a) Repudiata a fœderatis conditio, quibus Cæsaris suspecta fuit in Comitibus auctoritas; unde Principes discesserunt Moguntia. Quin & alii duo Conventus, Spiræ & Andernaci eodem anno habiti, caruerunt effectu. (b)

Mutua hæc Cæsarem inter & Principes odia non impediverunt, quo minus Bernhardo Marchioni, literis datis, permetteret, ut Annæ Oettingensi, conjugii suæ, in terris Marchicis dotalitium constitueret. (c)

## §. XXV.

Cæsaris  
cum Mar-  
chione  
trans-  
actio.

**D**ubiis his rebus Cæsar fœderatas tentaturus Civitates, A. 1407. Ulmam misit legatos, qui eas a Principum abducerent fœdere, & in suas pertraherent partes. Nihilominus in dies aucta fuit Principum & Civitatum consœderatio. Lites tamen Bernhardi nostri cum Cæsare A. 1407. Friderici Colonienfis arbitrio terminate sunt, ac in fœdus cum Ruperto conversæ. Inter alia statutum, Albæ Dominorum monasterii bona & jura ut relinquerentur intacta. (d) Confirmatæ quoque tum literæ debiti mille mar-

(a) WENCKERUS pag. 285. Catalogum Principum exhibet, quibus causæ injus cognitio ab Imperatore committebatur.

(b) REMBOLDUS SLECHT ad A. 1406.

(c) Extat Diploma in Tabulario Palatino.

(d) Conf. literæ Ruperti Imp. ad Abbatem & Conventum monasterii Albæ Dominorum A. 1408. die S. Petri ad Cathedram datæ apud BESOLDUM Monum. Wirtemb. pag. 171.



carum argenti, a Carolo IV. Imperatore, propter præstita officia & damna perpeffa, Rudolpho quondam Marchioni in Selzenſe veſtigal conceſſæ. Addita conditio, ne vivo Ruperto exigeretur pecunia. (e)

Nemo ergo mirabitur, Cæſarem in ſœdere, quod ipſe & Ludovicus, Comes Palatinus, cum Argentinenſibus aliſque Civitatibus Alſaticis A. 1408. contra hoſtes pepigerant, excepiſſe Bernhardum; (f) qui cum Ruperti filiis quoque vixit amice. Otto, Palatinus Comes, in paſſione cum Eſlingenſibus A. 1418. inita, Bernhardum excepit, (g) quod ſimili in caſu ante decennium quoque fecerat Rupertus.

## §. XXVI.

In Marbacenſi ſœdere tamen Marchio perſtitit. Ille enim cum Johanne Moguntino, Eberhardo Wirtembergico, & Civitatibus fociiſ, ob damna quædam illata, Friderico, Auſtriæ Duci, bellum indixit; (h) quo durante, pleraque Marchionatus Burgoſenſis Caſtra occupavit Bernhardus. Nec ſilentio traufeuſundum,

M 3

(e) Literæ hac ſuper re conſectæ in Tabulario Eleſt. Palatino ſervantur.

(f) WENCKER. *Continuat. de Uſſhurgeris* pag. 17.

(g) DATT *de pace publica* Lib. I. Cap. 12. pag. 86.

(h) HERZOG. *Chron. Alſat.* Lib. VIII. Cap. 28. pag. 135.

BERNH.

quod intuitu Hohenbergensis Austriacæ ditionis, cum Ruperto Imperatore tum iniverit inducias. (i)

Res denique A. 1410. Wirtembergici Comitis & Nobilium Sancti Georgii societatis interventu composita est, ut Bernhardus, acceptis pro sumptibus belli 18000. florenis, loca occupata, una cum captivis, restitueret Austrio; qui Civitatibus magnam pecuniæ summam pro illatis damnis promisit; quam cum non habuisset paratam, Hohenbergæ Dynastiam Civitatibus oppigneravit, quæ ab Alberto, Austriæ Duce, A. 1451. Austriacis denuo terris adjecta. (k)

Iter  
Marchio-  
nis Lute-  
tiam Pa-  
risiorum.

Inter hæc Amedeus, Saræpontis Comes, Commercii Dominus, in bello contra Comitem Sarwerdæ, A. 1409. multos inter Nobiles, Ludemannum quoque, Lichtenbergæ Dynastiam, Bernhardi nostri generum, captivum abduxit. Libertati hunc ut restitueret focer, cum Ludovico Palatino & Episcopo Argentinenfi Metas primum, inde Lutetiam Parisiorum profectus est, inter-

(i) Charta Heilbrunnæ feria 6. ante Dominicam Palmar. data, in Tabulario Palatino servatur. Elisabetha Ruperti Imp. filia, Friderico Austriaco fuerat nupta. Rupertus filix defunctæ heres, jus habebat in Dynastiam Hohenberg, ratione donationis propter nuptias & sponsalitiæ largitatis; quæ filix debebatur.

(k) FUGGER *Oesterreichischer Ehrenspiegel* Lib. IV. Cap. 3. pag. 411. & Lib. V. Cap. 10. p. 617. & BURGEMEISTER *Thesaurus Juris Equestris* Tom. I. pag. 516. ubi tamen nonnisi 7074. flor. Marchioni obtigisse perscribit.

veniente Carolo VI. Rege, ut liberarentur captivi. Res denique Cardinalis Barrensis interventu composita. Captivi, ingenti lytro soluto, liberati. (1)

## §. XXVII.

Cæfare Ruperto, inter turbas has mortuo, (m) Marba-  
cense concidit fœdus. (n) Successorem Ruperto Electores qui-  
dam substituere Jodocum; quo paucos quoque post menses mor-  
tuo, novam electionem A. 1411. Francofurti Archi-Princi-  
pes susceperunt.

Electio  
Sigis-  
mundi  
imp.

Bernhardus noster cum Ernesto, Comite Palatino Rheni  
Duceque Bavariae, & Johanne, Norimb. Burggravio, Wenceslai,  
Bohemiae Regis, vices peregit, (o) atque cum ceteris Electoribus

(1) REMBOLDUS SLECHT in *Chron.* ad A. 1409. & CALMET *Notice de la Lorraine* Tom. I. Art. Commerce pag. 238.

(m) A. 1410.

(n) WENCKERUS pag. 289.

(o) Conf. Literæ Wenceslai ad Johannem Moguntinum & Fridericum Colo-  
nensem Archiepiscopum, die Saturni ante festum Trinitatis, A. 1411. scrip-  
tæ apud GUDERUM *Cod. Diplom. Mog.* Tom. IV. pag. 85. ex quibus  
apparet, Wenceslaum Regem Præsulum horum literis inductum sibi per-  
suasisse, fore, ut in nova electione, ipsius iterum ratio habeatur. Scri-  
bit enim: „Eure Briefve und Bottschaft . . . . han Wir wol  
„ verstanden, und die williclichen usgenommen, und auch us den  
„ nit anders erkennt, dann dafs Ir unser Erhebunge und Wirdigung  
„ des Heil. Röm. Reichs meinert und wollet.“

BERNH. I.

Sigismundi electionem Statibus Imperii & speciatim Argentinensibus die 21. Julii significavit. (p)

Eodem anno Hornekio ab Hornberg & fociis arma intulit Bernhardus. Argentinenses debita ei ex fœdere cum negassent auxilia, civium quorundam illius urbis bona, jure naufragii, a quo Argentinenses Cæsarium privilegio immunes sunt, Beinhemii occupavit, aliaque illis intulit damna. Rudolphus Hachberga Saufenbergicus Marchio partium consensu electus est arbiter, qui ex æquo & bono litem decedit. (q)

## §. XXVIII.

Bellum  
Lothar.

A. 1412. Barrensis Dux Caroli Lotharingæ Ducis, vicini sui, terras invasit. Bernhardus, pro Lotharingo stans, consilio suo impedivit & manu, in pugna ne fugerent Lotharingi. Et tamen de Germanorum virtute contemptim locuti sunt Barrenses. Bernhardus ad eos misit facialem, qui ad singulare eos invitaret certamen, addita conditione, ut Dominus contra Dominum, servus

---

(p) WENCKER. *Apparat. Archiv.* pag. 307.

(q) Instrumentum, quo Rudolphi arbitrio hæc controversia delata est die Veneris post festum nativitatis Mariæ A. 1411. datum, in Tabulario Argent. servatur.

servus contra servum, & calo contra calonem pugnaret. Diffidatio facta est; pugna tamen non habuit locum. (r)

A. 1414. Bernhardus una cum Bavariae & Lotharingae Ducibus & Marchione Rætelenfi aliisque Principibus, Sigismundum Imperatorem Argentinam secutus est. (s) Idem anni infrequentis initio, cum Johanne Moguntino & quingentis equis, Concilii vivendi gratia, Constantiam accessit. (t) Ibi Johannes XXIII. Pontifex, fugam meditatus, Bernhardum sibi devincturus Marchionem, diplomate IV. Kal. Febr. dato, summam sexdecim millium florenorum auri de camera, ex proventibus Apostolicis, per Moguntinam, Trevirensensem & Coloniensem dioceses, praemii loco ei assignavit, *quod nubiloso schismatis tempore magna propriae personae suae pericula & rerum dispendia, nec non expensarum onera, pro Pontifice & Romana Ecclesia diversimode spontanea subiecit.* (u) Pontifex denique, mense Martio, a Fri-

Concil.  
Constant.

Tom. II.

# N

(r) In hoc bello Bernhardus Blesensem illum cepit Dynastam, (Seigneur de Blois) de quo redimendo Henricum, Angliae Regem, cum Marchione nostro tractasse scribit RAPIN THOYRAS *Histoire d'Angleterre* Tom. III. Liv. XI. pag. 506.

(s) KOENIGSHOV. Cap. 3. §. 236.

(t) REMBOLD SLECHT *Msspt.* ad A. 1415. HERZOG. *Chron. Alsat.* Lib. V. pag. 281. HERMANN. VON DER HARDT *Acta Conc. Const.* Tom. V. Part. VII. pag. 33.

(u) Diploma exhibet HARDTIUS loco citato Tom. II. Part. IX.

BERNH. J.

derico Austriae Duce, adjutus, cum fugisset Constantia, Sigismundus Imperator in Concilio Fridericum A. 1415. mense Aprili proscriptis, atque vicinos ejus, speciatim Helvetios, terras ejus ut invaderent, invitavit. (x)

## §. XXIX.

Præfectura  
Civitatum  
Brisingo-  
vizæ.

Tum vero Brisacum, Friburgum, Neuenburgum, Endingen, Kentzinga, Austriae Civitates Brisingoviae, cum adjacentibus vicis & terris, in potestatem Imperatoris venerunt. Hic Praefecturam earum detulit Marchioni Bernhardo, qui ipse in Brisingovia potens terrarum, ultra decennium eam fortiter & prudenter administravit. (y)

Auftrius quidem intercessione praefertim Ludovici, Bavariae Ducis, & Friderici, Burggravii Noribergae, eodem A. 1415. fuit reconciliatus cum Caesare, in cujus manus terras suas resignaverat omnes. At A. 1416. iterum Constantia profugus, a Sigismundo iterum proscriptus est; nonnisi A. 1418. denuo reci-

---

pag. 148. sed nomen Marchionis male scribens, Bernhardi loco, nomen posuit Burchardi.

(x) Literæ Sigismundi, mense Maio A. 1415. datæ, extant apud HARTMUM Tom. IV. Part. I. pag. 162. & in *Oesterreichischer Beantwortung der dem Chur-Hausß Bayern zustehenden Erbfolg zweiten Absatz* §. 9. pag. 67.

(y) ALSAT. ILLUSTR. Tom. II. pag. 597.

piendus in gratiam, Martino V. Papa promovente. (z) Sigismundus enim d. 4. Jun. A. 1418. (a) Bernhardo mandaverat, Brisgovicas Civitates jurejurando, quod Cæsari & Imperio præstiterant, ut liberaret, ac præscriptis conditionibus restitueret Friderico; simul tamen ei injunctum, ne Civitatibus, ad Friderici obsequium redire recusantibus, vim ullam inferret; quoniam pacis formula cautum, ut Civitatibus liberum esset, in Cæsaris & Imperii fide manere. Causa hæc, ob quam in Cæsarea Præfectura Brisgovicæ, ad initium A. 1426. usque perstitit Bernhardus. (b) Finitis fa-

Tom. II.

N 2

(z) Diploma<sup>12</sup>. Maji A. 1418. datum exhibet Tschudius *Cliron. Helvet.* Part. II. Lib. IX. pag. 97. HARTIUS Tom. IV. pag. 1581.

(a) Literæ hæc extant in *Oesterreichischer Beantwortung* &c. loc. alleg.

(b) Sigismundus in literis ad Bernhardum nostrum, A. 1422. datis, apud WENCKER. *Continuat. de Ußburgeris* pag. 68. de Civitatibus Brisgovicæ, tanquam liberis Imperii Civitatibus loquitur, earumque Præfectum appellat eundem. In harum Civitatum cum Alsaticis & cum Ludovico Palatino pactione A. 1423. hæc leguntur: „ So nement wir die obge-  
 „ nannte Stette in Brisgowe in sunders ufs unfre gnedige herrschaft  
 „ von Oesterrieh mit sollichen fürworten und Gedinge, ob wir alle,  
 „ oder unser Stette deheine wieder zu derselben unser gnedigen herr-  
 „ schaft von Oesterrieh handen komment, und Inen gehuldeut und ge-  
 „ schwerent, alsdann sollent sie usfgenommen sin, so verr unser jegli-  
 „ che statt unter uns das berüret und anders nit. Wir nement auch

ne hoc anno, Sigismundum inter & Fridericum difficultatibus, Bernhardus, novo Cæsaris mandato Januarii mensis, (c) a jurejurando, quo Imperio fuerant obstrictæ, Civitates absolvit, atque ad Friderici Austriaci imperium eas jussit reverti; qui per Eberhardum Kirchbergium & Guilielmum Montfortium eas paulo post in fidem recepit. (d)

## §. XXX.

Acquisi-  
tio Mar-  
chionatus Hach-  
berg.

Inter hæc Bernhardus A. 1415. die Sancti Jacobi Hachbergam & Hohingam, Usenbergicum Castrum (e) prope Brisacum, ab Ottone III. Hachberga-Hachbergenfium Marchionum postremo, pro 80. mille Rheni florenis emit. (f) Pro simili summa a Sigismundo, Austriæ Duce, Alfatiæ & Brisgoviam Austriacam A. 1469. reuisionis pacto cœmit Carolus Burgundiæ Dux; cujus nomine Rudolphus Saufenberga-Rœtelanus

---

„ ufs unser herrn den landvogt, so verr das das Riche antreffend ist  
„ ane Geverde. vid. infra ad A. 1423.

(c) Sigismundi & Bernhardi literas vide in *Oesterreich. Beantwort.* pag. 68.

(d) *Roos Historia Austr.* pag. 165. & *Fugger Oesterreichischer Ehrenspiegel* Lib. IV. Cap. 7. pag. 445.

(e) *Unsere Herrschafft ganz zu Hochberg und zu Hohingen.* Castrum Usenbergæ destructo, Dynastia Usenbergica appellari cœpit Dynastia Hohingæ, quod Castrum hoc Dynastiæ caput evasit.

(f) Præter hanc summam solutam, solvit etiam Bernhardus debita Ottonis.



Marchio, terras has in fidem recepit. (g) Rudolphus hic Marchionatus Hachbergici emtionem recusaverat; consentiens, ut ab Ottone eum Bernhardus acquireret. (h) Quinquennio post Agatha, Hessonis Dynastæ in Usenberg filia, monasterii S. Margarethæ prope Waldkirch monialis, juri suo in Usenbergicam & Hœhingenfem Dynastias, annua 30. florenorum pensione accepta, renunciavit. (i)

## §. XXXI.

A. 1416. Bernhardus cum Archiepiscopo Moguntino venit Argentoratum, Episcopum inter & Civitatem Argentinensem compositurus litem, quæ jam eo de venerat, ut hujus urbis Senatus, communicatis cum Capitulo consiliis, Wilhelmum Episcopum, Molshemii captum, in sua urbe custodiret; quod Ecclesiæ suæ bona dissiparet; speciatim, quod Præfecturam Ortenaviæ Episcopatu Argentinensi oppigneratam, Ruperto Palatino Electori vendiderat, quodque Tabernas Alfaticas Lotharingæ Duci venditurus credebatur. Marchio cum Præfule, re infecta discessit. (k)

Lites Argentinensium cum Episcopo.

N 3

(g) URSTISI Chron. Bafil. Lib. VI. Cap. 4. pag. 433.

(h) Primus inter testes signavit Rudolphus Marchio Saufenbergæ.

(i) Vid. Documenta.

(k) Chron. Mssum SEBASTIANI MUEGII pag. 85. & Paralipomena Ursperg. pag. 283. add. WENCKER. de Usiburgensis pag. 223. sqq.

Ad Concilium Constantiense denique res fuit delata. (1) Argentinenses, a Patribus interdicto subiecti, Sigismundo Imperatori magno ære soluto, initaque cum Episcopo transactione amica, in Concilii gratiam redierunt.

## §. XXXII.

Aſta cum  
Sigis-  
mundo  
Imp.

Imperatorem A. 1417. Constantiæ invisit Bernhardus, ibique erectionis Cliviæ in Ducatum Diploma inter Principes signavit. (m)

Anno sequenti cum eodem Bernhardo Sigismundus de annua 2000. florenorum, & quotidiana, si extra terras suas pro Imperatore ageret, pensione convenit. Eodem anno Martinus V. Sigismundo permisit, ut ex Ecclesiis Imperii Germanici colligeret decimas. Bernhardus pro Imperatore eas in Constantiensi, Basiliensi, Argentinensi, Spirensi, Moguntina, Tullensi & Virodunensi Ecclesiis collegit. A. 1422. expensorum & acceptorum cum redderet rationem, expensorum pro Cæsare summa tredecim mille florenos superavit accepta.

## §. XXXIII.

Marchio  
Judex  
delega-

A. 1418. memorabilis illa Ludovicum inter, Landgravi-um Hassiæ, & Buseckianæ Vallis Ganerbios nobiles de superio-

(1) VON DER HARDT *Aſta Concil. Constant.* Tom. IV. pag. 551.

(m) TESCHENMACHERI *Annales Cliviæ Cod. Diplom.* pag. 81.

ritate controversia vertebatur. Hermanno, Ludovici Patri, Wenceslaus Romanorum Rex, Charta Francofurti A. 1398. data, hos Nobiles subjecerat. Paulo post (n) Betleriae, Literas suas ipse revocaverat Wenceslaus. Revocationem Sigismundus Romanorum Rex A. 1414. Spirae (o) firmavit. Ludovicus Hassius tamen jus, quod habere se credidit, non destitit persequi. Sigismundus ergo rem omnem denuo Principum submisit iudicio.

tus a Cæfare.

Delegatus a Cæsare iudex Bernhardus die S. Petri indixit Iudicium. Iudices assessores fuerunt quatuor Ecclesiastici, Georgius Passaviensis Episcopus, Cancellarius Regis, Guilielmus Argentin. Episcopus, Johannes Weissenburgensis Abbas, Johannes Abbas Sellenfis, & quatuor seculares, Ludovicus, Comes Palatinus Rheni, Carolus Lotharingæ Dux, Otto Comes Palatinus Rheni, Bernhardus Saxoniae Dux. Regis autem Advocatus fuerat Ludovicus, Comes Oetingæ.

Decretum unanimi sententia Iudicum, Buseckianos Ganerbios Imperatori sine medio subesse. (p)

---

(n) Die Mercurii post Omnium Sanctorum ejusdem anni.

(o) Die Veneris post D. Jacobum.

(p) Instrum. hujus Judicii extat in libro, cui Tit. *Memoriale der Heßischen Gesandtschaft an die Reichsversammlung zu Regensburg A. 1707.* inter probationes pag. 99.

## §. XXXIV.

Bernhar-  
di acta  
varia.

Civitatem Colonienſem, ob diffidia inteſtina, A. 1419. obſi-  
dione quum cinxiſſent Electores ad Rhenum, Bernhardi Marchio-  
nis & Electoris Brandenburgici interventu tempeſtas ſedata  
eſt. (q)

Redemptionem Zaringiæ Caſtri Sigismundus Imp. cum  
omnibus, quæ ad id pertinerent, Bernhardo noſtro ſingulari di-  
plomate, Wratiſlaviæ A. 1420. Dominica Lætare conceſſit; (r)  
eodemque anno Bernhardus, paucis ante Pentecoſten diebus, inter  
Civitatem Argent. & Nobiles de Bulach, de Wangen, de Mülln-  
heim, alioſque litem ſua ſententia decedit. (s)

Dynaſtiam Grævenſteinenſem, antiquiſſimum familiæ  
Leiningenſis allodium, quod a Leiningenſibus titulo pignoris ad  
Palatinos Electores, ab iſſique ad Spanheimenſes pervenerat Co-  
mites, a Johanne Spanheimenſi Comite tum cõmit Bernhardus,  
ſalva Fridericianæ Leiningenſium lineæ reluendi poteſtate. At  
anno ſequenti eandem Dynaſtiam Emiconi Leiningenſi Comiti,  
genero, oppigneravit pro 8000. flor. quos in dotem ei promiſe-  
rat. (t)

## §. XXXV.

(q) WINDICK *Hiſtor. Sigismundi Imp.* Cap. 76.

(r) Vid. Documenta.

(s) Archiv. Argent.

(t) Archiv. Bada- Badenſe.

## §. XXXV.

A. 1421. Duci Reinoldo de Urslingen (u) dimidiam partem castri & oppidi Gemar, pignus Rappoltsteinense, præstitæ fidei operæque præmio ad dies vitæ concessit, ejusque in locum, si forte redimeretur, trecentos quotannis florenos se daturum promisit. Reinoldus vicissim & Anna de Usenberg Bernhardo jus suum in Dynastiam Usenberg & castrum Hœchingen ejusque ditio- nes reliquerunt; quin & vicos Bischoffingen, Brockinggen alios- que, ad Dynastiam Usenberg. pertinentes, eidem adscripserunt, post ipsorum obitum occupandos. Reinoldus insuper jus apertu- ræ in Hornberg aliisque castris suis Marchioni adversus hostes ejus promisit; exceptis Sigismundo Imp. & Comite Sulzensi, sal- vaque pace castrensi Hornbergæ. Acta hæc omnia & corrobora- ta Instrumentis Badæ die Dom. quæ *Invocavit* vocatur. Triennio post die Saturni post S. Andreæ idem Reinoldus Dux, Præfecturam castri Hœchingen a Bernharðo Marchione adeptus, cum conjugē suā Anna pacta priora confirmavit.

A. 1422. Sigismundus Imp. Bernhardo Marchioni com- misit, ut tertium denarium in Germania a Judæis perciperet; ei- demque speciale protectorium monasterii Schwarzach, contra

Tom. II.

O

---

(u) Reinoldus hic anno post, Comitis Zollerani focus, bellum Helvetiis in-

## BERNH. I.

Ludemannum, Lichtenbergæ Dominum, concessit Noribergæ. (x)

## §. XXXVI.

Bernhardus litium arbitror.

Eodem anno diuturnis Wilhelmi Episcopi cum Civitate Argentinensi litibus sopiendis, Conradus Archiepiscopus Moguntinus & Bernhardus Marchio noster electi sunt arbitri. Res Spiræ tractata atque sententia Archiepiscopi & Marchionis, die Mercurii post Quasimodogeniti, decisa. (y) Dein paucis interjectis diebus, controversiæ quoque inter Civitatem & Nobiles, qui jam A. 1419. ob varia gravamina Civitate excefferant, eorundem Principum interventu compositæ; (z) sed & utriusque auctoritate Wirichius ab Hohenberg Civitati reconciliatus, atque sublati utrimque hostilitatibus, Wirichio sua jura reservata fuerunt. (a)

Eodem anno Bernhardus cum Stephano Palatino & Emicone Leiningensi Comite, Spirensibus, a Rhabano Episcopo ob-

---

tulit, sedens in castro Schiltach ad Nigram Silvam. Vid. Tschudii Chron. Helvet. Tom. II. pag. 70. & pag. 147.

(x) Exstat in *Ältenmaßiger Geschichte-Erzählung Schwarzach* pag. 99. & 101.

(y) Instrument. exstat in *Tabulario Argent.* unde illud deprompsit SEBAST. MUEGGER in *Cod. Msspt. Arg.* pag. 109. ubi & alias transactiones exhibet, inter Episcopum & Civitatem hoc tempore initas; add. WENCKER. *de Pfälburgeris* pag. 102.

(z) SCHILTER *ad Koenigshov.* pag. 878.

(a) *Tabularium Argent.*

sessis, in auxilium venire decreverat. Verum sublata mox, jussu Sigismundi Imp. obsidione, res ad Comitia Norimbergæ ejusdem anni delata. Bernhardus conciliandæ cum Episcopo Civitati operam dedit, compositisque controversiis, ipse ob itinera hinc inde suscepta, 6000. flor. impensarum nomine, a Spirensibus accepit. (*b*)

## §. XXXVII.

A 1423. (*c*) Bernhardus cum Emicone Leiningensi Comite, genero, & Johanne Spanheimensi communionem eo sine inituitu Grævenstein, ut Dynastiam Grævensteinensem, quam Emiconi ante biennium oppigneraverat Bernhardus, communi consilio & ope contra quoscunque turbatores defenderent; at Friderico Leiningensi, pignoris domino, restitutionem concederent. Societas hæc inita fuisse videtur contra Electorem Palatinum, qui de Dynastia hac cum Spanheimensi Comite tum lites alebat. Res eodem anno (*d*) transacta, jusque aperturæ in Grævenstein. Ludovico Electori assertum; qua de re Bernhardus Marchio & Emico Leiningensis Comes eidem literis caverunt. (*e*)

Tom. II.

O 2

---

(*b*) LEHMANNUS *Chron. Spir.* Lib. VII. Cap: 94. pag. 833.

(*c*) Die Martis post S. Martini.

(*d*) Die Veneris post S. Andrew.

(*e*) Datæ sunt hæc literæ die Martis post festum circumcissionis A. 1424. Extant, uti & præcedentes, in Tabulario Bada-Badeni.

## §. XXXVIII.

Lites  
cum Ci-  
vitatibus  
Brisgo-  
vie.

Iisdem temporibus Bernhardo cum Civitatibus Friburgo, Brisfaco, Endinga, quarum Præfectus ille nuper fuerat, (f) natæ sunt lites.

Gravami-  
na Bern-  
hardi.

Intolerabile ei visum est, subditos ipsius Hachbergenses & Ufenbergicos, civium Brisgoicorum ordini adscriptos, iisdem, quibus incolæ Civitatum, juribus gaudere, turbataque Principis jurisdictione, non modo in Civitatibus ob delicta conveniri, sed & ab iisdem ad servitia quædam adstringi; (g) in transactione licet, quam cum Civitatibus Brisgoicis Egon Friburgi Comes & Otto Marchio Hachbergensis, post intestinum bellum A. 1368. inierant, (h) prospectum, ut extranei, in territorio Principum constituti, cives dimitterentur ex urbibus, nemoque in posterum ab illis reciperetur civis, nisi Domini sui impetrato consensu. Bernhardus civibus his extraneis jus civitatis abrogari, eosque, qui in urbibus confederant, sibi tradi postulavit.

## §. XXXIX.

Querelæ  
Civita-  
tum.

Civitates ad privilegia Imperatorum & ad antiquas Brisgovie consuetudines provocabant; non adversari sibi dicentes pa-

(f) Vid. supra ad A. 1315.

(g) Gravamina Bernhardi cognoscuntur ex scripto, quod A. 1424. cum Principibus Imperii communicavit, apud WENCKER. in *continuatione de Uffburgeris* pag. 64.

(h) Transactionem hanc exhibet WENCKER. loc. alleg. pag. 71.



cta, cum Hachbergæ Marchionibus inita, civesque suos, in Hachbergenſi Dynaſtia habitantes, nunquam inter homines proprios Hachbergenſum habuiſſe locum. Sed inprimis grave videbatur Civitatibus, Bernhardum, etiam poſt annale tempus, quod ejusmodi vindicationibus jure Germanico præfixum, juſ ſibi afferere in eos, qui in ipſis Civitatibus fortunarum ſedem elegerant. Acceſſit & alia cauſa, quæ maxime Civitates angebat; nova nempe veſtigalia, a Bernhardo per Briſgoviam paſſim & Mühlbergæ erecta; non Civitatibus modo, ſed finitimis quoque oneroſa.

Briſgovicæ ergo & Alfaticæ Civitates A. 1422. die Sa-  
turni poſt S. Michaelis, quinquennale contra Bernhardum <sup>Civitatum fœ-</sup> fœdus <sup>duſ.</sup> inierunt, (i) cui anno inſequenti, die Dominica poſt Jacobi, Ludovicus Comes Palatinus Rheni Alſatiæque Præfectus acceſſit. (k)

### §. XL.

Sigismundus Imp. ad quem res fuit delata, Bernhardum & Civitates A. 1421. vocavit Nickelsburgum in Moravia, & anno ſequenti Ratiſbonam, denique Norimbergam. Quum autem, <sup>Amicis conven-</sup> impedientibus Bohemiæ turbis, conventus hi locum non habuiſſent, <sup>tionibus abruptis bellum geritur.</sup> amicæ compoſitionis via tentata eſt.

### O 3

---

(i) Inſtrumentum hoc extat in Chartophylacio Argent.

(k) Novum inſtrumentum, quod tum confectum eſt, in Tabulario quoque Argent. ſervatur.

Colloquium Argentorati A. 1423. habitum, in quo Carolus Lotharingæ Dux (1) intercessoris munia gessit. De pluribus articulis, ex voluntate fere Bernhardi Marchionis, transactum. Res tamen ad finem non omnino perducta. Alius ergo Conventus Wormatiæ indictus, ubi præsentibus Conrado Moguntino & Ottone Trevirensi Archi-Episcopis, denuo tractata controversia, sed irritò conatu.

Unde cum tres alii Conventus, sub initium A. 1424. Argentorati, Wormatiæ, Moguntino & Trevirensi intercessoribus, habiti, quoque fuissent abrupti, res denique ad arma devenit; (m) Sigismundo Imperatore litigantes frustra hortante ad pacem. (n)

Pentecostali tempore A. 1424. \*Alsatia Brisgoviaque Civitates cum Ludovico Palatino, Episcopo Spirensi & Wirtembergico Comite, aliisque belli fociis, irruptionem in Marchionatum fecerunt. Rastadium & plures vici combusti. Mühlbergæ & Grabæ Castra obsessa, non capta. Quum enim per tres septima-

(1) Hic tum etiam de controversiis, quas cum Civitate Argentinensi habuerat, intercedente Bernhardo Marchione, confocero, amice transegit. Literarum transactionis, die Veneris post S. Catharinæ A. 1423. datæ, in Tabulario Argent. servantur.

(m) Singula hæc narrantur in literis fœderatorum ad Imperatorem apud WENCKER. loc. alleg. p. 85.

(n) Extant hæc literæ apud WENCKER. loc. alleg. pag. 83. & 84.

nas durasset obsidio, intercedente Dieterico Archi-Episcopo Coloniensi, Johanne Herbipolitano Episcopo & Alberto Hohenloënsi Comite, in castris ad Mühlbergam res transacta est. (o)

## §. XLI.

## Conditiones præcipuæ:

1. Marchio omnia bello ablata, una cum redditibus perceptis, Civitatibus restituat. Trans-  
actio  
cum Ci-  
vitatibus.
2. Liber commeatus ex unius in alterius terras obtineat, ad normam transactionis, inter Egonem Comitem Friburgi & Civitates Brisgovicas initæ A. 1368. Marchioni tamen evictio competit hominum propriorum, a die, quo Hachberg. & Usenberg. Dynastias obtinuit.
3. Delicta, a subditis Civitatum in Marchionis ditionibus commissa luanur pecunia. Bona capite plexorum propter homicidia, in iisdem terris perpetrata, cognatis pro certa pecuniæ summa restituantur.
4. Actiones de bonis aut debitis, in foro domicilii aut rei sitæ instituantur.

---

(o) Bellum hoc descripserunt URSTISIUS in *Chron. Basil.* Lib. IV. Cap. 24. REMBOLDUS SLECHT. WENCKER. loc. alleg. pag. 64. SEBAST. MUNSTER *Cosmograph.* Lib. III. pag. 829. BERNHARD. HERZOG. *Chron. Alsat.* Lib. VIII. Cap. 28. pag. 136.

5. Usburgeri Civitatum, in Dynastiis Hachberg. & Usenberg. sedentes, jura Civium amittant. Civitates subditos Marchicos in posterum non ut cives recipiant.

6. Vestigalia, quæ Marchio in Brisgovia a tempore acquisi Hachbergici Marchionatus instituit, aboleantur.

7. Feuda, Cunemanno Bolsenhemio a Marchione ablata, intra anni spatium ei restituantur. Hachbergici & Usenbergici Vassalli a Paribus Curiae Hachberg. & Usenberg. judicentur.

8. Civitates per sexennium in quietâ possessione vicorum Remlingen, Höchstât, Achkarn & Lüsselheim permaneant, quo finito cujuslibet partis salva sint jura.

9. Vici Badenses Uringen, Eystatt, Baldingen & Malterdingen, quos homagio sibi Argentinenses obstrinxerant, Hermano tradantur Sulzensi Comiti, donec singulis pacis conditionibus satisfecerit Marchio. (p)

Lites, quæ civibus quibusdam Argentinæ Civitatis, de bonis naufragio occupatis, de vestigalibus in moneta, non recepta, exactis, aliisque de rebus cum Bernhardo intercesserant, peculiari Principum quorundam arbitrio reservatæ fuerunt. (q)

§. XLII.

(p) Transactio hæc extat in Archivo Bada-Durlacensi.

(q) Literæ, in agro Mühlbergensi, die Lunæ post S. Petri & Pauli A. 1424. confectæ, Dieterici Colonienfis Archiepiscopi, Johannis Episcopi Würzburg. Alberti Hohenloënsis Comitis atque Bernhardi nostri sigillis signatæ, in Tabulario Argent. servantur.

## §. XLII.

A. 1425. Bernhardus memorabili transactione cum Jo-  
 hanne Spanheimensi Comite Beinhemii apud Alfatas inita, in Co-  
 mitatum Spanheimensem jus sibi acquisivit & posteris. Span-  
 heimii Comitum duæ lineæ, Cruzenacensis & Starckenburgensis  
 fuerunt. Illa citeriorem Comitatum, qui proprie Spanheimen-  
 sis, hæc ulteriorem, (r) qui Starckenburgensis adpellatur, tenue-  
 runt. Ultimus lineæ prioris Comes, Simón IV. filiam heredem  
 reliquit Elisabetham, quæ Ruperto Imperatori, focero, & po-  
 stea (s) Ludovico Barbato, Electori Palatino, affini suo, quin-  
 tam partem Comitatus donavit, Johanne, Starckenburgicæ lineæ  
 postremo, consentiente. Quinta hæc pars Electoratu ab eo tem-  
 pore mansit conjuncta; reliquæ quatuor partes ad lineam Star-  
 ckenburgicam, solam superstitem, pervenerunt. Ex linea hac  
 Joannes Cæcus, Spanheimensium ultimus, A. 1437. defunctus,  
 jam A. 1415. testamentum condidit, quo Bernhardo Marchio-  
 ni Badensi & Friderico Veldentiae Comiti, amitarum suarum si-

Trans-  
 actio  
 Beinhem-  
 mensis.

Tom. II.

P

(r) *Vordere und Hintere Grafschaft Spanheim.* Conf. TRITHEMIUS in *Chron. Hirsang.* ad A. 1411, qui tamen in rebus Spanheim. nonnulla tradit minus exacte.

(s) A. 1416. Literas traditionis exhibet TOLNEUS in *Cod. Diplom. Palat.* num. 215.

liis (t) spem succedendi in terris suis fecit, eamque A. 1425. Beinheimensi pactione firmavit. (u)

## §. XLIII.

Leges  
ejus.

Pacti summa huc redit, ut Bernhardus Marchio & Fridericus, Veldentiae Comes, utrumque Spanhemii Comitatum indivisum tenerent, eorumque uterentur insignibus. Cruzenacum oppidum & Castra excipiuntur, quae in communione cum Ludovico Electore tum habuerat Johannes. Uterque Comitatus non nisi ad masculos, & quidem ad Bernhadi Marchionis & Friderici

(t) Amitae hae fuerunt Loretta & Mechtildis; quarum illa Henrico nupsit, Veldentiae Comiti, mater Friderici; haec Rudolpho Longo Marchioni matrimonio juncta, filium ex eo suscepit Bernhardum. Amitarum harum patrem nonnulli vocant Henricum, alii Johannem. LUCAE Gravenaal p. 612. SPENER. Op. Herald. Part. Spec. L. II. Cap. 4. §. 5. L. III. Cap. 27. §. 16. Johannem fuisse patrem Mechtildis supra in Rudolpho Longo Marchione ostendimus.

(u) Tradunt Scriptores, Johannem Spanhemii Comitem, cum Henrico patruo & Simone fratre dissidia alentem, relicto Spanheimensi Comitatu, ad Rudolphum divertisse Badae Marchionem, Mechtildis Spanheimensis maritum; a quo honorifice exceptus & paternae ditioni post Henrici mortem restitutus, extincto Simone fratre, cum & ipse liberis careret, hoc successionis pactum, in grati animi testimonium, cum Bernhardo, Rudolphi Badensis filio, iniecit. TRITHENIUS in Chron. Hirsang. ad A. 1411. pag. 332. & SPENER ex Chron. Msspt. Comitum Spanheim. I. cit. Lib. II. Cap. 4. §. 5.

Comitis nepotes, eorumque defectu, ad Wilhelmum, Hennebergæ Comitem, ejusque filium ac successores primogenitos transeant. Familiae heredes sibi mutuo succedant. Venditio Comitatuum & oppignratio prohibita. Pax Castrensis inter heredes ineatur. Feuda communi nomine conferantur a Seniore familie. Feuda vacua, communi consensu, vasallo novo concedantur.

Johannes Spanheimensis, Jacobum, Bernhardi filium, & Fridericum Veldentinum, ad communionem terrarum vivus adiuvit. Ludovico, Electori Palatino consentienti, Jacobus & Fridericus, partis ad eum spectantis securitatem, literis, Heidelbergæ A. 1428. datis, præstiterunt. (x)

## §. XLIV.

Eodem anno Ludovicus Palatinus Comes & Civitates, Argentoraturn, Basilea, Friburgum, Brisacum aliæque, inopinato Bernhardum aggressæ sunt bello. Mühlberga a fœderatis obfessa & capta. Sed vix abductis inde fœderatorum copiis, Marchio cum Wilhelmo, Argentinenfi Episcopo & Ludovico Lichtenbergensi Comite, adversus Argentinenfes fœdus inivit, cui paulo post Lotharingæ Dux & Stephanus Comes Palatinus cum Salmenfi

Bellum cum Civitatibus ad Rheenum.

Tom. II.

P 2

(x) Literæ hæc extant apud LUDWIG *Reichs-Archiv Part. Special. Contin. II. IV. Abtheilung. IX. Absatz pag. 490.*

BERNH.

& Bitensi accesserunt Comitibus. Bernhardus cum Lichtenbergæ Dynasta Rhenensem Argentinensium pontem occupavit mense hujus anni Septembri. Inde pulsus, Oberkircham, quam pignoris jure possidebant Argentinenses, quinque mensium spatio obsedit; re infecta denique redire coactus. Bellum hoc, post multa damna utrinque illata, A. 1429. Archiepiscopi Moguntini interventu compositum est Spiræ. (y)

## §. XLV.

A. 1436. Rabanus, Spirensis Episcopus, bonis & juri-  
bus Episcopatus a Marchione vim illatam conquestus, collecto fo-  
ciorum exercitu irrupit in Marchiam; Mühlbergenfis Castri obsi-  
dioni pertinaciter insistens; donec intercessione Herbipolitani  
Episcopi discessum ab armis. (z)

Eodem anno Bernhardus literis Schwarzacensi monasterio  
ejusque Abbati Conrado Schœnbergero. Badæ datis, hominibus  
S. Petri, (S. Petersleuth) in judiciis vicisque monasterii sedenti-  
bus, omnia, quæ hucusque ei præstiterant, servitia remisit. (a)

## §. XLVI.

---

(y) HERZOG *Chron. Alsat.* Lib. IV. pag. 109. & 110. & Lib. V. pag. 14.

(z) LEHMANN. *Chron. Spir.* Lib. VII. Cap. 94. pag. 833. SIMONIS *Episco-  
pi Spirenses* pag. 150.

(a) Tabularium Schwarzacense.



## §. XLVI.

Bernhardus præter Marchionatum Hachbergæ, quem, ut  
 diximus, (b) Otto, linæ Hachbergicæ senioris postremus, ei  
 vendidit, aliis terris ac bonis Marchiam suam adauxit.

Accessio-  
 nes ter-  
 rarum &  
 jurium  
 sub Bern-  
 hardo  
 Marchio-  
 ne.

A. 1377. Gerhardus de Staffort, armiger, Bernhardo &  
 Rudolpho fratribus homines suos proprios, in vico Lütolzhain ali-  
 bique in Marchionum ditione commorantes, exceptis tantum vi-  
 cis Forchheim, Dalslan (Dachsland) & Specke, pro 15. Libris  
 denariorum Argentinenfium vendidit.

A. 1382. una cum fratre Rudolpho cœmit a Cunzio de  
 Schmalenstein partem, quam habuit in Straubenhard, Langenalb,  
 Tennach & Tobel, una cum curia in Nibelspach.

A. 1405. Hugo de Berneck, armiger, juri patronatus in  
 Niefern, in gratiam Bernhardi renunciavit.

A. 1407. Johannes de Waffelnheim miles eidem Marchio-  
 ni ejusque heredibus masculis, tradidit suam partem vicorum Waf-  
 felnheim, Uberechlingen, Kraftetten, Frydeshein, Uetlnheim,  
 Hiltenshufen, redditus vini in Goffeln, balneum & decimas in Pfaf-  
 fenhofen, Hattenmatte, Obenheim, Nükirch, curiam in Zabern &  
 Mittelbrunn, ita ut Marchio, ejusque hæredes masculi, his omni-  
 bus uterentur. Loca hæc in Alfatia Inferiore sunt sita.

A. 1416. vicum Eystatt in Marchionatu Hachbergenfi, pro tribus florenorum millibus oppigneratum, à Casparo de Klingenberg ejusque uxore Margaretha Maltereria Bernhardus redemit. (c) Eodem anno idem Marchio a Reinhardo Hofwarth de Kirchheim partem vici Eysingen comparavit.

## §. XLVII.

Accessio-  
nes variae  
& oppi-  
gnationes.

A. 1422. Conradus Bernlappius, armiger, quartam ei partem Castris Zaringensis, cum silvis, banno ferino, pratis, aquis, aliisque juribus, ad hanc partem spectantibus, servata sibi altera quarta, tradidit; ea conditione, ut ipse Marchio ejusque heredes nobilem semper virum constituent, qui de pace Castrensi Zaringae servanda, fidem suam Conrado ejusque heredibus adstringat. Conradus paulo post solennibus literis pacem hanc se servaturum promissit. (d)

A. 1422. & 1426. Bernhardus varias partes in vicis Wolfartsweyer, Sellingen & Berghaufen; item maximam partem Altensteigae ab Hohenbergae Comite acquisivit, quam dein Uracensibus Comitibus oppigneravit.

Sigismundo Imperatori non semel magnas pecuniae summas; quin & Wirtembergicis Comitibus 20. millia florenorum mutuo dedit; Herrenbergiana in pignus accipiens.

---

(c) Tabularium Bada-Durl.

(d) Codex Diplom.

BERN4.I.

A Zolleranis Comitibus pro 3000. florenis ei oppignerata  
Hechinga. Henrico, Herrenbergiae Comiti, similem fere sum-  
mam, Maspachio in pignus recepto, commodavit.

§. XLVIII.

Obit Bernhardus A. 1431. III. Non. Maji. Ætatis ejus incerti sunt anni. Tempus nativitatis Chartæ & monumenta occultant. Patri A. 1372. mortuo per LIX. annos superstes, A. 1379. fratris cum jam fuerit curator, necesse est, eum septuagenario multo majorem obijisse.

Cum monasterio Cisterciensium Albæ Dominorum multis licet litibus fuerit districtus, in Choro tamen Ecclesiæ eorum sepulchrale monumentum ei fuit exstructum; quod varias inter mutationes ædis & monasterio destructo, tamen persistit illæsum. Imaginem ejus loco suo representamus lectori. Inscriptio diem & annum mortis indicat, ætatem silentio transit. (e) En Inscriptio verba: „ Anno Domini M C C C X X X I. Tercio mensis Maji obiit „ Illustris Princeps Bernhardus Marchio de Baden. „ Monumenti hujus fide unanimi consensu credunt scriptores, Bernhardum in Ecclesia Albæ Dominorum fuisse sepultum.

WOLFGANGUS DE ROTENBERG, Collegiatæ Ba-  
denfis Præpositus, haud ita pridem defunctus, in Dissertatione.

(c) SCHANNAT. in *Vindem. Literar. Collect.* I. pag. 152. Epitaphium exhibet, sed iconem eius non dedit.

BERNH. I.

quam manuscriptam reliquit, contendere conatur, Bernhardum in Ecclesia Parochiali Badæ fuisse sepultum; at sub nepote ejus Carolo ad Dominos Albæ translatum. Equidem sepulturam ejus in Æde Badeusi admitto, translationem rejicio. Ædis hujus in Ecclesiam Collegiatam conversio a Bernhardo nostro jam fuerat decreta A. 1413. Petiit a Johanne XXIII. Pontifice consensum, quem etiam Bulla, ad Constantiensem Episcopum scripta, obtinuit. Bellici tumultus consilii hujus complementum impederunt.

Patris decreta sub Nicolao V. A. 1453. complevit Jacobus, ut suo loco docebitur. In Charta, quæ tum hac super re scripta, Missisque Pontificiis a Marchione tradita fuit die XI. Aprilis, hæc verba leguntur: „ Cum felicis recordationis Illustris Principis Badensis, Bernardi, genitoris seu patris ipsius „ Jacobi, in ipsa Ecclesia Badensi sepulti &c. „ Bernardi sepulturam in Ecclesia Badensi evidenter hæc docent. Evidentius ipsæ Monumenti sepulchralis reliquæ A. 1753. in eadem sub altari detectæ, ecclesiæ chorum novis ornamentis quum decoraret Ludovicus Georgius Marchio Badensis. ROTENBERGIUS, qui cum Collegis suis aliisque permultis sepulcri reliquias viderat, eas ita describit: „ Inventus est prægrandis lapis inæfusus, qui „ licet in frustra dissectus, manifeste & irrefragabiliter spectantibus exhibuit figuram equestrem Bernardi, ære fusam, cum „ in-

„ inscriptione: „ Anno Domini mccccxxxi. Sabbato post  
 „ inventionem Sanctæ Crucis obiit Illuſtris Princeps Bernardus  
 „ Ba - - - t in pace. „ Notandum vero, quod huic la-  
 „ pidi detractum fuerit æs omne ſuſum cum figura ſtatue, ſcuti  
 „ ac galeæ, ac circumſcriptis literis, tamen ex incifura lapidis  
 „ hæc omnia adhuc legenda & cognoſcenda erant & curioſo-  
 „ rum inſpectioni proſtant. „

Ex narratis his ROTENBERGIUS colligit, ex Eccleſia  
 Badenſi in Albenſem Dominorum translatum fuiſſe corpus Bern-  
 hardi; translationem ſub Carolo nepote factam eſſe reputans.  
 Verum enimvero, quæ cauſa inducere potuerat nepotem, Avi  
 ſui manes tam duriter ut tractaret; ſepulcralem ut diſfringeret  
 lapidem, quin & omnibus ornamentis aereque, figuris literiſque  
 inſuſo, ſpoliaret. Barbara hæc violatio ſepulcri, non translatio di-  
 cenda. Veriſimilior ſententia eſt, Bernhardum in Parochiali Ba-  
 denſium Eccleſia voluiſſe ſepeliri, quod illam ornandam decreve-  
 rat, nec unquam ex ea fuiſſe ablatum. Sepulcri ſpoliatio illi tem-  
 pori adſcribenda, quo Bada omnis & Caſtrum, ſuperiore ſeculo  
 finiente, bellicis everſa furoribus. Superest ergo, ut Mauſoleum  
 Albenſe Bernhardi Honorarium dicamus.

### §. XLIX.

Princeps fuit egregius, inter potentes & bellicoſos Ger- Chara-  
 mania Magnates ſui ſeculi reputandus. Glorioſum ejus ſexaginta cter.

annorum, sub quinque Imperatoribus regimen, quo sapientia, iustitia, integritate, fortitudine mentis, nulli Principum facile secundus. Apud Sigismundum Imp. cujus electionem promoverat, tanta ejus fuit auctoritas, ut difficillima negotia ejus consilio expediret & manu. Bello incomparabilis, inter perpetuas illorum temporum turbas, quibus omnia vi & armis gerebantur, pacis tamen studiosus & sancte foedera colens. Unde nonnisi provocatus defendendisque suis juribus & fociis induit arma. Dissidia aliorum sua saepe intercessione composuit: officiosus in omnes. Rei intentus domesticæ, sed munificus, ut principem decet atque liberalis, Marchionatum, dignitate opibus & potentia auctum, posteris tradidit.

## §. I.

Cancellaria & Curia.

Cancellariam & Curiam in meliorem ordinem redegit. Vassallos, Judiciis feudalibus ut frequentes interessent, graviter monuit.

Cancellario usus est Johanne de Bruffella, quem in literis A. 1422. *Scribam* appellat, in cujus potestate fuerat Marchionis sigillum. Idem in Charta A. 1424. vocatur „Venerabilis „Vir Dominus Johannes de Bruffella, Protonotarius illustrissimi Principis ac Domini Bernhardi Marchionis de Baden. „Cancellarii munere ergoungebatur Johannes, nomen licet in Aula Badensi non fuerit in usu. Politica & civilia ab eo tractabantur negotia. Consiliarii tum nondum in Collegia distributi. Unde

inter primarios Aulæ ministeriales Cancellarius habebatur; non nisi Vicario Principis & Aulæ magistro provinciali (Landhofmeister) postpositus. Sub Christophoro Marchione Kleferus & Schriberus, (f) sub Ernesto Gutius; sub Carolo II. Achtfinitus, sive Amelius; sub filiis Caroli II. Breitenaker Jurisconsulti Doctores Cancellarii nomine inclaruerunt. Postremis sub Marchionibus hæc dignitas quievit.

## §. LI.

Sub eo Sigilla equestria in desuetudinem venerunt; at cera rubra invaluit. Ecclesiastici Principes & Comites cera viridi sunt usi. Multi ex illis privilegio ceram rubram obtinuerunt. Seculi XVI. initio cera rubra apud Comites in usu.

Cæsares a Bernhardi hujus temporibus Marchiones Badenses appellarunt *Lieber Vetter oder Oheim*.

Hæc omnia in summam si colligas, haud difficulter perspicies, Bernhardum nec inter majores, nec inter posteros habuisse, quem ei compares, multo minus præponas.

## §. LII.

Prima Bernhardi uxor fuit Margaretha, Rudolphi Comitis de Hohenberg filia, cujus mentio fit in Charta fœderis, a Ru-

Tom. II.

Q 2

(f) Wendel Schriber.

BERNH.

dolpho nostro cum Eberhardo III. Comite Wirtembergensi A. 1374. contracti, qua filia ejus Margaretha, Marchionissa Badensis, cum Wirtembergicis sœdus continuare jubetur, si Rudolphus ante sœderis expirationem moriatur. (g)

Cum autem matrimonium hoc sterile esset, atque mortuo Bernhardi fratre Rudolpho, solus ille ex Domo superesse Badenſi, divortium cum Margaretha meditatus est. Adivit ergo Clementem VII. Papam Avenione A. 1392. judices petens, qui examinarent; ammon matrimonium contra jura canonica fuerit initum. Verba Bullæ Clementis sunt, *quod consanguinitatis vel affinitatis impedimenta existerent.* Conjugium, quod 18. annos duraverat, solutum. Bernhardus ad secundas progressus est nuptias, ducta uxore Anna, Ludovici Comitis Oetingæ filia, quarto consanguinitatis gradu ei juncta. Bonifacius IX. contra Clementem VII. Romæ electus, A. 1398. Bullam dispensationis ei transmisit. (h)

## §. LIII.

Liberi.

Ex Anna hac Bernhardus tres filios & septem filias procreavit. Inter filios:

---

(g) Charta sœderis in Chartophylacio Wirtemberg. servatur. In fine ejus legitur. *Daß wann Graff Rudolph innerhalb dieses Jahrs absterbe, so soll unser liebe Tochter Frowe Margaret von Hohemberg, Marggrevin zu Baden dis buntnuzz volle ushalten in allen sachen.*

(h) Bulla utriusque Papæ in Chartophylacio Bada-Durlac. Basileæ servatur.



1. Jacobus, natus A. 1407. qui patri successit.

2. Bernhardus, quem Sigismundus Imp. literis Cassaviæ datis A. 1423. despondit Eberhardi, Comitis Wirtembergici filiae, Cæsaris ex sorore pronepti. Elisabetha Noribergæ Burggravia, Comitissa de Wirtemberg, sponsæ mater, consensit. (i) Sed princeps hic juvenis præmatura morte ante nuptias decessit.

3. Rudolphus natus 14. Julii A. 1417. diem obiit supremum A. 1424. 1. Aug. (k)

Inter filias: 1. Anna, nata 15. Mart. 1398. nupta Ludovico Lichtenbergico A. 1409.

2. Beatrix, nata A. 1400. die Joh. Bapt. desponsata Emicōni Leiningæ Comiti, Instrumento Badæ confecto A. 1409. Beatrici in dotem octo millia flor. adscripta sunt. (l)

3. Mechtildis, nata A. 1401. d. XI. Dec. † 1402. d. 18. Apr.

4. Margaretha, nata A. 1404. die Converst. Pauli A. 1412. desponsata fuit Adolpho, Nassoviæ Comiti, cum dote 8000. flo. repor. Adolphus ei pro vidualitio assignavit 16000. flor. Wisbada pro pignore data. Conventio hæc Wormatiæ scripta est.

5. Agnes, nata die Lætare 1408. desponsata Gerhardo Duci Sleswic. A. 1432.

## Q 3

(i) Instrumenta hæc extant in Tabulario Bada-Badenfi.

(k) OEFELII *Scriptores Rerum Boicarum* Tom. II. pag. 587.

(l) Charta est in Tabulario Bada-Badenfi.

## BERNH. I.

6. Urfula, (m) nata A. 1405. die Ven. ante Simon. Jud. desponsata I. Godefrido Comiti in Ziegenhayn A. 1422. cum dote 8000. flor. (n) II. Duci Teccensi, Ulrico Cæco A. 1426. † A. 1430.

7. Brigitta, nata A. 1416. die 1. Jan. vixit adhuc A. 1441. (o)

## RUDOLPHUS VII.

## §. LIV.

## RUD. VII.

Rudolphus, Bernhardi frater, princeps quoque bellicosus, qui in turbis seculi XIV. finientis, bellicæ virtutis suæ varia specimina dedit. Vixit sub tutela Ruperti Palatini Electoris & dein fratris sui Bernhardi, qui A. 1379. suo & tutorio Rudolphi nomine foedus cum Civitatibus Sueviæ inivit. (p) Paulo post cum fratre terras partitus, (q) superiorem Marchionatum accepit; atque solenni pacto Heidelbergæ A. 1380. eodem cum fratre

(m) Errat CRUSIUS, qui in *Anal. Surv.* Tom. I. pag. 346. scribit, A. 1419. Urfulam obiisse Rudolphi March. Bad. filiam Ulrico Duci Teccensi matrimonio junctam. Urfula hæc fuit Bernhardi filia, & obiit ægum A. 1430.

(n) Instrumentum in Tabulario Bada-Badensi supere.

(o) Scheda Tabularii Bada-Durlac. liberorum Bernardi natales recenset.

(p) Vide in Bernhardo I. p. 67.

(q) Ibidem p. 68

inito, Domus suæ jura stabilivit. (r) Illo quoque tempore cum Episcopo Constantiensi aliisque Principibus, in auxilium Comitum Wirtembergensium, adversus Sueviæ Civitates, plures militum armatos. (s)

A. 1382. expeditioni Argentinenſium adversus Comitem de Vergey cum aliis Principibus interfuit. (t)

A. 1386. Rothwilenses cives nonnulli propter Felsium de Witingen Rudolphi sese hostes declararunt. Arbitri, qui de componendis Civitatum Principumque controversiis, Mergenthemii eo anno convenerant, turbas has composuerunt. (u)

Illustri illi Suevico fœderi, Rhenenses inter & Suevicas Civitates A. 1381. Spiræ contracto, (x) atque triennio post ad plures Principes Heidelbergæ extenso, (y) Rudolphus noster A. 1387. Mergenthemii accessit. Ibi in quatuor classes distributi Principes ejus fœderis socii. Rudolphus noster una cum Montagino & Coloniensi Archiepiscopis, Ruperto seniore & juniore Comitibus Palatinis, Hassiæque Landgravio, in secundam classem relatus. (z)

(r) Supra ad A. 1380.

(s) *Chron. Wirtemb.* apud SCHANNAT. *Vindem. Lit. Coll. II.* pag. 30.

(t) Supra ad A. 1382.

(u) LEHMANN. in *Chronico Spirensi* Lib. VII. Cap. 68. pag. 763.

(x) Tabulas hujus fœderis exhibet LEHMANN. l. c. Cap. 66. pag. 746.

(y) Instrumentum hoc dedit DATT. *de pace publica* Lib. I. Cap. 8. n. 21.

(z) LEHMANN. in *Chron. Spir.* Lib. VII. Cap. 68. pag. 754.

## §. LV.

Comita-  
tus Eber-  
stein par-  
tem ac-  
quirat.

A. 1387. Wolffius Ebersteinensis Comes, cum gravi aere alieno premeretur, dimidiam partem Novi Ebersteinensis Castris, (a) Castris & oppidi Muckensturm, oppidi Gospolzheim & reliquorum, quæ possidebat, locorum ac jurium partem octies mille florenis Rudolpho vendidit; servato sibi Mandelbergæ (b) Castro, quod dein alia venditione, una cum bonis & juribus, eo pertinentibus, in Rudolphum quoque transtulit. Rudolphus partem debitorum in se recepit, atque intuitu Ebersteinensis Castris ad pacem Castrensem, quæ pridem stabilita erat, servandam Wolffii Comitis ex fratre nepotibus se obstrinxit. Ipsum Wolffium partis venditæ præfectum constituit Rudolphus, assignata ei reddituum quarta. At biennio post (c) præfecturam abdicanti, habitationem in Castro Muckensturm & usumfructum quorundam bonorum ac jurium ad dies vitæ concessit. (d)

Bellum  
cum Ci-  
vitatibus  
Sueviæ,

A. 1388. Rudolphus, in magna illo Principum & Civitatum bello, Comiti Wirtembergiæ adversus fœderatas Sueviæ & Rhenen-

(a) Ebersteinense Castrum vetus Rudolphus I. Marchio jam comparavit, ut suo loco ostensum.

(b) Mandelberg Castrum est dynastiæ Altensteig.

(c) Mense Novembri A. 1389.

(d) Instrumenta ex Archivo Badensi desumpta vid. in Cod. Dipl.

Rhenenses Civitates auxilia tulit, prælioque ad Wilam, mense Aug. hujus anni cum Civitatibus commisso, in quo Wirtembergici Comitis filius cecidit, ipse cum copiis interfuit. (e)

## §. LVI.

Bello huic cum & Argentineses essent impliciti, Rudol-  
 plus dispositis Stauffenbergæ, Geroldseckii, Thiersbergæ & Stol-  
 hovæ militibus, a mense Septembri hujus anni ad festum Pente-  
 costes anni insequentis, civium Argentinesium vicos & villas,  
 non solum trans Rhenum sed & eis Rhenum a Beinhemio ad  
 Ganshemium usque combussit. Argentineses vicissim, Rheno  
 non semel trajecto, depopulati sunt terras Marchionis.

A. 1389. Rudolphus cum Ruperto Palatino aliisque Principibus, in Alsatiam suas copias duxit; vicos omnes ab Husberga & Ecolshemio ad Molishemium & Westhovam usque igne dele-  
 vit. Cladem hanc ulturi Argentineses, nova in Marchionatum, Stolhovam versus, facta irruptione, multa damna dederunt. (f)  
 Sed paulo post bellum hoc Egræ ab Imperatore compositum. Rudolphus ad Egranum conventum quoque misit legatum. (g)  
 Formulæ pacis Rhenensis, quæ Egranam eodem anno secuta est,

Tom. II.

R

(e) KÖENIGSHOV. Cap. 5. §. 178. apud SCHILTER. pag. 148.

(f) Ibid. l. c. §. 191. pag. 354.

(g) Depontatorum Argent. Literas ad Senatum habet WENCKERUS de Uß-  
 burgeris pag. 145.

RUD. VII.

Rudolphus una cum Bernhardo fratre accessit; in cuius vita recensuimus reliqua.


## § LVII.

Mors Rudolphi.

Obiit Rudolphus A. 1391. (h) in Ecclesia Badensi, uti frater, sepultus. Restauratio ejus A. 1753. cum fieret, sepulchralis Rudolphi repertus est Lapis; qui hodieque extat in Choro.

---

(h) Errat CRUSIUS, qui *Annal. Suev.* Part. III. Lib. VI. pag. 315. Rudolphum hunc A. 1392. Equestribus Ludis a Suevica Nobilitate Schafhusæ celebratis interfuisse scribit.



## CAPUT II.

## J A C O B U S.

A. 1431 — 1453.

## §. I.



Regimen martiale excepit pacificum musisque di- JACOBUS.  
catum. Minervam Bessonæ in Aula Badensi  
successisse diceres. Jacobus Marchio, magni  
parentis magna propago; togatis virtutibus  
ejus decenter ornatus, inter Principes Imperii temporis sui nobi-  
lem quoque tenuit locum. Quindecimo die Martii A. 1407. (a)  
natus, Principum Domus Badensis primus literis imbutus est  
puer, ex patris præcepto, qui licet ipse indoctus, doctos tamēn  
voluit esse, quos educaverat, filios.

Tom. II.

R 2

(a) Nativitatem ejus describit REMBOLDUS SLECHT, *Argentin. Cano-  
nicus, sæculi XV. scriptor. in Append. Ms. ad Martinum Minoritam, ubi  
ita: „ Marchio de Baden Bernhardus, licet plures habuerit filias, cum  
„ uxore sua de Oetingen orta, tamen nunquam filium habuit, nisi pri-  
„ mogenitum Jacobum nomine, qui in A. Dni 1407. XV. die Mensis  
„ Marci natus fuit & baptizatus XVIII. mensis predicti. Sex ipsum*

JACOBUS.

Duorum & viginti annorum juvenis, focero suo, Carolo Lotharingæ Duci, copias adversus Metenses in auxilium adduxit. (b)

## §. II.

Initia  
ejus.

Adquisitam Hachbergæ Marchiam pater ei regendam tradidit vivus. Gubernationis hujus tempore triennale sædus cum Civitate Friburgensi A. 1430. contraxit. (c) Quo anno etiam Heitersheimensis Hospitalariorum Fratrum Prioratus ejus se tuitioni commisit.

Anno sequenti patri succedens, copiis contra Hussitas pro Sigismundo Imperatore hastiferos XXV. ex militia sua junxit. (d)

Tres æmuli de Archiepiscopatu Trevirensi quum acriter certassent, Jacobus noster, cum Moguntino & Colonienfi Electoribus, Manderfeldium, Treviros obsidentem adjuvit. Turbæ hæc A. 1432. & sequenti durarunt. (e) Res per eosdem Electo-

---

„ levaverunt de fonte sacro, videlicet Dn. Abbas de Mulnbrunn,  
 „ Dn. Abbas de Albe, Dn. Abbas de Gotzauwe, Prptus de Herde,  
 „ Dn. Johannes de Kageneck miles, magister Curie Marchionis. Uxor  
 „ Theodorici Ræder sola levavit infantem, predicti assisterunt. „  
 SLECHTIUS, ex autographo descriptus, inter Scriptores Rer. Alsati-  
 car. comparebit.

(b) A. 1429. mense Julio. CALMET *Preuves de l'histoire de Lorraine* Tom. III. pag. 197.

(c) Codex Diplom.

(d) HONTHEIM *Hist. Diplom. Trevir.* Tom. II. n. 801. pag. 380.

(e) MAPPII *Annales Juliae & Montium* Tom. II. pag. 52.



res tandem, Papa interveniente, transacta. Trevirensis Præsulatum Rabanus, Spirensis Episcopus, obtinuit. (f)

Sigismundus Imperator Jacobo & successoribus ejus omnia Domus Badensis jura in Concilio Basiliensi diplomate novo A. 1433. firmavit, annoque post eidem immunitatem officialium, ministerialium, omniumque subditorum a Landgraviali Brisgovie aliisque judiciis concessit.

Privilegia Sigismundi Imp.

### §. III.

Spanheimensium Comitum postremus Johannes A. 1437. decessit. (g) Jacobus Marchio & Fridericus Veldentiae Comes, ad communionem possessionis vivo jam admissi Johanne, ratione ulterioris Comitatus inter se, & ratione citerioris cum Electore Palatino die 27. Nov. 1437. Pacem Castrensem, Communionis perpetue causa, iniverunt Crucenaci. Fridericus Veldentinus, lineæ suæ Gentisque postremus, utriusque Comitatus Spanheimii, quam possederat, partem, Stephano. Bipontino, Comiti Palatino Rheno, genero suo, quin & vi pacti, quod A. 1444. d. 16. Sept. iniverat, (h) filio Stephani, Friderico Simmerensi, reliquit. In hujus stemmate pars illa Spanheimensis Comitatus dimidia usque

Pax Castr. Crucenac.

### R 3

(f) TRITHEMIUS *Chron. Hirsaug.* ad. A. 1437. vide supra in Bernhardo.

(g) Status causæ Christiani III. Birckenfeld. Part. 2. n. 27.

(h) Virtute Pacti Heidelberg. A. 1553. d. 2. Nov. initi.

Jacobus.

ad A. 1560. permanfit; quo Palatino-Simmerenfis Linea Electorale occupavit folium. Tum vero Spanheimenfis portio ad Wolfgangum, Bipontii, & Georgium Johannem, Veldentiae Duces pervenit. At A. 1566. omnis hæc portio ad Wolfgangum Bipontinum folum pervenit; qui biennio poft Carolo, filiorum fuorum minimo, eam cum Birckenfeldenfi tractu testamento reliquit. Posterius hujus una cum Badenfi Domo omnem Comitatum ulteriorem indivifim hodieque poffident. (i)

## §. IV.

Acta ab  
A. 1438.

A. 1438. Reinoldus, Urslingæ Dux, mortua uxore fua Anna vel Anaftafia de Ufenberg, cum Jacobo Marchione renovavit pacta, quæ cum patre ejus Bernhardo fuper Brockingam & Bifchoffingam, Brifgoviae vicos, ut & Castrum Alfatiae atque oppidum Gemar iniverat. (k)

A. 1439. Jacobus cum Ludovico Palatino Electore, aliisque Principibus, Reinhardum comitatus eft Spirensem Epifcopum, qui magna folennitate Spiram urbem intraverat. (l)

(i) KREMER in præfat. ad *Hiftor. Spanheim.*

(k) Vide fupra in Bernhardo I. ad A. 1411.

(l) LEHMANN. *Chron. Spir. Lib. VII. Cap. 122. pag. 940.*

## §. V.

Jacobus paulo post cum Ottone Palatino & vicinis Principibus tuendæ pacis publicæ fœdus inivit. Acta ab  
A. 1440.

Francofurtenſi Conventui A. 1442. cum filio ſuo interfuit Jacobus; teſtiſque roboravit diploma, quo Fridericus IV. Imperator privilegia Domus Auftriacæ renovavit. (m)

Tum quoque Cæſar ei privilegium de non evocando conceſſit, omneſque Comites, Dynaſtas, nobiles, milites, ceterosque ejus ditioni proteſtioni & advocatiæ ſubjectos, intuitu perſonarum & rei ſitæ, a Provincialibus & Cæſareo aulico judiciis immunes reddidit, Marchicis ſolis ſubjecit. (n)

Eodem anno Jacobus cum Friderico IV. Imperatore verſatus Conſtantiæ. (o) Brandeburgico Marchioni Alberto contra Noribergeneſes auxilium tulit. (p)

## §. VI.

A. 1444. evenit, ut Carolus VII. Galliæ Rex Imperatori copias contra Helvetios mitteret. Ludovicus Delphinus Bellum  
Armania-  
cum.

(m) Diploma apud LÜNIG & in *Anzeig der Privilegien des Hauſes Oeſterreich*. pag. 89.

(n) LÜNIG *Reichs-Archiv Part. ſpec. Contin. II. II'te Abtheilung IX. Aufſatz* pag. 941. & SCHILTER. *Scriptor. Rer. Germ. Diplom.* pag. 97.

(o) Tschudi *Chron. Helvet.* Tom. II. pag. 350.

(p) Idem l. c. pag. 335.

JACOBUS.

triginta millia armatorum, quos Armaniacos vulgus vocavit, in Alfatiam duxit, in Helvetiam transituros. Tum vero Elisabetha, Galliae Regina, ad Jacobum Marchionem, cui adfinitate juncta erat, (q) literas dedit, circa Festum Pentecostes, in Turonensium agro conscriptas; quibus eum de instante expeditione reddit certiozem additque, Regem & Delphinum sibi promississe, terras Marchionis plane fore intactas. Has Franciae Reginae literas Jacobus misit ad Imperatorem, suis adjectis, quae scriptae erant Bade, feria IV. post Petri & Pauli diem, anni ejusdem. (r) Delphinus, victis ad Basileam Helvetiis, copias suas per Alfatiam & vicinas regiones diffudit; sed Marchionatum Badensem reliquit intactum.

Armaniacorum furores repressurus Caesar Comitia Norimbergam indixit, in quibus expeditio contra Delphinum decreta; Ludovico, Electori Palatino, summa belli delata. Speciatim autem Alberto Austriae Duci, Alberto Marchioni Brandenburg. Jacobo Marchioni Badensi & Ulrico Wirtenbergae Comiti injunctum, ut in Brisgoviam cum copiis se conferrent, de reducendo

EXER-

(q) Elisabetha, Franciae Regina, soror erat Renati titularis Siciliae Regis, qui uxorem duxerat Isabellam, filiam natu majorem Caroli Lotharingae Ducis & sororem Catharinae, quae Jacobo Marchioni nupsit.

(r) Literas utraque exhibet ANONYMUS Scriptor. *Vitam Marchionum Badens. idiomate Germ.* pag. 168. seq. & FUGGER *Oesterreich. Ehrenspiegel* Lib. V. Cap. 5. pag. 550.



# PROSAPIA.

C

natus A. 1453. Hac  
& Badevilla accipit.

M

|   |   |  |
|---|---|--|
| 1. JACOBUS.<br>natus A. 1471.<br>Electo Treverensis<br>A. 1505.<br>† A. 1519. | 2. MARIA.<br>nata A. 1473.<br>Abbatissa Lucidæ<br>Vallis.<br>† A. 1519. | 3. PHILIPPUS.<br>s A. 1478.<br>A. 1533.<br>Aucto 7. Septembris<br>: Elifabetha,<br>pi Elector. Palat.<br>filia<br>natus A. 1503.<br>Aucto A. 1522. |
| 7. OTTILIA.<br>nata A. 1480.<br>Abbatissa Pforzhei-<br>mensis.                | 8. RUDOLPHUS.<br>natus<br>A. 1481.<br>Canonicus Argent.                 |  |
| 2. ROSINA.<br>n. A. 1487. Ux. Fran-<br>cisci Wolfg. Com.<br>Zoller.           | 13. JOHAN-<br>NES.<br>natus & denat.<br>A. 1490.                        | 14. BEATRIX.<br>nata A. 1485.<br>Ux. Johannis Pal.<br>Ducis Simmer.<br>A. 1519.  |
|   |   | 15. MILIANUS<br>AESAR.<br>natus<br>A. 1519.  |



exercitu cum Delphino acturi. Huic inter & Principes in magna illa planicie, quæ Brisacum & Ensisheimium interjacet, institutus est sermo; quo rei transigendæ Rosheimii in inferiore Alsatia definitus est dies.

Ludovicus Palatinus timens, ne pacis mora Galli ludificarent Germanos, initio Nov. principes Spiram evocatos, de exequendo Ratisbonensi decreto interpellavit. Sed prævaluit Austriæ & Brandeburgi Albertorum, Jacobi nostri, aliorumque sententia, qui Rosheimensis conventus expectandum esse eventum dicebant, neque prius, quam amicæ compositionis via fuerit tentata, festinandum ad arma. Paulo post Principes Argentoratum venerunt, de summa rei cum Delphino tractaturi. Hic vero, relicta paulo ante Alsatia, ad Beliardæ montem usque progressus erat. Unde re infecta Principes Argentorato discesserunt. Ab hoc tempore turbis Alsaticis se non amplius immiscuit Jacobus; neque expeditio contra Delphinum suscepta. Hic denique in Conventu Trevirensi A. 1445. copias se abducturum promisit, ea conditione, ne quid damni nomine ab ipso exigeretur. (s)

## §. VII.

A. 1446. in Francofordiensibus Comitibus Jacobus una

*Tom. II.*

S

ARs ab  
A. 1446.

---

(s) SCHILTER. ad Kœnigsh. pag. 936. sq. & pag. 1006. sqq. & HERZOG  
*Chron. Alsat. Lib. II. pag. 117. sqq.*

JACOBUS.

cum Augustano & Chiemseensi Episcopis, ut & cum Brandenburgico Marchione Legati Cæsarei functus est munere. (t)

Idem eodem anno cum Moguntino, Palatino, Austrio, Bavaro, Brandenburgico Principibus & cum Wirtembergæ Comite contra Helvetios foedus inivit.

Idem quoque annus est, quo Fridericus IV. Cæsar Rhenense telonium in vico Schreck, quod antea Johannes, Spanheimii Comes, possederat, Jacobo nostro concessit. (u)

Biennio post Marchio noster Castrum Steineck Dieterico a Gemmingen in feudum hereditarium concessit. (x)

A. 1449. bellum inter Austrios & Civitatem Basilicam composuit Jacobus; (y) eodemque anno Alberto, Marchioni Brandenburgico adversus Norimbergenses & fœderatas civitates auxilium denuo præstitit. (z)

Sed & Comitis Wirtembergici socius, cum Carolo & Bernhardo filiis, Eslingæ civitati, ob novum vestigal, quod ab Imperatore impetraverat, bellum indixit. (a) Commissum est inter Wirtembergæ Comitem & civitatem sociosque ejus, ad Eslingam

(t) Mandatum hoc exhibet GUDENUS *Cod. Dipl. Mog.* Tom. IV. pag. 300.

(u) Tabular. Bada-Badense.

(x) Alia feuda, Dieterico huic data, vide infra in Carolo.

(y) TSCHUDI *Chron. Helvet.* Tom. II. pag. 475. 529. 493.

(z) CAUSIUS *Annal. Suev.* Lib. VII. Part. III. pag. 389.

(a) DATT. *de pace publ.* Lib. I. Cap. 15. n. 57.



prælium, in quo Johannes a Steinheim eques, Dux copiarum Badensium cecidit, Wirtembergensis victor evasit. (b) In bello hoc Jacobus Wilam obsedit. Denique sublati auctoritate Friderici Imperatoris controversiis, pax inter Principes & Civitates restituta est A. 1450. (c)

## §. VIII.

Eodem tempore Ludovicus Lichtenbergæ Dynasta, Romanam proficiscens, avunculo suo Jacobo Marchioni, in Ortenaviciis suis terris vicino, regimen ditionum commisit. (d) Ludovico huic, ex Italia reduci, A. 1451. cum Schafrido & Emicone Comitibus Leining. exortum est bellum; multorum sociorum accessione, magno utrimque gestum ardore; vastatis hinc inde terris, quin & Castris pluribus vel destructis vel captis. Schafridus Hohenfelsam, Dambacum, Neuhausium, & dimidiam Kittelsheimensis viciniam, a Lichtenbergicis sibi restitui petebat. Jacobus Marchio Lichtenbergensis, vicini sui, partes fovit primum occul-

Tom. II.

S 2

(b) Vide CRUSIUS l. c. pag. 391. & TRITHEMIUS Chron. Hirsaug. ad A. 1449. & 1450. pag. 419. & 421.

(c) SEBAST. MUEGII Chron. Mscpt. pag. 129.

(d) HERZOG. Chron. Alsat. Lib. V. pag. 19. Bernhardi March. filia Anna, soror Jacobi March. Ludovici hujus Lichtenberg. mater fuit. Vide ALSAT. ILLUSTR. Tom. II. pag. 622.

JACOBUS.

te, dein conciliatoris officium in se suscepit, amicitiae vinculo Ludovico conjunctus. Fridericus Palatinus pro Leiningensibus stetit. Lis hæc in Heidelbergensi & Eadenſi Conventibus cum transigi non potuisset, Jacobus eodem anno, Spiræ cum Electoribus nonnullis, quos inter Fridericus Palatinus, aliisque principibus, Conventum habuit die Assumptionis beatæ Mariæ. Aderat cum duobus filiis Marchio & cum vassallis suis, Comitibus, Baronibus, Equitibus & cum Marchione Rætelenſi. Conventui intereant X V. Principes, XX VI. Comites, X X. Barones (*Freien*), XXXII Equites. (*e*)

Lites vero inter Lichtenbergensem & Leiningenses cum nec in Spirensi hoc Conventu fuissent compescite, Jacobus una cum Reinhardo Spirensi Episcopo & Alberto Brandeburgico Marchione alium conventum Pfortzhemii celebravit, die Dominica post S. Lucæ, in quo denique transactio coaluit. (*f*)

## §. IX.

Pax Caſtr.  
Werden-  
ſis.

A. 1452. Jacobus noster cum Philippo Ingenuo, Electore Palatino & ejus Administratore Friderico, sædus inivit super

(*e*) Codex Mſcpt. Palatini Archivi, & LEHMANN. *Chron. Spirens.* Lib. VII. Cap. 100.

(*f*) HERZOG. *Chron. Alſat.* Lib. V. pag. 21. ſqq. Bellum hoc quoque deſcribit MATTHIAS A KEMNAT, Friderici I. Palatini familiaris in Vita Friderici hujus Manuſcripta pag. 163. quæ in Tabulario Palat. Manheimi ſervatur.

Castrium & oppidum Werde (*g*) in Alsatia omnemque ejus districtum & marcam. Rupertus Palatinus Elector jam A. 1400. die S. Matthie Apostoli quartam Castri hujus partem a Ludovico, Lichtenbergæ Dynasta, coëmerat, pacemque cum eo iniverat Castrensem. Marchio Jacobus ex tribus illis partibus, quæ Lichtenbergicis remanserant, partem octavam ejusdem Castri Werdensis coëmit, adeoque ad Ganerbican Castri quoque admissus est pacem. Pacis hujus particeps Palatinus Elector, petiit, ut acobus ob accessionem hanc cum eo Castrense quoque conderet feudus. Conditum est die Jovis septimanæ Paschalis 1452. in Castro Liebenzele, ubi tum versabatur Jacobus. (*h*)

A. 1453. Jacobus a Carolo, Rege Franciæ, propter *generis nobilitatem ac sacræ plurimæque virtutis decus*, Consiliarius & Cambellanus nominatus est, literis in pago Turonensi datis, in quibus *Consanguineum* suum Rex Marchionem appellat. (*i*)

## §. X.

A. eodem die Martis post Quasimodogeniti Jacobus Collegium X X I I. Clericorum, Petro, Paulo, Johanni Jacobo, Fundatio  
Ecclesiæ  
Colleg.  
Badensis.

## S 3

(*g*) WOERDT oppidum caput est Præfecturæ, quæ Lichtenbergicæ apud Alsatias Dynastiæ pars est, duabus leucis ab Hagena situm.

(*h*) Instrumentum fœderis hujus in Palatino Electoris Tabulario superest.

(*i*) GUENUS *Cod. Dipl. Mog. Tom. IV. pag. 33.*

JACOBUS.

Georgio & S. Annæ, Patronis dicatum, in Ecclesia Parochiali Badensi instituit; cujus jam diu ante votum Bernhardus suscepit pater. (k) In Collegio hoc duodecim ordinavit Canonicos; quos inter Præpositus, Decanus, Custos & Cantor; reliquos X. Vicarios esse jussit. Collegiæ huic præter annuos redditus 500. florenorum, jus patronatus concessit in novem parochias, Besigkheim, Mensheim, Cappel, Gochspoltsheim, Niederbühl, Elchisheim, Remchingen, Seldingen & Gechingen; quas Bulla sua Pontifex eidem Collegiæ attribuit. (l) Dimidiam fere annuorum reddituum partem (medios fructus vocant) ad ecclesiæ usus Canonici conferre tenentur. Jus præsentandi Marchionibus reservatum; qui inter XII. Canonicos, quatuor Doctores vel Licentiatos admittant; reliqui sint viri probi & docti, ex legitimo omnes matrimonio nati, nisi forte naturales Marchionum filii admitti petierint. Quodsi Marchiones inter eorumque officiales aut subditos atque Capitulum Canonicosve lites oriantur, quæ amica transactione non possint componi, componantur per arbitros quatuor, quorum duo e consiliariorum Badensium numero, ceteri e capitulo eligantur. Dissidentibus quintus addatur superarbitr, quem vel consiliarii vel sacerdotes elegerint arbitri, prouti vel ec-

---

(k) Adi supra pag. 120.

(l) Exponit hæc scriptum: Genuina Informatio de perpetua subjectione Collegiæ Ecclesiæ Badensis, hoc seculo impressum.

clericaliæ vel secularis personæ causa agitur. A laudo provocare non licet.

### §. XI.

Eodem tempore Jacobus, acceptis solennibus literis, (m) Testamento disposuit, quæ ad successionem terrarum, ad splendorem & incrementa Domus, mutuamque fratrum concordiam pertinere videbantur.

Carolus, Bernhardus, Georgium seculo, Johannem & Marcum ecclesiæ destinavit. Carolo natu majori plerumque superiorem Marchiam cum Spanheimensi Comitatu & Marchionatu Hachbergico ac Dynastiis Höhingen, Lahr & Mahlberg attribuit. (n) Inferiores terras inter filios postgenitos Bernhardum & Georgium divisit: illi Pforzheimium, huic Durlacum sedes regiminis constituit. Sortes & spem super Lichtenberg, jura super Ducissæ Lotharingæ hereditatem, jura in Mutzig; debita Papæ, Cæsaris, Austriæ, Oettingæ & alia in communione reliquit. Johanni autem & Marco annuas mille florenos assignavit pensiones, quarum dimidia pars cesset, simulac uterque ecclesiasticis ex beneficiis totidem obtinuerit florenos. Tota pensio cesset, ubi aut Episcopatus, aut bis mille florenorum redi-

(m) Die Mercurii post Quasimodogeniti.

(n) Literæ ipsis testamenti tabulis insertæ.

Jacobus.

tus impetraverint. Imperialia & Palatina feuda Carolus; Moguntina & Spirensia Bernhardus, Weissenburgensia Georgius succipiat. Ad redimenda feuda Palatina *Graben* & *Stein* tres lineæ summam 15000. floren. (o) conferant, at possessio maneat penes eum, cujus portiones in testamento adscripta sunt. Documenta in Castro Badæ communi asserventur custodia. Singuli fratres repertorium eorum habeant. Nulli fratrum soli ad ea pateat aditus.

De cetero filiis injungit Jacobus, ut singuli eorumque heredes, perpetuam inter se pacem & amicitiam colant; a bellis, mutisque abstineant injuriis. Arcissimo inter se fœdere nexi, amicos habeant communes & hostes, neque cum exteris societatem ineant, aut fœdera pangant. Lites obortas amicabili transactione componant; vel arbitros eligant consiliarios; quibus superarbiter, si necesse est, addendus; omni provocatione sublata. Subjecti unius in alterius terris, nisi domino consentiente, matrimonia ne contrahant.

Fœminæ, nonnisi extinctis omnium linearum masculis in Marchionatu succedant; duodecimum egressæ annum omnibus in terras Marchicas juribus renuntient. Confirmationem hujus juris post

---

(o) Adduntur in testamento rationes, cur Carolus plus reliquis accipiat: Longinquitas terrarum, indivisibilitas Comitatus Spanheim. dos insignis uxoris 39000. flor. Rhenensium; quos pater in suum usum converterat.

post testatoris mortem a Cæsare petant Marchiones. Decies mille florenorum filix principis dos sit. Auctis terris dos hæc quæ possit augeri. Monastica vota, quæ suscipiunt filix, quotannis centum florenos accipiant. Terras aut earum jura, neque alienare, neque oppignerare Principi Badensi fas sit. Quodsi oppignratio evitari non potest, relucio semper maneat salva; pignus sex mensibus ante fratribus vel agnatis offeratur; quibus, uti & pignoris domino, perpetuum reluendi jus competat. His formulis alienationes terrarum Badensium solenni sup testamento Jacobus prohibuit. Christophorus, nepos ejus, arctiore vinculo, ut deinceps docebimus, successores adstrinxit. Dotalicia & vidualitia principum seminarum super terras fieri permisit Jacobus. Si una ex lineis sine masculis perierit, reliquæ succedant æqualiter, ita tamen, ut senior Badam semper, cum valle & Advocatia Monasteriorum *Lichtenthal* & *Schwarzach* possideat. Lineæ pereuntis filia 10. mille florenorum accipiat dotem. Quodsi duæ lineæ perierint, tertia succedat; at filiabus semper prospiciatur. Si omnes lineæ interierint, succedat, qui jus succedendi tum habiturus est.

## §. XII.

A. 1453. Jacobus Spira domum rediens ægrotavit, mortuus in Castro Badæ, quod dein vocatum est vetus. Sepultus in Collegiata Badensi, quam instituit, Ecclesia, ubi & pater sepulcrum accepit.

JACOBUS.

Præter Spånheimensem Comitatum, de quo jam supra, dimidiam quoque partem in Schwann, Conweiler, Tobel, Tennach, Rumertsbach, Stenach, Ober - Nibelsbach, Grevenhausen, Sulzfeld, Under-Niebelsbach, Langenalb, Neuenbürg acquisivit Jacobus. Altera dimidia pars Ludovico, Wirtembergico Comiti, vendita fuit. Nec transeundum silentio, quod vicum Weisweil, Hachbergici Marchionatus, cum castro, 1560. florenorum summa a Stauffenbergensibus Dynastis A. 1430. redemit. Homines proprios, quos Rathsamhaufii Bahlingæ habebant, 800. florenis Marchionati acquisivit.

## §. XIII.

Chara-  
cter.

Salomonem Badensem haud immerito vocamus Jacobum, qui tam sapienter, tam pie suam rexerat Marchiam; suam rexerat Domum, cui Sanctionem Pragmaticam, solenniorem Bernhardina præscripsit, qua ejus felicitas, splendor, immortalitasque innititur. Per omne regiminis tempus pacem custodivit & coluit. Jura in Margarethæ, Lotharingicæ focus, hereditatem neglexit, eaque filiis in testamento prosequenda reliquit. Justitiæ & integritatis laus ejus per Germaniam omnem inclaruit. Moriens mutuum inter se concordiam filiis injunxit & in cives clementiam. Speciatim ordinavit, ut primo a morte ejus anno; adhibitis quique consiliariis, singula ditionum obirent oppida & loca, omniumque audirent querelas, oppressos sublevarent, vim



injunctam, si quæ eo regnante illata, corrigerent. Disciplinam quoque Monasteriorum in terris suis habuit curæ, atque inter alia Monasterio Albæ seminarum novam ordinationem præscripsit. (p)

Plenus admiratione ejus AENEAS SYLVIVS (q) hunc in modum de eo scribit: „ In Marchionatu Badensi Princeps Jacobus justitiæ ac prudentiæ fama inter Germanos clarissimus, cum sibi ad humanam felicitatem solam literaturæ peritiâ deesse angeretur, quos ex conjuge legitima liberos sustulit, edificare literas compulsi: inter quos diviso patrimonio, cum Carolo primogenito, singularis industriæ juveni, Imperatoris forem matrimonio collocasset, plenus annis haud invitus e vita decessit. „ (r)

§. XIV.

Uxor Jacobi fuit Catharina, Caroli I. Lotharingæ Ducis uxor. filia. Hic masculam non reliquit prolem, sed Isabellam & Ca-

Tom. II.

T 2

(p) Epistola Conradi de Munchingen, Carthusiani, scripta A. 1443. Tabular. Bad.

(q) *De Statu Europæ sub Friderico III. apud FRIEDERUXX Tom. II. p. 235*  
AENEAS SYLVIVS *Operum* p. 418.

(r) Ibidem pag. 493. hæc addit: „ Jacobus Marchio Badensis, ubi latrocinium in ditione sua commissum didicit, vocatis iis, qui damno assenti fuissent, tantum eos ex fisco suo accipere jussit, quanti esse, quæ amississent, jurejurando affirmassent. Exinde latrones infecutus,

JACOBUS.

tharinam filias. (s) Isabella destinata fuerat Jacobo, at nupsit dein Renato, Andegavum Duci, qui titularis fuit Neapoléos Rex; cui Cardinalis Barrensis, in favorem matrimonii, Ducatum Barrensem & Marchionatum Mussipontanum promiserat; bonorum suorum eum instituens heredem. Catharina A. 1408. nondum septennis desponsata fuit Jacobo, virtute pacti, quod pater ejus Carolus cum Bernhardo Marchione inivit. Carolus filiae 15. mille florenos in dotem promisit. Conventum quoque, ut morituræ sine liberis Isabellæ Catharina soror & ejus heredes in Lotharingæ Ducatu succederent. (t) Bernhardus ex sua parte vicies mille florenos filio & in vidualitium Catharinæ promittit, eumque in finem Castrum & oppidum Stalhovæ oppignerat. Literæ utriusque partis conjunctim conscriptæ sunt hæc super re

---

„ apprehensos in rota sustulit. Id est supplicii genus apud Teutonicos  
 „ formidabile. Atque ita brevè pacatissimam provinciam reddidit. Pa-  
 „ tris vestigia Carolus nobilissimus adolescens sequitur, cui nupta est  
 „ Catharina, soror Friderici Cæsaris.

- (s) Lexicon Basil. Art. *Baden* Catharinam dicit fuisse seniozem. Verum in Instrumeto vidualitii Isabellæ, quod Ludovici, Cardinalis Barrensis, auctoritate constitutum Nanceji d. 24 Octob. 1420. Isabella diserte vocatur *filia senior* (fille aîné du Duc de Lorraine) vide VIGNIER *Origine des Maisons d'Alsace* pag. 194. Adde sententiam Caroli VII. Galliarum Regis inter Renatum & Antonium Vaidemontii Comitem, ubi Renato adjudicatur Lotharingia ex capite Conjugia ejus Isabellæ. Data est Rhemis d. 27. Mart. 1440. VIGNIER pag. 213. sqq.

- (t) Idem plane cautum est in testamento Caroli L' Lotharing. Ducis A. 1424.

Raoni Lotharingæ; quarum authenticum in Tabulario Bada-Badenſi inſpexi.

Nuptiæ Jacobi cum Catharina nonniſi A. 1426. celebratæ fuerunt. Tum vero Jacobus Lotharingæ oppida *Bruyeres*, *Arches*, *Raon* & *S. Deodati* oppidum (*S. Diey*) dotis loco accepit. (u) Locis his Werſicum Bock de Stauffenberg, virum bello ſtrenuum, præfecit Jacobus. Hoc mortuo terras iſtas & oppida Renatus Dux, Iſabellæ maritus, ſoluto Badeniſibus pretio, redemit. Werſicus caſtrum Jungholz in Alſatia ſuperiore occupavit, ubi cum Hatſtadiis, Huſiis, Regiſhemliis, Stœrſis &c. Militibus contra Lotharingos nobiles, a quibus olim ſe læſum querebatur, ſocietatem inivit. A. 1465. ſuſcepta in eos cum ſexcentis armatis expeditio, indeque ingens præda per vallem Sancti Gregorii incolis hujus vallis ob priſcam cum Lotharingis amicitiam fruſtra renitentibus, Jungholzium ducta eſt. (x)

### §. XV.

Jacobus ex matrimonio cum Catharina Lotharingica Liberi. quinque filiōs, unamque filiam ſuſcepit.

T 3

---

d. XI. Jan. conſcripto. vid. CALMET *Hiſt. de Lorraine* Tom. III. Preuves pag. 187.

(u) CALMET *Hiſt. de Lorraine* Tom. 2. pag. 704. Memorata quatuor oppida ſita ſunt in Voſago monte.

(x) BERLIER *Chron. Mſept.* Mandati Ruſſac. fol. 141. quod inter Codices meos Alſaticos extat.

1. Carolus primogenitus patri in principatu successit.
2. Bernhardus ob vitæ sanctimoniam inter Divos relatus.
3. Johannes Archiepiscopus Trevirensis evalit.
4. Georgius factus est Præsul Metensis.
5. Marcus in Ecclesia Colonienfi & Argentinensi Canonicatum accepit.

Margaretha, Jacobi filia, Alberto Marchioni Brandeburgico nupsit.

Carolum Bernhardum atque Georgium seculo destinaverat pater, Ecclesiæ ceteros. Sed Georgius portione, quam testamento paterno acceperat, Carolo fratri relicta, ad Ecclesiam quoque transivit. Bernhardus eidem fratri regimen terrarum suarum reliquit; non diu post mortuus cælebs.



## CAPUT III.

## CAROLUS I.

A. 1453 — 1475.

## §. I.



acifcum Marchiæ viginti duo annorum regimen CAROL. I. excepit turbulentum & Reſtori fatale. Jacobum, pacis artibus innutritum, ſecutus eſt Carolus, animoſus ſed infelix miles a JUNG- LERO (a) vocatus. Tertia Marchiæ pars patris decreto ei fuerat deſtinata. Totius gubernationem fratrum ceſſione denique ſolus accepit.

Nativitatis ejus annus incertus. Adoleſcens ludis equeſtri- bus Landſhutæ inter nuptias Ludovici Ducis Bavarie A. 1439. aliisque Ulrici, Wirtembergiæ Comitidis, nuptiarum occasione Stut- gardiæ A. 1445. celebratis, interfuit. (b)

Gesta ſub  
patre.

(a) In *Narratione Genealog. Mf. Domus Badensis*. FUGGER. in *Speculo Austr.* pag. 443. *der Krieger*.

(b) *CRUICUS Annal. Suevicor.* Lib. VII. Part. III. pag. 365, 371, 382.

A. 1446. Friderico IV. Regi Romanorum, cujus forem nuper duxerat uxorem, contra Helvetios (c), atque triennio post Wirtembergæ Comiti, adversus Eslingenses & fœderatas civitates, præstitit auxilium. (d)

## §. II.

Turbæ  
Lützel-  
stein.

A. 1452. bellum, Comitibus Lützelsteinis funestum, recruduit. Carolus cum Theodorico Mogunt. Archiepiscopo & Ludovico, Bipontino Duce, Comites hos in Fridericum Palatinum concitavit; cujus frater Ludovicus Elector haud ita pridem gravi eos attriverat bello. Lützelsteinii, una cum vicinis Lichtenbergicis terras Schaffridi, Leiningensis Comitis, Palatino amicitia & vinculo vasallitico juncti, hostiliter aggressi, eas ferro flammisque vastarunt. Sopiendis his litibus conventum Heidelbergæ Palatinus instituit. Brandenburgicus ibi & Badensis, Marchiones, Lützelsteinensium partes tuiti sunt. Palatinus fortiter pro Leiningensi disseruit. Magna verborum contumelia discessum est. Palatinus qui Impererialium Alsatiz Civitatum Præfecturam, Domui suæ oppigneratam, tum quoque gerebat, Lützelsteinis intulit bellum; occupataque, bimestrem post obsidionem,

(c) CRUVIUS loc. cit. pag. 585.

(d) Conf. vita Jacobi A. 1449.

nam, Lützelsteinia arce & Comitibus in exilium actis, Comitatum eorum sibi vindicavit. (e)

## §. III.

Eodem anno Carolus noster profectus in Austriam, bellis ibi turbas, quæ Friderico IV. Imp. affini ejus; a Romana expeditione & coronatione reduci, exortæ sunt, composuit arbiter. Hungari, Bohemi, Austrii Regem suum, Ladislaum Posthumum, XII. annorum adolescentem, cujus tutelam proximus sanguine gesserat Cæsar, (f) sibi tradi petebant. Austrii maximo rem ardore aggressi, junctis sibi Hungaris, Bohemis, Moravis, Neostadium Austriacum, ubi Cæsar morabatur, obsidione cinxerunt. Cæsar aliquot dierum inducias pactus, cum Salisburgensi Archiepiscopo, Frisingensi ac Ratisbonensi Episcopis civitate egressus, cum adversæ factionis Principibus de pace tractavit. At res nullo modo componi, nec induciarum tempus potuit prorogari. Desperatum de pace. Marchio solus apud hostes remansit, novoque colloquii die impetrato, una cum Episcopis, pacis leges

Austria-  
cæ.

Tom. II.

U

(e) TRITHEMIUS in *Chron. Hirsaug.* ad A. 1452. PAULUS HACHENBERGIUS in *historia de vita ac rebus gestis Friderici I. Palat.* Lib. II. p. 37. seqq. ALSATIA ILLUSTRATA Tom. II. pag. 197.

(f) Friderici IV. Imp. Avus fuit Leopoldus Pius, Austriæ Dux; cujus frater Albertus erat Prosvus Ladislai posthumi.

proposuit; ut obsidione soluta, Ladislaus Comiti Cilie gubernandus traderetur; donec in conventu, qui festo Martini Vindobonæ habendus, decerneretur, ubi educari, & per quos rex Ladislaus deberet.

Ad conventum hunc tres Episcopi, duo Bavari Duces, Brandeburgicus & Badensis Marchiones destinati fuerunt, qui auditis utriusque partis rationibus rem omnem componerent. Conditiones hæc, adnitente præsertim Carolo nostro, Neostadii probatæ fuerunt. Austrii interea traditum sibi Ladislaum Regem, contra fidem, quam dederant, Vindobonam ducentes, nomine ejus gesserunt regimen. Destinatus conventui cum illuxisset dies, & præter ceteros Carolus noster atque Æneas Sylvius a Cæsare legati adessent, Austriaci Neostadiensi conventionem se teneri negarunt, quod Ladislao tutela exempto, suorumque armis libertati restituto, iniquum videretur, victori leges præscribi a victo. (g) Austriacæ hæc turbæ in annum 1452. inciderunt.

## §. IV.

Patri succedit.

A. 1453. Carolus noster cum Georgio & Bernhardo fratribus Jacobo patri successit. Anno sequenti Georgius, ad Ecclesiam transiens, Carolo & Bernhardo portionem suam; Bernhardus

---

(g) ÆNEAS SYLVIVS in *historia Friderici Imp.* in SCHILTERI *Scriptorib. Rer. German.* pag. 114. GERARDUS A ROO *Histor. Austr.* Lib. VI. pag. 208. seqq. FUGGER. *Ehrenspiegel* Lib. V. cap. 8. pag. 590. seqq.



brevi post regimen terrarum Carolo fratri soli reliquit; ut vitæ eorum nos docebit historia. Ab eo tempore Carolus tam suam, quam Bernhardi fratris auctoritate Marchiam rexit, signatis utriusque nomine Chartis, usque ad A. 1458. quo Bernhardus decessit.

Carolus a Burcardo Abbate & Conventu Teunebacensi A. 1453. Advocatus electus est. (h)

Fridericus IV. Imp. literis, eodem anno Neostadii datis, facultatem ei concessit, Castrum Ortenberg & Ortenaviæ Civitates Offenburg, Gengenbach, Zell, id est, Præfecturam Ortenavicam ab Episcopo Argent. pretio oppignerationis soluto, redimendi. (i)

## §. V.

Præfectura Imperialis Ortenaviæ, uti Alfatica, Suevica aliaque, libera erant Imperii domania, quæ urgente necessitate Cæsares pro parata pecunia dederunt in pignus. Ortenavica A. 1334. Ludovico Bavaro Imp. ordinante, in Badensium Marchionum manus pervenit. (k). Carolus IV. A. 1351. peculiari Diplomate ad Episcopum Argentinensem, Bertoldum de Bucheck Præfecturam hanc transtulit, qui deficientibus nummis, Argenti-

Præ-  
fectura  
Imp. Or-  
tenaviæ.

Tom. II.

U 2

(h) Codex Diplomat.

(i) Literæ extant in Tabulario Bada-Badensi.

(k) Adi supra Lib. IV. cap. 3. §. 3. pag. 45.

nense telonium Badensibus tradidit. Rupertus I. Palatinus Elector A. 1365. à Carolo Imp. potestatem accepit, Præfecturam ab Argentinenſi ut relueret Episcopo. Mansit tamen in potestate hujus Ecclesiæ usque ad Wilhelmum à Dieſt, qui A. 1404. acceptis vicis & ter mille cum quingentis florenis dimidiam ejus partem Ruperto Imperatori, ut Electori Palatino, gratiæ ejus conciliandæ causa, concessit. Dimidia hæc pars penes Electores Palatinos; altera penes Argentinenſes Episcopos mansit. Hanc Carolus noster ut redimeret, Literis, quas allegavimus, Fridericus Cæsar A. 1453. concessit.

Idem Cæsar ad Præfectoriales Ortenaviæ Civitates A. 1462. perſcripſit, (1) ne futuris temporibus Fridericum Palatinum, sed Carolum Badensem, agnoscerent Præfectum. Ita omnis Præfectura ad Badenses rediisset. Res tamen in pristino statu permanſit. Palatinis Electoribus pars eorum dimidia ante bellum Palatino-Bavaricum A. 1504. non fuit crepta.

Non rara fuit Cæsarum consuetudo, ut oppigneratas Imperii terras reluendi facultatem concederent; relutio tamen non fieret, (m) vel ob pecuniæ defectum, vel quod possessor, opibus

(1) Extant hæc Literæ in Tabulario Bada-Badensi.

(m) Advocatæ Sueviæ, Friderico Bavaro oppigneratæ, restitutionem Leopoldo Austrio Wenceslaus Cæsar A. 1379. permisit, & illa tamen sub Ruperto Imp. nondum penes Austrios fuerat. MARTENE Collectio amplifi. Tom. IV. Col. 33. num. 19.

potens, pignus in alium transferre recusasset; id quod Carolus quoque noster expertus est; qui nec Palatinum nec Anistitis Argentinensis obtinuit partem.

## §. VI.

Eodem tempore (1453) octavam Lichtenbergicæ Dynastie partem à Ludovico Dynasta obtinuit Carolus; illam præfertim, quæ in Ortenavia Marchiam tangit. Fædus quoque initum; virtute cujus Ludovicus Carolo A. 1457. bellum gerenti, suppetias tulit. (n)

In Comitibus Francofurtanisis mense Septembri A. 1454. belli Turcici causa habitis, Carolus una cum Brandeburgico & Enea Sylvio Gurcensique Episcopo Cæsaris vices peregit. (o)

Eodem anno Fridericus Imp. literis Neostadii datis, (p) Carolo & Bernhardo Marchionibus tuitionem Eslingæ, Suevorum Civitatis liberæ commisit. Virtute harum literarum per LX. annos in protectionem Badensem Eslinga recepta est. (q)

U 3

---

(n) HERZOG. *Chron. Alsatice* Lib. V. pag. 18.

(o) GÖBELLINUS *Bonnensis Vicarius*, Pio II. Pontifici à secretis Epistolis, *Commentariorum Pii II.* Lib. I. pag. 23.

(p) Die Veneris post Martini.

(q) Utrumque instrumentum vide apud DAT T. *de pace publ.* Lib. II. cap. IX. num. 15. & 17.

A. 1455. Imperator, scripto Neostadii diplomate, Carolo & Bernhardo fratribus privilegia, quæ sequuntur, concessit: (r)

1. Quicumque in Marchionum terris facinus aliquod perpetraverint, res in eorum iudicator tribunalibus.

2. Si quis hereditaria prædia in Marchionatu teneat, & de iis controversia nascatur, coram iudicio, in cujus districtu sita sunt, expediatur negotium.

3. Ne quis Marchionum Badensium subditos aut officiales, rationibus nondum redditis, dominis invitis recipiat cives. (s)  
Huc usque Carolus comparuit pacificus.

§. VII.

Bellum  
Palati-  
num.

Arctum, quo Friderico Cæsari Marchio noster fuerat junctus, affinitatis vinculum frequentibus cum Electore Palatino, cui Cæsar semper adversabatur, litibus dedit occasionem. Hic indignatus est pactum, quo Philippus Ingenuus in patrum contulerat Electoratum: Fridericus ex tutore Electoris evasit Elector; Philippum, quem adoptaverat, nonnisi mortuus successorem habiturus. Carolus, Cæsaris, affinis sui, auctoritate inductus, Fridericum Electorem agnoscere recusavit.

(r) Die Lunæ post Palmarum.

(s) Diploma hoc extat apud LUNIG. *Reichs-Archiv Parte speciali Continuat. II. 17te Abtheilung, 1 Xter Absatz pag. 941.* & apud SCHILTER. *Script. Rer. German. in Codice Dipl. pag. 98.*

Inter hæc novus Elector agnato suo, Ludovico Nigro, Bipontino, Stephani Simmerensis filio, perpetuo suo æmulo, intulit bellum & Tabernas Montanas A. 1455. obsedit. (t) Belli hujus occasione constitutus est dies, quo discordiæ Fridericum inter fratresque Badenses dirimerentur, & quidem Neoburgi; quod castrum ad Navam, olim caput Comitatus. (u) Placati ibi sunt animi hostiles. Duos inter Marchiones Badenses ad cœnam sedit Fridericus, brevique post Badæ eosdem invisit, multis lætitiæ testimoniis exceptus. Marchiones Heidelbergæ vicissim inviserunt Electorem sesto Simonis & Judæ. Tum denique lis illa de investitura Castrorum *Graben* & *Stein*, quam constanter recusaverat Jacobus, a filiis terminata est. Ille quidem à Friderico, ut tutore Electoris Philippi, hæc feuda accepit, sed ab eo, ut Electore, ea recipere recusaverat. (x) Enimvero ad officium vasalli obstrinxit se Carolus, si Curie Electoralis Palatinæ Pares ex ordine Comitum id faciendum esse feudali declaraverint iudicio. Judices federunt septem Philippus scilicet de Catzenelnbogen, Hesso

(t) De bello hoc ТРИТНЕКУС in *Chronico Hirsang.* ad A. 1455. ubi Tabernas montanas, in sesto Tiburtii Martyris, a Friderico Electore expugnatas fuisse tradit.

(u) Schloß *Neuenburg* hodie *Naumburg* ad Navam. Eberhardum Comitem de *Neuenburg* memorat КРЕМЕР, de *Comitibus Spanheim.* pag. 15.

(x) Narrat hæc *Anonymus Palatinus*, temporis illius scriptor, cujus Codex in feriniis Electoralibus Palatinis servatur, idiomate Germanico scriptus pag. 24. 166.

CAROL. I.

de Leiningen, Guilielmus de Virnenburg, Philippus de Hanau, Philippus de Rieneck, senior Johannes IV. Rheingravius de Dhaun; Bernhardus de Eberstein.

Hi die 30. Octobr. A. 1455. novi Electoris postulata probarunt. Carolus satisfecit sententiæ & solenni ceremonia vassallagium præstitit.

## §. VIII.

Fœdus  
cum Pa-  
latino,  
aliaque.

Solennitatem decennale fœdus exceptit, *Unionem* (y) quod vocant. In fœdere hoc Carolus & Bernhardus fratres, Marchiones, cum Friderico I. Electore conveniunt, ut per conventionales, quos vocant, Austregas, orituræ inter fœderatos lites componerentur. Si Palatinus est actor, ex Consiliariis Palatinis arbitri duo, ex Badensibus duo sumantur, hisque communis, ex Badensibus Consiliariis addatur arbiter. Austregales hi iudices conveniant Bruchsalæ. Quodsi compositio non habeat locum, major suffragiorum numerus decadat. Arbitris (z) autem in duas discedentibus partes, arbiter communis (a) cui parti accedat, illa sit victrix. Sententia pronuntiata intra tres menses fortitur effectum. Res ita tractentur, si Palatinus contra Badenses sit actor. Quod si Badensibus contra Palatinum sit actio, eadem Austre-

(y) *Einnung.*

(z) *Die Zusätze.*

(a) *Der Gemeine.*

Austregalis Judicii observabitur ratio, nisi quod communis arbiter, ex Confiliariis Palatinis sumendus, diem judicii, Bruchsalæ habendum, indicet atque judicio præsit. Arbitrarius communis debebat esse indigena, ab omni obligatione liber. Hæc fœderis A. 1455. initi summa.

Eodem anno Marchio noster Georgio de Schauenburg, ex Ortenaviæ Nobilibus, adventitios inter Ellum Alsatiae & Scheeram homines dedit in feudum. (b)

A. 1456. Carolus ordini Antonianorum Ecclesiam in Niemburg prope Emmedingam tradidit.

A. 1457. idem Carolus cum civitate Argentinensi quinquennale fœdus pereussit contra quoscunque. Moguntinus Antistes & Fridericus, Palatinus Elector, excepti. (c)

### §. IX.

At anno sequenti mutata fuit animorum tranquillitas. Conventus Spir. contra Palat.  
Tum enim Carolus cum Theodorico Moguntino, Ludovico Bispontino, Alberto Austriaco, Alberto Brandenburgico, Ottone Stephanoque Palatinis, Ulrico & Eberhardo, Wirtenbergæ Comitibus Spiræ celebravit Conventum, cui etiam ex Comitum ordi-

Tom. II.

X

(b) ALSAT. ILLUSTR. Tom. II. pag. 694.

(c) Die Lunæ post festum Pentecostes. Instrumentum in scriniis Argentinensibus extat.

CAROL. I.

ne plures interfuerunt. Actum ibi de fœdere contra Fridericum Palatinum, cuius potentia cunctis ad Rhenum formidanda Principibus. Merique de acceptis a Palatino injuriis conquesti sunt. Consiliis vero in diversa abeuntibus re infecta discessum est. (d) Carolus tamen cum Ludovico Bipontino decennale condidit fœdus. Ulricus Wirtembergæ Comes in Fridericum solus tum arma capefflavit. Hic Margaretham, Sabaudicam principem, Amadei I. Ducis filiam, Ludovici Palatini Electoris viduam, duxerat uxorem; cuius dotem a Friderico fratre injuste detineri causatus est.

Turbæ  
cum Wir-  
temberg.

Carolus Badensis de finibus cum Ulrico lites tum alens, infesta Wirtembergico agro intulit signa. Mox tamen cum Ulrico in gratiam rediit, (e) contra communem ut se defenderet hostem. Socium inter eos fœdus paulo post initum reperiò, (f) utrique funestum.

Flagrantibus Wirtembergicum inter & Palatinum discordiis, Carolus Ganerbiale Castrum Schauenburg, prope Oberkircham in Ortenavia situm, quod Nobiles Schauenburgici ab Ebersteinio Comite aliqua ex parte tenebant in feudum, occupavit. Palatinus, Præfecturæ Ortenavicæ dimidiæ possessor, composito

(d) LEHMANN. *Chron. Spir.* Lib. VII. cap. 102. pag. 350.

(e) HACHENBERG. *in vita Frid. I.* Lib. II. pag. 59.

(f) De fœdere Carolum inter atque Ulricum A. 1460. die Martis post Matthæi inito, egit DATT *de pace puhl.* Lib. I. cap. 27. num. 109.



Wirtembergico bello, Badense præsidium eiecit, priusque possessoribus restituit Castrum. (g)

## §. X.

A. 1459. Carolus noster post Bernhardi fratris obitum totius Marchiæ regimen solus accepit.

Eodem anno ad Conventum Mantuanum, quem Pius II. Pontifex belli Turcici causa indixerat, cum Eistettenſi & Triden- Conven-  
tus Man-  
tuan. tino Episcopis, accepta a Cæsare potestate, contendit. (°) In eo Conventu Pontifex privilegia de exemptione subditorum ab exteris & Westphalicis præsertim Judiciis, Marchioni ab Imperatore collata, hac lege firmavit, „ut ejus subditi & terrigenæ ac etiam „ eis commissi & pro quibus respondere tenentur, quique in „ eorum tuitione (ADVOCATIA) consistunt, non debeant „ nec possint extra eorum dominia & judicia ordinaria patriæ „ pro quacunque causâ evocari, trahi aut citari, dummodo „ conquerenti coram ordinario iudice iustitia non denegata „ fuerit. „

Occulta Judicia, quæ vocabantur Westphalica, apud Ger- Judicia  
Westpha-  
lica. manos tum adhuc viguerunt. A. 1459. Carolus Eslingæ Civita-

Tom. II.

X 2

(g) KEMNAT. *Cod. Msspl. Palatinus* & ex eo HACHENBERG. Lib. alleg. pag. 62. In eadem Ortenavia Neuenstein fuit feudum Badense. ADIACSATIAM ILLUSTR. Tom. II. pag. 694.

(\*) GÖBELINUS *Commentar.* Lib. III. p. 87.

CAROL. I.

ti quæ clientelam ejus agnoverat, per legatum injunxit, ne quis Civium Judicii Westphalici reciperetur Scabinus: Si qui autem jam fuerint recepti, ad judicia illa ne traherent concives; sed citationes, ab his iudicibus factæ, in aulam suam mitterentur. Carolus inter ipsos Consiliarios suos tum habuerat Judicii Westphalici Scabinos, ad quos ante biennium Eslingensis Civitas pro illorum temporum provocaverat more. (°) At A. 1461. Carolus cum Friderico Palatino Electore, cum Ruperto Argentinensi Antistite, Alberto Archi-Duce Austriæ, aliisque Principibus & Civitatibus Imperii adversus Westphalica Judicia sædus contraxit. (°°) Maximilianus I. A. 1512. ea penitus aboluit.

## §. XI.

Turbæ  
Mogunt.  
A. 1460.

Eodem anno (1459.) mortuus est Theodoricus Moguntinus Elector. Pars Capituli Dietherum Isenburgicum, pars Nassovia: Comitem Adolphum elegit Antistitem. Fridericus Palatinus Adolphum, suffragiis licet inferiorem, defendendum suscepit. (¶) Carolus Marchio, cum fratre suo Johanne, Trevirensi Archiepiscopo, Johanne Spirensi, Ludovico Bipontino Duce, Alberto Bran-

(°) DATT. *de pace publ.* Lib. IV. Cap. 4. num. 10. 11. 12. 67.

(°°) Instrumentum exhibet MULLER. in *Reichstags-Theatro sub Frider. IV.* I. Vorstell. Cap. IX. p. 126.

(¶) SERARIUS *Rerum Moguntiacarum* Lib. V. pag. 774. HELWICHUS *de dissidio Moguntino* Sect. I. num. 5. pag. 138. Tom. II. *Rer. Mogunt.*

deburgico & Ulrico Wirtembergæ Comite, in Dicteri partes transiit. Fœderatis his Equeſter Nobilium Ordo quoque adhæſit. Conventus Norimbergam indiſtus. Invitatus Palatinus Elector, præſens uſſuam ageret cauſam. Confluentibus eo Principum legatis, Epifcopus Eichſtadienſis electus eſt arbiter, qui damnavit Palatinum. Ita bellum ei indiſtum eſt A. 1460. (i) Præcipuus turbarum auctor ſuit Cæſar, gravi Fridericum proſecutus odio, ſpretis Imperialibus juffis, quod retinuiſſet Electoratum, ut ſupra oſtendi, quodque Ludovico Bavariæ Duci, a Cæſare proſcripto, ſubminiſtraſſet auxilia. Fridericus, firmato ad pericula animo, poſtquam ſineimias ſibi adjunxerat Civitates, atque Alberto Marchioni Brandenburgico, hoſti, vicinum excitaverat hoſtem, Ludovicum Divitem, Bavariæ Duccm, ipſe cum Ludovico, Haſſiæ Landgravio, Moguntinum Archiepiſcopatum adortus, occupato Schauenbergæ Caſtro, (k) ad Pfedersheimium oppidum copias fœderatorum proſtravit, ſeptemque Comites, Eberſteinium, Leiningenſem, Naſſovium, Hennebergicum, Runckelenſem, Gleichenſem & Iſenburgicum, Heidelbergam in ca-

## X 3

(i) TRITHEMIUS in *Chron. Hirſaug.* & HACHENBERG, in *vita Friderici I.* Lib.III. pag.71. ſeqq.

(k) Schauenburg Caſtrum Archiepiſcopale in Strata Montana tum a Friderico deſtructum. ZEILER in *Topographia Palatinatus Rheni* pag.30. & JOANNIS ad SERARIUM *Rer. Mogunt.* Lib.V. p.774.

CAROL. I.

ptivitatem abduxit. (1). Expugnato Pfedershemio, tantum Diethero terrorem iniecit, ut Badensi, Bipontino, Brandeburgico ceterisque fœderatis exclusis, particularem cum Palatino inivertit pacem.

Carolus  
paci ar-  
biter.

Hic omnem dein belli molem in Bipontinum convertit, qui post Pfedershemianam cladem Meisenhemium confugerat. Ibi a Friderico obsessus, in eas conjectus est angustias, pacem ut peteret supplex, quam interventu Caroli Badensis impetravit; qui & ipse paulo ante cum Friderico in gratiam redierat. Marchio cum Henrico Pappenhemio, Petro Cardinali & Episcopo Augustano, Johanne Eistetteni a Cæsare constitutus est, ut lites has Palatinum inter & Bipontinum componeret. (m)

## §. XII.

A. 1460. cum Schauenburgicis Ortenaviæ & Alfatiae Nobilibus (n) ob Schauenburgi & Bernbaci Arces orta sunt Carolo dissidia, inter quæ fratres ejus Georgium & Marcum, Nobiles isti ceperunt & in Isenheimensi Sundgoviae arce tenuerunt captivos. Carolus Isenhemium obsedit. Fridericus I. Elector Palatinus, Imperialium Civitatum Alfatiae præfectus, Goerzium de Adelsheim,

(1) TRITHEMIUS & HACHENBERG. locis alleg.

(m) Tabular. Bada-Badenf.

(n) Schauenburgicam familiam exponit ALSATIA ILLUSTR. Tom. II. pag. 693.

subpræfectum suum misit, ut turbas componeret. Conditiones, sub quibus liberati sunt captivi, in Georgii exponimus vita.

Eodem anno Carolus Dieterico de Gemmingen propter officia, patri, fratribus ipsique exhibita, castrum & vicum Steineck, vicos Dieffenbronn, Hamberg, Schellbraun, Hohenwarth, Neuhausen, Mülhausen & Lehningen, cum juribus annexis & speciatim silvam *Hagenschiefs* aliaque, quæ Jacobus Marchio a Gemmingensibus & Hirsaugiensis monasterio acquisiverat, literis Pforzhemii datis, in feudum concessit. (o)

Liberalitas in Gemmingen.

Tunc temporis quoque a Pio II. Pontifice obtinuit Carolus, ut Parochialis S. Michaelis Pforzheimensium Ecclesia, cum XXI. Capellaniis, ad eam pertinentibus, in Collegiatam converteretur. (p) Creati sunt XII. Canonici totidemque Vicarii. Decanus constitutus est Capituli præses. Hoc Principi suo promisit, non adquisitum se bona, quæ ei precarias, prestarias aliæque tributa perfolvunt.

Collegiata Pforzheim.

### §. XIII.

A. 1461. novas in Germania turbas excitavit Ludovicus Dives, Bavarie Dux, Episcopum Eistettensem bello aggressus. Imperator Ludovicum ejusque socium Albertum Austriacum hostes publicos dixit, atque Alberto Brandeburgico, Carolo Baden-

Turbæ Mogunt. A. 1461.

(o) Lünig. *Reichs-Archiv Parte speciali* Continuat. III. pag. 151.

(p) Bulla data est 3. Kal. Decembr. 1460.

ti & Ulrico, Wirtembergæ Comiti, summam belli in eos commisit. (q) Expeditionibus contra Ludovicum non interfuit Carolus; de sua securitate sollicitus. Fridericus enim Palatinus Elector, novos eodem tempore motus concitavit. Dietherus, nuper electus Moguntinus Præful, & a Pio II. Papa probatus, liberratis Ecclesiasticæ Germanorum defensor, moveri non potuit, ut solveret Annatus, aliisque in rebus, quas Pontifex ab eo exegit, præstaret obsequium. Depositus ergo Papali sententia, eique fuissectus est æmulus, Adolphus Nassoviæ Comes, quem armis nuper defenderat Fridericus Elector. Hic jam in contraria versus, una cum Landgravio Hassiæ, Cattimeliboci & Isenburgi Comitibus defendit Dietherum, Papæ Cæsarique exosum. Dietherus Ecclesiæ Moguntinæ castra & oppida plura Stratamque Montanam pro sumptibus belli tradidit Friderico Palatino; addita lege, ut omnia in potestate ejus manerent, donec centies mille redimerentur florcuus. Mira rerum conversio. Pro Adolpho stant Principes, qui anno superiore in eum gladios strinxerant; & inter hos fratrum Badensium triga, Trevirensis & Metensis Antistites cum Carolo Marchione. (r) Huic Adolphus stipendii nomine Alges-

---

(q) *Am Pfingstage nach S. Margarethen Tag.*

(r) Adolphus, ex Nassovica gente ortus, Badensium erat patruelis. Mater ejus fuerat Margaretha, filia Bernhardi Marchionis, JOANNIS ad SERA-  
RIUM *Rev. Mogunt. Lib. V. pag. 771.*

Algeshemium, Gauubeckelenhemium, Drommershemium, Ockenhemium, Windeshemium, Kembdenium, cum vectigalibus nonnullis quoque contulit in pignus. (s) Palatinus loca quædam eripuit Adolpho. Marchio Elveshemium clauferat obsidione, sed re infecta recessit. (t)

## §. XIV.

Pius II. prosperis Friderici successibus injecturus moram, Dietherum, Fridericum & socios diris repetitis devovit. (u) Fridericus Cæsar publicos eos judicavit hostes; ac Imperii Civitatibus injunxit, ut a perduellium societate recederent. Dietherus, Ordinibus innocentiam probaturus, non modo a Pontifice ad generale provocavit Concilium, sed & scripto ad Principes & Civitates in publicum edito de injuria sibi facta conquestus est, injusta Pontificis sententia se dignitate privatum, quod libertatem & jura Imperii contra eum defenderit. Adolphum, Johannis Trevirensis, Ludovici Veldentini, Caroli Badensis & Joannis Nasso-

Dietheri  
& Palat.  
proscrip-  
tio.

Tom. II.

Y

(s) TRITHEMIUS in *Cron. Hirsaug.* ad A. 1461. JOANNIS ad HELWICHIIUM de *diffidio Mogunt.* Sect. III. pag. 161. qui insuper addit, singula hæc loca a Carolo A. 1466, Philippo Comiti Cattimelibocensi fuisse opignérata.

(t) HACHENBERG. Lib. IV. pag. 114.

(u) A. 1462. HELWICHIIUS & JOANNIS loc. alleg. pag. 163. & 164. MÜLLER. *Reichstags - Theatr. sub Frid. III. IVta Vorstellung.* cap. 22. §. 3. pag. 124.

## CAROL. I.

vii auxilio fultum, contra fidem, jurejurando adstrictam, delatum a Pontifice sacerdotium usurpare; spreto ac rejecto Principum, quos controversiæ componendæ nominaverat, judicio. Ad-dit porro socios Adolphi nexu vasallitico sibi esse devinctos; Carolum Badensem sibi plurium annorum societate conjunctum; cuius formula cautum, ne dicto factove alter alteri injuriam inferret, ejusve hostibus consilium præberet aut opem. Enumerat denique Principes, quorum arbitrio controversiam submittit. (x).

## §. XV.

Marchio  
Dux belli  
contra  
Palat.

**M**archio e contra & focū multis de causis defendendum sibi Adolphum putarunt. Præcipua fuit, quod Fridericus Palatinus, contempta Cæsaris & Pontificis auctoritate, dictatorem Germaniæ ageret; omnibus finitimis minitans jugum. Imperator literis mense Majo A. 1461. datis, (y) Carolo Marchioni, Ulrico & Eberhardo Wirtembergæ Comitibus bellum contra Palatinum commiserat, (z) alioque anni insequentis diplomate (a) Civitatibus Præfectorialibus Alsatiæ injunxerat, ut Fridericum, Cæsari

---

(x) Scriptum hoc, die Martis post Dominicam Lætare A. 1462. datum, exhibet LEHMANN. *Chron. Spir.* Lib. VII. cap. 105. & MÜLLER. in *Reichstags-Teatro sub Friderico III. II'te l'orsell.* cap. 20. §. 1. p. 113.

(y) Die Lunæ ante Ascensionis.

(z) Die *Reichs-Hauptmannschaft.*

(a) Cillæ dato,



refractorium, non agnoscerent Præfectum, sed Marchionem Badensem. Similes literas eodem die ad Præfectoriales Ortenaviæ Civitates perscripsit, (b) ut supra notavi.

Fridericum ergo Marchioni graviter iratum quis, tandem mirabitur, quum ad frangendas Palatini opes Cæsar uteretur Badensibus. Extat in scriniis Palatinis libellus ad Imperii Principes, acri stilo Marchionem perstringens, decennale quod fregerit fœdus & vassallicam fidem. Marchio violenta Palatini consilia publico quoque scripto exposuit; actorum suorum causas Cæsaris ac Pontificis iudicio adscribens. (c)

Ut autem fortunas suas contra Palatini vim efficacius defenderet, cum Johanne Spirensi, Ludovico Bipontino & Ulrico Wirtembergico die Martis post Palmarum A. 1462. arctius fœdus inivit, quo cautum, ut junctis viribus Diethero & Friderico bellum inferrent, nec ante ponerent arma, quam in Moguntina sede confirmarint Adolphum. (d)

Ineunte igitur anno 1462. magnis animorum motibus instauratum est bellum; ita quidem ut credibus, incendio, rapinis

Tom. II.

Y 2

(b) Extant Literæ in Tabulario Bada-Badensi.

(c) Apologia Marchionis, die Veneris post Exaudi A. 1462. scripta, una cum literis ad Wilhelmum, Saxonie Ducem, extat in MÜLLER. loc. alleg. cap. 22. p. 129. seqq.

(d) JOANNIS ad HELWICHUM de diffidio Moguntino Sect. IV. p. 164.

CAROL. I.

utrimque feviretur. Carolus duplici via in Palatinatum irrupit, atque obfesso Neoburgi Caſtro, Electorem, in Moguntinis terris hærentem, ad ſua defendenda excivit. (e)

Philippus Burgundiæ Dux & Theodoricus Colonienſis Præful inter belligerantes inſtituerunt colloquium prope Moguntiam, ubi conventum, ut re denuo cum Principibus deliberata, legati d. V. Julii cum poteſtate componendi pacem Francofurtum venirent. (f) Bada-Badenſe Tabularium exhibet Literas, ſcriptas Heidelbergæ die Mercurii poſt feſtum Corporis; ex quibus apparet, inter ipſum Fridericum & Carolum de arbitris conſtituendis ſuper lites, quæ jam ab A. 1461. inter ipſos ortæ, ſerio actum fuiſſe.

## §. XVI.

Pugna Se-  
ckenhe-  
miana.

Rebus ita diſpoſitis ſama, ab ipſo Friderico laud dubie ſparſa, increbuit, eum cum copiis in Bavariam abiſſe. Fama hac Marchio & frater ejus, Metenſis Antiſtes, Johannes Spirenſis Episcopus, Ulricus Wirtembergæ Comes excitati cum ſex mille peditibus & octingentis equitibus terras Palatinas invaſerunt. Heidelſhemium oppidum obſidione cinxerunt; quod cum bene munitum ac deſenſoribus inſtructum deprehendiſſent, ſoluta obſi-

(e) Cel. KREMER. in *vita Friderici Viſtorioſi*, quæ jam ſub prelo Lib. III. §. 27. & 31.

(f) NAUCLERUS ad hunc annum, HELWICHUS de *diffidio Moguntino* Sect. VI. pag. 172.

dione, haud procul ab Heidelbergæ castra posuerunt. Tria peditum millia & equites quadringenti, ab Adolpho in subsidium missi, se foederatis junxerunt. Hi, relicto in castris peditatu, cum ostingentis equitibus (*g*) in campo late patente Rhenum inter & Nicrum, juxta Seckenheimium, Pagi Lobodunensis vicum, palantes quum agerent, rerum suarum nimium securi, Fridericus, quem longinquum crediderant, eos ex improvviso aggressus est d. XXXI Junii ex silva vicina cum mille equitibus (*h*) subito prorumpens. Singuli equites suum peditem vehebant; qui ex equis desilientes hostem imparatum adorti, ad deditionem coegerunt. Spirensis Episcopus solus evasit. Ceteri omnes capti. Marchio cum Johanne Fleckensteinio XXVI. Dynastis & CXX. Nobilibus in Friderici Palatini potestatem pervenit. Pauci occubuerunt in prælio. Copiæ, quæ in castris remanserant, audita Principum clade, sibi fuga consuluerunt. Victor a cæde fugientium abstinuit, copiisque reductis eodem, quo pugnatum est die, Ludovicum Bavarinæ Ducem, socium, de victoria & trium Principum captivitate literis reddidit certiore. (*i*)

## Y 3

(*g*) Numerum huic ipse Fridericus victor in literis ad Bavarum ponit.

(*h*) HELWICHUS Sect. VI. cum TRITHEMIO ait, Fridericum 700. Equites habuisse illisque 300. addidisse Dietherum.

(*i*) Literæ hæc extant apud CROSIUM *Annal. Suvicor.* Lib. VII. Part. III. pag. 409. LEHMANN. *Chron. Wir.* Lib. VII. cap. 106. pag. 865. & seq.

## §. XVII.

Marchio  
captivus.

Principes Heidelbergam ducti XIII. mensium captivitate in arce detenti sunt. (k) Carolum præ reliquis durius habuit Fridericus, vinxitque catenis. (l)

Annus hic Moguntinæ Civitatis libertati quoque fuit fatalis. Adolphus enim, sociis suis licet devictis, animo tamen invictus urbem die XXVII. Octobr. ejusdem A. 1462. nocturno tempore occupavit libique adeo & successoribus in perpetuum subjecit.

Typographiæ Faustianæ & Schefferianæ literarum fusarum fodales, Moguntinjs huc usque muris inclusi, occasione hac per Europæum dispersi sunt orbem.

HELWICH. de *diffidio Moguntino* Sect. VII. pag. 176. In campo pugne monumentum victoriæ dein poni curavit Fridericus.

(k) TRITHEMIUS in *Chron. Hirsaug.* A. 1462. ex quo FREHERUS peculiari libello imprimi curavit vitam Friderici I. Palat. cui notas adjecit. GOBELLINUS in *Commentariis Pii II.* Lib. IX. HELWICH. loc. alleg. Traditio est, primas epulas captivis sine pane exhibitas, quod segetes perdidissent, quam rejicit FREHERUS in notis ad TRITHEMIUM de vita Friderici.

(l) Ita ANONYMUS *scriptor Palatinus* illius ævi in *Tabulario Palatino Electorali* servatus. GOBELLINUS in *Commentariis Pii II.* Pont. Lib. IX. pag. 121. ait: „Carolus Badensis captus & manicis vincitus ferreis, in „carcerem tetrum raptus est. „Ulricus quoque Wirtenbergicus, literis ex carcere datis, coqueustus est, se in vincula coniectum lignea,

Finiendis his ad Rhenum & in Bavaria turbis, liberandisque Principibus, conciliante Georgio, Bohemiæ Rege, conventus Ncoftadii Auftriæ & Pragæ A. 1463. instituti sunt. Ad quos legati ex omni fere Germania properarunt. Composita pax inter Cæfarem & Baviariæ Ducem, sed cum Palatino victore res transigi non potuit; quod investituram Palatinatus pertinaciter ei Cæsar negaret. (m) Pius II. liberandis e captivitate Principibus, ad Philippum, Burgundiæ Ducem, se convertit, datisque ad eum literis & misso Francisco Toletano legato, eum hortatus est, ut assuetam Adolphi Nassovii & captorum Principum fortunam suis opibus erigeret; (n) sed nihil profecit. Onuphrium Tricaricensem denique præfulem & Petrum Ferrici, Decretorum Doctorem ad Palatinum ablegavit; quibus Brandeburgicus Marchio & Henricus Pappenheimius sese junxerant, Cæsaris legati. (o)

---

cippo & pedica confrigi. Notanda hæc contra Hachenbergium aliosque rerum Palatinarum & Moguntiacarum scriptores, qui Fridericum liberatiter habuisse captivos perferibunt.

(m) Literas has Pil II. Pont. exhibet *Autor Anonymus Paralipom. Ursperg.* pag. 325. HELLWICHUS loc. cit. Sect. VIII. pag. 171. & MÜLLER, loc. alleg.

(n) HACHENBERG. Lib. V. pag. 149.

(o) In Bada-Durlac, scriniis extant literæ Adolphi, Electoris Mogunt. & Alberti, Marchionis Brandenburg. ad Marcum, Canon. Argeot. filium Caroli, quibus eum hortantur, ne turpes aut duras condiciones pro Patre ineat cum Friderico I. Electore Palatino.

## CAROL. I.

Horum interventu Principes libertati restituti fuerunt Anno 1463. (p)

## §. XVIII.

Duris  
conditio-  
nibus li-  
beratur.

Carolus noster (q) Dominica Reminiscere A. 1463. Literas tradidit Electori, quibus ei pro damnis illatis, superiorem Comitatum Spanhemio-Cruzenacensem, cum omnibus, eo pertinentibus, concessit, ita tamen, ut XXXXV. mille florenorum Rheni pretio relui posset.

Eodem

(p) De conditionibus, quibus ceteri dimissi sunt Principes, vide TRITHEMIUM. Tschudi in *Chron. Helvet.* Tom. II. pag. 623. seq. in lytro Principum definiendo erravit, uti & HACHENBERGIUS in *Hystor. Frid.* I. Lib. V. pag. 149. ubi de Georgio Metensium præfule *quadringenta quinque millia* legitur, sed legendum: *quadraginta quinque millia* & p. 150. lin. 6. ubi de Carolo March. Badensi *quinquaginta millia* florenor. legitur, sed legendum: *quadraginta*. Erravit hic quoque ANONYMUS in *Chron. Wirtenb.* apud SCHANNATUM *Vindem. Literar. Collect.* 2. NAUCLERUS fol. 966. Item ANDREAS PRESBYTER in *Chron. Bav.* apud SCHILTER. *Script. Rer. Germ.* pag. 64. Falsa hinc inde vel erronea de hoc bello vide in ANONYMO *Chronici Thuring. & Hassia* in SECKENBERG. *Secl. Juris & Hystor.* Tom. III. p. 435.

(q) TRITHEMIUS in *Chron.* & in *Rebus gestis Friderici Palat.* oppidum hoc *Bonheim* sive *Bensheim* vocat corrupte. Idem loc. alleg. juri quoque vendendi piscandique inter Selfam & Germershemium renuntiasse Carolum falso scribit. HELWICHUS de *diffinitio Mogant.* Sect. X. pag. 180. & *Electa Juris publici Palat.* Part. II. p. 76. 84. 154. 166.

Eodem anno & die tradidit Friderico Electori Castrum & oppida Besigheim & Beinheim, (r) cum vicis Lœchickheim, Walheim & Freudenthal, ita quidem, ut XXXV. mille florenis reluibiles essent.

Renuntiavit quoque Carolus foederi, quod cum Ulrico Wirtemberg. & Episcopo Spirensi iniverat. (s) Contractus matrimonialis, inter Caroli I. filium & Ulrici, Comitis Wirtemberg. filiam initus, hac conventionem rescissus est. •

Præterea XX mille florenos Electori se parata pecunia, certis temporibus pro sua & suorum liberatione soluturum die Mercurii post Judica promisit.

Die Lunæ post Oculi 1463. Carolus renuntiavit juri redimendi Heidelbergium ut & Eppingam, quam pignus Imperii Marchiones possederant; Bernhardus Marchio, Ludovico Electori Palatino pro X mille florenis oppigneraverat. (t)

Die Mercurii post Quasimodogeniti idem Carolus Friderico promisit, se intra anni spatium cum Papa & Imperatore eum reconciliaturum, litesque inter Dietherum & Adolphum compositurum esse, ex placito Electoris. Reconciliatio si non habitura sit

Tom. II.

Z

(r) Vide nota (q) pag. 176.

(s) Lege supra ad A. 1462.

(t) *Codex Mscrpt. Anonymi Spirensis*, coætanei scriptoris, in Palatino Electorali Tabulario & TOLNERUS in *Histor. Palat.* p. 66.

locum, XXX mille florenos, præter summas prædictas, se soluturum, Marchio promisit. Metensis Episcopus & Ulricus Wirtemberg. singuli quoque X. mille florenos Electori se soluturos sponderant, Papa si flecti non posset.

Præter hæc omnia Pforzhemium quoque Castrum & oppidum Palatino in feudum masculinum, XL mille florenis reluibile, offerre coactus est Marchio. (u)

Quin & juribus suis in Castrum Neuen-Beymberg, in Castrum & vallem Nanstul, renuntiavit Carolus; Friderico permit- tens, ut Greventhan & Leiningæ Veteris partem relueret.

Conventum est denique, ut Elector jus conductus Brettæ Pforzhemium, Marchio Pforzhemio Brettam exerceat.

### §. XIX.

Palati-  
num cum  
Mog. Cæ-  
fare &  
Pont.  
conciliat.

Ita cum Friderico Palatino & sociis reconciliatus est Carolus. Dietherum inter & Adolphum mox conciliavit inducias; (x) ejusdem auctoritate in pacem conversas. Dietherus oppidis quibusdam, quoad viveret, retentis, Moguntini Antistitis dignitati renunciavit. (y)

(u) A. 1740. Carolus Fridericus Marchio jus hoc ab Electore Palatino redemit.

(x) MÜLLER. in *Reichstags - Theatro sub Friderico III. IVte Vorstell.* cap. 32.

(y) GUDENUS *Cod. Dipl. Mogunt.* Tom. IV. pag. 375. GOBELLINUS in *Comment. Lib. XII.* pag. 345. HELWICHIVS & JOANNIS loco cit. pag. 189. & 190.



Post hæc Carolus de Friderico cum Pontifice Cæsareque reconciliando sollicitus, Oeringæ, Comitatus Hohenloici oppido, die Martis post Dominicam Esto mihi, A. 1464. conventum instituit; ubi præsentibus Onufrio Tricaricensi & Petro Ferrici Legatis Pontificis; Alberto Marchione Brandeburgico & Henrico Pappenhemio, Oratoribus Cæsaris, statutum, ut Fridericus Palatinus, die Lunæ post Lætare per eosdem legatos diris expediretur Wormatiæ. (z) Bulla absolutionis a Pontifice missa; adiuvante præsertim Adolpho Moguntino; qui faciendis, quæ in bello hoc acceperat damnis, triginta florenorum millia Carolo Badensi transcripsit. (a) Hic eodem anno triennale fœdus cum Eberhardo Wirtembergæ Comite inivit.

Vix sopitæ fuerunt Rheni Superioris turbæ quum A. 1465. Galliæ Belgicæ motus eum vocarunt ad Mosam; de quibus in fratribus ejus Marci differemus Historia.

## §. XX.

A. 1467. Henricus Wirtembergæ Comes, Coadjutor Moguntinæ Ecclesiæ ab Adolpho creatus, propter constantem Friderici Palatini dissenfum, arbitrari Caroli Marchionis sententia di-

Acta ab  
A. 1467.

Tom. II.

Z 2

(z) JOANNIS ad SERARIUM *Rer. Mogunt.* Lib. V. p. 780.

(a) JOANNIS ad SERARIUM loc. alleg.

gnitatem iterum deposuit, præfectura Bifchoffshemiana sibi modo servata. (b)

A. 1468. Sigismundus Dux Auftriæ ut & Equeſter D. Georgii in Suevia ordo, fœdere Villingæ inito, fœderis iudicem Carolum Marchionem constituerunt. (c)

Eidem Fridericus IV. Imp. propter operam, quam exercitus Imperii Præfectus nupero bello Cæsari navaverat, speciale privilegium tribuit, (d) ut qui in Marchicis terris habitarent, dubiis natalibus orti, (Baffard) solius Marchionis, nec ullius alterius juri subessent. Sed & alio diplomate a Cæsare tum obtinuit Marchio, ut impediendis vectorum fraudibus, intra unum a Pforzhemio nulliare, non super consueta tantum, sed alia quacunque via exigi posset vectigal.

Auftriacam Alfatæ & Brisgoviz Præfecturam tum temporis adminiftrasse Marchionem, jam alibi observavimus. (e)

---

(b) GUDENI *Cod. Diplomat. Mogunt.* Tom. IV. pag. 402. & JOANNIS ad SERARIUM loc. alleg. pag. 784.

(c) DATT de *Pace publ.* pag. 249.

(d) Datæ sunt literæ Græci die S. Marci. Extant in LUNIGII *Reichs-Archiv Part. Spec. Cont. II. IVte Abtheilung, neunter Absatz* pag. 942. & in SCHILTERI *Scriptor. Rer. Germ. inter Diplom.* pag. 99.

(e) ALSAT. ILLUSTR. Tom. II. pag. 598. Præfectura hæc Auftriaca Alfatæ & Brisgoviz diversa fuit a Præfectura Alfatice decem Civitatum, quæ Imperialis, non Auftriaca fuit.

A. 1469. Carolus ulteriorem Spanheimensem Comitatum, pignoris jure, Palatino tradidisse scribitur; (*f*) quo anno cum Eberhardo & Ulrico, Comitibus Wirtembergæ, sædus Brettæ contraxit; (*g*) sequenti tamen anno ipse & Stauffenbergenses Alsatiae Nobiles iisdem Wirtembergicis bellum denuntiarunt; vicis aliquot exultis compositum. (*h*)

## §. XXI.

A. 1471. Carolus cum Christophoro filio ad Comitia Ratisbonensia se contulit; quæ belli Turcici causa Fridericus Imp. induxerat. Hic Ratisbonæ agens, Carolo ejusque successoribus & subditis perpetuam immunitatem a vectigali Kogenheimensi prope Benseldam Alsatiae concessit, (*i*) quod a Willhelmo, Argentinenſi Episcopo, Hittenhemii & Matzenhemii erectum, a successore Ruperto in Kogenheim translatum. Imperator vectigal hoc tanquam illicitum & absque consensu decessorum suorum institutum perstringit.

Acta ab  
A. 1471.

## Z 3

(*f*) *Electa Juris publici Palatini* Part. II. p. 166.

(*g*) DATT pag. 194. & 249.

(*h*) CRUSTIUS *Annal. Suev.* Lib. VII. Part. III. p. 431. & HERZOG. *Chron. Alsat.* Lib. II. p. 127.

(*i*) Die Lunæ post Margareth. Extat Diploma in LVNIG. *Reichs-Archiv* loc. cit. p. 943. & SCHILTER. loc. alleg. p. 100.

In iisdem Comitibus legati quum comparuissent Spirenses, deprecaturi bellum, quod Friderico Palatino Imperator indixerat, causam suam Carolo Marchioni, quod magna ejus apud Cæsarem auctoritas, commendarunt. Carolus ab Imperatore impetravit, ut Spirensium legati ad solium ejus admittèrentur. Marchione itaque cum filio & Rudolpho Sulzensi præsentibus legati suas exposuerunt rationes, ob quas Ludovico Veldentino, quem Cæsar militiæ Imperiali contra Fridericum Palatinum præfecerat, auxilia ferre nequirent. Cæsar eos benigne audit, & Marchione interprete usus, Spirensibus remisit militiam. Cæsar id quidem literis firmare negavit; at per Marchionem Moguntino Electori injunxit, ut responsionem, quam Spirensibus dederat, actis Cancellariæ inferret. (k)

Sub finem A. 1471. Carolus cum Christophoro filio & Georgio fratre, Metensi Episcopo, Heidelbergæ in Aula Friderici Electoris versatus est, litibusque Wertheimenses inter Comites & Wallbronnenfes Nobiles componendis operam impendit; (l) anno sequenti terminaturus dissidia inter Consules Spirenses, quæ dirimenda ei commiserat Cæsar. (m)

(k) LEHMANN. *Chron. Spir.* Lib. VII. cap. III. p. 382. seq. MÜLLER. in *Reichstags- Theatro sub Friderico III. Vte I'oystell.* cap. 10. p. 426.

(l) BURGERMEISTER. *Cod. Dipl. Equesl.* Tom. I. p. 833.

(m) LEHMANN. *Chron. Spir.* Lib. VII. cap. 118. p. 391.

A. 1472. Carolus Stützhaimensem pagum Hattstadiensium, Alsatiae nobilium, interitu ad Imperium redeuntem, a Friderico IV. Imperatore obtinuit, quem ille dein Reinholdo Volfchio de Ober-Ehenheim tanquam subfeudum concessit. (\*)

## §. XXII.

A. 1473. Fridericus IV. Imp. Carolum Badæ invisit, ultra mensẽ cum eo versatus. Ibidem Rupertum Argentinensem Antistitem de Episcopatu & regalibus investivit. Marchio dein Cæsarem comitatus est Argentinam, & inde Treviros, (n) ubi Carolus Audax, Burgundiæ Dux, a Friderico Imp. Geldrici Ducatus investituram accepit. (o) Burgundi magnificentiam in Conventu hoc mire extollunt illius temporis Annales. (p)

Acta ab  
A. 1472.

A. 1474. Carolus Margarethæ Albæ feminarum Abbatissæ literas commendatitias ad Episcopum Spirensẽ, pro obtinenda confirmatione concessit, simulque Steinensem Scultetum monasterio præfectum assignavit. (q)

(\*) De Stützhaimensi hoc pago agit ALSATIA ILLUSTR. Tom. II. p. 259.

(n) PETRI *Suecia Eccles.* pag. 679. KOENIGSHOV. *Contin.* p. 368. PARALIPOM. URSPERG. pag. 326. LEHMANN. *Chron. Spir.* Lib. VII. cap. 112. pag. 892. MÜLLER. in *Reichstags-Theatro sub Friderico III. Vte Vorfstell.* cap. 32. p. 556.

(o) MAPP. *Annales Clivie Ducum* Tom. III. p. 22.

(p) COMINAEUS Lib. II. cap. 8.

(q) *Scriptum Bada-Badensium contra Frauenalb Documentor.* p. 112.

Idem eodem anno legatos suos cum Electoris Palatini legatis ad Carolum, Burgundiæ Ducem, misit Brisacum, quum hic Brisgovicas & Alfaticas Domus Austriacæ terras a Sigismundo Archiduce A. 1469. oppigneratas, (r) inviseret. Sed & paulo post Marchio nuntios misit Basileam, qui de Brisgovia & Alfatia Austriaca, ex manibus Caroli Audacis liberanda cum Sigismundo Archiduce, cum Basiliensi & Argentinensi Episcopis, cum Civitatibus & Electore Palatino deliberarent. Paulo post, in Conventu Constantiæ, Martio mense, conventum, ut Carolo Audaci octogies mille florenorum summa redderetur, atque adeo Sundgovia & Brisgovia Austriacæ ex ejus manibus reciperentur. Tum vero Sigismundus Austriacæ Domus nomine renunciavit juribus in terras, quas Helvetii Austriacis, Constantiensis Concilii tempore, abstulerant. (s)

Eodem anno Carolus legatos quoque suos ad Comitata Austriacæ ablegavit, (t) in quibus expeditio contra Carolum Burgundiæ Ducem, qui Novesium obsederat, decreta est. Carolus cum Christophoro filio in auxilium profectus est Cæsaris; cum-

que

---

(r) TSCHUDI *Eydgenössische Geschichte* Part. II. Lib. XIV. p. 708. STUMPF. *Schweizer-Chronic* Lib. XIII. cap. 16. pag. 737. PONTUS HEUTERUS *Reh. Burgund.* Lib. V. cap. 10.

(s) URSTIS. *Chron. Basil.* Lib. VI. cap. 5. p. 437. HERZOG. *Chron. Alsat.* Lib. II. pag. 121.

(t) LEHMANN. *Chron. Spir.* Lib. VII. cap. 113. p. 901.

que exercitus Imperii, relicta Colonia, contenderet Novesium ipse cum Friderico Imp. & Alberto Brandenburg. aliisque Principibus novissimum secutus est agmen. (u)

## §. XXIII.

Motus hi induxerunt Carolum nostrum, ut eodem anno 1474. Ortenaviæ Nobiles, ab Imperio pendentes, ad XV. annorum sædus ineundum impelleret. Primordia hæc Corporis Equestris Ortenaviæ; cujus finis erat securitas publica, Austregarum introductio; Pacis publicæ primitiæ. Constitutus est Director, (*Hauptmann*) qui cum assessoribus lites dijudicaret, ferretque sententias. Windeckii, Bachii, Roedereri, Stauffenbergii, Schauenburgii, Neuensteinii, Pfauii, Kroschweylerii, præcipua erant novi hujus corporis membra, quod ad Comitia olim Cæsar vocavit. (x)

Corporis  
Equestr.  
Ortenav.  
origo.

## §. XXIV.

Carolus partes aliquas vici Königschaffhausen comparavit; Castrum Heidweiler cum vicis Balrechten & Dottingen permutavit, quos deinceps Trutperto, Dynastæ in Stauffen, dedit in feudum.

Accessio-  
nes ter-  
rarum.

Tom. II.

A a

(u) FUGGER *Osterr. Ehrenspiegel*. Lib. v. cap. 24. p. 815.

(x) DATT *de pace publica* Lib. III. cap. 6. num. 14. pag. 543. & Lib. V. cap. 4. num. 18. pag. 583.

Ginglingam cum pacto retrovendendi acquisivit. Bickenfohl, Nimburg, Bottingen & vici Weiler tertiam partem coemit. (y)

Vicum Ottenbrunn cum juribus annexis suo & Bernhardi fratris nomine Wolffio Abbati Conventuique Hirsaugiensi tradidit A. 1457. vicosque Hustatt, Wiler, Scheltpronn & Hohenwart in compensationem accepit. (z)

## §. XXV.

Mors &  
Chara-  
cter.

A. 1475. Carolus I. obiit peste, Badæque sepultus est. (a) Princeps togatis & sagatis virtutibus Princeps inter Badenses conspicuus, apud Fridericum Cæsarem affinem graciosus; apud Ordines Imperii auctoritate pollens; ob æquitatis famam gravissimis Imperii negotiis adhibitus. AENEAS SYLVIUS, (b) virtutis ejus bellicæ præco, clarissimis Germaniæ sui temporis Ducibus, Friderico Palatino Electori & Alberto, Austriæ Archiduci eum annumerat; quos omnium judicio habitos fuisse dignos ait, qui copiis contra Turcas educendis præficerentur.

(y) Loca sunt Marchionatus Hachbergæ.

(z) BESOLDUS *Document. Hirtenb.* p. 386.

(a) JUNGLERUS in *narratione genealogica Mscrpt. Domus Badensis*, Caroli I. & patris ejus Jacobi vitas delineatas vide in *Programm. Cel. SACHSII* A. 1757. seq.

(b) Libello de Germania cap. 67.



Reprehendas in Carolo, quod animo non satis firmus & constans, in colenda tamen Imperatoris, Principis inconstantis & debilis, amicitia constantior, consilia sua ad voluntatem ejus plerumque direxit; promovendis Cæsaris commodis potius, quam suis intentus. Turbis, a quibus ille medius & spectator tranquillus abstinere potuisset, absque necessitate se immiscuit; id quod Moguntina ejus bella satis demonstrant. In utroque comparuit, Cæsari ut placeret ac Papæ.

## §. XXVI.

Uxor Caroli I. fuit Catharina, Ernesti ferrei Archiducis Austriae filia, quæ voluntate & consilio Friderici IV. Imperatoris & Alberti Austriae Ducis, fratrum suorum ei desponsata A. 1446. Uxor & Liberi.

Fratres forori XXX mille Ducatorum florenorum promittunt. Jacobus Marchio totidem filio Carolo promittit & pignoris loco Dynastias Hachberg & Hühingen, quartam partem Dynastiarum Mahlberg & Lahr ei concedit.

Catharina una cum Imperatrice Eleonora & legato Pontificis A. 1463. operam dedit, ut inter Fridericum Imperatorem & fratrem ejus Albertum restitueretur concordia. (c) Obiit A. 1493. d. XI. Septembr.

Tom. II.

Aa 2

---

(c) *Reo Histor. Austr. Fuggeri Ehrensp.* Lib. VII. pag. 272. sed uterque Catharinam nostram erronee Margaretham adpellant.

Ex ea Carolo nati sunt Christophorus, Albertus, Fridericus, de quibus singulis infra differimus.

Unica, quam novimus, filia Caroli, Zimburga, A. 1468. desponsata fuit Engelberto, Nassoviae Comiti, filio Johannis Ehrenbreitsteinii, conciliante Johanne Trevirensi Electore, Zimburgae patruo. (d) Engelbertus ex matrimonio cum Zimburga nullam sobolem reliquit.

(d) Infr. extat in Tabular. Bada-Badenf. MIRAEUS *Opp. Dipl. Tom. I.* p. 19, Zimburgam hanc vocat *Luigardem*.



## CAPUT IV.

## B. BERNHARDUS.



## §. I.

ost Carolum, cujus vitam exposui, Bern- Bernhardus regi-  
menfra-  
trirelin-  
quit hardus fuit primus filiorum Jacobi; specie oris & corporis dignitate conspicuus; sanctimonia vitæ ad posteros clarus. Nativitatis ejus annus non liquet.

Pater moriens A. 1453. instituit testamento, ut Georgius in Caroli, vel Bernhardi, fratrum seniorum, vel in Cæsarea aliave Aula educaretur, quam diu vigesimum quartum ætatis annum non attigisset. Bernhardus ergo patre moriente major ætate jam fuit. Unde & ipse feuda Moguntina & Spirensia A. 1454. accepit. (a) Assignavit ei Jacobus civitates & præfecturas Pforz-

A a 3

---

(a) JOHANNIS AD SERARIUM *de Rebus Mogunt.* Lib.V. pag.765. Unde ante A. 1438. natus fuit Bernhardus.

B. BERN.

heim, Stein, Remchingen, Waldeck, Liebenzell, Altensteig & Besigheim cum vicis inde pendentibus. Georgius frater junior, terris, quas acceperat, in gratiam Caroli & Bernhardi fratrum seniorum, renuntiavit.

Magdalena, Caroli VII. Regis Galliae filia, destinata fuerat sponsa Bernhardo; (b) at sponfus, vitam eremiticam eligens, Carolo fratri terrarum, quas possederat, possessionem (c) hoc tradidit anno; cum sociis duobus secessurus in eremum.

## §. II.

Initinere  
Italico  
obit, in-  
ter Divos  
relatus.

Consilia hæc Bernhardi interruptit Fridericus IV. Imperator, qui eum ad omnes Europæ Principes, sacri contra Turcas belli ut classicum caneret, misit legatum. (d) Turcæ anno præcedenti Orientale Græcorum occupaverant Imperium. Bernhar-

---

(b) Magdalena hæc deinceps quoque desponsata Ladislao, Hungariæ & Bohemiarum Regina, qui sponfus decessit. Uxor denique Gastonis Fuxensis facta est. AENEAE SYLVI *Histor. Bohem.* cap. 69.

(c) Jus in terras integrum sibi servasse Bernhardum, vel ex solo documento de A. 1457. apud BESOLDVM *Dacum. rediiv. Wirttemberg.* P.I. pag. 363. seq. apparet. Sed nec alia diplomata idem probantia desunt.

(d) AGOSTINO DELLA CHIESA *Corona Reale di Savoia*, qui eum vocat *Presidente del Imperator Frederico III.*

us a Gallia fecit initium, ubi Carolum VII. Regem, quem forcerum habere debuerat, adiit. Circa Kalendas Quintileis A. 1458. Sabaudie Ducem Augustæ Taurinorum invisit Ludovicum, filium Amedei VIII. qui ex Comite Dux a Sigismundo Imp. atque deinceps a Concilio Basiliensi ex Duce Pontifex Rom. sub Felicis V. nomine electus est. In Aula hac honorifice exceptus cum brevem post moram inde progressurus esset ad Calixtum III. Pontif. Romam, in Montis Calerii oppido ad Padum, vix tribus milliaribus supra Taurinum, subito morbo correptus, in Franciscanorum monasterio eodem anno decessit (e) atque in Collegiata Ecclesia S. Mariæ sepultus est, prope majus altare; (f) A. 1469. a Sixto IV. Pont. inter Divos

---

(e) ANONYMUS PALAT. MS. supra jam allegatus, pag. 262. tradit Bernhardum cum duobus ex Inferiore Nobilitate itineris comitibus, quorum unus dicitur Schellenbergius, interisse in itinere sacro, quod per mare in terram sanctam suscepit. PHILIBERTUS PINGONIUS in *Chronica Augustæ Taurinorum* de Bernhardo ad veritatis normam hæc scribit: „ A. 1458. mensis Julii initio Bernardus Badeusis Marchio sanctimonii vitæ ac natalibus clarus Taurinum ingreditur; qui postmodum, suscepto ad pietatem itinere, Montiscalerii morbo interrumptur & morte prævenitur. Obiit XV. Julii & ob toties repetita varia miracula inter Divos est habitus. Conf. quoque AGOSTINO dict. loc.

(f) Jussit Bernhardus, ut in Ecclesia hac sine impensis terræ mandaretur. Frater tamen ibidem ei condi jussit monumentum, teste PISTORIO in

B. BERN.

relatus. Consecrationis ejus acta in Chartophylacio Vicensi Episcopatus Metensis, custodiuntur. Frater Georgius, Metensis Antistes, imaginem ejus in Ecclesia Vicensi servavit. (g) In Abbatia S. Vitonis apud Virodunenses magna quoque B. Bernhardi veneratio. (h)

## §. III.

Mores  
ejus.

Mores ejus præter alios expressit Trithemius, (i) & Charta, qua Sixtus IV. Bernhardum A. 1478. Thaumaturgum declarat. (k)

---

*Oratione II. de vita Jacobi Marchionis p. 131. ubi in anno mortis cum plerisque errat A. 1459. eum obliisse scribens,*

(g) VOLZVR *Histoire de la Vie d'Antoine Duc de Lorraine contre les mecreans Lutheriens du Pays d'Alsays* Lib. I. cap. 10. MEYRISSER *Hist. des Eveques de Metz* Lib. III. p. 569.

(h) CALMET *Hist. de Lorraine* Tom. II. p. 705.

(i) *Chron. Hirsaug.* ad A. 1465. p. 459. sq.

(k) ANTONIVS MOMBELLVS *Civitatibus Montiscalerii Patricius* librum de vita ejus conscripsit, cujus rubrum: *La Corte santificata dalla vita & dalle virtu del B. Bernardo Marchese di Baden, Protettore della Citta di Moncalieri.* Taurini 1722. 4to. Idem MOMBELLVS Poëma de B. Bernardo scripsit, & Serenissimo Marchioni Ludovico Badensi dedicavit, quod Poëma Biographiæ annexum. Ante eum JO. BAPT. PLANCARDI Italico quoque sermone Beati Bernardi vitam conscripsit; quem librum in idioma Teutonicum transtulit JO. HORNIG. e societate Jesu, 4to. Argentoræ A. 1685. Georgius Metensis Episcopus, frater Bernhardi,

Pontifex hic. Bulla A. 1480. data Eporegiensi injunxit Episcopo, ut in vitam & miracula Bernhardi inquireret. Inquisitio instituta A. 1481. a Guillermino Catya, juris utriusque Doctore & Archidiacono Taurinensi, Sedis Apostolicæ Protonotario & Episcopi Taurinensis Vicario, qui, auditis testibus, XXXVIII. miracula, in Diœcesi Taurinensi facta, collegit. Pontifex ea de re Chartam misit ad Marchionem Badensem, fratrem defuncti, (l) quæ cum cilicio in Bada-Durlacensi Tabulario servatur. (m)

Ex scriptoribus domesticis Bernhardum FRANCISCUS IRENICUS extulit. (n)

Tqm. II.

Bb

A. 1478. ad Senatum Moncaleriensem nuncios miserat de canonisatione fratris deliberaturus cum illo. Literas Georgii vid. ap. MOMBELEVME dict. loc. p. 115. sq.

(l) PISTORIUS in *Orat. II. de vita & morte Jacobi March.* p. 132.

(m) HORNIG. p. 12. ait: Pœnitentiarum vestem Bernhærdi adhuc in Ecclesia Moncalerienensi fervari.

(n) *Exegetis Germaniæ* Lib. III. Cap. 101. „*Hic, inquit, ob omni sordiditate rem-*  
 „ *tus, postquam mundi immundi vias ingrediebatur, solum ad imitandum*  
 „ *sibi Christum quaesivit, omnium antecessorum religionem superavit, futuris*  
 „ *exemplum reliquit. Hujus vita simplex, incorrupta, ac nulla vitiorum*  
 „ *pravitate irretita aut offensa erat. Hic universis renunciavit voluptati-*  
 „ *bus, veræ religionis sacramentum sequebatur. Quicquid ad divinæ ma-*  
 „ *iestatis cultum attinebat, ab illo nihil videmus prætermisissim: nullus so-*  
 „ *mnus huic in delicto mortali surrepsit: penitus etiam sese a seculari ne-*  
 „ *gocio, divinis muneribus atque destinatus, subtraxit: patrimonium*

## §. IV.

Nummi.

Perennibus metallis memoriam & imaginem ejus insculpi curavit Christophorus Marchio, Beati nepos ex fratre. Diversi quatuor nummi alii supersunt, Marchionis hujus jussu excusi, quos in nummorum Badensium serie suo loco proferimus.

---

„ amore Christi, ut nunquam ab eo oculos haberet remotos, libere suis fra-  
 „ tribus addixit, iis contentus tantum, quæ ad vitæ suæ sustentationem ac  
 „ tutelam necessaria requirebantur. Hunc inde per hujus sæculi tenebras  
 „ raptum, vitæ suæ suis consuetaneis excepit, postquam sui bonis operi-  
 „ bus, nobis exemplo respondebat, ac satisfecit, memoriam suam conser-  
 „ vit sempiternam: in oppido Lotharingæ, Mumpelir dicto, inæstimandis  
 „ coruscat miraculis: visum cæcis restituit, auditum surdis reparat, nulli  
 „ oculos ad eum tenenti patrociniū dergat; Hunc jam vutis expetimus,  
 „ ad nostram salutem sevocamus: Et quicquid tristius accidit, auspicio ejus  
 „ auspiciatissimo ac omniæ corrigimus. „ Errat IRENEVS dupliciter,  
 Montis Calerium, Pedemontii oppidum, in quo Bernhardus decessit, Mumpelir vocat & in Lotharingia constituit.





CAPUT V.  
J O H A N N E S I I.  
T R E V I R E N S I S E L E C T O R.



## §. I.

ohannes, tertio-genitus (a) Jacobi I. filius, (b) Johannis initia.  
ex sententia Genealogorum natus est d. IX.  
Febr. A. 1430. TRITHEMIUS diem  
XIV. Junii ponit. (c)

Johannes a prima ætate ecclesiastico statui destinatus fuit  
a patre. Hic testamento annuam ei assignavit pensionem; cujus

Tom. II.

Bb 2

- 
- (a) Johannem Carolo & Bernhardo fratribus ætate fuisse minorem, facile perspicimus, quod his inter se terras partientibus, Johannes ad Ecclesiam transiit. In testamento patris Jacobi Johannes Bernhardo fratri postponitur.
- (b) Duplicem errorem errat BROWERS *Annal. Trevir.* Lib. XIX. pag. 290. ubi Johannem Bernhardi Marchionis & Margarethæ Lotharingicæ filium scribit.
- (c) *Chron. Hirsau.* ad A. 1430. Scriptor hic qui in definiendo die natali Jo-

dimidia pars, simulac beneficium ecclesiasticum obtinuerit, cessaret: altera quoque extingueretur, si ad Episcopatum pervenerit.

Juvenis ille nondum confirmatæ ætatis in Moguntina, Trevirenfi & Argentinensi Ecclesiis Canonicatus accepit. (d)

## §. II.

Fit Elector Trevirensis,

A. 1456. (e) mortuo Jacobo Sirekano, Electore Trevirenfi, a XV. Canonicis Capitularibus Archiepiscopus designatus est, die XXI. mensis Junii. (f) Ex opposita parte quatuor ele-

hannis Archiepisc. horam cum miuit. notat, sibi ipsi contrariatur. A. 1456. ubi de electione ejus in Archiepiscopum agit, nonnisi XXII. ætatis annos ei tribuit. A. 1503. quo obiit Johannes, LXXIX. annos eum complevisse scribit.

(d) SERARIUS *Reum Moguntiacarum* Tom. II. p. 339.

(e) PETRVS MERSSAËVS CRATEPOLIVS in *Catalogo Archiepiscoporum Trevir.* Cap. 100. electionem hanc in A. 1449. Basiliensis Lexici Concinnatores in A. 1451. Johannis electionem rejiciunt, quibus annis superstes fuit Jacobus, Johannis decessor, uti diplomata apud HONTHEMIVM ostendunt. In Instrumento renuntiationis, quo Georgius Marchio renuntiat suis juribus A. 1454. Johannes adhuc vocatur Marchio, & Alberto Brandeburgico postponitur. AENEAS SYLVIVS in *descriptione Germaniæ* Cap. 13. electionem ejus sub Calisto III. ponit, qui nonnisi A. 1455. creatus est Papa.

(f) GESTA TREVIR. *Msspt.* apud HONTHEM. *Hist. Trevir. Dipl.* Tom. II. p. 426. not. 3). TRITHEMIVS *Chron. Hirsaug.* ad A. 1456. BROWER.

gerant Johannem, ex Bavariae Ducibus, Stephani filium, cui Philippus Burgundiae Dux, Princeps vicinus & potens, maxime cupiebat. (g) Alii Diethero Isenburgico adhærebant, Ecclesiae Moguntinae & Trevirensis Canonico, qui dein ad Moguntinam sedem evehctus. At suffragiorum numero & auctoritate præstabant, qui Archiepiscopum postulabant (h) Johannem nostrum Badensem, quem præter natalium splendorem, ingenii vires morumque suavitas commendarunt præ aliis. (i)

## Bb 3

*Annal. Trev. Lib. XIX. p. 219. add. Inscriptio apud BROWER loc. cit. pag. 306.*

- (g) ANONYMVS PALAT. p. 115. Johannem hunc Palatinum hæque TRITHEMIUS, neque GESTORVM TREVIENSIVM *Auctor Anonymus* memorant; qui Dietherum modo Isenburgicum Johannis Badensis æmulum produunt; at meminit ejus AENEAS SYLVIVS, qui de electione hac Trevirensium ita scribit loco allegato: „Cujus (Johannis) ætatis defectum singularis virtus redemit & majorum suorum imagines supplere-  
runt. Nam familia Badensis, claris illustrata titulis, nullam unquam non egregie sapientem virum produxit. Annuit votis Capituli Rom.  
Præful, quamvis Philippus, Burgundionum princeps potentissimus, ac de Romana Ecclesia optime meritus, alium ex Domo Bavariae in illa ecclesia peteret, suis circumdata dominis, Pontificem. Add. cap. 75.

- (h) Johannes tum circiter XXVI. annos habebat, unde postulari, non eligi poterat, adeoque dispensatione Summi Pont. opus habuerat.

- (i) GESTORVM TREVI. Auctor optime eum indolis & acuti ingenii pro

Hic altero statim post electionem die, comitante Carolo Marchione fratre, palatium ingressus, plura Ecclesiae Trevirensis Castra in possessionem accepit. Missis Romam legatis, magno labore, gravibusque impensis a Calixto III. Pontifice confirmationem obtinuit, quam Dietherus, æmulus ejus impedire studuerat. (k). Die XXV. Oct. a Pontifice Maximo ornatus est Pallo. A. 1462. consecratus est Sarburgi a Georgio fratre suo, Antistite Metensi. Quo anno etiam triga fratrum, Carolo, Georgio & Marco comitatus, pompa solenni Urbem Trevirensis intravit, more majorum. Cives in ejus verba jurant. (l)

---

*sua aetate adoleferentem adpellat. TRITHEMIVS ad A. 1456. principem eum mansuetissimum, liberalem, affabilem, justum & rectum, amatorem cleri, defensorem pauperum, ac magnificum conservatorem subditorum agnoscat.*

(k) GESTA TREVIRENSIA *Mspt.* apud HONTHEIM, *Hist. Trevir. Dipl.* Tom. II. pag. 426. not. a. JOANNIS AD SERARIUM *Rerum Mogunt.* Lib. V. pag. 771. KYRIANDER in *Annalibus Augustae Trevirorum* Parte XV. pag. 206.

(l) GESTA TREVIR. cap. 170. in HONTHEIMI *Prodromo Hiflor. Trevir.* Parte altera p. 853. & 854. KYRIANDER loco alleg. p. 206, seqq. BROWERVS *Annal. Trevir.* Lib. XIX. p. 291. & 293. In anno consecrationis dissentiant scriptores: KYRIANDER ad A. 1458. *Author Annonymus* GESTOR. TREVIR. ad A. 1462. eam refert.

## §. III.

Johannes ex Badensium stirpe in Trevirensi fede fuit primus Elector. BERNHARDUS ZECHIUS (m) jam A. 1436. Jacobum quendam ex Marchionibus Badæ, Genealogiæ Badensi & Archiepiscoporum Trevirensium Catalogo ignotum, Archipræfulem constituit, quem ex Saxonice Electoralibus actis eruisse se putavit; miratus, ante se observasse neminem, tres ex Badensi Domino Marchiones intra LXX. annos Trevirensi occupasse solum, Jacobum nempe suum, quem profert, Johannem & Johannis ex fratre pronepotem Jacobum. Verum enimvero efficto suo Jacobo Badensi Zechius ea omnia adscribit, quæ Jacobo ex Sirckii Lotharingicis, decessori Johannis, haud dubie tribuenda. Hic enim Burgundiæ Ducem Ducesque Saxonie, Cæsareus arbiter, Confluentiam invitavit, ut eorum lites dirimeret. Hic pacta cum Wilhelmo Duce Saxonie inivit. Sirckius Rabano, Archiepiscopatum resignanti, successit, atque adeo inter eos Jacobus Badensis non invenit locum. (n) Non alius profecto illis temporibus vixerat Marchio, quam Jacobus, pater Johannis, qui omnem Mar-

Primus  
exBaden-  
sium stir-  
pe.

(m) *Europäischer Herold* Tom. I. p. 502.

(n) PETR. MERSSAEVS CRATEPOLIVS in *Catalogo Electorum Ecclesiæ* in GVALTERI (Gruteri) *Chronico Chronicorum Ecclesiæ*. Tom. I. pag. 147.

JOH. II.

chionatum tenuerat solus. Ab axiomate *Serenitatis*, (o) quo Wilhelmus Saxoniae Dux Jacobum Sirckium compellat, Zechianæ conjecturae nullum pondus accedit. Axioma hoc Principibus secularibus tum nondum erat solenne; nec in ipsa Badensi Domo receptum ante Christophorum Marchionem. Baltheus, in sigillo conspicuus, ad quem Zechius praefertim quoque provocat, nihil aliud quam similitudinem inter Insignia Sirckiana & Badensia indicat. Insigne hoc Sirckii non modo cum Domo Badensi, sed & cum Argentinatibus, aliisque multis commune est. Florentissimi rerum Trevirensium scriptores, BROWERVS, (p) CRATEPOLIVS, (q) HONTHEMIVS, (r) Jacobum hunc Zechianum ignorant, quem profecto Genealogicae & Chronologicae rationes excludunt.

## §. IV.

Acta ab  
A. 1457.

Initio regiminis fœdus Comitum, Dynastarum, Nobilium ac Civitatum Dicecesis Trevirensis, pro defensione mutua ju-  
rium ac libertatum suarum initum, auctoritate Calixri III. Pontificis & Friderici IV. Imperatoris dissolvit Johannes. Cum civitatibus,

(o) *Durchlaucher*.(p) *Annalium Trevir.* Tom. II. p. 279.

(q) In Catalogo loc. alleg.

(r) *HIST. TREVIR.* Tom. II. p. 389.

tibus, arcibusque Nobiles in obsequium Archiepiscopi redeunt. (s)

A. 1458. Vindobonam iter instituit, ibique de feudis & regalibus solenniter investitus, præter veterum privilegiorum confirmationem, nova ab Imperatore jure obtinuit. (t)

In Moguntino bello, Johannes una cum Carolo & Georgio Bellum Moguntinum. fratribus Adolpho contra Dietherum adhæsit, uti supra ostensum. Adolphus quartam Lansteincensis vectigalis partem pro sumtibus in bellum factis, oppigneravit Johanni, addita potestate quartam hanc colligendi, simulac Lansteinium Diethero fuerit ereptum. (u) Oppidum hoc, Confluentiae vicinum, Dietherus firmaverat præsidiis, indeque in subjectam regionem frequentes cædes & rapinas agebat. Johannes defendendis suis finibus, & occupando vectigali, in quod jus acceperat, valido exercitu collecto, A. 1462. Lansteinium bis obsedit; at Palatinis fortiter se defendentibus, re

Tom. II.

Cc

(s) Tabulas hujus fœderis cum mandato Frid. IV. Imp. exhibet HONTHEIM. *Cod. Dipl. Trevir.* Tom. II. p. 423. & 428. Addatur KYRIANDER *Annal. Part. XV.* pag. 208. & BROWERVS *Annal. Trevir. Lib. XIX.* pag. 291.

(t) Diplomata exhibet HONTHEIM. loc. alleg. num. 840. Adde GKSTA TREVIOR. in ejusdem *Prodromo Hist. Trevir.* Part. II. p. 831.

(u) Data est Charta Kalendis Januarii 1462. JOANNES AD HELWICHVM de Diffidio Mogunt. in SERRAII *Rer. Mogunt.* Tom. II, pag. 162.

Jon. 11.

infecta discessit. (x) Moguntinæ hæ turbæ anno sequenti transactione sopitæ sunt. (y)

Diuturnas autem cum Trevirensi Civitate lites A. 1469. Johannes denique ea lege composuit, ut suprema jurisdictione sacra ac civili retenta, Scabios creandi, triumque ex opificum tribus magistrorum constituendorum servata potestate, cetera cum urbis magistratu communicaret, civesque a pedagio & ripatico ad tempus liberos pronuntiaret. (z)

Eodem anno Johannes liberorum Caroli fratris sponsalia magnifico apparatu celebravit Confluentiæ. Zimburgam neptem Engelberto, Nassoviæ Comiti; Ottiliam, Philippi Catimelibocensis Comitis filiam, Christophoro collocavit, ex fratre Carolo nepoti. (a)

## §. V.

Acta ab  
A. 1470.

A. 1470. lites Johannem inter Trevirenses & Fridericum Palatinum Electorem, ut Spanheimensem Comitem, de jure in Mosellam ageræ, Georgii, ex Badensium familia Metensis Episcopi, sententia compositæ fuerunt. Georgius Regale hujus

(x) TRITHEMIVS *Chron. Hirsaug.* ad A. 1462.

(y) Vid. supra in vita CAROLI March.

(z) BROWER. *Annal. Trevir.* Lib. XIX. pag. 297. KYRIANDER loco alleg. pag. 210. conventionem hanc conceptam quidem, sed non impletam fuisse tradit.

(a) BROWER. loc. alleg.



fluminis a rivo *Dillemerbach* infra *Remich* usque ad Rhenum, Electori atque Ecclesiæ Trevirensi competere & ablatas piscatoribus Spanheimensibus res jure captas fuisse censuit. (b)

A. 1471. ad Comitia Ratisbonensia cum Marco fratre & lectissimo provincialium Comitatu profectus, institutis de bello Turcico deliberationibus interfuit. Ibidem ei & Moguntino atque Brandeburgico Electoribus cum Philippi Burgundie Ducis oratoribus nata contentio; qui ante Electorum absentium legatos sibi locum vindicabant. Res ita transacta est, ut Burgundici legati ante faciem Cæsaris, inter oratores regios, collocarentur. (c) Finitis Ratisbonensibus Comitiis Elector Cæsarem Badam & inde Argentinam secutus est. (d)

Antiquissimam literarum apud Treviros scholam, qua apud Germanos nulla vetustior est, ampliare jam decreverat Archipræ-  
Universi-  
tas Trevi-  
rensis.  
 ful Jacobus. At successor Johannes A. 1472. executus est opus. Hic acceptis duobus aureorum millibus, quos negotio huic impenderat, Nicolai V. Pontificis literas, Jacobo Archiepiscopo jam A. 1454. concessas, Senatui Trevirensium tradidit & novas insuper a Sixto IV. Pontifice impetravit. Instituta est Universitas

Tom. II.

C c 2

(b) HONTHEIM. *Hist. Dipl. Trevir.* Tom. II. p. 453. num. 859.

(c) JO. ANT. CAMPANVS *Epistolar.* Lib. VI. Ep. XII. in FREHERI *Scriptor. Rer. Germ.* Tom. II. p. 296.

(d) KYRIANDER p. 207. *GESTA TREVIROR.* cap. 170.

Jon. II.

studiorum ac solenni Magistratus edicto nuntiata est orbi die XVI. Martii 1473. Cancellarium ejus perpetuum sibi Antistes servavit. (e)

Eodem anno Cæsari, Treviros ad Comitata venienti, cum Christophoro ex fratre nepote & selectis aliquot nobilibus turmis, magna pompa obviam processit Johannes, atque in sumptuoso illo Caroli Burgundi convivio secundum ab Imperatore tenuit locum. (f) Carolus promissam a Cæsare regiam cum non accepisset coronam, Trevis rediens, Archiepiscopales male habuit terras.

Circa id tempus Sixtus IV. Pontifex Abbatiam Prumiensem vicinam Johanni Archiepiscopo ad dics vitæ concessit; id quod Fridericus Imperator literis Augustæ datis, ratum habuit. (g)

## §. VI.

Acta ab  
A. 1474.

A 1474. Fridericus Imperator quum Carolus Burgundus Novesium oppugnaret, exercitum ad urbem liberandam ad-

---

(e) KYRIANDER loco alleg. p. 268. sqq. HONTHEIM. *Hiflor. Treviror. Diplom.* Tom. II. p. 325. & 417. NELLERI *Jurisprudentia Trevirorum sub Germanis* in HONTHEIMI *Prodromo Hifloriæ Trevir.* Part. I. p. 527. & 539. sqq.

(f) BROWER. *Annal. Trevir.* Lib. XIX. p. 300. & 302.

(g) HONTHEIM *Hiflor. Diplom. Trevir.* Tom. II. p. 459. num. 864.

adixit. Johannes noster cum copiis eum secutus est, & atque consueti ad Novesium insequenti anno interfuit. (h)

A. 1476. cum Diethero Moguntino & Friderico Palatino, Electoribus, pactus est, ut a vectigalium in Rheno solutione nemo esset immunis, quo tollerentur abusus. (i)

A. 1477. Johannes una cum Georgio, Metensi Episcopo & Ludovico, Bavarie Duce, legatus a Caesare in Belgium missus, confirmationem matrimonii Maximilianum inter Archiducem & Mariam Burgundicam, in Conventibus Ordinum, Gandavi & Lovanii habitis, obtinuit. Omnium Ordinum Proceres cum Johanne Archiepiscopo ejusque fratribus, Carolo & Georgio obviam Maximiliano progressi, Colonia Agrippina eum Gandavum deduxerunt, ubi pompa vere regia celebratae sunt nuptiae. (k)

Idem Elector brevi post cum Moguntino in Galliam a Maximiliano Archiduce missus est, de successione Burgundica terrarumque ablatarum restitutione cum Ludovico XI. Rege acturus. Hic Electoribus, Insulam venientibus, securitatem itineris denegavit; unde re infecta ad Maximilianum redierunt. (l)

C c 3

---

(h) BROWERVS pag. 304.

(i) HONTHINGIM. pag. 467. & 470. num. 871. & 873.

(k) PONTVS HEUTERVS *Rerum Austriacar.* Lib. I. cap. 7. FYGGER.

*Oesterr. Ehrensp.* Lib. V. cap. 26. pag. 854. & BROWER. loc. cit. pag. 306.

(l) FYGGER loc. alleg. cap. 28. p. 877.

JON. II.

A. 1478. exorto inter Civitatem Trevirensē & Manderſcheidios bello, quum dubio ſæpe Marte pugnatum eſſet, Johannes Archiepiſcopus inter eos pacem reſtituit. (m)

A. 1482. Matthias Corvinus, celebratiſſimus ille Hungariæ Rex, Præfuli noſtro victorian<sup>1</sup>, quam Matthias Gerebius Crontizæ præfectus a Turcis ad Savi ripam reportaverat, nuntiavit, addens: „ Hujus victoriæ lætitiā cum Johanne ſe eo communicaviſſe libentius, quod eum in Imperio principem unicum „ norit, qui proſperis rei Chriſtianæ ſucceſſibus vel maxime „ ſaveat. „ (n)

Eodem anno exorta apud Conſuentinos ſeditio Capituli Trevirenſis interceſſione compoſita fuit. Senatus omnis cum ſelectis e civium ordine, ad Electoris genua proſtratus, delictorum veniam petiit. (o)

## §. VII.

Aſta 2b  
A. 1486.

A. 1486. Johannes noſter cum reliquis Electoribus Maximilianum Archiducem Francofurti Regem renuntiavit, eumque & Fridericum Imperatorem honorifico Comitatu, ad peragen-  
da coronationis ſolennia proſecutus eſt Aquisgranum. (p) Ibi

(m) GESTA TREVIOR. cap. 186. in HONTHEIM. *Prodrom.* Part. II. pag. 874.

(n) Literas hæc exhibet BROWERVS loc. alleg. p. 308.

(o) HONTHEIM loc. alleg. num. 871. & 873. p. 467. & 470.

(p) TRITHEMIUS ad h. A. & BROWERVS *Annal. Trevir.* Lib. XIX. p. 308.

una cum Moguntino & Colonienſi coronam novo Regi impoſuit. (q)

A. 1487. in Comitibus Noribergenſibus auctoritate apud ordines & gratia floruit; pax publica ut firmaretur, fortiter contendens. (r)

A. 1488. cum Winnebergiis Nobilibus implicitus bello, Beilſteiniam arcem obſedit; ſed Johannis Bavariae Ducis & Comitibus Wirtenbergae interventu ſunt compoſitae lites. (s)

Eodem anno Johannes noſter cum Archiepiſcopo Colonienſi convenit, ut in decretis electionis Regis Romanorum Trevirenſis & Colonienſis nomina ſua alternatis vicibus, primo loco, ſubſcriberent. Maximilianus Romanorum Rex quum ante biennium eligeretur, primus ſubſcripſit Trevirenſis. Unde juſ primae ſubſcriptionis ſequenti electione Colonienſi competiit. Eadem alternationis ratio obſervanda in poſterum; ita tamen, ut Elector praefens abſentis praeferatur legatis; utque in ſuis quiſque Archi-Cancellariatibus praelationis jure, Aurea Bulla firmato, utatur. (t)

(q) *Acta Coronationis* in FREHERI *Scriptor. Rer. Germ.* Tom. III. p. 31.

(r) BROWERVS loc. alleg. FVGGER in *Speculo Auſtr.* Lib. V. c. 34.

(s) GESTA TREVIROR. cap. 171. in HONTHENII *Prodromo* Part. II. pag. 855. KYRIANDER in *Annal.* Part. XV. p. 208.

(t) HONTHENII *Hiſtor. Diplom. Trevir.* Tom. II. num. 876. pag. 475. Hodie Elector Trevirenſis abſque alternandi neceſſitate priori loco ſuffragium init, omnibusque Imperialibus decretis primus ipſe ſubſcribit. Alter-

JOH. II.

A. 1490. & 1492. varias cum Electoribus Rhenensibus de communi moneta aurea & de commercio Rhenano conventiones inivit. (u)

Jacobus  
Bad.  
Coadju-  
tor.

A. 1493. Johannes noster Jacobum, Christophori Marchionis filium, adeoque fratris sui Caroli I. nepotem, futurum successorem elegit. Alexander VI. jus succedendi firmavit. Refragantibus quibusdam Canonicis, varias inter ambages, protracta res est, dum viveret Johannes. (x)

Hic A. 1495. Comitibus Wormatiensibus, in quibus denique Pax publica in perpetuum stabilita, interfuit. Impetravit tum Johannes diploma, quo cum veterum regalium confirmatione nova a Cæsare privilegia, & inter hæc D. Maximini Abbatem investendi jus, accepit. (y)

## §. VIII.

Bellum  
Boppard.

A. 1497. natum est ei cum Boppardiensibus bellum. Boppardia, Imperialis quondam civitas, jam inde a Ludovici Bavari & Ca-

---

natio autem ad prærogativam in eundo, stando sedendoque usu restricta est. MOSER *Chur - Trierisches Staats - Recht* Cap. 4. §. 3. seqq.

(u) HONTHEIM loco alleg. num. 881. 882.

(x) *Ibidem* num. 883. pag. 491. TRITHEMIVS *Chron. Hirsang.* ad A. 1500. & BROWER. loco alleg. p. 315.

(y) HONTHEIM *Hist. Diplom. Trevir.* Tom. II. num. 886. 887. 888. pag. 494. seqq. add. BROWER. *Annal. Trevir.* Lib. XIX. p. 312.

& Caroli IV. temporibus Ecclesiæ Trevirensi oppignerata, ægre cum ferret libertatis jacturam, consilio nobilium Civitatis, quibus cum Archiepiscopo intercedebant lites, missis clam ad Comitum Wormatiensium A. 1495. legatis, insignia a Maximiliano Imperatore privilegia, in scio Electore, impetraverat. Revocavit ea paulo post Cæsar. At Boppardienses, ejecto Archiepiscopi Sculteto, Arcem Boppardensem, mediocri præsidio firmatam, obsederunt. Johannes, vocatis in auxilium Philippo Palatino Electore, Wilhelmo Hassiæ Landgravio, Christophoro Marchione Badensi aliisque Principibus, cum duodecies mille militum exercitu Boppardiam obsidione cinxit & in potestatem accepit. Johannes, Palatinus Comes, lineæ Simmerensis, deditionis leges conscripsit, quibus inter alia cautum est, ut Boppardienses, salva vita, honoribus & bonis Civitatem Archiepiscopo cum omni jurisdictione & imperio traderent. Johannes autem impensarum nomine, magnas pecuniæ summas Principibus sociis erogavit, quo factum, ut exhausto aërio, Trevirensis ecclesiam debitis oneraret. (z)

Tom. II.

Dd

---

(z) TRITHEMIUS ad A. 1497. pag. 554. & *Alia* apud HONTHENIUM *Hist. Diplom. Trevir.* Tom. II. pag. 501. seqq. add. BROWER. loc. alleg. p. 314. sq. & *GESTA TREVIR.* cap. 171. in HONTHEN. *Prodomo Hist. Trevir.* Part. II. p. 854.

## §. IX.

Obitus.

Obiit Johannes septuagenarius senex A. 1503. die IX. Febr. (a) Pontificatus sui A. XLVII. ætatis LXXIII. (b) Pulveris pyrii incendio, supra conclave, in quo versabatur, Cochemii quadriennio ante obitum orto, imminens vitæ periculum evaserat. Corpus ejus ex Ehrenbreitssteinia arce Confluentiam translatum, atque in S. Nicolai Choro, summi templi conditum est, quod ipse sibi dum viveret, exstruxit. (c)

## §. X.

Chara-  
cter.

Liberalitatem ejus atque justitiam celebrant rerum Trevi-

(a) BROWER. *Annal. Trevir.* Lib. XX. pag. 318. TRITHEMIUS ad A. 1503. XIX. Febr. obiisse tradit Johannem, sed perperam.

(b) Errat TRITHEMIUS loco alleg. qui LVII. annis eum præfuisse atque LXXIX. ætatis annos complexisse dicit. Errat quoque PETRUS MERSAEVS CRATEPOLIS, qui in *Catalogo Archiepiscoporum Trevirensium* §. 100. ætatis LXXIX. Pontificatus LIII. annos ei assignat. Ipse BROWER. *Annal. Trevir.* Lib. XX. pag. 318. male Johannem ne septuagesimum quidem annum attigisse scribit, deceptus, uti videtur, auctoritate TRITHEMII, qui eum annum ætatis XXII. agentem electum fuisse Archiepiscopum prodidit, contra quæ notavimus supra, ubi de die natali & de electionis tempore Johannis Archiepiscopi. plura disseruimus.

(c) BROWERUS loc. alleg.



rensum scriptores. (d) Literas amavit, quibus a teneris assueverat, ipsosque literatos summo favore & gratia prosecutus est. Præclaram juris peritiam ejus Commentarius Juris Treverici, testatur, quem A. 1488. publici juris fecit. (e) Apud Imperii Ordines propter æquitatem suam & multiplicem rerum experientiam maxima auctoritate floruit. (f) Reprehenditur, quod grave æs alienum reliquerit; (g) quæ temporum injuriæ & cala-

Tom. II.

Dd 2

(d) TRITHEMIUS ad A. 1456. & BROWERUS loc. alleg.

(e) BROWER. *Annal. Trevir.* Lib. XIX. p. 309.

(f) PETRUS MERSSÆUS CRATEPOLIS loc. alleg.

(g) TRITHEMIUS ad A. 1503. hac de re ita scribit: „ Reliquit Ecclesiam

„ satis tenuem, & ære non parum gravatam alieno, cujus inopiæ cau-  
 „ sam nonnulli triplicem assignarunt. Prima fuit bellum, quod cum  
 „ Boppardienfibus habuit, in quo plus quam centum florenorum millia  
 „ expendit. Secunda fuit nimia ejus in alienos clementia, quippe qui  
 „ multis multa contulit ingratum, & qui nihil tale vel ab eo, vel ab  
 „ Ecclesia Trevirorum meruerunt. Ex cujus ore paucis ante obitum  
 „ mensibus audiui: Nihil, inquebat, magis cruciat animum meum,  
 „ quam eorum ingratitudo, quibus non merentibus benefeci: quoniam  
 „ ecce, quos exaltavi de stercore, fecique magnos & divites, jam con-  
 „ temnunt me, & partes contra me sequuntur mihi adversus. Causam  
 „ deficientiæ tertiam suorum quidam Alchimistarum deceptionibus ad-  
 „ scribentes, eum plus quam 30000. flor. in ea vanitate referunt ex-  
 „ pendisse. Quam ipse de se opinionem suorum & novit & redarguit  
 „ esse falsam, asserens, me aliquando præfente, sub jurejurando, quod

JOH. II.

mitati adcripseris. Laudandus, quod insignes Ecclesiae Trevirensis ditiones, a decessoribus oppigneratas, redemit; novisque Ecclesiam suam possessionibus auxit; (h) magnificis operibus diocesis exornavit, arces plurimas, ruinam minitantes, refecit, alias de novo extruxit, atque Trevirensē palatium & Francofurtanum, ut & curiam Confluentinam restituit. (i) Memorabilis imprimis puteus, quem A. 1481. in Castro suo Elhrenbreitstein magnis impensis per rupes paravit; opus stupendum, cujus memoriam solenne monumentum & inscriptio hodieque conservat. (k) Idem

„ in Alchimistarum schola, ne dicam Sophistria, quingentos & non plus, magistris errorum discipulus instituendus exposuisset auri flores. Sit ita vel non sit, tribus calamitatibus pressum constat, quarum occasione pauper evasit.

(h) KYRIANDER *Annal. de Augusta Trever.* Part. XV. p. 207. & 208. BROW. *Annal. Trevir.* Lib. XIX. pag. 306. & Lib. XX. pag. 318. & 319.

(i) KYRIANDER loco alleg. *GESTA TREVIRORVM* cap. 171. BROWER. loc. cit. p. 306. & 307.

(k) Inscrip̃tio Elhrenbreitsteinianae arcis haec est: ANNO DOMINI MCCCCLXXXI. VIII. MARTII JOHANNES EX ILLUSTRIBUS JACOBO MARCHIONE BADENSI ET CATHARINA LOTHARINGIAE DUCISSA NATUS TREVERORUM ARCHIEPISCOPUS INTER PLURIMA IN HOC ET CAETERIS ECCLESIAE CASTRIS EXIMIE A SE COMPLETA EDIFICIA HOC IN LOCO SCISSIS PETRIS

salutaribus edictis disciplinam ecclesiasticam emendavit, monachos  
atque moniales ad severiorem vitam adegit, multaque præclara  
fanciendis rite moribus constituit. (1) Omni gubernationis tem-  
pore, si Boppardienfes & alios minoris momento motus excipias,  
pacem nutrit, (m) initoque cum finitimis fœdere firmavit.

## §. XI.

Enimvero jam A. 1457. Unioni Electorum accessit. (n) Fœdera.  
A. 1458. cum Dietero, Colonienfi Electore, peculiare amici-  
Dd 3

---

AQUAM PRIMUS EXQUIRERE COEPIT DEMUM  
POST LABORES ET SUMPTUS IMMENSOS AQUA  
ABUNDE INVENTA TALITER ET FONTIS ET  
CIRCUMPOSITAE TVRRIS OPUS CONSUMMAVIT  
ANNO DOMINI MCCCCLXXXIII. MENSE SEPTEMBRI  
PONTIFICATUS SUI XXIX. EST FONTIS  
PROFUNDITAS CCLXXX. PEDVM. Brow. *Annal. Trevir.*  
Lib. XIX. pag. 306. alia proflus ratione Inscriptionem hanc sistit. Ca-  
tharinam quoque Lotharingicam contorte *Margaretham* adpellat.

(1) Brow. loc. cit. pag. 307. & 312. HONTHEIM. *Hist. Trevir. Diplom.*  
Tom. II. num. 847. & 854. p. 440. & 449.

(m) KYRIAND. loco alleg. *GESTA TREVIR.* cap. 171.

(n) HONTHEIMVS loco alleg. p. 429. num. 838.

JON. II.

tiae leges inivit. (o) Memorabile inprimis est foedus, quod A. 1462. cum Philippo, Burgundiae Duce, Bruxellis contraxit, quo Lucemburgensium ac Trevirensium ditionum securitatem mutuumque sibi auxilium pepigerunt. Triennio post Carolus, Philippi filius, Carolesii tum Comes, postea Audax dictus, huic foederi accessit, atque separato articulo Galliae Regem ab eo exclusit. (p) Neque tamen a Carolo permoveri potuit Johannes, ut bello ejus contra Gallos accederet.

A. 1465. Johannes cum Philippo, Catimelboti Comite, (q) A. 1471. cum Gerhardo Juliaci, Montiumque Duce, (r) A. 1479. cum Henrico Hassiae Landgravio, (s) foedera percussit. A. 1480. cum Civitate Trevirensi ad vitae tempus societatem iniit ea lege, ut adversus quamcunque vim utraque pars mutuum sibi praestaret auxilium; Electori in Civitatem, Civibus in Ecclesiae Trevirensis castella aditus pateret, neque Trevi-

---

(o) IDEM loc. cit. num. 839. p. 451.

(p) HONTM. loc. cit. num. 851. & 852. pag. 445. sqq. De foedere hoc speciatim agit HONTHEMIS in *Originibus Politicis Trev. sub Germanis Prodromi* Part. I. p. 503. & 509.

(q) IDEM num. 853. p. 448.

(r) num. 860. p. 455.

(s) num. 868. p. 463.

renses unquam hostibus Electoris, domini sui ac principis, faverent. (t)

A. 1484. & 1487. Bertoldum Electorem Moguntinum, (u)  
A. 1488. Ludovicum ejusque filium Alexandrum, Veldentinos  
Principes, (x) A. 1489. Philippum Electorem Palatinum, (y)  
amicitia, mutuisque sponsonibus sibi conjunxit. Quin & eodem  
anno Fœderi Suevico, quod ad tuendam pacem publicam, a Fri-  
derico Imperatore Francofurti promulgatam, Sueviæ Civitates  
nuper iniverant, focius accessit. (z) Denique tabulis peculiari-  
bus eodem tempore datis, pacis publicæ Francofurdianæ defen-  
sionem cum Sigismundo, Austriæ Archiduce suscepit. (a)

Nec prætereundum silentio, quod inter Archiepiscopos Tre-  
virenses Joannes in Chartis & Diplomatis *Electoris* titulo usus

Titulus  
Electo-  
ris.

(t) num. 870. p. 465. Ex fœdere hoc KYRIAND. *Annal. de Augusta Treviro-  
rum* Part. XVII. p. 263. & 267. adstruere nititur, Johannem Archiepisco-  
pum liberam Imperii Civitatem Treverim censuisse.

(u) HONTHEIM loc. cit. num. 874. p. 472. • Jo. AD SERRARIUM *Rerum  
Mogunt.* Lib. V. p. 797. & 800.

(x) Num. 877. p. 478.

(y) Num. 878. p. 480.

(z) Num. 879. p. 482. & DATT. *de pace publica* Lib. II. cap. 10. num. 14.

(a) DATT. loc. alleg. num. 54.

JON. II.

est primus; quibus ante eum Imperatores & Principes axioma-  
te hoc Archiepiscopos Trevirenses ornaverint. (b) Nummos  
ejus tres HONTHEMIUS (c) protulit, qui inter Badenses no-  
stros comparent.

(b) HONTHEIM loc. alleg. p. 439. nota a) in fine.

(c) *Hist. Trevir.* Tom. II. pag. 385, & 390. *Groschen-Cabinet* Tom. IV. Ta-  
bul. XIII. num. 116. & 117.



CAPUT

## CAPUT VI.

## GEORGIUS

## METENSIS EPISCOPUS.



## §. I.

Georgius, Jacobi filius, hanc lucem adspexit anno circiter 1433. (a) Hic a prima ætate destinatus Ecclesiæ, jam A. 1445. una cum fratribus Johanne & Marco, in Ca-

Georgius  
Metensis  
creatur  
Episcopus.

stro Badensi, a Vicario Generali Spirensi tonsuram accepit; atque A. 1454. Sabbato ante D. Laurentium portioni terrarum suarum renuntiavit Pforzhemii.

A. 1457. juvenis ætatis fere quinque lustrorum a Conrado, Metensi Episcopo, consensu Capituli, Coadjutor creatus est. Ca-

Tom. II.

Ee

---

(a) MEURISSE *Histoire des Evêques de Metz* Lib. III. pag. 568. Georgium

GEORG.

lixtus III. Pontifex eodem anno Coadjutoriam hanc literis confirmavit, & speciali privilegio indulsit, ut ad XXVII. ætatis annum usque Metensem Ecclesiam regeret Administrator atque deinceps Episcopus, sine novo diplomate. At Conrado A. 1459. defuncto, Canonici quidam Ulrico Blamontano Comiti, Canonico Metensi, Episcopatum detulerunt. Pius II. Pontifex Georgii partes defendens, factionem oppressit. Georgius, possessionem Episcopatus eodem anno adivit. (b)

## §. II.

A  
Schauen-  
burgicis  
capitur,

A. 1460. inter Carolum Marchionem, Georgii fratrem & Schauenburgicos Nobiles, de Schauenburgi & Bernbaci Castris intercesserant lites; quæ mutuæ diffidationi causam præbuerunt. Ea occasione Georgius electus & confirmatus Metensis (c)

---

XXIV. ætatis annum egisse tradit A. 1457. quo Metensis Ecclesiæ Coadjutoriam accepit; ut itaque secundum Meurissium annus natalis Georgii incidat in A. 1433. Consentit quodammodo testamentum Jacobi patris de A. 1453. in quo dicitur, Georgium posse educationis causa usque ad A. XXIV. ætatis commorari vel in Caroli, vel in Bernhardi, vel alia aula.

(b) MEURISS. loco alleg. p. 568. sq.

(c) Georgius tum nondum consecrationem acceperat, unde in literis Tabularii Schauenburgici dicitur: *Erwehltet und besüßiget zu Metz.*



una cum fratre Marco, a Schauenburgicis fratribus, Georgio, Reinhardo & Friderico in Alfatia captus, Isenheimii, quod Alfatiae Castrum supra Rufacum jacet, in custodia detentus est. Carolus Marchio fratribus suis liberandis cum Petro de Moersperg, Praefecto Austriaco, pluribusque Nobilibus Metensis Ecclesiae, Isenheimium eodem anno obsedit. At Goetzius de Adelsheim, Subpraefectus Palatinus, a Friderico Electore, ut Caesareo Alfatiae Praefecto, tum missus, rem ad concordiam reduxit. Georgius & Marcus sine pretio liberati. Lites vero inter Badenses & Schauenburgicos Friderici Palatini arbitrio delatae. Carolus Marchio actioni, in Iudicio Caesaris Aulico contra Schauenburgicos institutae, renunciavit. (d)

Eodem tempore Fridericus Schauenburgicus partem Isenburgici Castri cum Terris in Mundato superiori, in Sundgovia & omni Austriaca ditione, quas ipse vel conjux ejusque ex priore cum Stauffenbergico Nobili matrimonio filius tenuer-

Tom. II.

Ee 2

---

(d) Literae hac super re die Jovis ante Bartholomaei datae, in *Tabulario Schauenburg.* servantur. add. Caroli I. vita ad A. 1460. & ALSATIA ILLUSTR. Tom. II. p. 69.

GEORG.

rant octo millium & quadringentorum florenorum pretio in Georgium nostrum transtulit. (e)

Hic A. 1461. solenni pompa Metensium Civitatem intravit, comitantibus eum Carolo Marchione, Johanne Trevirensi & Marco Colonienſi Canonico, fratribus ſuis, qui cum Naſſovia Comite aliisque Principibus & ſeptingentis equis advenerant. Georgius tum vaſallos Metenſis Eccleſiæ, Comites Naſſoviæ, Salmenſes, Blamontanos, Lichtenbergicos aliosque inveſtitit de feudis. Sarburgum oppidum Domino Vinſtringæ tradidit. (f)

## §. III.

A Palatino quoque ca-  
pitus.

Concitato inde Moguntino bello, Adolphi Naſſovii partes una cum Johanne Trevirensi & Carolo Marchione fratribus ſecutus eſt. Adolphus literis die Veneris poſt Aſcenſ. A. 1462. datis, de damno, ſi quod acciperet, Georgio cavit, quingentos annuatim florenos ex Lohnſteinenſi portorio, utprimum expugnaverit oppidum, ſe ei ſoluturum promittens. (g) At paulo poſt

(e) Literæ modo allegatæ.

(f) MEURISS. *Hiſtoire des Eveques de Metz* p. 568. ſqq.

(g) JOANNIS ad HELWICHIIUM de *diſſidio Mogunt.* in SERARIJ *Res. Mogunt.* Tom. II. p. 162.

Georgius infelici ad Seckenhemium proelio cum Carolo fratre captus, annum, & quod excurrit, captivitatem transegit; quadragies & quinquies mille florenorum lytro redimendus. Præterea tres arces, quas in Lotharingia habebat, Bergardum, S. Theobaldum & S. Cruceum Palatino tradere, & de innocentia ejus Pontificem æque ac Cæsarem docere, curareque, ut omnem adversus eum similitatem deponerent, coactus est. (h)

Adolphus Archipræful anno sequenti Georgio pro acceptis damnis triginta florenorum millia transcripsit. (i)

#### §. IV.

Durante hoc bello Metenses, Dietheri Isenburgici partes amplexi, quum A. 1462. Canonicos Cathedralis Ecclesiæ, Adolpho faventes, expulissent civitate, a Pio II. diris devoti sunt. <sup>Lites cum Metensibus.</sup> Ca-

Ee 3

---

(h) Vide supra in Carolo I. TRITHEMIUS in *Chron. Hirsaug.* ad A. 1462. HILWICHUS loc. alleg. p. 180. & 181. HACHENBERG. in *Historia Friderici I. Palat.* Lib. V. pag. 149. Postrema hac conditione Georgius, conciliato paulo post cum Pontifice Cæsareque Palatino, liberatus est. JOANNIS ad SERARIUM *Rerum Mogunt.* Lib. V. Tom. I. p. 780.

(i) JOAN. loc. alleg.

GEORG.

nonici bonis redditibusque spoliati apud Mussipontanos primum, dein Vici subliterunt, donec post quinquennale exilium redeundi in urbem ipsis fieret potestas. A. 1467. Georgius Episcopus, cui totius negotii curam demandaverat Pontifex, Canonicos Civitati, Civitatem Pontifici conciliavit: quo temporis intervallo urbem identidem invisit, litesque de censuum quorundam solutione cum Metensibus amica transactione composuit. (k)

A. 1470. Georgius arbiter fuit difficultatum inter fratrem, Trevirensis Archiepiscopum & Fridericum Palatinum. (l)

## § V.

Aeta ejus  
religua.

A. 1473. Fridericum IV. Imperatorem Metas venientem, magnifice recepit. (m) Imperator Treviros ad Comitata abiit. Georgius cum Carolo fratre, aliisque Principibus eum secutus est. Ibi cum de regia Caroli Burgundi ageretur dignitate, eumque in finem omnia praepararentur, Georgio sacrandi inungendique novi

(k) MEURISS. loco alleg. Lib. III. p. 570. 199.

(l) Vide supra in vita Johannis Archiepiscopi.

(m) MEURISS. loc. alleg. p. 588.

Regis partes demandatæ fuerunt. At subita profectio Cæsaris hæc omnia intervertit. (n)

A. 1474 Georgius auctor fuit pacis inter Civitatem Metensem & Lotharingæ Ducem, inopinato Civitatem bello qui fuerat aggressus. (o)

Sed honorifica præsertim fuit solennis ejus ad Belgas legatio, quum A. 1477. a Friderico Imperatore Gandavum missus, una cum Johanne Trevirensi & Ludovico, Baviaræ Duce, in magno Procerum confessu pathetica oratione impetravit, Maximilianum Archiducem inter & Mariam Burgundicam ut decerneretur conjugium. (p) Paulo post Georgius noster Maximilianum comitatus est Gandavum; ejusque nuptiis cum Maria interfuit.

## §. VI.

Maximilianus, ut gratam mentem testaretur Georgio, Obitus. Episcopatum Ultrajectinum ei destinavit, sed antequam literæ

---

(n) COMINES *Memoires* Lib. II. Ch. 8. BROWERUS *Annal. Trevir.* Lib. XIX. p. 300. & 302.

(o) MEURISS. loc. alleg.

(p) PONTUS HEUTERUS *Rerum Austriacar.* Lib. I. cap. 7. FUGGER. *Oesterreichischer Ehrenspiegel* Lib. V. cap. 26. p. 854. sqq. MEURISS. l.c.

GEORG.

expedirentur papales, Georgius Mediovici (*q*) decessit A. 1484.  
d. XI. Octobr. cum per XXV. annos Ecclesiæ Metensi præ-  
fuisset. Corpus ejus in Ecclesia Cathedali sepultum est Me-  
tis. (*r*)

---

nescio, quo auctore tradit, ingens tum vitæ periculum adiisse Geor-  
gium, minantibus ei mortem Belgis, nisi matrimonium Marix cum Ma-  
ximiliano perficeret.

(*q*) *Meyenvic.*

(*r*) *M E U N I S S. l. c. p. 590. & 592.*



CAPUT

## CAPUT VII.

## MARCUS

## EPISCOPUS LEODIENSIS POSTULATUS.



## §. I.

Postremus filiorum Jacobi Marcus, Ecclesiastico Marcus  
Canonius Colo-  
niensis.  
quoque statui a patre dicatus, vix decimum  
egressus annum tonsuram A. 1445.  
accepit, uti supra notatum. (a)

A. 1459. possessionem Episcopatus Metensis Georgii fratris nomine adiit; cujus resignatione Coloniensis Ecclesiae Communicatum paulo ante impetraverat. (b)

A. 1460. Marcum una cum fratre Georgio Schauenburgici Nobiles Isenhemii tenuerunt captivum. (c)

Tom. II.

Ff

(a) In vita Georgii, fratris ejus.

(b) MEURISS. *Hist. des Evêques de Metz.* p 559.

(c) Vita Georgii ad A. 1460.

MARCUS.

Eodem anno & sequenti in Comitatu fuit Johannis & Georgii fratrum, quum ille Treviros, hic Metas solenni cremonia ingrederentur. (d)

A. 1463. occasione transactionis inter Adolphum Nassovium & Dietherum Iffenburgicum missus est Tiburum ad Pontificem Maximum legatus, ut ejus consensum impetraret. (e)

## §. II.

Fit Pro-  
tectōr  
Leodien-  
sis.

A. 1465. magna rerum conversio apud Leodienfes occurrit, cui implicita fuit Domus Badensis, occasione Ludovici (f) Borbonii, quem Episcopum, post regimen decennale, rejecerant; Marcum nostrum in Mainburnum suum eligentes. Ludovicus, Caroli Borbonii, & Agnetis, quæ Philippi Boni, Burgundiæ Ducis, soror fuit, filius, (g) A. 1456. a Johanne Heinsbergio Co-

(d) Vita Johannis & Georgii.

(e) GORELLINUS in *Commentar. Pii II. Pont.* p. 328. & HELWICHUS de *diffidio Mogunt.* Sect. XIII. p. 192.

(f) TRITHEMIUS in *Chron. Hirsaug.* ad A. 1465. Leodiensem hujus temporis Episcopum vocat Johannem, qui Ludovici fuerat decessor. Johannes jam A. 1455. Ludovico Borbonio Leodiensem Episcopatum tradiderat, ut ex MESSÆI CRATEFOLII *Electorum Ecclesiasticorum Catalogo* apud GUALTHERIUM (*Gruterum*) *Chronico Chronicorum* Tom. I. p. 1518. addiscimus.

(g) SAINTE-MARTHE *Hist. Genealogique de la Maison de France* Tom. II. pag. 45.



mite, viro virtutibus & meritis gravi, Leodiensem Episcopatum octodecim annorum juvenis acceperat, commendante avunculo, Leodiensium vicino, in cujus aula educabatur. (h) Calixtus III. Pontifex difficulter consensit. Consensit tamen, postquam Burgundiae Dux bello sacro contra Turcas se accessurum spem fecerat, quam postea fraudavit. Sed & Episcopus juvenis, morum incautus, & a sacerdotio abhorrens, Principis magis, quam Episcopi dignitatem affectavit, atque adeo Leodiensium spem & ipse fefellit; consecrationem Episcopalem pertinaciter recusans. Leodieneses suspicati sunt, id quærere Ludovicum, ut consuetudine secularis administrationis continuata, regimen Episcopale dedisceret Civitas, atque adeo pedetentim in Ducalem converteretur; vicini Burgundiae Ducis subitura imperium. (i) Multis in rebus ergo denegata sunt Ludovico & Officialibus ejus obsequia. Philippus, nepotis sui jura vindicaturus, petiit a Papa, Leodienses ut interdicto subjiceret. Voluntati ejus detulit Pius II. Calixti suc-

Tom. II.

Ff 2

- 
- (h) SUPPRIDUS PETRI in *vita Ludovici Borbonii* Cap. XX. Gestorum Pontificum Leodiensium a Chapeavillo editor. Tom. III. p. 130.
- (i) Docet hæc gravis & magni nominis scriptor, JAC. PICCOLOMINUS, *Cardinalis Papiensis*, in *Commentariis suis*, Mediolani editis A. 1506. vid. Lib. III. p. 396. In causas dissensionis Leodiensium cum Ludovico Borbonio pluribus inquirunt Auctores GALLIÆ CHRISTIANÆ; qui tamen, quod mirum, ne verbo quidem meminere Marci Badensis. Tom. III. p. 903. & 904.

MARCUS.

cessor. A. 1462. Leodienfibus denunciata censura. (k) Lis tamen in Curia Romana per aliquot annos protracta, A. 1465. mense Januario a Paulo II. pro Ludovico decisa est. (l)

Inter hæc Razo Herensis, & Barius Surleh, ex Proceribus Leodienfibus ad Carolum, Marchionem Badensem, se contulerunt ejusque auxilium contra Episcopum & Philippum, Burgundiæ Ducem, implorarunt; tutela Episcopatus Marco, fratri Marchionis, (m) oblata. Marcus, rejecto Borbonio, spem Leodienfis Episcopatus accepit. (n) Badenses, rem minus difficilem arbitrati sunt, quod Ludovicus XI. Galliae Rex, Borbonio Burgundoque infensus, Leodienfibus promiserat auxilia. Redux igitur Leodium Razo, convocatis ordinibus, Dominica Lætare A. 1465. *Mainburnum* (o) seu Protectorem Leodienfium proclamavit Marcum

---

(k) SUFFRIDUS PETRI Cap. 22. & 23.

(l) Bullam Pauli Pont. exhibet CHAPEAVILLUS in *Annotat. ad SUFFRIDUM PETRI* loco alleg. p. 143.

(m) Marcum SUFFRIDUS male Caroli Marchionis filium adpellat.

(n) SUFFRIDUS loc. alleg. cap. 24.

(o) *Mainburni* nomine utitur ADRIANUS de VETERI BUSCO *Monachus Sancti Laurentii Leodienfis*, scriptor coævus, in *Diario Rerum Leodienfium sub Johanne Heinsbergio & Ludovico Borbonio Episcopis*. Extat in MARTENE *Coll. Pet. Scriptor.* Tom. IV. p. 1267. sqq. *Mainburni* ex *Mundiluratio* medii ævi voce, vulgus corripit. Vox denotat tutorem, defensorem & in Chartis Belgicis præsertim varia inflexione occurrit, ut CANGIUS docet.

Badensem, quem Friderici Cæsaris affinitas, triumque fratrum, Caroli Marchionis, Johannis Trevirensis & Georgii Metensis Antistitum opes præsertim commendaverant. Razoni se opposuerunt Johannes & Eberhardus, ex Arenbergenfium familia, pater & filius, Comites Marcani, qui Leodienfis ditionis vicinæ protectionem jure hereditario sibi vindicabant; Badenfibz alioquin infesti, cum quibus lites eis intercedebant & bella. Prævaluit tamen Razonis auctoritas, atque unanimi omnium consensu Protector electus est Marcus; qui de eventu rei sollicitus, cum tribus fratribz tum Metis (*p*) agebat. Eo missi Leodienfium legati, Marcum invitarunt, ut circa Paschatis festum solennis inaugurationis causa Leodium veniret.

Ludovicus XI. Gallie Rex, intestinis Procérum turbis agitat, Leodienfibz destinaverat literas, quibus Nivernensem Comittem Protectorem illis obtulit; sed de Badensis electione certior factus, in eandem consensit. (*q*)

## F f 3

---

(*p*) Fratres Marchiones Metis progressi sunt Coloniam, quo Leodienfium legati venientes, armata manu eos duxerunt Leodium. WERNERUS TITIANUS *Annalium Novytenfium* Auctor in MARTENE *Collect. V'eterum Scriptorum* p. 603.

(*q*) Singula hæc accurate exponit ADRIANUS de VETERI BUSCO p. 1267. 519.

## §. III.

A Leo-  
dienſibus  
inaugura-  
tur.

Marcus ſecundo Paſchatis feſto ſplendide a Leodienſibus exceptus, inter Carolum Marchionem & Johannem Trevirenfem, (r) fratres ſuos, medius, Episcopali pompa Civitatem ingreſſus eſt, peractisque ſacris publicum Civitatis palatium inviſit. Ibi præſtito ſolenni jurejurando promiſit, omnibus viribus eo ſe allaboraturum, ut ex Proteſtore Episcopus fieret; ſequen- nihil oppigneraturum extraneis, ſed civium libertates & jura conſervaturum intacta. Viciffim Leodienſes perpetuam Marchioni fidelitatem polliciti ſunt. Ab hoc tempore Marcus noſter in Literis *Regens & Gubernator ac Adminiſtrator Patriæ Leodienſis, Ducatus Boullionii & Comitatus Loſſenſis* adpellatur. Tum etiam Magiſtri, Conſules & Officialium Præfecti fidem ei præſtiterunt.

Marcus, armata manu & præcedente cum albo baculo Razione, Dinantum & reliqua Leodienſis & Loſſenſis ditionis oppida inviſit ac ubique populos in obſequium recepit. Reverſus Leodium legatos, qui Lovanio, Bruxella, Antwerpia & Silva

---

(r) WERN. TITIANUS *Annalium Noveſienſium* Auctor in MARTENE loco alleg. pag. 608. & TRITHEMIUS in *Chron. Hirſaug.* Johannem Trevir. interfuiffe teſtantur. At ſilent cum ADRIANUS de VETERIBUS COP. 1249. & SUFFRIDUS PETRI Cap. 25.

Ducis advenerant, salutavit. Capitulum Leodiense, quod ab initio Marcum Protectorem agnoscere recufaverat, d. XVII. Maji in ejus quoque partes transivit.

## §. IV.

Insequenti Ascensionis festo splendida Galliae Regis legatio, cui praeerat Castellionensis (s) Leodium venit, contra Burgundos & Borbonios, cum Protectore & Leodienfibus ut percuteret foedus. Foedus init cum Lud. XI. Galliae Rege. Res studio praesertim Razonis perfecta die XVII. Junii. Promissa sunt auxilia reciproca. Galli in Hannoniam, Leodienfes in Brabantiam impetum faciant. Rex pro ducentis lanceis, quas Leodienfes conscribant, menstrua XV. librarum Turorenfium stipendia solvat; in singulas lanceas tres equites computati. Praeterea conventum, ut de confirmatione Marci cum Pontifice Ludovicus Rex ageret, neque obedientiam ei praestaret, antequam obtinuisset petita. (t)

Inito hoc foedere, Carolus Marchio rediit domum, milites ut colligeret pro Gallo. Marcus vassallos Leodienfis Ecclesiae ad investituram feudorum suscipiendam adegit. Bona Episcopatus

(s) Sire de Chastillon.

(t) Foedus hoc extat in LEONARD. *Traité de Paix* Tom. I. pag. 60. & DU MONT *Corps Diplomat.* Tom. III. p. 328. Addatur ADRIAN. de VERTERIBUSCO loc. alleg. p. 1274.

MARCEUS.

sibi afferuit. Absentium, ut & eorum, qui in verba ejus jurare detrectaverant, facultates fisco addixit.

## §. V.

Adversâ  
factione  
oppressa  
postula-  
tur Epi-  
scopus.

Exspiraverat quadrimestre tempus, quo Pontifex interdictum in Leodieneses suspenderat. Magna inter eos animorum commotio. Clerus Protectorem adiit, rogans, ut de servando interdicto cum populo ageret. Annuit Padenfis; sed Dominus de Bare, Razo, alique, qui Leodii rerum potiebantur, intervertunt consilia Cleri, & convocato ad palatium populo, falsam Pontificis bullam & interdictum nullum esse ostenderunt. Canonico-  
rum, qui aufugerant, vel intermiserant sacra, domus spoliatae, bonaque sub hasta sunt vendita. Protector cum Magistris & Consulibus Urbis, creato suarum partium Officiali, jurisdictionem sibi arrogarunt utramque. Borbonius Hoyo pulsus, & occupato a Leodiensibus oppido, Marcus ibidem inauguratus Protector.

Florentibus ita Marci rebus conscriptæ ad Pontificem literæ sunt, quibus ille trium statuum nomine postulabatur Episcopus; rejecto Borbonio, quem viginti rationibus allegatis impulsus, Episcopum se agnituros negarunt. Leodiensium literis suas quoque addidit Ludovicus XI. Galliarum Rex, qui sœdere, supra indicato, ad sollicitandum ea super re Pontificem se obstrinxerat. Literæ hæc perferendæ Romam datæ Hugoni Benefacti, thesaurario Metensis Ecclesie, quem cum fratre Leodii reliquerat Meten-

sis Antistes; ei que in mandatis datum, ut pro impetranda Badensis confirmatione, omnem Romæ lapidem moveret.

## §. VI.

Hæc dum agerentur Leodii, Carolus Marchio instruendo Indictio Burgundis bello domum redit. adversus Burgundos bello totus incubuit, coactisque domi quadringenis hastiferis & peditibus sexaginta, cum omni apparatu bellico, sub initium mensis Augusti Leodium rediit. Eodem tempore insignis pecuniæ summa, solvendis militum stipendiis, e Gallia fuit allata. Leodienfes tum Philippo, Burgundiæ Duci, bellum denunciarunt. Protector suo quoque nomine faciem misit Bruxellas, quem Dux, lenissimus Princeps, liberaliter habitum, vestibus & auro donavit.

Sed de belli ratione tandem fuerat deliberandum. Heic alii in Brabantiam ex fœdere cum Gallis, alii in Limburgensem ditionem educendas esse copias censuerunt. Prævaluit posterior sententia Badensium studio, qui de reditu solliciti, longius progredi noluerant. Unde Leodienfes, Carolo Marchione & Protectore ducibus, Civitate egressi, in Limburgenses terras irruptionem fecerunt, pluribusque vicis immani crudelitate deletis, Falconmontem obsidione cinxerunt quarto die Septembris. Hærente ibi Leodienfium exercitu, quum allatus esset nuntius, Ludovicum Borbonium, Burgundicis instructum copiis, liberandi oppidi cau-

MARCUS.

sa, propius accessisse, Marcus, cum fratre Carolo & adducto equitatu, Leodienfium castra noctu reliquit, (u) magnisque itineribus in Marchiam contendit.

Fugæ  
huius  
causæ.

Leodienfium crudelitatem animique levitatem horruerunt Marchiones; frequentibus etiam Trevirensis & Metensis fratrum Antistitum literis moniti, ut seditiosi populi causam defererent, quam gravi sententia damnaverant Pontifex. Accessit, quod eodem tempore Ludovicus Galliae Rex, pace cum Carolo, Carolesii Comite Philippi boni filio, facta, Leodienfes neglexerat: quodque Carolesius, ordinatis Gallicis rebus, in eo jam erat, ut conjunctis cum patre copiis, omnem belli molem in Leodienfes converteret. (x)

## §. VII.

Acta reli-  
qua cum  
Leodien-  
sibus.

Excusandæ tamen fugæ suæ Marchiones nostri legatos miserunt Leodium, qui bonorum relictorum æstimationem inirent. Sed male a Leodienfibus excepti, re infecta reversi sunt. Leodienfes cum Ludovico Borbonio & Burgundiæ Duce redierunt in gratiam. At anno insequenti 1466. novam rebellionem parantes, de revocando Badensi iniverunt consilium. Invaluit factio, quæ in contemtum Borbonii, nomen Badensis per omnes Civitatis pla-

(u) D. 5. Sept. A. 1465. ADRIANUS de VETTERI BUSEO. SUFFRIDUS PETRI locis allegatis. CHRONICON MAGNUM BELGICUM p. 420.

(x) SUFFRIDUS PETRI loco citato. COMINAEUS *Memoires* Lib. I. Cap. XIV.



teas, festivis acclamationibus circumtulit, detractisque Borbonii insignibus, arma Badensia ubique suffixit. Marci imago ad omnes urbis portas collocata habitu clericali, angelis mitram super caput tenentibus. Missa quoque ad Marcum legatio, quæ reditum ei persuaderet. Hic cum fratribus ea de re se communicaturum respondit, atque in literis ad Leodienses, quibus devotum eis animum spondet, *Regentem* adhuc *patriæ Leodiensis*, *Ducatus Boultoniensis* & *Comitatus Loffensis* se scripsit. At Marci cunctationem indignati Leodienses, imagines ejus & Badensia insignia sustulerunt ubique. (y) Carolum autem Burgundiæ Ducem, qui A. 1467. patri successit, perpetuis laceffiverunt injuriis usque ad A. 1468. quo illa ira commotus, inspectante Ludovico XI. Rege, Civitatem flammis delevit. (z)

Abdicata Leodiensium tutela, Argentinensem Canonicatum Marcus accepit. Unde natus eorum error, qui eum Argentinenses inter Episcopos ponunt. (a)

Tom. II.

G g 2

(y) ADRIANVS DE VETERI BVSCO loco allegat. pag. 1290. seqq. MEYER. in *Annal. Flandricis* Lib. XVI. p. 396.

(z) COMINES *Memoires* Lib. II. Chap. 1. 2. 3. 4. 7. 10. 11. 12. 13.

(a) REVSNERVS in *Genealogico Opere* pag. 515. eum in ipso limine officii obiisse tradit A. 1478. quo auctore, ignoro. Vacaverat illo anno Argentin. Ecclesia morte Ruperti Bavari; cui Albertus ex eadem domo Antistes, interjecto vix unius mensis spatio successit. GALLIA CHRISTIANA Tom. V. p. 815.

MARCUS.

A. 1471. Comitibus Ratisbonensibus cum Johanne Trevirensi interfuit.

## §. VIII.

Obitus.

Obiit A. 1478. 14. Kal. Sept. postremus filiorum Jacobi; quorum indolem & felicia fata IRENICUS (b) his verbis exponit: „ O felicissime omnium Jacobe Marchio, cui nihil quod „ felicitatis esset, defuit, beatus partu, ac beator fortuna tam „ corporis, quam animi bonis: beatissimus liberis, beatissimis, & „ te multo beatioribus. Collocabatur tibi conjugio Caroli Lotharingi Ducis filia, elhorus Ducatu insignitus: filios sex fortuna indulsit, unum, cujus nomen inter Divos relatum est, duos „ Episcopatibus amplissimis instructos, tertium Episcopatu Argen- „ tinenfem quam proximum. Ante obitum quoque videre tibi „ datum est, Carolo potentissimo, qui adhuc extiterunt, Marchioni, filio, Friderici III. Cæsaris sororem in uxorem copulari, unicam filiam Alberti Brandenburgensi Marchioni ac Imperii Romani Electori destinatam. „

---

(b) *Exegesis Germaniæ* Lib. III. cap. 101. p. 158.

---

PERIODUS V.  
S I V E  
CHRISTOPHORIANA

C A P U T I.  
C H R I S T O P H O R U S

A. 1475 --- 1527.

§. I.



ernhardianam Periodum, bellicis agitatam tumultibus Introitus.  
excipit Christophoriana; primis sub Marchioni-  
bus tranquillior; sub mediis bello quoque stre-  
pens & armis.

Pax publica, veteri ignorata Germaniæ, in solennibus Wor-  
matæ Comitibus seculo XV. finiente condita, non Marchiæ modo  
Badensi, sed omnibus Germaniæ terris tempora pacatiora induxit.  
Velitationes continuæ, diffidationes quas vocant, quæ per tot sæ-  
cula miseram turbarunt Germaniam, in perpetuum proscriptæ sunt.

Bonæ literæ & artes, ex Græcia per Italiam Germanis allatæ, bellicofam nationis indolem non parum mitigaverant.

Verum enimvero ipfæ hæ politiores literæ, homines humaniores quæ reddunt; quæ magnum Germaniæ decus attulerunt & lumen, magis quoque in cultû religiofo conversionibus rerum occasionem dederunt. Marchiones Badenses, aliorum Germaniæ Procerum exemplo, vel veteribus vel novis facris additi, factorum fuorum formam populis, sibi fubjectis, quoque dederunt pro lege. In Marchia utraq; Badensi, in Hachbergica ceterisque horum Principum terris cultus divini ratio aliquoties mutata, reftaurata, abolita; donec bello tricennali, medios inter belli furores, duas inter Lineas Badenses, quæ fubfiftunt, res denique transacta, & Weftphalica Pacificatione firmata.

## §. II.

Christo-  
phori iul-  
tia.

In limine hujus Periodi stat Princeps, quo majorem, meliorem nunquam Marchia vidit, CHRISTOPHORUS, pacis & belli artibus clarus; verus populi fui pater.

Immortalis memoriæ Princeps primam lucem aspexit A. 1453. d. 13. Novembris, magno patre major & felicior filius, cui in Marchicis terris cum fratre fuffeffit. Juvenis viginti duo annorum ad Fridericum IV. Imperatorem, avunculum fuum, Francofurtum profectus eft, qui excelfæ indolis nepotem in comitatu fuo retinuit, eique Badenfia Imperii feuda, Alberto quoque fratre

incluso, solenni ceremonia contulit. In laterculo feudorum utraque Badensis & Hachbergenfis Marchia, Ebersteinii Comitatus dimidia pars, Dominium Ufenberg, Windeckiana Bona cum Sturtzenio Alfatiae vico enumerantur. (a) Prima hæc, quam novimus, investitura Hachbergæ a Cæsaribus facta; præcedentes de sola Badæ Marchia loquuntur.

## §. III.

Antiquis Imperatorum Privilegiis accefferunt tum nova; <sup>Privileg. Cæsar.</sup> quorum summa huc redit. Marchionum Badensium Vassallos, officiales, subditos & qui in eorum sunt protectione seu advocatia, coram Judicio Cæsaris Aulico, Rotwilensi, vel Provincialibus aliisque judiciis convenire non liceat; sed lites eis motæ, ad ipsos Marchiones vel ad eorum tribunalia remittantur. Quod si justitiæ rationem non habeant Marchiones, aut ultra sex septimanas & triduum protrahant litem, actori sit integrum ad alium quoque judicem causam deferre. E terris Badensibus profugos, dominis inviris, recipiat nemo, sed petentibus Marchionibus eorumque Præfectis, etiam post viginti restituat annos. Proscriptos recipiendi jus tribuitur Marchionibus; qui tamen prosequentibus eos admi-

(a) Literæ die Veneris ante Simonis & Judæ conscriptæ exhibentur a LUNIGIO, *Reichs-Archiv Fortsetzung der andern Continuation Vierte Abtheilung, Neunter Absatz* pag. 947. SCHILLER in *Scriptorib. Rerum German. inter Documenta* p. 121.

CHRIST.

nistrent iustitiam. (b) Serenissimi (*Durchleuchtig*) titulus a Christophori tempore Marchionibus Badæ hinc inde tribuitur, Cæsares tamen, nec in hoc privilegio, nec in sequentibus ante Leopoldum Imp. A. 1664. hujus tituli meminerunt.

## §. IV.

Varia.

Eodem anno (1475.) in Colonienſi conventu bellica contra Carolum Burgundum expeditio decreta. Cæſar menſis Maji initio cum octoginta millium armatorum exercitu Colonia egreſſus, ad Novesium, quam urbem Carolus obſederat, contendit. Poſt duos conſlictus ſoluta obſidio & pax inita fuit. (c) In expeditione hac copias quoque ſuas Cæſari adduxit Chriſtophorus; (d) qui eo ipſo tempore cum Wirtenbergæ Comitibus ſuper fabricam communis monetæ ad deceannium Leonbergæ conventionem inivit. (e)

Alber-

(b) Super privilegia hæc Diplomata duo, A. 1475. die Martis ante Simonis & Judæ data, exhibet LUNIG loc. alleg. p. 244. ſq. SCHILLER loco alleg. p. 103. & 105.

(c) MICHAEL BOIEMUS in *Vita Alberti* §. 9. JAC. UNRESTVS in *Ciron. Anſtr.* pag. 597. EMANUEL SUEYRO *Annales de Flandres* p. 525.

(d) GERARDUS A ROO pag. 281. ſcribit: „ Eodem die advenit Chriſtophorus Marchio Badenſis & poſtridie Henricus Haſſorum Princeps „ Hermanni frater cum non contemnendis uterque copiis.

(e) PETRI *Suevia Eccleſiaſtica* p. 710.

Albertus frater A. 1476. Marchiam ei omnem per sexen-<sup>†asta</sup>  
nium soli regendam reliquit; quo tempore elapso, instituta est in-<sup>cum fra-</sup>  
ter fratres divisio, conciliante Saufenbergico Marchione Rudol-  
pho. Christophorus Marchiam Badæ & dimidiam Comitatus  
Ebersteinii, atque Dynastiæ Lahrensis oppigneratæ partem acce-  
pit. Alberto Marchia tota Hachbergæ obvenit. Fratrum utri-  
que terras oppigneratas reluendi ius servatum, & hereditas ma-  
tris. Cum autem Maximiliano contra Brugeses operam præ-  
stans, in obsidione Belgici oppidi Damm Albertus A. 1488. periisset  
improlis, Marchicas suæ lineæ terras omnes solus denique conjun-  
xit Christophorus.

## §. V.

Hic A. 1477. cum Moguntino, Trevirensi Electoribus, Varia,  
aliisque Imperii magnatibus Maximilianum in Flandriam comita-  
tus est, ut solennitati nuptiarum, quas ille cum Maria Burgundi-  
ca celebravit Gandavi, interesset. (f)

Eodem anno diploma a Friderico IV. obtinuit; quo firma-  
tum est privilegium Carolo patri ejus datum, ut intra unum a  
Pfortzhemio milliare, a vectoribus super quacunque via exigi pos-  
set vectigal. (g)

Tom. II.

Hh

(f) HARAEI *Annales Brabantia* Tom. I. p. 452. LE PETIT *Chronique de Hollande* &c. Tom. I. Liv. 6. p. 524.

(g) Scriptum Vindobonæ die ultimo Martii extat in LUNIG loc. allegat. p. 548. & SCHILTER p. 107.



CHRIST.

A 1479. Albertum, ex Comitum Palatinorum familia Argentinensium Antistitem, cum more majorum Civitatem introisset, una cum Philippo Electore Palatino aliisque Principibus Christophorus comitatus est. (h)

Tum quoque Maximiliano Archiduci, bello cum Gallis implicito, utilem navavit operam; capto inter alia Luxemburgi Castro; ex quo Johannem Domarianum, Gallicæ partis equitem eiecit, teste inscriptione Luxemburgi superstite, quam exhibet BERTHOLETUS. (i)

## §. VI.

Successio  
Cattimeli-  
boc.

Eodem anno (1479) Philippus, Cattimelibocensium Comitum postremus, decessit, septuaginta septem annorum senex; filiam Annam & ex filio cognomine, qui viginti quinque annis an-

(h) *Chronicon Msspt. Argent. Anonymi.*

(i) *História Luxemburg.* Tom. VIII. pag. 7. Inscriptio hæc est:

Messire Christophe Marquis de Baden

Presentement Capitaine & Gouverneur

du Duché de Luxembourg

Prit par les armes ce Chateau de Luxembourg

Au nom de tres haut & tres puissant Prince & Seigneur

Maximilien Roi des Romains

Sur Jean de S. Domarien Chevalier qui pour lors

Tenant le parti du Roi de France & des Flamans

L'occupoit contre le susdit Roi des Romains.



te patrem obierat, unicam neptem relinquens Otiliam, Christophori Marchionis nostri uxorem. Anna Henricum Landgravium Hassiæ habuerat conjugem. Inter duas has Principes, amitam nempe & fratris filiam, de successione certatum.

Cattimelibocensis Comitatus, uti pleræque Imperii ditiones, allodiis constabat & feudis. Feuda vel ab Imperio, vel a Principibus Ecclesiasticis, præsertim Herbipolensi Episcopo, aliisque pendeant. (k) Otilia dimidiam hereditatis avitæ partem jure representationis sibi deberi contendit; allodia magis, quam feuda affectans. (l) Anna vero Comitatum vicinum omnem, Hassi conjugis sui ope, occupavit; feuda ex conventionem foci cum dominis directis, (m) allodia jure sanguinis sibi vindicans; proxima heres defuncti; (n) filia quod gradu propior nepte.

Tom. II.

Hh 2

(k) MULLERI Reichstags-Theatr. sub Maximiliano I. Part. I. 2te Vorstellung. Cap. 69. §. 10. p. 611.

(l) „ Ihre Förderung und Aufsprach um ihr Anherrlich Vetterlich und Mütterlich nachgelassene liegende Erbgiiter und fahrende Habe und ihre Gerichtigkeit der obgedachten Graefschaffen Katzenelnbogen und Diez. „ Verba sunt Instrumenti renunciationis Otiliæ.

(m) Ad conventionem hanc provocant Hassi; teste MULLERO loco allegat. pag. 5. JurisConsulti Parisenses in Responso super litem inter Hassos & Nassovios, pro Philippo Hassiæ Landgravio pronuntiant; habita præsertim ratione literarum simultaneæ investituræ, quas A. 1470. Philippus Comes Cattimelibocensis ejusque gener Henricus Hassus à Rudolpho Herbipolensi Episcopo obtinuerunt. Vid. CAROLUS MOLINÆUS Consil. 18. Operum Tom. II. p. 365.

(n) In Instrumento renunciationis Otiliæ Henricus Landgravinus vocatur

## §. VII.

Lis de ea  
& renun-  
ciatio.

Christophorus Otiliæ uxoris suæ nomine in Aula Cæsarea A. 1480. litem instituit, ac Fridericum fratrem, qui dein Ultrajectensium Antistes, misit ad Cæsarem, causam ut ageret præfens. (o) Cæsar Landgraviū ad tribunal vocavit. (p) Sed post biennii moram, separatio allodiorum a feudis & alia, quæ in disceputationem veniebant, difficiliorem in dies cum redderent litem, Hassio constanter in possessione Comitatus manente, Christophorus denique in amicam cum Landgravio transactionem consensit; accepta, quam Henricus obtulerat, pecuniæ summa. Actio- ni in hereditatem avitam renunciavit Otilia, servato sibi tantum successioneis jure, si quando omnis Henrici extingueretur posteritas. Instrumentum hac super re A. 1482. mense Majo conditum est Badæ. (q)

- 
- „ Der nehiste Erb der Graueschafft Katzenelnbogen und Diez von wegen  
 „ der Hochgebohrnen Fürstinnen seiner Gnaden Gemaheln, Frau Annen  
 „ Lanigrävin zu Hessen etc, gebohrne Grävinne zu Cazenelnbogen und zu  
 „ Diez, des gedachten Graven Philipffen Tochter. „

(o) Literæ Credentiales, quas vocant, Friderico ad Cæsarem datæ, extant in Tabulario Bada-Badeni.

(p) Mandatum Imperiale cum citatione in eodem Tabulario servatur.

(q) MULLERUS Reichstags - Theatr. sub Friderico IV. Pte Vorstell. Cap. 10. pag. 55.

Ita ex divite Cattimelibocensi successione ad Badenses nihil pervenit. Christophori avunculus Cæsar procul dubio induxit eum, ut cum Hassio transigeret; quod in Aulico judicio eum causa casurum esse existimavit.

## §. VIII.

Post institutam cum Hassio litem Christophorus A. 1481. in expeditione Geldrica Maximilianum secutus est. (r)

Expedi-  
tio Geld-  
rica  
aliaqua,

A. 1486. Electores ad eligendum Romanorum Regem Francofurti convenerant. Marchio noster Friderico Imp. ad conventum hunc proficiscenti comes adhæsit. (s) Habita tum quoque Imperii Comitia, in quibus de bello contra Turcas quaesitum. Christophoro, una cum Wurtzburgensi & Passaviensi Episcopis & Brandeburgi Marchione, id datum negotii, ut deliberatione cum legato Pontificis habita, decernerent, quid facto sit opus, eaque de re Cæsarem & Electores docerent. (t) Maximilianus Rex Romanorum electus, coronationis causa Aquisgranum deductus est. Christophorus & Albertus frater in itinere nobilium agmen duxerunt. (u)

Hh 3

(r) LE PETIT *Chronique de Hollande &c.* Tom. I. Liv. 6. p. 537.

(s) MÜLLER. *Reichstags-Theatr. sub Friderico IV. Vlte Vorstellung* Cap. 1. pag. 2.

(t) FYGGER. *Speculum Austr.* Lib. V. Cap. 33. p. 972.

(u) IDEM loc. cit.

## §. IX.

Expedi-  
tio ad-  
versus  
Brugen-  
ses.

Biennio post Civitas Brugenfis, seditione commota, Maximilianum Regem custodiæ mancipaverat. Fridericus pater LXXIII. annorum senex, habitis per Imperium delectibus, quantas potuit copias, filio liberando in Belgium adduxit. Christophorus cum Alberto & Friderico fratribus quater mille pedites, quos suis sumptibus collegerat, exercitui Imperiali conjunxit. (x) Fama de Cæsaris adventu in Flandriam delata, Brugenfes facinoris pœnitentia ducti, reliquorum Belgii ordinum interventu, post quartum captivitatis mensem libertati restituerunt Maximilianum; præscripta ei pacis formula, quam jurejurando sancire coactus est. Refractaria ille urbe relicta ad patrem iter paravit; sed nondum excefferat Brugenfium fines, quum Belgarum legati, firmandæ pacis causa, eum adirent. Maximilianus, iratum Cæsaris animum intercessione aliquot Germaniæ Procerum mitigandum esse censuit, commendavitque Christophorum ejusque fratres Albertum atque Fridericum, ut ope eorum in gratiam reducerentur Brugenfes. Badensibus licet injunxerit Cæsar, Flandricas rebellium terras ferro ut persequerentur & flammis, apud eum tamen intercesserunt pro Flandris. Sed flecti non potuit Cæsar, qui cum

(x) FVGGER. loco allegat. Lib. V. Cap. 36. pag. 999.

OLIVIER DE LA

MARCHE *Memoirs* Lib. II. p. 641.

omnibus copiis in agrum Gandavensem progressus, in vicinia urbis castra locavit; Flandris è Gallia arcessentibus auxilia, quibus ruinam imminuentem averterent. Deinsam, haud ignobile ad Lisam oppidum, Galli Flandrique infederant, prohibitori, ne Caesar ex Hannonia adveherentur commeatus. Christophorus cum quatuor millibus Germanorum peditum missus, nocturno impetu oppidum expugnavit, quadringentis fere hostium caesis. In Gandavenses deinceps & Brugeses saevitum. Caesar, relictis cum filio copiis, in Germaniam rediit. In Comitibus Francofurtanis A. 1489. denique compositum est bellum. Conventui huic inter alios Proceres Christophorus quoque cum filio Jacobo interfuit. (y)

## §. X.

Luxenburgici Ducatus Regimen pro praestitis officiis Maximilianus Christophoro eodem anno ampla cum potestate tradidit; (z) militarium & civilium rerum ei potestatem committens. In beneficiorum ecclesiasticorum collatione jus praesentandi exercuit; magistratus officio male functos exauctoravit. (a) Promisit Maximilianus, dignitatem Christophoro se non ablaturum, nisi debito eum praemonuerit tempore atque impensarum ratione satis-

Regimen  
Ducatus  
Luxemb.  
Marchio-  
ni com-  
mittitur.

(y) PONTVS HEYTERVS *Rerum Austriacarum* Lib. III. Cap. 10. II. 16.

FVGGER, loco alleg. p. 999. sq.

(z) BERTELII *Descriptio Luxemburgici Ducatus* p. 455.

(a) Diploma Middelburgi die 20. Aug. datum in Codice Diplom. exhibemus.

CHRIST.

fecerit. (b) Quin & per Vicarium ut regeret Ducatum Marchioni permisit. Luxemburgi Castrum iisdem conditionibus ei traditum est. (c) Marchio, Præfule Cameracensi præfente, Regi fidem adstrinxit. (d)

Silvanestensis Pacis, inter Maximilianum Imperatorem & Carolum VIII. Galliae Regem A. 1493. initæ, tabulas custos & vindex pacis Christophorus sigillo quoque suo firmavit. (e) Hæc de Belgis; nunc ad Germanos redeundum.

## §. XI.

Idem  
Forderis  
Suevici  
socius

Maximilianus Romanorum Rex vix fuerat electus, quum omnibus viribus eo allaboravit, perpetua pax publica tandem ut in Imperio vigeret. Præfuit pace tum ad decennium constituta; cui

---

(b) Codex Diplom. Badensis.

(c) Idem Cod. Diplom.

(d) Gubernium hoc Carolus I. Hispaniæ Rex, Belgii Princeps, A. 1518. Christophoro de novo commisit. Idem Cod. Diplom. ad hunc annum. DROULINGERS in *Lexico Baysl* in Vita Christophori feribit, Maximilianum Christophoro Luxemburgicum oppignerasse Ducatum atque eum postea reluisse; sed asserti sui auctorem non profert.

(e) LEONARD *Traité de paix* Tom. I. pag. 365. Germanis & Belgis Warandia Pacis usitator, illis præfertim temporibus, quibus paces publicæ non nisi temporariæ erant. In Westphalica Pace usus hic quoque adhibitus est.

cui porro firmandæ biennio post Suevos induxit, ut Equeſter eorum Ordo Liberaeque Civitates inter ſe ad octennium fœdus inirent Eſlingæ, quod Bavariae Ducum & Helvetiae Ligæ retardaret progreſſus. Suevico ſeruari Chriſtophorus, à Maximiliano inductus, A. 1489. die Palmarum acceſſit, quod & Moguntinus Elector, Brandenburgici Marchiones, Archidux Austriae, Wirtembergæ Dux eodem die fecerunt. (f)

## §. XII.

Memorabilior in Badenſium Chronicis inſequens annus eſt, (1490) quo via parata, ut patrimoniales eorum terræ, per tria ſere ſecula a terra matre diſtractæ, in unum corpus redirent.

Pactum  
ſucceſſionis  
Saufenberg.

Die Jovis poſt B. Bartholomæi Philippus Marchio Sauſenbergæ-Rœtelanus ſuæ lineæ poſtremus, mutuæ ſucceſſionis pactum, quod ſtilo domeſtico: *Das Rateliſche Gemechte (g) vel Erbeinigung* Badenſes appellant, cum Chriſtophoro inivit; Sacrum Domus Badenſis Palladium. Quamvis enim Sauſenbergicæ Lineæ, quæ junior erat, ad interitum vergenti, ſenior ſucceſdere debuiffet, a ſtipite communi quod fuerant prægnatæ; reciproca tamen linearum ſucceſſio novo pacto roborata eſt; cujus capita præcipua heic proponimus Lectori.

Tom. II.

II

(f) DATT de Pace Publica Lib. II. cap. 9. & 10.

(g) Diſpoſitio, Conventio, Germanis tum dicebatur *Gemechte*, *Gemechtums*.

CHRIST.

Si Christophorus sine mascula herede decedat, Marchia Hachbergæ cum Hoininga & oppido Sulzberg ad Philippum perveniat. Philippo absque masculis decedente heredibus, Dynastiæ Rœtela, Saufenberga, Badevilla ad Christophorum perveniant. Unionem hanc hereditariam Officiales & subditi utriusque partis accipiant & jurejurando confirment. Neuter aliquid ex Marchicis his terris alienet. Si aliquid vendatur, rei venditæ pecunia in aliam rem utilem vertatur. Libera sit rerum oppigneratarum superstiti reluitio. Vidualitia uxorū super has terras sint licita. Principis filiæ dos ad octo mille florenos ascendat. Viduales & dotales terræ suo tempore redeant ad corpus. Alienatio permittitur, si quis Marchici sanguinis ex captivitate redinendus, vel si pia instituenda fundatio. Deficientibus masculis Marchicæ terræ ad filias transeant. Officiales si quī novi creentur, in Pacta hæc jurent. Singulis decenniis subditi jusjurandum renovent.

Transactionem hanc Maximilianus Cæsar A. 1499. d. 13. Aug. Friburgi Brisgovie sua auctoritate roboravit per literas, quibus tamen, inscio Christophoro, clausulæ quædam inferre fuerunt, de quibus infra disseritur.

## §. XIII.

Turbæ  
Weissen-  
burg.

Weissenburgenfis Abbatiæ Regalis Benedictinæ in Alsatia Inferiøre motus, à Friderico I. Electore Palatino excitati, à Phi-



lippo Ingenuo aucti, Principes vicinos commoverunt, ut ad componendos eos A. 1491. certatim concurrerent.

Joannes Trotius, miles Thuringus, Mareſchallus Aulae, apud Philippum Monasterii Advocatum gratioſus, Abbatiam duriter habuit, atque in ejus bona manus iniecit. Re Romam delata, Elector & Trotius cenſurae eccleſiaſticae ab Innocentio VIII. ſubjecti ſunt. Chriſtophorus Electorem amicum, ſed in omni hoc vacillantem negotio, ad tranſactionem cum Abbacia perducere non potuit, niſi poſt Trotii deceſſum. (h)

#### §. XIV.

Illuſtre hoc in Annalibus Badenſium tempus eſt, quo Dominus hujus opes ſub Principe noſtro, quem augendis, ordinandis, ornandisque Badenſium rebus fata deſtinare videbantur, non exigua incrementa ceperrunt.

Marchio  
Aurei  
Velleris  
Eques

Initium factum eſt ab Aurei Velleris torque; qua Philippus Archidux, Galliae Belgicae heres, quatuordecim annorum juvenis, Chriſtophorum Marchionem anno, quem recenſemus, (1491) ornavit Mechliniae. (i)

At Maximilianus pater tutorque Philippi, ſtrenuam conſanguinei ſui fidem & operam in Belgicis & Franciſcis bellis plu-

Tom. II.

li 2

(h) TRITHEMIUS in Chron. Hirſung. ad A. 1494.

(i) FUGGER. Speculum Auſtriacum Lib. V. cap. 39. p. 1247.

CHRIST.

res per annos constanter expertus, de remuneratione sollicitus, occasionem denique invenit, qua ei domuique ejus gratum animum ostenderet; Dynastias quasdam atque Dominia, in Ducatu Luxemburgico sita, A. 1492. in perpetuum ei conferens feudum, quorum præcipua Domui Badensi ad nostra usque tempora adhærent.

## §. XV.

Ditiones  
Luxemburg.  
accipit.

Rodemacheræ, Richemontii, Hesperingæ, (k) Bolchenæ (l) & Vfeldingæ (m) feuda intelligo. Rodemachera (n) oppidum, Dynastiæ caput, tribus leucis distans Luxemburgo, suos a longo tempore habuerat Dynastas, qui per omnem Ducatus Luxemburgici tractum terras possederunt. Sub Carolo Burgundiæ Duce, sub Maria & Maximiliano conjugibus, ut & sub

(k) In Instrumento legitur *Hesprenges*, Germ. *Herspring*.

(l) Feudum Vincentii Comitis Marcani, à Luxemburgico Ducatu pendens.

(m) Dynastiam hanc prope Rodemacheram, Domino de Clerval olim oppigneratam, Vincentius Marcanus redemerat, ut Charta nos docet.

(n) Tria sunt Ducatus Luxemburgici oppida, quæ in *Machern* desinunt *Rodemachern*, *Kanigsmachern*, *Gravenmachern*, circa Mosellam flumen. *Machern* pro *Marchern* à Marcha nonnulli derivant, quod loca hæc in finibus Ducatus Luxemburgi, Lotharingiam versus, sita sunt. ZEILERS in *Topographia Ducatus Luxemburgici* p. 242. ubi & annotat, *Rodenmachern* subinde *Rodenbach* appellari. Idem ZEILERS in *Itinerrario Germaniæ* cap. 32. pag. 474. scribit *Rodemarch*. GVICCIARDINI vs *Rodemacriam* appellat in *Descriptione Belgii* p. 292.

Philippo, filio eorum, Gerhardus Rodemacheranus in bellis, cum Ludovico XI. & Carolo VIII. ortis, Gallicas partes fovit, arma contra dominos suos identidem ferens. Maximilianus in literis feudalibus, Marchioni datis, ipse nos docet, Rodemacherae, Richemontii, Herspringæ Castra tormentis bellicis a se expugnata fuisse, hostibusque erepta. Castra hæc tamen cum terris noluit penes filium suum Philippum manere, sed ut erat indulgens, Bernharδο perduellis Gerhardi filio atque Vincentio Moërsiæ & Sarwerdæ Comiti, tradidit; iniquum existimans, filium innocentem patris, qui inter hæc mortuus est, luere peccata. Sed Moërsius & Rodemacheranus, accepti beneficii immemores, turbis super matrimonium Annæ Britannicæ inter Carolum VIII. Gallie Regem & Maximilianum exortis, Gallicas denuo secuti sunt partes. Captivus tum Abbevillæ in Picardia tenebatur Carolus, ex Egmontanorum Comitum familia, Geldriæ Dux; (o) cujus pater Adolphus, homo turbidi ingenii, Arnoldum patrem suum olim quoque tenuerat captivum. Carolus Audax, Burgundiæ Dux Geldricum Ducem ceterasque terras avitas vi abstulit

## Ii 3

(o) Carolus sic cum Philippo Ravensteinio, copiarum Austriacarum præfecto, Civitatem Bethuniam tentaturus, A. 1487. una cum Nassovio Comite in Gallorum manus inciderat. JALIGNY *Histoire de Charles VIII.* in *Collectione Scriptorum Godofredi* pag. 35. BYZELIUS in *Annalib. Gallio-Flavie* Lib. X. p. 467.

MARCUS.

Adolpho. Maximilianus per Mariam Burgundicam, Caroli Audacis filiam atque heredem, accepit Geldriam, & ad annum usque 1492. possedit. Hoc ipso anno Vincentius, Moersii & Sarwerdæ Comes, quem memoravimus, Gallicis adjutus copiis, Carolum post quinque annorum captivitatem in avitum Geldriæ Ducatum restituit. Vincentii filius, vel ex filia nepos, Bernardus Rodemacheranus Carolo VIII. Galliarum Regi, pro Geldri lytro relictus est obses. (p)

Novam hanc Vincentii & Bernhardi vasallorum perfidiam Maximilianus Romanorum Rex punivit, eodemque anno 1492. Dominia utriusque Luxemburgica, superius memorata, sisco ad-

(p) Vincentius Moersanus in Literis Caroli Geldriæ Ducis, ad Fridericum IV. Imp. A. 1492. datis, vocatur Comes de Moersa & Sarwerden apud PONTANVM *Hist. Gelriae* Lib. XI. pag. 557. Vincentii hujus filium obsidem pro Carolo apud Galliarum Regem mansisse atque in captivitate Gallica A. 1501. obisse tradit Idem PONTANVS loco allegat, pag. 591. 602. 621. At Maximilianus in literis Investituræ, Christophoro Marchioni datis, Bernardum Gerhardi Rodemacherensis filium, Vincentii Moersensis nepotem & pupillum in Gallia mansisse obsidem, scribit; *Alambour & inteur iladit Bernard son petit fils.* Pontani tamen sententiam Belgici scriptores sequuntur. PONTVS HEYTERVS *Rerum Austriacar.* Lib. II. cap. 12. Lib. IV. cap. 4. & HUBERTVS LOYENS in *Synopsi de Lotharingia, Brabantia & Limburgi Ducibus* pag. 174. HENNINGVS in *Theatr. General. Part. Priore Germanie* pag. 416. Bernardum nostrum Rodemacherensem Vincentii ex filio Friderico nepotem constituit. Friderico uxorem assignat Baronissam de Rodemachern.

dixit; eaque Christophoro Marchioni, Principi sibi fido, & per quadriennium jam Gubernatori Ducatus, praestita ob officia, gratus concessit in feudum. Eidem alia quoque aliorum proscriptorum bona, nempe Comitatum S. Pauli, qui etiam Rubensis dicitur, vernacule *Rouffy* (q) cum parte Domini *Fontois* & *Bersward*, item Dominia *Florenge* (r) & *Ruland* brevi post tradidit. Dynastiam vero *Pittanges* (s) quam domino de Crehanges, ob feloniae crimen ademptam, Friderico Comiti Bitenſi vendiderat, redimendi potestatem Christophoro fecit. Singula haec post Pacem Sylvaneſtem A. 1494. novis literis confirmavit Maximilianus; speciale hoc quoque jus addens, ut lite super illis ditio-nibus mota, Christophorus coram solo Caesare aut Romanorum Rege diceret causam. Confirmatorias donationum istarum Char-tas Codex Diplomaticus dabit.

## §. XVI.

In Belgio haec dum suscepit Romanorum Rex, pater ejus Imperator Suevici foederis socios contra Albertum Bavariae Du-  
Bello Ba-  
varico  
involvi-  
tur.

(q) In Charta legitur *Rutlich, diſſe Sainſt Paul*. Comitatus inter Luxemburgum & Theodonis villam, (Diedenhofen) quem exponit BERTHELYS in *descriptione Ducatus Luxemburgensis* pag. 236. quae extat inter Respublicas Elzevirianas. Henricus Luxemburgi Comes Chartam A. 1262. datam ita inchoat: Nos Henricus Comes Luxemburgensis, *Rubensis* & Marchio Arlonensis, apud BERTHELYM loco alleg.

(r) In Instrumento *Fiorhange* prope Theodonis villam.

(s) *Peltanges*, Germ. *Püttlingen* inter Luxemburgum & Arlonum, *Arlon*

CHRIST.

cem armavit. Princeps hic, sapientem quem vocat, vicinæ Ratisbonæ libertati infidiat, variis artibus rem eo perduxit, ut urbs, debitis onerata & quo se verteret nescia, pristinum sibi sumeret dominum atque A. 1486. Bavaricæ se subiceret ditioni. Imperio liberam Civitatem ut restitueret Bavarus, nulla Cæsaris persuasione potuit induci. Collectus est fœderatorum exercitus ad Vindelicorum Augustam. Copias quoque suas adjunxit Christophorus. Sed antequam cum Alberto res devenisset ad prælium, Maximilianus, cui tranquillitas publica semper curæ fuit, ad saniora eum reduxit consilia atque reconciliavit cum Cæsare, quod eodem, quem exponimus, anno (1492.) evenit. Ratisbona, per sexennium libertate privata, pristinam libertatem fere nolens recepit. (t)

## §. XVII.

Robertum Marcan. in ordinem cogit.

Triennio post ipsa expeditione Belgica Maximilianum committatus est Christophorus; S. Georgii gerens vexillum. (u)

Robertus II. Marcæ Comes Roberti I. A. 1489. defuncti, filius, vir bellax & iniquus, qui postea Bullionii Ducis nomen assumpsit, (x) in Leodienfis ditionis partibus Eldainum possidebat Castrum;

(t) FUGGER. *Speculum Austr.* Lib. V. cap. 40. pag. 1055. ADLZREITER *Austri. Boicor.* Part. II. Lib. IX. cap. 45. seqq.

(u) WENCKER de *Gleichenburg*, pag. 41. & 45.

(x) Roberti hujus abneptis Carolina (*Charlotte*) nupsit A. 1592. Turriano Vi-

Castrum; (y) ejus præfidiarii per regiones vicinas rapinis suis vexabant colonos.

Philippus Archidux misit Christophorum, ut ex Luxemburgensi, Namurensi atque Hannoniensi tractibus ad coercendos prædatores tria peditum millia colligeret. Bulainium Marchio expugnat castellum; prædatores arbore infelici suspendit; Bullionii Castrum tormentis quatit, incendit, evertit. Eisdainum interea magnis operibus communivit Marcanus & cum trecentis militibus fortiter defendit; denique Christophoro se tradens, dimissus est liber. (z)

### §. XVIII.

Tunc temporis (1495.) habita sunt illa Wormatiæ Comititia, quæ publicam quietem apud Germanos tandem stabiliverunt. Interfuit eis Christophorus (a) atque a Cæsare in mandatis accepit, ut cum ordine equestri Ortenavico ejus nomine ageret. (b) Ordo ille nuper Caroli Badensis instinctu, ejusdem publicæ pacis promovendæ causâ, in corpus coiverat.

Gesta  
ejus  
vâr-  
ria.

Tom. II.

K k

ce-Comiti Turenni Domunique huic Ducatum Bullioni & Sedani intulit.

(y) Eisdain ad Mosam est situm, inter Metziers & Toul.

(z) PONTVS HEYTERVS *Rerum Austr. Lib. V. cap. 4.* FRANCISCVS HARAEVS in *Annalibus Brabantiae* Tom. I. p. 494.

(a) TRITHEMIVS in *Ciron. Hirsaug.* ad h. a. DATT *de Pace publ.* p. 494.

(b) DATT loc. cit. pag. 232.

A. 1496. Fœderi Suevico, in triennium renovato, accessit. (c) Tum quoque Philippus Archidux, Civitatis Virdunensis Burgundiæ Gubernatorem Marchionem nostrum constituit; (d) eidemque triennio post annuam 1200. librarum assignavit pensionem.

Anno sequenti cum Eberhardo, Wirtenbergæ Duce, super advocatiam Monasterii Albæ Dominorum transigit, Maximiliano I. Imp. transactionem firmante. (e)

Dimidiam  
Lahræ &  
Mahlber-  
gæ coëmit.

Eodem tempore Christophorus a Johanne & Jacobo, Moersii Sarverdæque Comitibus, dimidiam partem Lahræ & Malbergæ coëmit; (f) ita quidem, ut utraque Dynastia a Sarwerdanis & Badensibus indivisim regeretur. A. 1629. fuerunt divisæ. Malberga penes Bada-Badenfes mansit, Lahra ad Saræpontanos Comites, Sarverdæ heredes, transivit, qui eam deinceps Bada-Durlacensibus oppigneraverunt.

### §. XIX.

Pacem  
publicam  
renovat.

Hæc dum aguntur, Christophorus fratri suo, Trevirensi Archiepiscopo, adversus Boppardienfes rebelles, cum Palatino

(c) IDEM pag. 325. & 337.

(d) Chartam hanc, die 2. Januarii datam, Codex Diplom. exhibet.

(e) BESOLDI *Monumenta Wirtenb.* pag. 122. seqq. PETRI *Suevia Sacra* pag. 41.

(f) KLOCK. *Confessor.* Tom. II. Confil. 56.



Rheni & Hassiæ Landgravio adduxit auxilia, quibus Boppardia subacta. (g) Paci publicæ contrariari hæc visa sunt. Et tamen paulo post (1498) cum Ulrico Wirtembergæ Duce in Comitiiis Friburgi Brisgovix die 26 Julii Wormatiensis pacis publicæ fœdus in octennium Marchio noster renovavit. (h)

Neque vero Germanicæ securitati satis prospectum esse reputaverat Cæsar; nisi & augustus Imperii constitueretur. Senatus, qui repræsentaret Comitiam, subitisque rebus præsens afferret remedium; Turca imminente Germanis. Senatum hunc Vigintiviralem Cæsar in Comitiiis Augustanis A. 1500. Statuum Germanicæ consilio instituit, & assessorem ejus constituit Christophorum. (i) Confessus nonnisi per biennium duravit; sub Carolo V. restaurandus ad tempus.

Regi-  
menti  
imp. con-  
fors.

Eodem Cæsare suffragante, eodemque anno, Fœderi Suevico, quod in duodecim annos renovatum, (k) Marchio quoque noster accessit; magna animo consilia revolvens.\*(l)

Tom. II.

K k 2

(g) KNIPSCHILD, de *Civitatibus Imperial.* Lib. IV. cap. 1. p. 350. Vide Johannis Archiepiscopi Trevir. vitam supra.

(h) DATT pag. 796. & 915.

(i) MULLER, *Reichstags-Staat* Lib. I. cap. 5. RECESS. IMP. edit. *Stuckenbergs*. Part. II. pag. 84. Christophorus ad comitia Augustana Hermannum de Sachsenheim miserat legatum. FUGGER, *Specul. Austr.* Lib. VI. cap. 4. p. 1130.

(k) DATT. p. 350. 443. 446. & 473.

(l) Inter hæc Christophorum A. 1501. in Belgio fuisse ex Charta Bruxellis d.

## §. XX.

Johan-  
nam Sau-  
senb. filio  
quærit  
uxorem.

Aderat nimirum tempus illud, quo Linea Badensis junior, quæ Hachberga-Sausenbergica vel Rætelana dicebatur, visa est cum Philippo ad interitum vergere. Opibus hæc multum superavit Hachbergicam, cujus terras proavus Christophori Bernhardus acquisivit. Postremi tres Sausenbergæ Marchiones Burgundiæ Ducibus addicti, principem Ducatus urbem frequentes inhabitaverunt Divionem. Guilielmus, Rudolphus, Philippus, pater, filius & nepos, in Burgundicis terris suis lubentes federunt. Philippus, natu quintus, Christophori filius, vividi ingenii & magnæ indolis Princeps, destinatus a patre, Johannam, Philippi Sausenbergici filiam & heredem unicam, qui duceret uxorem; ut Sausenbergicæ, Rætelanæ, Badevilerenses terræ, vel patrimoniales vel acquisitæ, cum Badensibus jungerentur & in unum corpus coirent. Philippus XXI. annorum tum juvenis in Philippi Sausenbergici aula educabatur; gener ejus, omnes ut credere, futurus.

Christophorus, hac spe plenus, A. 1501. misit ad Philippum legatos Hermannum de Sachenheim & Johannem de Schauenburg (m) cum Georgio Hosio, ab epistolis secretis, qui

27. Sept. data addidimus, cujus mentio apud OLIVAR. UREDIVM de Sigillis Comitum Flandriæ p. 133.

(m) Prior sulcis ministerialis fuit, quem vocant *Land-Hoffmeister*. Posterior dictus est *Haus-Hoffmeister*.

Johannam, ejus filiam, pro filio suo Philippo peterent uxorem. Originis, sanguinis, insignium, communio; familiæ pacta vinculum hoc novum suadere, imo & exigere videbantur.

## §. XXI

At Marchio, Johanne pater, audita Legatorum oratione Sed fru-  
respondit, Ludovico Galliarum Rege infcio, infcioque Amedeo, stra.  
Sabaudiae Duce, focero suo, quin & infciis vicinis sociis, per  
quos intellexerat Bernates, filiam in matrimonium se collocare  
non posse. Addidit tamen elogium agnati juvenis, Philippi Baden-  
sis, ejusque virtutes & animi dotes, multis laudibus extulit. (n)  
Ex responso hoc, quid intenderet Philippus, intellexerunt legati;  
cum repulsa inexpectata domum redituri. Christophorus post hæc  
aliam ingressus est viam; in id unice intentus, ut moriente Philip-  
po, Brisgovicas ejus terras, ex mutuae successjonis pacto, ante  
undecim annos into, occuparet.

Johanna Saufenbergica, Badensem ingredi quæ debuerat  
Domum, Longuevillanam ingressa est; atque Burgundicas & Hel-  
veticas patris hereditarias terras sibi retinuit & ad posteros suos  
Longuevillanos propagavit. (o)

K k 3

(n) Hæc ex Bada-Durlacensis Tabularii volumine, quo Aulregale Spirensis  
Episcopi Judicium in causa Landgraviatus Badensium exponitur.

(o) Vide Tomum I. *Hijlor. Zaringo-Badensis* p. 418. lqq.

CURIAT.

## §. XXII.

In Saufenberg.  
tamen  
Brigoviae ter-  
ris succe-  
dit.

Rœtelenſis autem, Saufenbergica & Badevillenſis Dynaſtiæ, virtute paſtorum, quæ ſupra expoſui, ad Chriſtophorum tranſierunt; perpetuo Badenſibus terris vinculo iungendæ. Enimvêro terrarum iſtarum incolæ, intellecto Longuevillani, poſt mortem ſoceri, eas poſtulantis, conſilio, A. 1503. Rœtelenſe Caſtrum muniverunt præſidio, numeroque decies mille armati in Harda convenerunt aſtrali, (p) unanimi conſenſu conſtanter profeſſi, nullum alium ſe agnituros eſſe dominum, quàm Chriſtophorum Marchionem Badenſem.

Lites de-  
ſuper  
cum  
Longue-  
vill.

Johanna, de ablatis ſibi Briſgovix Dynaſtiis apud Helvetios conqueſta, in Camera Imperiali litem intendit, quæ inter Longuevillanos & Chriſtophori poſteros octoginta per annos continuata eſt. Baſilienſes a Longuevillanis per aliquod tempus non fuerant alieni. Res tamen, Prætore & Senatu Bernenſi arbitris d. 28. Aug. A. 1581. duarum Principum ſœminarum interventu, ſeptuaginta octo poſt annos, compoſita eſt.

## §. XXIII.

Trans-  
ſilio.

Maria Longuevillæ & Totavillæ Dux, Novi Caſtri Comes, Borboniæ Dux nata, Helionori, Longuevillæ Ducis (q) vidua,

(p) *Sanſenhard* in colle, qui a Silienga vicina dicitur *der Siliengenber*.

(q) Frater hujus Leonori fuit Franciſcus Marchio de Rodſelin, quod nomen

materque Henrici & Francisci, virtute potestatis, à Galliae Regibus, Carolo IX. ac dein Henrico III. acceptæ, ut & Anua, Caroli II. Marchionis Bada-Durlacensis vidua, junctis trium Marchionum adolescentium tutoribus, in urbe Berna convenerunt. Declaravit Maria, se pro CCXXV. florenorum millium summa, intra tres annos solvenda, omnibus juribus & actionibus liberorum suorum, coram Judicio Camerali hucusque versantibus, in Rætelaë, Saufenbergæ & Badevillæ Dynastias, oppidumque Schopfheim, solemniter renunciare. Conditum est Renunciatiavis Longuevillanæ Instrumentum solenne, (r) eique Maria Borbonia cum Consiliariis Aulæ Comitatus Novi Castri subscripsit. Bernensis Civitatis nomine Chartam Dachselhoferus signavit. Adjecta sunt subscribentium sigilla.

Longuevillanæ gentis fator est Johannes de Aurelia, Dunoisii (Dunois) & Longuevillæ Comes, Ludovici Aureliani Ducis, qui A. 1468. decessit, filius nothus, magni animi heros. Franciscus I. Johannis filius, pater fuit Francisci II. in cujus favorem Ludovicus XII. Galliae Rex, Longuevillanum Comitatum A. 1505.

Longuevillanorum origo.

gentilitium ad posterum propagavit ad hunc usque diem. Habetur ille pro filio spurio Francisci Longuevillani, ex concubina de Blosset suscepto. At Blossetam hanc legitimam Francisci uxorem fuisse docebit ILL. HORIZIUS Insignium Franciæ iudex, ut ipse ad me scripsit d. 7. Dec. 1762.

(r) Autenticum in Tabulario Bada-Durlacensi servatur.

CHRIST.

in Ducatum crexit. Frater junior Ludovicus, Johanne Saufenbergicæ maritus, Rotelani Marchionis usus est titulo, quandiu frater ejus supererat. Postea & alia hujus Domus linea titulum *Marchionis de Rothelin* accepit. Axioma hoc Longuevillæ Ducem in transactione cum Badenfibz sibi reservasse ZECHIUS scribit; (s) at in Charta mentio reservationis non fit.

## §. XXIV.

Christoph.  
Philippo  
fil. terras  
assignat.

Eodem anno, quo Saufenbergensem hereditatem adierat Christophorus, Philippo ille filio suo Marchionatum Badensem, Spanhemii & Ebersteinii Comitatum partes Badenses, cum Dynastia Altensteig attribuit, ita quidem, ut omnia ad heredes transferret. Fecit hoc Heidelbergæ, Electore Philippo Ingenuo, amico suo, præsentem; quum nempe eundem Philippum cum Electoris Palatini filia Elisabetha sponsasset. (t) Immutata hæc tamen sunt A. 1510. Mulnbergæ, (u) ubi Christophorus inter tres filios seculares, Bernhardum, Philippum & Ernestum, ratione successione, denuo disposuit. Sed utraque dispositio testamento, quod A. 1515. Christophorus condidit, abolita est, ut suo loco videbimus.

Impen-

---

(s) EVROP. HEROLD. Tom. I. p. 528.

(t) Die Martis post S. Pauli convers.

(u) Die Veneris S. Michaelis.

Impensae multiplices, Longuevillanae litis causa faciendae, necessitatem Marchioni nostro imposuerunt, ut A. 1504 oppidum & Castrum Weingarten ejusque praefecturam Philippo Ingueno, Electori Palatino, pro 12000. florenis Rhenensibus, cum pacto antichretico venderet. (x)

Christ.

Weingarten  
Palatino  
vendit.

## §. XXV.

Acquisiverat haec Elector, magnam Electoratus sui partem A bello Bavarico abstinet. Bavarico mox bello perditurus; eodem nempe anno proscriptus à Caesare. Tum vero sanctae & inviolabilis fidei ac amicitiae speciem Christophorus edidit. Nulla enim ratione ab ipso Imperatore, cui alias addictissimus fuerat, potuit induci, ut arma contra Palatinum proscriptum arriperet, atque adeo recuperaret non modo ea, quae nuper vendiderat, sed & quae Fridericus Victoriosus ante hos quadraginta duo annos Carolo patri captivo extorserat. Rarum Principis moderati exemplum; qui occasionem, a fortuna oblatam, maluit contemnere, quam amicum, filii sui socerum, hostibus obrutum, suis terris spoliare. (y) Ipsa reconciliatio

Tom. II.

LI

(x) TOLNERI *Hystor. Palat.* Cap. II. p. 54.(y) TRITHEMIUS in *Ciron. Hirsang.* A. 1504. Notum est ejus dictum *Eid und Ehr, gult bey uns mehr, dann Land und Leut gewinnen.* PAREVS *Hystor. Palat.* Lib. VI. Sect. I. pag. 235.

CARIST.

Philippi Electoris cum Cæsare intercessioni Christophori tribuenda est. (z)

## §. XXVI.

Ebersteinio proscripto terras restitui

Bernhardus III. Ebersteinii Comes, Palatini vassallus & socius, in eodem bello a Cæsare devotus est diris. Bernhardinam Comitatus Ebersteinensis partem Philippo, Christophori filio, Cæsar donavit. Sed & hac liberalitate filium suum frui noluit Christophorus, eumque induxit, ut Ebersteinensis Comitatus ablata partem Bernardo A. 1505. restitueret; quæ nonnisi sesquiculo post, gente cum Casimiro A. 1660. extincta, variis denique modis ad Badenses rediit. (a)

Magnæ præ se animum ferens.

Moderatio Christophori pro vario hominum ingenio extollitur vel reprehenditur. Palatini scriptores eam multum dilaudant. TOLNERUS, (b) postquam Castra, oppida, districtus,

(z) PONTUS HEUTERUS *Rer. Austr.* Lib. VI. Cap. 6. FUGGER. *Speml. Austr.* Lib. VI. Cap. 6. pag. 135. seq. BROWERUS *Anal. Trevir.* Lib. XX. pag. 322. Cæsarem in castris ad Kuffsteiniam arcem Christophorus adivit.

(a) ILL. PREVSCHEN. in *Dissert. de Comit. Eberstein.* in *Carlsruher Sammlungen* pag. 422. Imo & partem Sylvæ Gernsperg Badense allodium Bernhardo & posteris in feudum masculinum concessit.

(b) *Historiæ Palatinæ* pag. 104. Nec silentio hic prætereundus est Johannes senior, Palatino Simmerensis, qui nullo modo potuit induci, identidem licet invitatus, ut contra Philippum Ingenuum corripere arma, cum tamen opima quoque spolia ex bello isto reportare potuisset.



quos Bavarus, Wirtenbergicus, Hassus, Bipontinus, Leiningenses, Noribergenses, quin & ipse Maximilianus Philippo Palatino abstulerant, enarrasset, folius Christophori abstinenciam & magnanimitatem multis laudibus effert. Receptius tamen est Machiavelli consilium: ampliandæ potentiae quoties offertur occasio, occasione utendum.

## §. XXVII.

Florentes tum fuerant Ludovici XII. Galliae Regis in regno suo & in Italia opes, ubi Mediolanensem occupaverat Ducatum; Helvetiorum foederatus; Longuevillani, tui vidimus, Ducis fortunæ promotor.

Fœdus  
cum Ma-  
ximil.  
imp.

Sinistri quid ab austro quum timuisset Christophorus, A. 1505. die Veneris post Lætare contra Gallos, Helvetios aliosque cum Maximiliano Cæsare fœdus inivit, quod speciatim Austriacas & Badenses in Alsatia, Brisgovia & Nigra sylva ditio- nes respexit. Wolfgangus, Furstenbergæ Comes, Alsatiae superioris & Ortenaviae Provinciarum Præfectus; Caspar Baro de Mersperg, Advocatiae Alsatiae Vicarius Austriacus, Cæsaris nomine; David de Landeck, Rœtelanus, & Afimus ad Lacum, Hachbergenfis Præfectus, pro Christophoro Marchione fœdus fir- mant sigillis.

CHRIST.

Spanheimia.

Biennio ante Jacobus Joanni, propatruo suo, Electori Tre-  
virensi, in hac dignitate successerat; Christophori filius. Hic  
A. 1507. cum patre & cum Johanne Palatino Simmerensi, qui  
maximam Comitatus Spanheimensis partem tenuerant, convenit,  
ut lites, ob Comitatus jura quædam cum Archiepiscopatu Trevi-  
rensi exortæ, componerentur per arbitros. (c)

## §. XXVIII.

West-  
phalici  
Jud. abo-  
litionem  
promo-  
vet.

Gravamina contra vetus illud inquisitorium Westphaliæ  
tribunal secretum, quod etiam Vemicum dicebatur, a longo jam  
tempore apud Germanos invaluerunt. Intolerabile visum est Im-  
perii Statibus, cives sibi subditos, inaudita causa, ab eo judicari,  
damnari occulte, & a Scabinis illius Judicii, infcio ditionis domi-  
no, ubicunque deprehenderentur, occidi. (d) Sigismundus &  
Fridericus IV. Imp. correxerunt abusus. At Anno 1470. West-  
phalici illi judices eo audaciæ progressi sunt, ut ipsum Cæsarem  
ad tribunal suum citarent. (e) Impotentis horum judicum domi-  
nationis Argentinenfes pridem pertæsi, duos eorum emissarios  
A. 1472. damnarunt ad suffocationem in flumine.

---

(c) HONTHHEMIVS *Histor. Diplom. Trevir.* Tom. II. p. 582.

(d) AENEAS SYLVIVS in *Europa* cap. 37.

(e) WENCKER. in *Apparatu Archivor.* p. 383.

Nefandum hoc iudicium Cæſar A. 1512. aboluit. Triennio ante Chriſtophorus, atrocitatem iudicii huius quoque indignatus, Argentinenſes invitavit, ut mēſe Auguſto ad Hagenoenſem Conventum, contra Weſtphalicos iudices conſtitutum, ſuos quoque mitterent legatos, (f) ſædusque contra illos renovarent. Aucto-ritas, qua apud Cæſarem noſter Marchio polluit, iudiciorum ho-rum everſionem non parum promovit.

## §. XXIX.

Eodem tempore Godesavienſis Monaſterii, Durlaco vicini Abbas Jacobus, Benediſtine familie, Chriſtophoro Marchioni, Advocato Cœnobii, de terris quibusdam & juribus Romæ litem intenderat. Monachi deſeruerunt Abbatem, quod temere liti-gaſſet. Proſequendæ liti cum negaretur pecunia, in Germaniam rediens, Abbatialem dignitatem depoſuit Abbas. (g)

Biennio poſt (1511) firmandæ pacis publicæ cauſa Mar-chio noſter ad vicennium ſpeciale ſædus cum Ulrico inivit Stut-  
Fœdus  
Wirten-  
berg.

Ll 3

---

(f) WENCKER. loco alleg. p. 390.

(g) TRITHEMIUS in *Chron. Hirſaug.* ad hunc annum.

(h) DATT. de *paci publ.* p. 796.

CHRIST.

bus Sabinam, Alberti IV. Bavariae Ducis filiam, uxorem duxit Ulricus; (i) turbis in Imperio deinceps excitatis notissimus; a Fœdere Suevico suis terris expulsus, quod pacem publicam violasset; quam ut firmaret, cum Christophoro nunc junxerat fœdus.

Comitia  
Trev. &  
Colon.

Anno sequenti habita sunt Treviris atque Agrippinae Coloniae Imperii Comitia, quibus cum cum Ernesto & Philippo filiis interfuisse reperio. (k)

## §. XXX.

Lis cum  
Austria.  
eis de  
Sausen-  
berg, ter-  
ris.

Maximilianus Cæsar Marchionem nostrum licet impense amaverit, a Consiliariis tamen inductus est, ut Brisgovica ejus jura imminuere tentaret. Res altius repetenda est.

Reciprocum illud Rætelenſe pactum, a Christophoro & Philippo A. 1490. conditum, Charta sua A. 1499. Cæsar confirmans, non modo Rætelaſe Caſtrum & oppidum Schopfheim ſeuda oppignerata, ſex mille florenis reluibilia, appellat, ſed & iſtis Rætelaſe, Sauſenbergæ & Badevillaſe terris larvam Landſſiatus inducit; falſa opinione imbutus, Landgraviatum Briſgoviaſe Austria-

(i) TRITHEMIUS in *Chron. Hirſang.* ad hunc annum.

(k) TRITHEM. ad hunc annum. FUGGER. in *Specul. Austr.* Lib. VI. cap. XV. p. 1258.

ci juris esse, eique in omnes Brisgovici Pagi terras suprematum adherere. Marchio clausulam, eo infcio additam, constanter rejecit atque contra eam identidem protestatus est; nihil tamen in litteris mutatum.

Ensisheimense tribunal, cui Alsatia Austriaca & Brisgovia suberant, Christophoro A. 1503. Sausenbergo - Rœtelanam hereditatem adeunte, aliquamdiu quievit. At A. 1514. Dynastiarum illarum Præfecti ad Principem referunt, quod Austriacum Regimen collectas, & militaria servitia a Marchicis exigat, quin etiam postulet, ut a judicio Rœtelano (1) ad Austriacum Regimen libera provocatio sit.

### §. XXXI.

Jacobus Nagelius, Eques, Rœtelanæ Dynastiæ tum fuerat Præfectus. Causa hac magis magisque ingravescente Legati Helvetici Corporis, Badæ in Argovia collecti, die Martis ante Simonis & Judæ Christophoro Marchioni, quin & Civitas Basiliensis Nagelio studia sua officiaque obtulerunt. Tentata subinde est compositio litis. Austregalis Judex, Spirensis Episcopus A. 1567.

---

(1) Von dem Kapff zu Rœtel. Kapfengericht, habitum in Castro Rœtelensi sub dio in loco prominente qui Kapff vocabatur.

CHRIST.

in prima instantia pro Austriacis sententiam tulit. (m) Lento tamen gradu in Camera Imperii lis continuata est.

Sueci Exemplo Pacis, quod jam A. 1647. die 14. April. Cæsareanis obtulerant, hæc verba inferuere: „Renunciant Archiduces Austriæ pro se & heredibus in perpetuum actionibus „ & processibus super Dynastia Rœteln aliisque ditionibus in „ Camera contra Marchiones institutis. „ (n)

Cum Isaaco Volmaro, Confiliario Cæsareo hac super re quoque egerat Fridericus V. Marchio Osnaburgæ. (o) Sed frustra laboratum.

Seculi decursu opus erat, omnis ut componeretur contentio, quam Maria Theresia denique A. 1743. terminavit, uti supra ostensum. (p)

## §. XXXII.

Marchio  
inter fi-  
lios te-  
stamento  
disponit.

Duodecim ante obitum annis, (1515) postquam totidem lustra vitæ cum dimidio expleffet, Christophorus inter filios suos, seculo addictos, Bernhardum, Philippum, atque Ernestum postremam

(m) ADAMI Relatio de Pacificatione Westphalica cap. 28. §. 17. p. 516.

(n) A MEYERN Acta Pacis Westphal. Tom. V. p. 460.

(o) IDEM pag. 704.

(p) Tom. I. *Hist. Zaringo-Badensis* p. 413.

nam divisionem terrarum & Pragmaticam sanctionem Domus constituit, quæ hodieque servatur. Præcipua sanctionis hujus capita proponimus lectori.

1. Dispositiones A. 1503. & 1510. a Christophoro factæ abrogantur.

2. Bernhardus, filiorum senior, dimidiam partem Comitatus Spanheimensis posterioris, una cum Luxemburgicis Dynastiis, Rodemacher, Reichsperg, Hesperingen & Ufeldingen; jus super Puttingen, Ruland, quin & super pignus Trevirense Schœnenberg accepit.

3. Philippi portio Marchionatus Baden cum Altensteig & Beinheim, loca oppignerata Neuenburg & Weingarten, Ebersteinii pars dimidia, Dominia Lahr, & Mahlberg cum vicis a Geroldseckia Domo comparatis.

4. Ernesto destinantur Marchionatus Hachbergæ, cum Ufenbergæ, Rœtelæ, Badevillæ, Saufenbergæ Dynastiis oppidoque Schopfheim, &c.

5. Officiales & subditi futuris Principibus jurent.

6. Rudolpho filio, qui Clericus, annua centum florenorum pensio decernitur.

7. Pignora si redimuntur, ad fundorum novorum acquisitionem adhibeatur pecunia.

8. Singuli tres filii cum terris pecuniam, & quicquid redituum in cellis, granariis, reperitur, ut & suppellectilem retineant. Argentea vasa inter quatuor filios, Burgundica debita inter seculares tres solos dividantur.

9. Singuli sua feuda accipiant, sua onera portent; debita terris inhaerentia solvant.

10. Quæ debita Christophorus, pro Aulæ suæ sustentatione contraxit, eorum dimidiam partem solus Philippus, alteram Bernhardus & Ernestus junctim persolvant.

11. Otilia, Christophori uxor, mortuo marito, telonium Boppardæ percipiat. Bona ejus illata ad reluendas Spanheimenses, Lahrenses, Mahibergenses terras, & ad Luxenburgenses quasdam acquirendas adhibitæ sunt.

12. Commendatur filiis concordia, & si difficultas oriat, amica compositio, vel juridicum examen.

13. Singuli tres fratres utantur titulo & insignibus Badæ.

14. Filia Principes omnes a successione in terris excluduntur, quamdiu masculi sui sunt.

15. Dos octo, vel decem millium florenorum illis constituitur.



16. Renuncient in favorem masculorum, duodecimum quum attigerint annum.

17. Terræ si augeantur, summa quoque dotis augeatur.

18. Filii in matrimonialibus pactis addant formulam de exclusionem feminarum.

19. Prohibetur alienatio terrarum.

20. Si oppignerandi necessitas adfit, pignus fratri & agnatis prius offeratur. Exteris si oppignatio facienda, fiat cum reversionis jure, Marchionibus Badensibus cunctis servato.

21. Rami extincti filiae octo vel decem mille floreni solvantur in dotem; vel, si monasticam vitam eligat, debito ei modo prospiciatur.

22. Philippus Marchio ceteris fratribus documenta illa tradat, quæ terras eorum respiciunt; documentorum communium eis dentur exempla.

23. Officiales & subditi ad Pragmaticæ hujus legis observationem adstringantur.

24. Tres filii jurejurando hanc legem confirmant cum jurium suorum, si quæ habeant, renunciatione.

CHRIST.

25. Sanctionis testamentariæ auctor eam denuo corroborat, firmamque ejus observationem promittit. ●

Non transeundum silentio est, quod Guilielmus Argentinenſis Episcopus Sanctionis hujus fuit præcipuus promotor. Testes Johannes de Schauenburg Gubernator Luxemburgicus. Jacobus Kirſer, Doctör juris & Cancellarius. Blicker Landſchad de Steinach, Præfectus Pforzheimenſis. Conradus a Venningen, Præfectus Durlacenſis. Conſules denique & Senatores Oppidorum Baden & Pforzheim.

Testamentaria hæc Sanctio die S. Jacobi A. 1515. condita est Pragæ.

## §. XXXIII.

Regimen  
filiis tra-  
dit.

His ita ſtabilitis, Chriſtophorus, corpore debilis, ſolenni Diplomate, die S. Petri ad vincula ejusdem A. 1515. ſcripto, regimen terrarum, ad formam, quam memoravimus, ſuis tradidit filiis. Abdicavit ſe regimine ad quatuor annos, & ad hoc uſque tempus conſiliariis & officialibus fidem ſibi datam remiſit. Addita clauſula, ne ſeuda vacantia novo, patris inſcitu, conferrentur vaſallo; neve proprio filii, ſed vicario patris nomine gubernarent. Sed paullo poſt mentis quoque cum acceſſiſſet debilitas, Maximilianus Cæſar Literis d. 15. Jan. 1516. Auguſtæ Vindelicorum datis, tres filios ad anni ſpatium Curatores & Vicarios patris, in ſua quemque portione, conſtituit.

Eodem anno Equitis Aurei velleris dignitas in solenni Torquatorum conventu, a Carolo Austrio, Belgii Principe, Bruxellis celebrato, translata est a patre Christophoro in filium, qui Caroli aulam sequebatur, (q) Bernhardum haud dubie, Luxemburgica qui feuda acceperat.

Accessit denique alienatio mentis, quæ filios coëgit, ut, accedente auctoritate Cæsarea, patrem veteri Castro Badensi, quod ille nuper deferuerat, A. 1518. includerent. (r)

## §. XXXIV.

Pax publica Wormatiæ, ut diximus, in perpetuum stabilita, a rupibus & præcipitiis montium Germaniæ Proceres paulatim invitavit ad plana. Christophorus hanc epocham prævertit. Anno enim 1479. Castrum Badense vetus, ubi conditores & statores gentis quadringentos per annos habitaverant, reliquit, novumque Thermis oppidoque Badæ vicinum ædificavit in loco, ubi Palatium hodiernum conspicitur. Vetus viduæ Matri inhabitandum concessit. (s)

Novum  
Badense  
Castrum  
exstruit.

## Mm 3

(q) PETIT *Chronique de Hollande* &c. Tom. I. Lib. VIII. p. 13.

(r) Conventio Philippi atque Ernesti hac super re extat, data Vigilia Visitationis Mariæ.

(s) Die conventionis Pauli. JUNGLEYS in Christophoro.

CHRIST.

Castrum  
vetus.

Castrum hoc montanum, ubi incunabula Gentis, unde nomen Badensis Domus profluxit, bellorum temporumque injuriis destructum, in ipsis ruderibus spectatori venerabile una cum hodierno, ad Badæ oppidum sito, tabulis aeneis impressa exhibemus Lectori.

## §. XXXV.

Investi-  
tura Ca-  
roli V.  
Imp.

Tribus post annis Carolus V. Imp. Wormatiæ Christophoro Marchioni, intervenientibus filiis ejus Philippo & Ernesto, amplissimas dedit litteras feudales d. XXVII Febr. in quibus terræ exprimuntur sequentes: Marchionatus Badensis, Marchionatus Hachbergensis, dimidia pars Comitatus Ebersteinii, Dynastia Usenbergæ; dimidia pars Castri & oppidi Malberg. Pars Marchionum in vicis Districtus Riedæ, in Kippenheim, Ichenheim, Kirchzelle, Tundenheim, Altheim; denique vicus Stuzheim Argentinenfis Episcopatus. Auræa item Argenteaque monetæ.

Literæ  
Clemen-  
tis VII.


A. 1524. Clemens VII. Papa literis a nobili viro Marchione Badensi Christophoro petivit, ut Cardinalem Campegium, Legatum a latere, Noribergam ad Comitiam Imperii proficiscentem, benigne excipiat, eique tam in conventu ipso, quam alibi opera sua adesse velit. (t)

---

(t) Codex Diplom. Badensis.

CASTRI VETERIS PARS PRIOR.

ad pag. 278.



Wess sculp. Argent.




















*J. Stridbeck sculpit Argent.*



## §. XXXVI.

— A. 1527. d. XXIX. Aprilis Christophorus decessit, Marchiæ & Gentis suæ amplificator & stator; qui Luxenburgici Ducatus Dynastias atque Dominia donatione Maximiliani, uti vidimus, partim etiam emtione acquisivit; qui Lahre & Malbergæ dimidiam partem suæ Domui intulit; Saufenbergæ, Roetelæ, Badevillæ Dynastias, vi pacti, cum Saufenbergensium Marchione postremo iniçi, multo labore, magnisque impensis ad Marchionatum Badensem reduxit. (u)

Mors  
Christoph.  
& accessio-  
nes terrarum  
subeo.

Vicorum Ottenheim, Friesenheim, Oberweiler & Heilgenzell partem dimidiam, quin & partem præfecturæ Schwandvicumque Tutschfelden, item duas tertias vici Weiler, cum partibus nonnullis præfecturarum Singen & Mutschelbach; tres item quaterniones vici Niefern dimidiamque vici Eisingen comparavit. Castrum Alfatæ & oppidum Beinheim a Bernhardo, Ebersteinensi Comite, redemit. Octavam Castrî Zaringensis partem, vicos Gundelfingen & Reutenbach emtione ad Marchiam transtulit; quam Principum Badensium nullus tot terris adauxit.

---

(u) Vide supra A. 1503.

## §. XXXVII.

Chara-  
cter.

Ceterum Christophorus plerosque sui seculi Principes dignitate oris corporisque præcelluit. Mens ei recta, moderata, iustitiæ, æquitatis amans, promissorum tenax, fallere nescia. Imperium clementia & comitate temperavit. In toga & sago erectus semper, &, prouti circumstantiæ id exigere videbantur, vel severus vel blandus. In tractatione rerum cautus & alacer; trium sibi succedentium Cæsarum amore & benevolentia per totos quadraginta annos sine interruptione conspicuus; qui dignitatibus, feudis, honoribus (x) eum omnes orarunt. Subditos sibi Marchiæ cives bonis institutis & legibus abunde instruxit; suoque illos rexit exemplo. Codicem Juris provincialis (*Erbordnung*) A. 1511. Marchiæ suæ dedit. Ordinem caussarum in suis & vassallorum atque Landsassiorum terris observandum, biennio ante præscripserat.

Oeconomias ejus virtutes si spectes, alieni non appetens fuit, nec sui profusus; sine avaritia parcus; sine profusione liberalis; castus unus conjugis maritus; quindecim liberorum sine macula

---

(x) Aurei velleris torque.

cula felicissimus pater. Aula Christophori virtutum & gratiarum fuit theatrum & schola.

Tantus Princeps decennio sibi fuit superstes; felicior dicendus, si post conditum testamentum obiisset:

Doctus illius ævi Italus, Philippus Beroaldus, Bononiensis, (y) ita de eo scribit: „ Marchio Badensis Christophorus, „ Augustissimi Imp. Friderici III. ex sorore nepos, - - - animi „ magnitudine virtutisque præstantia ceteris totius Germaniæ „ Principibus haud dubie antecellit; sine quo nihil memorabile „ per hosce annos ab inclytissimo Maximiliano gestum est, cui „ Ducatus bellici primæ partes consensu Germanorum deferuntur, apud quos fortissimi Principis nomen meritissimo consecutus est. „

### §. XXXVIII.

Otilia, Christophori Conjux, ex Comitum Cattimelibonensium Domo fuit, Philippi junioris filia, Philippi senioris, Comitissæ suæ gentis poltremitis, neptis; quam Avus A. 1468. desponsaverat Marchioni. Uxor Otilia.

Tabularium Electorale Palatinum me docuit, Fridericum I. cum Philippo seniore A. 1456. Oppenheimii convenisse, ut Philippo Ingen. ante promissa.

Tom. II.

Nn

---

(y) In Dedicatione Libelli de *Felicitate* ad Jacobum Marchionem, filium Christophori.

CHRIST.

pus, quem deinceps appellaverunt Ingenuum, in Electoratu Palatino futurus successor, octo tum annorum puer, ubi adoleverit, Otiliam, Philippi neptem, duceret uxorem, atque adeo Cattimelibocenses terras cum Palatinis aliquando conjungeret. Otiliæ, pubertatis annos ingressæ, procos inter Christophorus Badensis comparuit. Fridericus Elector, de augendis Palatinæ Domus opibus ante omnes alios sollicitus, A. 1467. Philippi, novendecim tum annos nati, ad contrahendas has nuptias requisivit consensum, atque solennem hac super re Conventum d. IX. Sept. Heidelbergæ instituit; ad quem Wormatiensis & Spirensis Episcopi, Magister Ordinis Teutonici, præcipuique Aulæ Palatinæ proceres vocati. Sed contra omnem Friderici spem Philippus sponsalia recusavit præfractæ; non semel testatus, ad ineundum matrimonium ætatis se nondum esse maturæ. Quin & insuper addidit, malle se ex Principum, quam ex Comitum classe aliquando sibi eligere uxorem. Elector indignatus repulsam, de sua Palatinas res promovendi voluntate multa testatus, ad posterorum memoriam, quæ gesta sunt, jussit perscribi. Instrumentum Heidelbergæ confectum die Mercurii post Nativitatis Mariæ. Patrui consilium Philippus si fuisset secutus, dives ille Cattimelibocensis Comitatus ad Palatinam domum haud dubie pervenisset. Fridericus cum Philippo, Otiliæ avo, cum Dominis feudorum res ita ordinaturus fuerat, a successione filiam exclusisset ut ex filio neptis.



Ita cum Christophoro nuptias celebravit Otilia; cui Castrum Stacked cum hominibus atque bonis; quin & sedecies mille floreni super Castrum Algesheim ab Avo assignati sunt pro dote. (z) Alma hæc genetrix post quinquagenarium fere conjugium A. 1517. die XV. Aug. decessit.

## §. XXXIX.

Sobolem ejus ordine nativitatæ recenseo.

1. Jacobus natus A. 1471. qui, jure primigenituræ neglecto, ecclesiasticam vitam elegit; quam deinceps speciatim expono.

2. Maria A. 1473. d. 2. Jul. (a) Electa Abbâtissa Monasterii Lucidæ Vallis, mortua 6. Id. Jun. 1519.

3. Bernhardus A. 1474. (b)

4. Carolus A. 1476. die 21. Maji. Canonicus Argentinenfis & Custos, atque A. 1506. Electioni Archiepiscopi Argenti Guilielmi de Honstein interfuit. Collegii quoque Metropolitan

Tom. II.

Nn 2

(z) Charta extat in Tabulario Bada-Badensi.

(a) BROWERVS *Annal. Trevir.* Lib. XIX. pag. 297. ubi dies natales liberorum Christophori sollicitè annotavit. JUNGLEERS jam A. 1470. natum fuisse tradit Mariam, quam Jacobo II. Archiepiscopo ætate majorem constituit; sed nimium, quod inter Jacobum hunc & Bernhardum relinquit, intervallum, Broweri sententiam magis probabilem reddit.

(b) Vide Tom. III. ubi de Bernhardo III.

CHRIST.

Trevirensis Canonicum eum fuisse scribit BROWERUS. (c)  
Obiit A. 1510. die 7. Octobris. (d)

5. Christophorus A. 1477. pridie B. Mariæ Magdalennæ.  
Argentinenfis & Colonienfis (e) Ecclesiarum Canonicus, obiit  
Durlaci A. 1508. d. 29. Mart.

6. Philippus A. 1478. Marchiæ Badensis possessor, de quo  
speciatim agimus infra.

(c) Lib. XIX. p. 298.

(d) JACOBUS LÖCHNER, in Friburgensi Lyceo vivens, Horatium Argentinensi Typographus, scriptorem hunc cum iconibus multis, ligno incisus, & commentariis amplis, in forma majore, imprimi curavit; splendidum pro illo tempore opus, dignum quod Carolo dicatur. Hic in Argentinensium summo templo sepultus est cum hac inscriptione, quæ periiit.

Marchio qui fueram de Baden ædis & hujus

Custos, vermiculis sum datus esca levis.

Qui legis hæc dicas Parcarum flamina nullis,

Nam mors quæque rapit, parcere stematibus.

Si domus aut pietas, inopum si cura bearent

Quenquam, cum superis, Carole, nectar habes.

Vid. SCHADÆI *summum Argentinensium templum* pag. 74. In *Cod. MS. Monumentorum Argent.* hæc verba reperio : „ A. 1510. obiit Carolus  
„ Marchio Baden. Dominica post Francisci Canonicus atque custos ma-  
„ joris Ecclesiæ Argent. requiescat in pace. „

(e) BROWERUS, loc. cit.

7. Otilia d. 6. Jun. A. 1480. Abbatissa Monasterii Cisterciensis Pfortzheimii. (f)

8. Rudolphus IX. A. 1481. d. 16. Junii. Canonicus Ecclesiarum, Moguntinæ, Colonienfis, Argentinensis & Augustanæ, ut & Canonicus Primicerius in æde S. Stephani Metensis. (g) A. 1506. interfuit electioni Episcopi Argent. Guilielmi de Honstein. Obiit 9. Kal. Octobr. 1533.

9. Ernestus nat. A. 1481. (h)

10. Wolfgangus nat. A. 1484. d. 10. Maji. A. 1522. vivis excessit. (i)

11. Sibylla A. 1485. d. 26. April. (k) desponsata est Ludovico Comiti Nassoviæ & Saræpontis A. 1490. Dotem filiæ promissit pater 8000. florenor. Rhen. Elector Trevir. Johannes pacta firmavit litteris, datis Palatioli (*Pfaltzel*) Vigilia omnium Sanctorum 1490. (l) Contractus caruit effectu. Nam A. 1503. eadem

Nn 3

---

(f) PETRI *Suevia Ecclesiast.* p. 667.

(g) SERARIUS *Rer. Mogunt.* Tom. II. pag. 339. Moguntinensem Canonicatum resignatione Jacobi fratris A. 1497. accepit.

(h) Vid. Tom. III.

(i) Ita JUNGLERVS. Sed BROWERVS vix quadrimum vita functum esse scribit Wolfgangum.

(k) BROWERVS ponit sextam feriam quæ D. Marci præcessit.

(l) Extant in Tabulario Bada-Badensi.

CHRIST.

Sibylla desponsata est Philippo Hanoviae Comiti, eique dos 5000. florenorum Rhenensium promissa, & mille floreni pro clenodiis. Literæ hac super re confectæ sunt Badæ. (m) Obiit Sibylla A. 1527.

12. Rosina A. 1487. d. 5. Martii, (n) quam inter & Franciscum Wolfgangum, Zolleranum Comitem, Maximilianus I. Rex Romanorum Brundruti A. 1493. nuptias conciliavit. (o) Mortuo Wolfgango, Rosina Johanni, nobili ab Aven nupsit.

13. Johannes II. Luxemburgi A. 1490. d. 24. Sept.

14. Beatrix A. 1492. Dominica post D. Sebastiani, desponsata fuit A. 1501. Johanni, Comiti Palatino, Johannis, Comitis Palatini Simmerensis, filio. Christophorus promisit in dotem 8. millia florenor. Rhen. Contractus Simmeræ initus, consentiente Jacobo, filio Christophori, Coadjutore Archiepiscopatus Trevirensis (p)

15. Georgius A. 1493. Kal. Julii, quem eodem anno decessisse, sepultumque Trarbaci tradit J U N G L E R U S. At vetus Tabula lignea, Christophoro vivente picta, contrarium indicat.

(m) Extant ibidem.

(n) BROWERVS ponit diem Lunæ post S. Adriani.

(o) Litteræ datæ an *Erigtag nach der heil. drey Kunig Tag*, extant in Tabulario Bada-Badenfi. Laudat in his litteris Maximilianus officia, quæ Christophorus, ut Gubernator Luxemburgici Ducatus, ei præstitit.

(p) Extat Instrumentum in Tabulario Bada-Badenfi.





*Novo Holzsch del. Basil.*

LICATIO T<sup>9</sup>  
 I. Christophorus pater mitratus. II. Iacobus<sup>9</sup> Canonicus I. O.  
 Argent. V. Rudolphus Canonicus Arg. Wölgangus. Con



## §. XL.

Servatur ea in Bada-Durlacensis Familiæ Palatio Basilea, Tabula picta Familiam Christoph. re-præsentans. repræsentans Christophorum cum Otilia decemque filiis & quinque filiabus. Suo singuli oris & corporis habitu vestituque comparent; uno solo, cujus os occulitur, excepto, quem Wolfgangum esse arbitror. Tabulam, æri incisam, exhibemus lectori. Pater thorace & aurei velleris torque ornatus, pro tegumento capitis habet retiolum, vel vitam crinalem; cui galeam solebat impondere; (q) quæ ad genua jacet. Bernhardus & Georgius filii similiter comparent mitrati. Ille cum Ernesto propagator Gentis barbatus, hic cum barba rafa comparet. Jacobus Trevirensis Elector, primogenitus, Archiepiscopali ornatu; Philippus thoracatus, sed non vittatus, cum capillis pictus est. Hi duo cum patre genibus flexis soli visuntur. Reliqua filiorum turba stat omnis erecta. Philippus, nonnisi sextus in ordine fratrum post Jacobum tamen reliquis fratribus grandior cernitur; forte quod ipse, artium præ ceteris amans, tabulam pingi curavit, primusque omnium in matrimonio vixit.

---

(q) Retiolo pileum imposuerunt pro galea extra belli tempus. Talis apparere Geldriæ Dux Carolus, qui Christophori nostri coætaneus fuit. Vide PONTANI *Hist. Gelrica.* p. 595.

CHRIST.

Bada-Badenfis & Bada-Durlacenis linearum, propagatores Bernhardus & Ernestus, sexto atque octavo loco sistuntur.

Ex Christophoriana hac sobole quatuor feligmas filios, quorum vita peculiaribus describenda capitulis. Sed præmittendi his sunt duo fratres Christophori; perdigni sane, memoria eorum ut transmittatur ad posteros, Albertus nempe & Fridericus; ille seculo, hic Ecclesiæ adscriptus; bellis uterque Belgicis clarus. Initium ab Alberto ducendum, fratrem qui superavit ætate.



CAPUT



## CAPUT II.

## ALBERTUS.



## §. I.

Triennio junior natu frater Christophori fuit Albertus, natus die 25. Jan. A. 1455. fidus fratris Achates. Alberti gesta.

A. 1473. magno illi apud Treviros Conventui inter Fridericum IV. Imp. & Carolum Burgundiæ Ducem, (a) ut & institutis anno insequenti Comitibus Augustanis cum Christophoro interfuit; (b) biennioque post, eodem socio, super fabricam communis monetæ cum Comitibus Wirtenbergæ conventionem inivit.

Tom. II.

Oo

(a) BROWERUS *Annal. Trevir.* Lib. XIX. pag. 302.

(b) LEHMANNUS *Chron. Spir.* Lib. VII. Cap. 113. p. 901.

ALBERT.

Extincto Carolo I. patre, Marchionatus regimen Christophoro fratri per sexennium soli permittit. A. 1482. divisit cum eo terris, accepit Hachbergam, quam eidem denique, reservatis sibi annuatim mille florenis, iterum soli reliquit. (c)

Post hæc Albertus noster cognati sui Sigismundi Austriæ Archiducis, apud Tirolenses regnantis, secutus est aulam; Hohenbergici Comitatus ab eo Rector creatus.

A. 1486. Fridericum IV. Imp. & Maximilianum, Francofurti Romanorum Regem electum, ad Regiam coronationem Aquisgranum comitatus est, ubi a novo Rege ritu solenni receptus est Eques; (d) annoque sequenti Comitibus Norimbergenfibus interfuit. (e)

## §. II.

Obitus.

A. 1488. in auxilium Maximiliani Romanorum Regis, quem Flandrenses rebelles captivum tenebant, una cum Chri-

---

(c) Vide supra in Christophoro.

(d) HERZOG. *Chron. Alsat.* Lib. II. pag. 136. FUGGER. *Spec. Austr.* Lib. V. Cap. 33. p. 954.

(e) FUGGER. *loc. alleg.* Cap. 37. pag. 975.

stophoro fratre festinans, in oppugnatione oppidi Damm, quam Maximilianus ei commiserat, d. 18. Julii, sclopeti ictu perit. (f)

Corpus ejus Gravise apud Brabantos depositum, atque deinceps translatum est Badam. (g)

Tredecim annorum juvenis, cum Susanna, Johannis Comitissæ Nassovio-Saræpontani, Walramianæ lineæ, desponsatus est filia A. 1469. In dotem promissi sunt sponsæ decem mille

Tom. II.

O o 2

(f) In eodem loco alleg. p. 1003. PONTUS HEUTERUS *Rerum Austr. Lib. III.* Cap. XI. erronee Christophorum tum cecidisse scribit.

(g) Monumenti ejus sepulchralis inscriptio hæc est „Anno Domini 1488. X. Cal. Aug. Illustris Princeps Dominus Albertus, Marchio Bad. in expeditione contra Brugenfes liberandi Rom. Regis gratia in oppugnatione oppidi Damm jactu lethiferi tell. mortem obiit.„ HERZOG. *Chron. Alsat. Lib. VII.* pag. 36. indicat Sapidus Stieflad. *Consolationem de morte Alberti, Marchionis Badensis, ad Guilielmum Botcklin, præfatum Rubicaquensem.* Tractatus hic A. 1544. impressus est Argentorati, ubi Sapidus floruit. ГЕССЕН. in *Biblioth. p. 404.*

ALBERT.

floreni Rhenenses. (h) Sponsalia, interveniente Alberti morte, caruerunt successu. Johanni Seniori, Comiti Palatino Simmerensi, Friderici filio, dein nupsit Susanna.

(h) Charta extat in Tabulario Bada-Badensi.



## CAPUT III.

## FRIDERICUS

## EPISCOPUS ULTRAJECTENSIS.



## §. I.

Fridericus filius Caroli I. Marchionis, (a) Friderici  
frater Christophori, natus d. 8. Jul. institu-  
tio.

A. 1458. a tenera ætate literis imbutus  
est. Altiora tractaturus, invisit Lute-  
tiam, ubi illustri præceptore, Heinlino  
de Lapide, (*von Stein*) Germanicæ originis viro, Doctore Sor-  
bonico, humaniorum literarum restauratore, est usus. Heinlinus

Oo 3

---

(a) P. CORNELISSONIUS BOCKENBERGIUS GOUDANUS, in *Histo-  
ria Pontificum Ultraject.* num. 56, errat, quando Fridericum Adelberti  
Reguli Badensis filium adpel'at.

FRIDER.

cum Guilielmo Ficheto, Priore Sorbonico, politioris quoque literaturæ cultore, bonas artes promovit, eumque in finem Ulricum Gering Constantiensem cum sociis vocavit Lutetiam, ut Typographiam in Sorbonæ Domo institueret, quod ante A. 1470. factum. (b)

## §. II.

Canon-  
icatus.

Friderico juveni, Ecclesiæ dicato, in Cathedralibus Germaniæ Templis honores assatim decreti sunt. Colonienfis Ecclesiæ thesaurarii ei detulit munus. Moguntini, Trevirenses, Ultrajectenses Ecclesiarum suarum constituerunt Canonicum. (c)

Gesta va-  
ria.

In patris sui, Antistitis Trevirensis, aula frequenter versatus, Confluentiæ præfens fuit conventui, in quo Confluentini rebelles A. 1483. interventu Trevirensis Capituli Archiepiscopo Principi suo reconciliati fuerunt; (d) quem etiam quadriennio post ad Comitia Norimbergensia comitatus est. (e) Sed & Fridericus

(b) CHEVILLIER *Origins de l'Imprimerie de Paris* p. 31.

(c) SERARIUS *Rerum Mogunt.* Tom. II. pag. 339. Canonieatum Moguntinum Fridericus A. 1479. suscepit.

(d) HONTHEMIUS *Hist. Dipl. Trevir.* Tom. II. p. 467. & 470.

(e) FUGGER. *Specul. Austr.* Lib. V. Cap. 34. p. 954.

rico Cæsari carus, copias contra Brugeses ducentem, cum duobus fratribus sequi non destitit. (f)

## §. III.

Davides, Philippi Boni, Burgundiæ Ducis, filius natura-  
lis, Ultrajectensium Episcopus, A. 1496. decessit. Fridericus no-  
ster (g) commendatione Cæsaris Maximiliani die XIII. Maji suc-  
cessor electus est Bredæ. (h)

Decimo octavo post electionem die quingentis equitibus & magna procerum corona stipatus venit Trajectum. Aderat patruus, Johannes Trevirensis, cum Christophoro Marchione, Luxemburgici Ducatus Gubernatore. Novus Antistes patrum inter & fratrem medius equo vehebatur Fridericus. Ab Ultrajectinis

(f) PONTUS HEUTERUS *Rerum Austr.* Lib. III. pag. 91. & FUGGER. loco alleg. Cap. 36. p. 999.

(g) WILHELMUS HEDA in *Hist. Episcop. Ultraject.* pag. 315. Philippum, fratrem Ducis Clivenfis, a quibusdam ei oppositum fuisse scribit. Alii hoc silent.

(h) SUFFRIDUS PETRI in *Appendice ad Chronica Johannis de Beka* p. 165. MAPPII *Annales Juliae Et Montium* Tom. II. p. 72. PETRUS MERSAEUS CRATEPOLIUS in *Catalogo Episcoporum Ultrajectensium* §. 75. LE PETIT *Chronique de Hollande, d'Ulrecht, &c.* Tom. I. Liv. VI. p. 611. Carolum quoque Geldriae Ducem Friderico nostro dedisse suffragium scribit PONTANUS *Hist. Gelrica* Lib. XI. p. 602.

FRIDER.

honorifice exceptus, tertioque post mense confirmatus a Papa, more majorum inauguratus est mense Septembri; (i) pedo Episcopali dignissimus Princeps, sed & dignus, qui in tranquilliora Belgii incidisset tempora; omni regiminis sui tempore turbis bellicis agitatus; nunc a ferocibus Frisiis; nunc a furente illo Carolo Geldro; nunc a vicinis Dynastis, ad arma induenda proclivibus.

## §. IV.

Turbæ  
Wischia-  
næ.

Initium earum in Transsalaria reperimus. Fridericus in Episcopatu biennium nondum exegerat, quum Henricus, Wischii Dynasta, (k) filius Johannis, in Zutphaniæ Comitatu<sup>9</sup> injurias, sibi & majoribus a Transsalaris illatas, vindicaturus, quatuor mille milites, qui sub Alberto, Saxonie Duce, Frisæque Gubernatore, nuper stipendia meruerant, rerum suarum incertos, A. 1498. collegit, belloque Daventriæ, Campenæ & Zwollæ civitatibus denunciato, (l) incendiis, rapinis, exactionibus vastavit provinciam. Fridericus laboranti provinciæ præstiturus auxilium,

(i) WILHELMUS HEDA loco alleg. REVIVUS in *Historia Urbis Davent.* Lib. II. p. 154.

(k) S. LICHTENHORST in *Geldersche Geschiedenissen* Lib. XI. pag. 310. vocat eum *Heer van Wisch*. Scribitur etiam *Wis*, *Wies*.

(l) Diffidationis Wisianæ formulam exhibet REVIVUS loc. alleg.



auxilium, cum Carolo, Geldriæ Duce, fœdus percussit, cui Neomagus, Zutphania, Arnhemium atque Transisalanæ civitates accesserunt. (m) Collectis sociorum copiis, deventum ad prælium; cui Episcopus ipse cum Carolo interfuit. Wischiani victi, in vicinas regiones dilapsi sunt fuga. Fugientes Episcopus ad Cliviæ portas usque persecutus est. Daventriam redux, captivos affecit supplicio. (n)

## §. V.

Wischianam tempestatem excepit Clivenfis. Johannes Cliven<sup>ses</sup>. Cliviæ Dux Civitati Ultrajectinæ, cum Davide Episcopo suo bellum gerenti, magnam pecuniæ summam mutuo dederat, cujus solutionem Civitas variis ex causis denegavit. Clivenfis solutionem non impetrans, sine prævia clarificatione, Ultrajectinam ditionem aggressus est bello, Rhenamque oppidum occupavit. Inde progressus, Ultrajectum, provinciæ caput, obsidione vallavit; atque exustis pomæriis ejus reversus est Rhenam. Fridericus, militibus Ducis in suas partes pertractis, ipse in Clivensem Ducatum irrupit, pluribusque arcibus occupatis, ferro & flammis cuncta vastavit. Bellum ne serperet latius, Christophori Marchionis & Wilhelmi Juliaci Montiumque Ducis intercessit auctoritas. Hi

Tom. II.

P p

(m) Tabulas hujus fœderis exhibet REVIUS Lib. II. p. 159.

(n) Idem REVIUS pag. 160.

recepto in se pacis arbitrio, Præfulem inter atque Clivensem conciliarunt inducias. Sylvæ Ducis & paulo post Coloniz actum de pace. Præter Badensem & Juliacensem, sequestres, Ultrajectinus quoque Præsul & Johannes Clivensium Dux V. Idus Maji A. 1500. comparuerunt Coloniz; ubi res præcipuæ terminatæ; per arbitros reliqua mox transactione composita. (o)

## §. VI.

Grœningenses.

Wischianas & Clivenses turbas Grœningenses secutæ sunt. Maximilianus Imperator A. 1498. Albertum, Saxoniz Ducem, ob insignia ejus in Domum Austriacam merita, hereditarium Frisiz Gubernatorem creaverat, malo exemplo. (p) Frisii, libertatis tenaces, novum omne respuerunt imperium. Grœninga inter Frisiz civitates tum extulerat caput; commerciis & fœderibus potens, quæ extrema pati, quam in Saxonis verba maluit jurare. Ab antiquis temporibus illa partem diœcesis Ultrajectinæ constituit. Præter sacerdotii jura præfecturam suburbanam Præ-

---

(o) PONTANUS *Hist. Geldr.* Lib. XI. REVIUS *Hist. Daventr.* Lib. II. pag. 161.

(p) UDO EMMIUS in *Hist. Rerum Friscar.* Lib. XXXVII. pag. 562. Ad-dita conditio, ut Austriacis provinciam hanc solutis CCCL. millibus suorum repetendi jus esset.

fules aliaque plura per urbem exercuerant, quæ civilibus quandaque turbis anſam præbuerunt. (g)

Fridericus Maximiliani Cæſaris, Saxonem fovētis, auctoritate permotus, amica conventionē ſibi & Grœningenſibus proſpicere ſtudit. Sed Ezardus Orientalis Friſiæ Comes, A. 1499. adverſus Grœninganos duxit exercitum; Alberti Saxonis imperio ut civitatē aſſereret. Saxonem Antiſtes noſter ſubinde convenit; fruſtra tamen ſemper laboratum de pace. Grœninga Alberto denique fuit fatalis. A. 1500. enim obſidens urbem ejusque ſitum incautius examinans, ſclopeti icſtu ſauciatus, ex vulnere periit; Georgio filio ſucceſſore relicto. Tum vero vehementius a Grœninganis continuatum eſt bellum. Interventu Friderici quidem triennales cum Georgio Saxone & Edzardo Comite A. 1501. induciæ ſunt initæ. Quin & apud Philippum Archiducem Gandavi de pace tractatum, ſed irritō conatu. Cæſar enim A. 1505. in gratiam Saxonis Grœningenſes proſcripſit, literiſque Argentina datis Friderico injunxit, ut ſacra juridiſctione contentus, ſuas ſibi res habere Grœningenſes permitteret. (r)

Tom. II.

Pp 2

(g) UBBO EMMIUS in *Hiſtoria urbis Groningæ* p. 18. ſqq.

(r) Literæ VI. Kal. Octobr. datæ extant apud PONTUM HÆUTERUM *Rerum Auſtr.* Lib. VI. p. 146.

## §. VII.

Conven-  
tus Hat-  
temensis.

**P**hilippum denique Bruxellis convenit Antistes. Conven-  
tus eodem anno institutus Hattemi; ad quem Cæsaris Castellæ  
Regis ac Grœninganorum legati convenerant. Minacibus verbis  
Grœninganos aggressus est Cæsaris legatus; urgens eos, ut se sua-  
que omnia Saxonis permitterent fidei. Antistes placide graviter-  
que Trajectensis Ecclesiæ in Grœningam jura & antiquas Cæsarium  
donationes allegavit; sperare se addens, Maximilianum non viola-  
tuum ea, quæ ab antiquis constituta Cæsaribus; nec illustribus  
familiiis sua erepturum, ut Saxones ditet. Quodsi tamen Cæ-  
saris animo firma hæc sententia sedeat, non tam degeneri sangui-  
ne sese ortum adjecit, qui injuriam, Episcopatus suo illatam, æquo  
animo perferat. Cum Grœninganis tamen egit, ut Ommelan-  
diam, agri sui partem, in quam Cæsar & Imperium sibi jus vin-  
dicabant, relinquerent Saxoni; quod Grœningenses recusarunt.  
Fame denique & præliis domiti, ab Antistite Ultrajectinis, a  
Transisalanis deserti, Embdanum Comitum Edzardum A. 1506.  
certis conditionibus receperunt in urbem.

## §. VIII.

Friderici  
ad Pontif.  
querelæ.

**F**ridericus a Cæsare rejectus, apud Summum Pontificem  
de injuria sibi facta conquestus est. Pontifex Lovanii tres judices

nominavit, qui re examinata contra Edzardum & Grœninganos pro Præfule tulerunt sententiam. Edzardus & ipse ad Pontificem provocavit. Lis Romæ protracta. Grœningenfes ab Edzardo in Caroli Geldriæ Ducis & ab eo denique A 1536. in Caroli V. Cæfaris ditionem tranfierunt. (s)

Saxo iuribus fuis in Frifiam, jam A. 1515. accepta ab Auftriaci pecuniæ fumma, renuntiaverat. (t)

### §. IX.

Durantibus Grœningæ turbis, bellum Geldricum erupit. Bellum Geldricum L  
 Philippus Auftriacus & Geldriæ Dux Carolus ob Oyæ castrum & alia inter fe diffidentes, Fridericum noſtrum, tradita ei arcis custodia, arbitrum conſtituerunt. Utroſque ille non ſemel mo-

Pp 3

(s) Singula hæc late exponit UNROEMMIUS in *Hiſtor. Rerum Friſicar.* Lib. XXXVII. & ſeq. & in *Hiſtor. Urbis Groningæ* pag. 12. ſeqq. PONTANUS in *Hiſtoria Gelrica* Lib. XL. PONTUS HEUTERUS *Rerum Auftr.* Lib. V. VI. & VII. REVIVS in *Hiſtor. Davent.* Lib. II. WILHELMUS HEDA in *Hiſtor. Episcoporum. Ultrajectenſ.* pag. 316. ſeq. HARRÆUS in *Annal. Ducum Brabantiae* Tom. I. p. 498. ſeqq.

(t) Georgius Saxoniae Dux Frifiam Carolo V. Imp. dimittens, nonniſi centum millia florenorum Rhen. ſolvendis militum ſtipendiis accepit. Charta extat in UNROEMMII *Hiſtor. Rerum Friſicar.* Lib. XLVIII. p. 742.

nuerat, custodiæ castri ut perfolverent sumtus. Cornelius Septimontius (*Sevenberg*) (u) Oyam arcem A. 1503. ex improviso occupavit, eamque Philippo, Belgii Principi, tradidit. Nata hinc belli Episcopum inter Geldrumque occasio. Ille Cuneram, Aldensaliam, Diepenhemium, oppida, a Geldris capta, recuperavit, atque in Zutphaniam & Velaviam irrumpens, arcibus deletis & regione circumquaque vastata, cum ingenti præda Daventriam reversus est. Trajectenses in omni hoc quiescentes bello, illud denique composuerunt. (x)

Solvendis belli sumtibus, precariam Hollandico, Zelandico, Friscoque Clero collectam indixit Episcopus. Recusavit Clerus ad Summum Pontificem provocans. (y)

Alexander VI. aliam impensas solvendi viam initurus, ecclesiasticam noxarum veniam per Belgium omne & Ultrajectinam ditionem jussit annunciari, paulloque post (1503) diem obiit fu-

(u) Cornelium hunc *Sevenbergæ* præfectum vocat HEDA in *Hiflor. Epifcopor. Traject.* pag. 316. At PONTANUS *Hifloriæ Gelricæ* Lib. XI. pag. 624. & SLICHTENHORET Lib. XI. pag. 317. Graviæ præfectum adpellant.

(x) PONTANUS & HEDA locis alleg. PETIT *Chronique de Hollande* Tom. I. pag. 621. REVIUS *Hiflor. Daventr.* Lib. II. p. 164.

(y) SUFFRIDUS PETRI in *Appendice ad Johannem de Beka* p. 169.

premiū.<sup>z</sup> Pecuniam, a quæstoribus collectam, in Diœcesi sua Fridericus; reliquam Maximilianus Cæsar retinuit. (z)

## §. X.

Inter hæc Philippus Austriacus, Belgii Princeps, contra Philippo Austr. Geldr. as-  
Carolum, Geldriæ Ducem, arma paravit, avitum ei erepturus  
Ducatum, quem nuper, a Gallis adjutus, recuperaverat, uti su-  
pra ostensum. In Ratisbonensibus Comitibus Maximilianus A. 1504.  
Ducem proscriptit, ac Friderico Badensi litteris, d. XIV. Sept. da-  
tis, injunxit, ut pertinacem hunc hostem nullo modo juvaret. In  
Geldrum ergo magno cum exercitu Archidux progressus est Phi-  
lippus, eique Fridericus noster, Cæsareis obsecuturus mandatis, in  
castris ad Arnheimium hærenti, peditum equitumque copias non  
leves adduxit. Geldrus tantis viribus impar, pacem petiit sup-  
plex, quam Friderico interveniente impetravit. (a)

Sed Archidux Philippus, mortua Isabella focru, eodem  
anno solium Castiliæ conscendens, vix in Hispaniam abierat,  
cum spreta pactione Geldrus rediit ad bellum. Post quadrien-

(z) REVIUS Lib. II. p. 168.

(a) PONTANUS Lib. XI. pag. 615. 619. seqq. REVIUS Lib. II.  
pag. 165. 169. LE PETIT *Chronique de Hollande* Tom. I. Lib. VI.  
pag. 646.

FRIDER.

nium res denique Cameraci transacta. Transactioni Ultrajectensis Antistes quoque fuit inclusus. (b)

## §. XI.

Bellum  
Geldri-  
cum II.

Perstitit tamen in animo Geldri vindictæ cupido, quod cum Austriacis arma nuper contra eum Præsul conjunxit. Unde pace vix facta, (1508) Cuneram, Transfalanianæ castrum, in superioris Ultrajectinæ Diocesis Frisiæque finibus, haud ita pridem ab Episcopo emtione acquisitum, occupavit, litterisque ac ordines Transfalanianæ datis, tantisper id se retenturum professus est, donec Oyæ Castrum ipsi restitueretur. Episcopus e vestigio quoque militem apud Campenses conscripsit; Geldrisque ejectis, arcem recuperavit.

Rebus ita in dubio constitutis, contigit, ut bis mille milites, qui Danorum Regi adversus Lubecenses stipendia fecerant, confecto bello, redeuntes, ad Geldriæ adpellerent oras. Hos Carolus Dux adversus Fridericum conduxit atque sacramento adactos, in Transfalanam ditionem immisit, Henrico quodam de Groote ductore; qui non Geldri, sed suo nomine (A. 1509.) bellum denunciavit Episcopo. Geldrus anno sequente cum omnibus copiis sese

---

(b) PONTANUS loco alleg. p. 639.



sele Grotio junxit; atque in Transisalaniam omnem effusus, ingentes circumquaque rapinas egit; Aldensaliam, Diepenhemium, Goram aliaque loca expugnavit. Daventria quoque tentata, scholarium, qui se civibus junxerant, virtute servata est.

A. 1510. Fridericus, receptis Transisalaniae oppidis, vicissim in Velaviam omnem atque Zurphaniam irrupit; caedibus & incendiis omnia complens. Initae tandem circa festum Martini induciae; anni sequentis initio convertendae in pacem. (c)

## §. XII.

Pax antequam componeretur, Ultrajectenses, qui alieno jam pridem fuerant in Episcopum animo, ad Geldriae Ducem <sup>Turbæ</sup> <sup>Ultraject.</sup> de-  
flexi, tutelam Civitatis ei sponte obtulerunt. Conditione hac Dux cupide usus, occupat urbem, praesidiis munit, cudit mone-  
tam, aliaque Episcopi per urbem jura exercet. IJelsteinium tum quoque ab Ultrajectinis occupatum; cujus Dynasta, Florentius Egmontanus, superiore bello militaverat Friderico. At A. 1512. omnis haec Ultrajectensium cum Episcopo suo controversia sopita est; auctoritate Margarethae, Maximiliani Caesaris filiae, qui pru-

Tom. II.

Qq

(c) PONTANUS loco allegat. p. 641. REVIUS Lib. II. p. 177. & seq.

FRIDER.

derivissimæ Principi, Caroli nepotis sui nomine, totius Belgii curam commisit. (d)

Ita per omne illud tempus, quo Ultrajectensem Episcopatum rexerat Fridericus Badensis, nunquam cessatum ab armis. (e)

## §. XIII.

Episco-  
patu de-  
cedit.

Tot laboribus ergo & ærumnis consumptus, tranquillior denique vitam acturus, cogitare cœpit, qua ratione, intercedente Gallie Rege Francisco I. Ultrajectinam cum Metensi permutare posset Ecclesiam. Rex nuntium, ab Episcopo missum, benigne audiuit Lugduni. Fridericus ipse, sub specie visendi fratris Christophori Marchionis, in Germaniam superiorem se contulit, opportunius cum Francisco ut communicaret consilia. In

(d) HEDA in *Hist. Episcoporum Ultraject.* p. 317. PONTANUS *Hist. Gêr.* p. 642. REVIUS *Hist. Daventr.* p. 186. sqq.

(e) REVIUS p. 127. sqq. longam turbarum intestinalium nescit historiam, quæ ab A. 1512. Præfulem vexarunt. HEDA loco alleg. pag. 317. horum motuum causam fuisse dicit, quod Fridericus omnia sine auctoritate collegiorum, ipsisque inconsultis, egerit, exteros tantum in consilio & administratione rerum admittens, raro aut numquam se sacris immiscens. Verum originem mali in intestinis potius querendum esse factionibus, quæ jam ante Friderici tempora apud Ultrajectenses viguerunt, egregie docuit LAMBERTVS HORTENSIVS *Rerum Ultrajectinar.* Lib. I.

cathedra tum Metensi sedebat Johannes, Renati II. Ducis Lotharingæ & Philippæ, quæ Caroli, Geldriæ Ducis postremi, foror erat, filius; quo ad Ultrajectinum Episcopatum evecto, res Gallicæ in Belgio non leve incrementum accepturæ videbantur; fœderatus Gallorum quod fuerat Geldriæ Dux.

Imperator & Carolus Archidux, perspecto Friderici animo, nunc minis, nunc precibus apud eum egerunt, ut Metensis Ecclesiæ obtinendæ consilium dimitteret, atque Episcopatum Ultrajectinum Principi, Austriacis fido, relinqueret; annua pensione contentus. Paruit tantis suavoribus Fridericus atque Philippi Boni, Burgundiæ Ducis, filium, qui Davidis, decessoris Friderici, frater erat, Austriacis gratum, sibi successorem nominavit. (f) Res A. 1515. tractata, sed ob dissensum Geldriæ Ducis, Ordinumque Trajectensis Ecclesiæ, nonnisi post biennium perfecta est. (g)

Tom. II.

Qq 2

(f) HEDA loco alleg. p. 318. PONTANUS Lib. XI. p. 683. ROBERTI *Gallia Christiana* p. 186.

(g) PONTANUS pag. 676, Idibus Maji A. 1517. Episcopatu decessisse Fridericum refert. Cessionis hujus historiam latissime persequitur REVIUS in *Hist. Daventr.* Lib. II. p. 198. LAMBERTUS HORTENSIUS *Reverum Ultrajectinarum* Lib. I. p. 5. breviter rem exponit his verbis: „Fridericus Badensis Marchio post hunc (Davidem) Episcopus nihilo fe-

## §. XIV.

Obitus.

Fridericus, Episcopatu deposito, pristina quoque Antistitum sede Durostadio, (*h*) ubi Rhenus Licum emittit, relicta, Lieram Brabantiae transtulit sedem, ubi paucos post menses decessit die 24. Septembr. A. 1517. cum per totos XX. annos turbidis Trajectensium rebus praefuisset; necessitate magis, quam indole bellax.

Sepultura.

Liera corpus ejus devectum est Badam majorumque sepulcro in Collegiatae Ecclesiae Choro illatum, (*i*) ubi monumentum aeneum, imaginem ejus exprimens, hodieque comparet.

- 
- „ licius obscuris factionibus aliquamdiu fatigatus, cum videret se inter sacrum & saxum medium versari, Davidis exemplo territus, simul ut reipublicae quieti consulere, homo placido modestoque ingenio, pacis tranquillitatisque amator, dignitatem in Philippum Davidis fratrem, per id tempus maris praefectum, rejecit. „
- (*h*) Batavodurum apud veteres. *Hodie Wyck te Duerstat.* Medio aeo *Dorestat*, ubi Carolingorum nummi plures sunt cusi. Trajectenses Episcopi ibi habitare solebant.
- (*i*) HEDA pag. 319. GERARDUS NOVIOMAGUS in *Catalogo Trajectensium Episcoporum* num. 56. & P. CORNELISSONIUS BOCKENBERGIUS Goudanus in *Brevi historia Pontificum Ultrajectynum* num. 56. corpus Friderici Badam translatum fuisse scribunt.

## §. XV.

WILHELMUS HEDA, *Canonicus Ultrajectinus, coæ-* Mores.  
taneus testis, mores Friderici nostri his verbis exponit: (k) „ Fri-  
„ dericus Episcopus paternum genus ex Domo Badensi, mater-  
„ num vero ex Austria, hoc est, Friderici Imperatoris sorore  
„ ducens, vir omni virtute præditus, nisi quod sacris se raro  
„ immiscuit; affabilis, benignus & comis, magnificus in armis  
„ ac splendida mensa. „

Alio loco (l) hæc addit: „ Fuit haud dubie princeps cor-  
„ datus, specimen alti sanguinis, unde erat, præ se ferens. Nam  
„ provocatus, etiam impari fortuna, intrepidus, arma non de-  
„ tractavit assumere, in rebelles acer, clemens in victos, sua-  
„ pte natura humanus atque affabilis, aulicos ac famulitium et-  
„ iam infimum decenti vestitu ac Germanico more abunde opi-  
„ pareque enutrients &c. Præterea, sicuti mos est omnibus  
„ Germanis, auri atque æris percupidus, ultra quam convenie-  
„ bat Principi &c. Legationes atque Prælatos magnifice exci-  
„ piebat, venerabatur Clerum, & quotiens aliquis ex causa ad

Qq 3

(k) Pag. 315.

(l) Pag. 319.

FRIDER.

„ Dorestatum confluebat, illum excipiebat mensa &c. Amabat  
 „ pacem se averfantem. (m) Etiam Ecclesiæ suæ non spernen-  
 „ da ornamenta pro sacris mysteriis obeundis contulit &c. „

Hæc de Alberto & Friderico Christophori fratribus. Nunc transeundum ad filios. Ex his Jacobus & Philippus sine posteris obierunt; Bernhardus atque Ernestus genus propagarunt Badense. Duos priores huic Tomo inferimus. Duos posteriores cum lineis suis Bada-Badensi & Bada-Durlacensi ad nostra usque tempora Tomus III. exhibet.

---

(m) HADRIANUS BARLANDUS in *Catalogo Episcoporum Ultrajectensium* num. 56. Fridericum pacis atque otii amantissimum vocat.



## CAPUT IV.

J A C O B U S I I

ARCHIEPISCOPUS TREVIRENSIS.



## §. I.

rimogenitus Christophori filius Jacobus, die 6. Junii A. 1471. in lucem editus, ob excellens ingenium, Friderici Imp. & Maximiliani Romanorum Regis consilio, Ecclesiae se mancipavit & Musis. Cum Bernhardo & Ernesto, fratribus suis, Bononiae Scholam adivit; illustris eo tempore Philosophi & Oratoris, Philippi Beroaldi, usus doctrina.

Jacobus Bononiae vacat literis.

Hic aureum illud *de felicitate* opusculum scripsit instinctu Jacobi, eidemque illud adscripsit; virtutes ejus Domusque splendorem & antiquitatem mire extollens. „Hæc stemmata, inquit, tam clara, tam splendida, non te insolentem reddunt,

A Beroaldo laudatur.

JACOB. II.

„ ut multos, sed comem, assabilemque præstant, ut paucos, si-  
 „ tientemque Literaturæ istius politioris, cujus nos jam pridem  
 „ sumus Professores. „ Paulo post addit: „ Voluisti, ut do-  
 „ mus tua nova quasi quædam me ductore & doctore Academia  
 „ efficeretur. „ Jam ante dixerat Beroaldus: „ Tu vero, Cla-  
 „ rissime Jacobe, in amplissimis fortunarum bonis positus, im-  
 „ peratorio stenimate præfulgens, inter opes Principales indul-  
 „ genter enutritus juvenis, imo adolescens adhuc studia littera-  
 „ rum sitienter amplexaris, doctos foves, dasque jugiter ope-  
 „ ram, ut natalium tuorum splendor eruditione magis magisque  
 „ illustretur. &c. Degis hic (Bononiæ) nitide & magnifi-  
 „ center, famulicio copioso, comitatu decentissimo, cultu splen-  
 „ didissimo monstrabilis - - - Agis prorsus Principem,  
 „ maximique Principis filium. „

In fine Opusculi laudes Jacobi his repetit verbis: „ Tres  
 „ nuper quoque regulos Badenses, lautos, magnificos, probos  
 „ dedisti, Germania; inter quos Jacobus enitescit lingua, dex-  
 „ teritate, comitate, cultu, mundiciis, nitore, victu clarus,  
 „ munificus, potens, disertus: splendorque & còlumen Scho-  
 „ lasticorum. At Germania præpotens alumnos ad nos confi-  
 „ niles subinde mitte. „



## §. II.

Aliquantum temporis Bononiæ humaniores litteras quum <sup>Iter ejus</sup> tractasset Jacobus, induxit eum Johannes, propatruus ejus, Elector, <sup>Roma-</sup> <sup>num.</sup> ut commendatione Maximiliani, Romanorum Regis, & Christophori patris munitus, Romam ad Innocentium VIII. Pontificem iter susciperet. Perhumaniter ab eo exceptus est Jacobus. Diserta oratione adventus sui causam quum exposuisset Pontifici, atque patrocinio ejus sese commendasset, (a) raram adolescentis indolem & *suavissimum ingenium honestissimosque mores* admiratus Pontifex summo eum favore gratiaque complexus est; *filium* amanter appellans. (b) In Moguntina, Trevirensi & Salisburgensi provinciis tria ei reservavit beneficia. (c) Rectoralem Salisburgensis diocesis Ecclesiam Serkirchen, quæ tunc vacabat, d. VI. Id. Julii ejusdem anni contulit Jacobo. (d) Romæ cum ageret, ve-

Tom. II.

R r

(a) Orationem hanc exhibet MÜLLERVS *Rastad. in Diario Itineris Jacobi* apud WIMPFFELING. in *Append. ad ARNEAE SYLVII Germaniam.*

(b) Vide litteras Cardinal. Andegav. ad Christophor. March. in *Diario allegato.*

(c) IV. Kal. Febr. A. 1490.

(d) MÜLLERVS in *Diario alleg.*

JACOB. II.

teris Romæ curiosus, quam sollicitè perferutatus est, duos Monumentorum libros congeffit, quorum mentionem faciunt BROWERUS (e) atque JUNGLERUS. Jacturam eorum non sine causa dolemus. (f)

Diarium  
itineris.

Itineris sui Comitem habuit Jacobus Johannem de Berwangen, Hachbergensis Provinciæ præsidem; cui pater Magistrum Adamum Fry, Ecclesiæ Badensis Cantorem, atque Johannem Mullerum de Rastetten, Juris utriusque Doctorem & Decanum Badensem, adjunxerat. MULLERUS Romanum Jacobi iter brevi consignavit Diario, cui Pontificis, Cardinalium, Frederici & Maximiliani Cæsarum atque Christophori Marchionis literas inseruit.

## §. III.

Pontificis de eo  
testimonium.

Relicta denique Roma Jacobus A. 1490. reversus est domum cum literis, quas Pontifex ad Christophorum rescripsit. In illis inter alia Innocentius ait: „ Visus est nostro testimonio & „ commendatione dignissimus. Nam ita se in hac Curia gessit, „ & tam laudabiliter versatus est, ut ab omnibus maxime laudari meruerit, & nos non potuerimus virtutis ac morum ejus

(e) *Annal. Trevir.* Lib. XX. pag. 320.

(f) JUNGLERUS eos laudat; at nunquam se vidisse testatur.

„ tuæ magnificentiæ testimonium non perhibere. „ Hortatur denique Marchionem, ut ad ampliora dignitatis præmia consequenda, filium in Italiam quamprimum remittat. (g) Propensior in statum secularem tum videbatur Jacobus. At vacillantem pater in priore firmavit proposito.

Alterum ergo eodem anno iter Romam suscepit Jacobus; postquam Maximilianum, Romanorum Regem, adversus Hungaros copias ducentem, invississet. Ab eo & Friderico IV. Imp. amplissimas ad Innocentium Pontificem literas denuo obtinuit, in quibus apud Pontificem Jacobo se usurum esse legato professus est Cæsar. (h)

Iter Rom.  
Ibidum.

## §. IV.

Jacobus ab altero itinere Italico circa A. 1493. in Germaniam redux, ab Archiepiscopo Trevirensi consentiente Alexandro VI. Adjutor assumtus; triennio post, vigesimum quintum ætatis annum vix egressus, Imperialis Cameræ constitutus est Judex.

Fit Cond-  
jutor  
Trev. &  
Judex  
Cam. Imp.

Tom. II.

R r 2

(g) Extant litteræ apud MVLLENUM loc. alleg.

(h) Confer vitam Johannis Archiepiscopi, quam supra exposui, ad A. 1493. & Bellam Julii II. Pont. apud HONTHEM. *Hist. Trevir. Diplom.* pag. 569.

JACOB. II.

Cameralè Imperii Judicium A. 1495. die 31. Octobr. Francofurti cum aperuisset Cæsar, Eitelio Friderico, Zolleræ Comiti, præsidium commisit. Zolleranus dignitatem die 9. Dec. A. 1496. resignavit Jacobo. (i)

Fit Elector. Trevirensis.

Mortuo patruo Jacobi, Electore Trevirensi, A. 1503. inter Canonicos ortum est schisma; aliis Georgium, Comitem Palatinum, Ecclesiæ Moguntinensis Præpositum, aliis Jacobum nostrum, quem jam antea probaverant, successorem eligentibus. (k) Bellum intestinum imminere videbatur. Sed Maximiliani Cæsaris, summique Pontificis Alexandri VI. auctoritate res fuit composita. Georgius tiaram reliquit Jacobo, qui in Comitibus Haguenensibus A. 1505. V. Id. April. a Cæsare investituram accepit; cum jam biennio ante Conventui Electorum Francofurtano interfuisset, in quo Unioni Electorali accesserat. (l)

(i) L. B. DE HARPPRECHT *Staats-Archiv des Cammergerichts* Part. II. p. 49. & 214.

(k) *Gesta Trevirorum* Cap. 171. in HONTHÉMI *Prodomo Histor. Trevir.* Parte posteriore pag. 857. TRITHÉMIUS in *Chron. Hirsang.* ad A. 1503. ROBERTVS in *Gallia Christiana* p. 162. male Jacobum A. 1505. demum patruo successisse refert.

(l) MÜLLER. sub Maximiliano I. Part. II. Cap. 7. & HONTHÉMI. *Histor. Trevir. Diplom.* Tom. II. pag. 564. ubi unionis illius tabulæ extant.

## §. V.

Eodem anno celebrata sunt Coloniae Agrippinae Comitiz, <sup>Gesta</sup> in quibus cum Nuntio Apostolico latine, cum Hispanico, Galli- <sup>ejus.</sup> co, Venetoque Legatis sermones, in sua cujusque lingua, instituit, (m) atque Palatino-Bavaricas lites terminare quovis modo allaboravit. In iisdem Comitibus obtinuit Elector, Imperialium Civitatis Trevirensis tributorum pars minuendae portioni suae ut ferviret in posterum. (n)

A. 1507. Constantiam ad Comitibus se contulit, quae Maximilianus I. indixerat, ut de Italico itinere & expeditione, quam meditabatur, Romana cum Ordinibus deliberaret. Multae ibi de Camera Imperii constitutae sunt leges, quibus alios inter Principes Jacobus subscripsit. (o)

A. 1508. Moguntiam se contulit ad Conventum, a Caesare indictum, qui locum tamen non habuit, Caesare aliis tum ne-

Rr 3

---

(m) IMHOFF. ex Melanchthone in *Notitia Procerum* Lib. IV. Cap. 8. §. 9.

TRITHEM. in *Chron. Hirsaug.* ad A. 1505.

(n) *Gesta Trevirorum* Cap. 186.

(o) BROWERVS *Annual. Trevir.* Lib. XX. p. 325.

JACOB. II.

gotiis distracto. (p) Jacobus, domum redux, Maximilianum I. Imp. Confluentiæ hospitem paulo post recepit; annoque sequenti in Wormatiensibus Comitibus, ubi de subsidiis, Cæsari contra Venetos præstandis, agebatur, (q) diffidia inter Civitatem & Episcopum Wormatiensem composuit.

Obitus.

At A. 1511. compositurus ea, quæ inter Coloniensem Magistratum & cives exarserant, decessit Coloniz; (r) in S. Florentii Ecclesia Confluentiæ sepultus.

---

(p) TRITHEM. in *Chron. Hirsaug.* ad A. 1508.

(q) Agit de Comitibus his TRITHEMIVS ad A. 1509. Ordines communitate ore Cæsari denegarunt subsidia, causati sumtus, quos in bellum Helveticum & in multiplicata Imperii Comitia fecerint; quodque Cameracense fœdus & Venetum bellum absque Ordinum consensu Imperator inierit.

(r) D. 17. Apr. Alii Confluentiam ponunt. BROWER. l.c. p. 326. & PETRVS MERSSÆVS CRATEPOLIVS in *Catal. Episc. Trev.* §. 101. naturali morte obiisse scribunt Jacobum. AVCTOR *Gestor. Trev.* Cap. 173. eum mortuum refert, „ cum aliquot diebus apud Coloniam Agrippinam infirmitate laborasset. „ At MELANCHTHON, & qui eum sequitur, IMHOFFIVS in *Notitia Procerum Imperii* Lib. IV. Cap. 8. §. 9. nec non DROLINGERVS in *Lexico Basil.* Art. *Jacobus* a futuro Confluentino interfectum tradunt; eique haud obscure adulterii crimen impingunt. Haud multum abludit AVCTOR *Chron. Hassiaci* Cap. 81. apud SECKEN-

## §. VI.

**P**roficuum Ecclesiæ suæ Antistitem fuisse Jacobum ex Mores.  
 iis, quæ diximus, satis elucet. Plura dispersa vel oppignerata  
 bona ad eam reduxit; patrui sui imitatus exemplum. Cum  
 Trevirensi Civitate litem super monetam & alia per Capitulum  
 composuit. (s) Princeps eruditus, qui Pontificibus, Impera-

---

BERG. in *Selectis Juris & Historiarum* Tom. V. pag. 508. seq. ictibus, a  
 pellione Confluentino illatis, eum obisse scribens; quem confutat  
 HONTHEMVS *Hisor. Trevir. Diplom.* Tom. II. pag. 584. TRITHE-  
 MVS in *Chron. Hirsang.* ad A. 1511. Jacobi mortem his verbis exponit.  
 „ Mortua est Jacobus ex Marchionibus de Baden, Archiepiscopus  
 „ Trevirorum, anno Pontificatus sui octavo, in florida ætate, nec-  
 „ dum annorum quinquaginta. Princeps nobilis, doctus & satis ad  
 „ regimen ecclesiasticum idoneus - - - - - cujus obitus quantum  
 „ contristaverit Christophorum patrem ejus, Marchionem Badensem  
 „ noverunt omnes, qui ejus sunt præsentēs contubernio. „

- (s) BROWERVS *Anal. Trevir.* Lib. XX. pag. 322. has lites exponit. In-  
 strumenta transactionis exhibet HONTHEM *Hisor. Trevir. Diplom.*  
 Tom. II. p. 575. seq.

toribus, Principibus propter facundiam & multiplicem doctrinam in delicio fuit.

Laudes ejus *Gestorum Trevir. AUCTOR ANONYMUS* his verbis enarrat: (t) „ Vir erat integer, benignus, liberalis, literis sufficienter imbutus, quas a Philippo Beroaldo accepit eratque præclari ingenii & excelsi animi, cujus suscipiendam & observandam beneficentiam idem Philippus non tacuit, - - - Principibus omnibus carus, Imperatori tam sanguinis affinitate, quam applicationibus dotibusque variis convinctus. Hoc uno idem Imperator Maximilianus se sapientiore & expertiore habere dicebat neminem, cui tutius regni Imperiique negotia crederet, cui singularius & specialius adhæreret. Jam erat excellentissimus Princeps & Archiepiscopus venerandus in opere, ut res patrias augmentaret, impignerata redimeret, tum ecce omnium rerum acerbissima mors præter spem & opinionem, inque totius Provincie dispendium illum invadit. „

In

(t) Cap. 173. in *Prodromo HONTHEMII Parte Posteri*: pag. 877. Add. K. V. RIANDER in *Annal. de Augusta Trevir.* Part. XV. pag. 217.



In eandem sententiam IRENICUS: (u) „ Alio, in-  
„ quit, me vocat Jacobus Marchio Badensis, quo nihil erudi-  
„ tius, sublimius, innocentius, præstantius, Germania produ-  
„ xit: omnibus virtutis numeris perfectus, in ejusdem (Trevi-  
„ rensis) Ecclesiæ Archiepiscopum abivit: robusto ac virili in-  
„ genio instructus, sive subita, sive meditata proferret, extem-  
„ porali facultate præditus fuit, ut tantum doctrinæ huic Beroal-  
„ dus noster præfiterit, quantum nec alteri, ut etiam elegan-  
„ tissimum de Philosophorum symbolo librum honori ejus divul-  
„ gaverit. Hunc ante diem acerba mors damnavit, quem post-  
„ quam numero viventium subtraxit, cœlestibus adjecit: Nec  
„ quicquam inter vulnera totius Marchionatus ingratus illius  
„ casu interciderere potuisset. Dum enim adhuc inter vivos con-  
„ stitit, omni virtute functus, tantos ingenii fructus, tantam de  
„ se spem dedit, qua feliciter pene tota patria nostra niteba-  
„ tur. XXX. ingressus annum in flore ætatis ab invidia fato-  
„ rum interceptus est. „

Tom. II.

Ss

---

(u) In *Excerptis Germaniæ* pag. 158.

---

Nummum ejus retulit HONTHEMIUS, (x) quem suo loco inter nummos exhibemus Badenses.

---


(x) *Hist. Trevir.* Tom. II, pag. 885. *Großchen - Cabinet* Tom. IV, Tab. X III.  
num. 112.



CAPUT

## CAPUT V.

## P H I L I P P U S I



## §. I.

ertiogenitus Christophori filius, excellen-  
tis ac floridi ingenii Princeps, Philippus  
A. 1479. d. 6. Nov. Domui Badensi da-

Philip-  
pus I.

tus; a teneris annis artibus pacis bellicae feliciter innutritus est.

Miliciam Gallicam sequebatur juvenis, uti Abavus olim, Expedi-  
tione Me-  
ducibus Aureliani addictus. Ludovici Aurelianensis stipendia-  
rium fuisse Marchionem Bernhardum, suo loco ostendi. Ludovi-  
cum XII. Galliae Regem, ejusdem Aureliae Principis nepotem, in  
Italica expeditione Philippus comitatus est miles; Mediolanensem  
Ducatum, patrimonium avitum, cum Rex armis quaesivisset.  
Errat enim sepulchralis epigraphes, in Collegiata Badensi Philippo  
positae, (a) anonymus auctor, qui Mediolani expugnationem

Tom. II.

Ss 2

(a) Inscriptio infra exhibetur.

PHILIP. I.

Carolo VIII. adscribit. Hic Ludovicum Morum, Insubriae Ducem, fovit, eique solium Ducale, quod usurpaverat, firmavit. Ludovicus XII. usurpatorem evertit & A. 1500. captivum in Galliam abduxit. (b)

## §. II.

Expedi-  
tio Tur-  
cica.

Anno sequente Galliae Rex omnes vires suas in Regnum Neapolitanum convertit, decessoris sui in illud regnum iura vindicaturus. Sed & eodem tempore Venetis, gravi cum Bajazethe II. Turcarum Sultano, bello implicitis, auxilia se missurum promisit. Armata tum XX. navium classis, eique praefectus a Rege Philippus Ravensteinius, Gubernator Genuensis; sub quo Badensis noster Philippus, XXII. annorum juvenis, militari cum imperio navim ducebat. (c) Classis haec ex Portu Telonienfi solvens, A. 1501. Genuam adpulit, assumptisque ibi militibus, celeri cursu Neapolim contendit. Ibi Ravensteinius Fridericum Neapoleos Regem, maxima regni parte a Gallis pulsum, adegit, ut Aenaria insula,

(b) CORIO *Historia di Milano* Parte settima. GVICCIARDINI *Hist. Ital.* Lib. I. JEAN D'AVTON *Histoire de Louis XII.* Cap. 32. & 38. seqq. Autonus hic ex Augustinianorum ordine nobilis, Ludovici XII. iussu historiam ejus scripsit, quam THEODORVS GODEFREDVS edidit Lutetiae 1620.

(c) JEAN D'AVTON Chap. 45. ita scribit: „Le Marquis de Bade estoit „Capitaine de la nef nommée le Marais. „ In Inscriptione sepulchrali parti classis dicitur praefuisse.

(*Ifchia*) quo confugerat, relicta, supplex in Galliam ad Ludovicum XII. Regem se conferret. (*d*) Neapoli Ravensteinus mense Augusto in Archipelagum Græciæ cursum suum direxit atque ad Melum (Milo) insulam cum Venetorum classe, cui Benedictus Pisaurus præerat, sese conjunxit. Inde communi consensu maris Aegei Asiæque minoris insulam Lesbum Galli Venetique petierunt, metropolin ejus Mitylenen, Turcarum propugnaculum, obsidione cincturi. Quo cum ventum esset, nondum expositis in terram copiis, erumpentes ex urbe Turcæ levibus proeliis Christianos lacefferunt. Badensis tum, juvenili ardore correptus, facta sibi a Ravensteinio potestate, cum exigua nobilium manu Turcas invadit, multos cædit, reliquos in fugam compellit. (*e*) Urbs graviter obfessa, sæpiusque oppugnata, capi tamen non potuit; dominantem urbi arcem strenue quod defenderant Turcæ. Ravensteinus Gallorum & Pisaurus Venetorum Duces, multis viris fortibus amissis, obsidionem solvere coacti sunt. (*f*) Similem fortunam ante hos XXXVI. annos expertus fuerat Justinianus Ursatus, Dux Venetorum fortissimus, qui ab ejusdem urbis

## Ss 3

---

(*d*) AVTON Cap. 56.

(*e*) AVTON Cap. 7. pag. 284. Idem Philippus in oppugnatione urbis fortiter dimicans, grave vulnus accepit. AVTON pag. 298.

(*f*) JUSTINIANVS *Histor. Venetæ* Lib. X. pag. 251. PETRVS BEMBRVS *Histor. Venetæ* Lib. VI. pag. 200. AVTON Cap. 72. LEVNCIAVVS *Annales Turcici* ad A. 1501.

oppugnatione, magna suorum clade rejectus est. (g) Galli deferentes Pisaenum cum classe discesserunt.

Finito hoc bello in Hispaniam abiit Philippus, Ferdinandum invisurus Catholicum; cujus filiam Johannam, Monarchiæ heredem, Philippus Austriacus duxit in matrimonium; nepos Friderici IV. Imperatoris; cujus sororis nepos fuerat Philippus noster Badensis.

## §. III.

Eber-  
steinen-  
sis.

In Germaniam redux, a Maximiliano I. Imp. amice exceptus est. In bello enim Palatino-Bavarico, Bernhardus, Ebersteinii Comes, Ruperto Palatino adhærens, cum eo quum fuisset proscriptus, Ebersteinensem Bernhardi Comitatus partem gratuita donatione Cæsar tradidit Philippo. Christophorus, Comitis amicus, filium induxit, ut omnem Ebersteinii Comitatum redderet Bernhardo, ut supra ostensum. Quin & Marchicam partem silvæ Gernsperg eidem Bernhardo in feudum masculinum contulit. Bernhardus Comitatum, hucusque divisum, in unum corpus indivisum collegit, eumque Marchioni communi consilio & jure possidendum regendumque concessit, pacemque per omnia castra, vicos & oppida Ebersteinensis Comitatus perpetuam, inivit; va-

---

(g) ANTON. SABELLICVS *Hystor. Rerum I'ntar.* Parte altera Lib. VIII. pag. 726. JUSTINIANVS Lib. VIII. pag. 153.

fallum, Consiliarium & Ministerialem Marchionatus se dixit. (*h*)

A. 1506. Wilhelmus de Hohenstein, Argentinenſis Episcopuſ, ſolenni majorum ceremonia cathedram ſuam occupaturuſ, quum urbem intraſſet, comes & amicus Episcopuſ Philippuſ interfuit pompæ. (*i*)

In diſpoſitione paterna omnem ille Marchionatuſ Badenſem, ut & Marchicam partem Comitatuſ Eberſtein, Dynaſtiarumque Gerolzeck, Malberg & Lahr accepit; patre ejus portionem augente, quod præ ſtratibus vi ingenii, atque prudentia ſingulari polleret.

#### §. IV.

A. 1521. a. 4. Junii Caroluſ V. Imp. Moguntiaſ agens, Hieronymuſ Brunnertuſ, Advocatuſ Keiſersbergenſem, ad Philippuſ Marchionem Badenſem, (*k*) cum literiſ miſit, ut eum de ſuſcepto contra Regem Galliaſ bello certioreſ faceret,

(*h*) Der Marggraviſchaft Baden Mann, Rath und Diener. In Chriſtophero Marchione Eberſteinia hæc quoque attigi, ad quæ redeundum Leſtori.

(*i*) *Chron. Mſpt.* Anonymi Argent. Add. HERZOG II *Chron. Aſſat.* Lib. IV. pag. 119.

(*k*) Cæſar eum vocat „ Den Hochgebornen Philippen Marggraven zu Baden „ u. Graſen zu Spanheim; unſern lieben Oheim; Furſten, Rath und „ Statthalter unſers Landſ Lutzemburg. „

ejusdemque Regis consilia manifestaret, qui Alsatiam, Sundgoviam, Brisgoviam & Nigram silvam, Ulrici Wirtenbergici, Ducatu suo exulantis, ut & Comitis Wilhelmi de Fürstenberg auxilio invadere decreverat; terris suis ut restitueret Ducem. Rogatur Philippus, ut Comitibus provincialibus, Ensisheimii propediem habendis, interit; de securitate communi servanda cum ceteris deliberet, fœdus mutue defensionis, a patre ejus Christophoro ratione Hachbergicæ & Rœtelanæ ditionum cum Austriacis provinciis olim initum, renovet, atque ad terras Badenses, Episcopum Argent. & Ducatum Wirtenberg. illud extendat; fœderis hujus præsidium bellicæ summam potestatem suscipiat. Comparuit Ensisheimii Philippus cum Wilhelmo Præsule Argentinenfi, eoque fratrem quoque suum Ernestum invitavit. Aderant ibidem pro Cæsare Rudolfus, Sulzensis Comes, Georgius de Firnbian, Marefchallus, & Hieronymus Brunnerus. At omne hoc Alsatogovicum bellum suffocatum in partu.

Extinctum Regimentum Imperii Carolus V. Procerum impulsu A. 1521. cum restaurare cogeretur, in patris viventis locum Philippus huic Senatui adscriptus est. (1) Imo in Comitibus A. 1523. Cæsarei Præsidis functus est munere. (m) Anno sequente Cæsaris & Ferdinandi in Imperii Regimento vices peregit;

---

(1) RECESSVS IMP. Tom. II. pag. 206.

(m) REC. IMP. A. 1523.



git; (n) quod & in Comitibus, A. 1526. Eslingæ Turcici belli causa habitis, factum esse, ex Receptu Imperii, in quo ut Præses primo loco nominatur, comperimus.

## §. V.

Politica hæc inter negotia rabidus ille rusticorum furor <sup>Bello Rustico-  
no invol-  
vitur.</sup> erupit; cujus contagium mox Sueviam, Alsatiam, Franconiam, Thuringiam, aliaque loca infecit. In tractu Spirigoviæ, qui vulgo *Brurheim*, (o) cujus caput Bruchsalia, vicus est *Malsch*, ubi rusticorum turba classicum cecinit circa Martias Kalendas A. 1525. Durlacenses, Philippo Marchioni subiecti, seditionis participes, Principis Præfecto carceri incluso, bis mille quingentos tumultuantium rusticorum in suum oppidum receperunt. In vico Barghausen multi quoque rebelles reperti sunt. Domos eorum exussit Philippus. Rustici, facti ferociores, Godesaviæ, Albæ Dominorum, Albæ Dominarum aliaque cis & trans Rhenum Monasteria occuparunt, diripuerunt. Periere tum Docu-

Tom. II

Tt

(n) MÜLLER. in *Staats-Cabinet* Part. I. Cap. 4. §. 30. seqq. Anno hoc cum Friderico Palatino ad Senatum Argentinensem in religionis causa literas scripsit. SLEIDAN. Lib. IV. p. 100.

(o) *Brurheim*, *Brusel*, communem habent nominis originem. Sal a copia salis, quo locus ille abundaverat olim. *Rain* collem molliter declivem notat, qualis amœnus ille collis est, qui Bruchsaliam ambit.

menta & Chartæ Cœnobiorum, quod & permultis in Alsacia superiore ac inferiore Monasteriis evenit. Tot malis commotus Marchio noster ingressus est clementiæ viam. Rebelles, a Principe in gratiam recepti, ad obsequium redierunt. Quibus conditionibus id factum sit, nec Crinitus, (*p*) nec Leodius, (*q*) nec Gnodalius, (*r*) bellorum rusticanorum scriptores, nec alii illius temporis exponunt. Id tamen certum, quod Marchia tranquillata, belli hujus flamma in Spirigovia, Palatinatu & Alsacia adhuc duraverit.

## §. VI.

Res Sue-  
vici ordi-  
nat.

A 1531. & 1532. Philippus noster cum Philippo, Comite Palatino Rheni, insigni illo belli heroe, cui pro defensæ nuper contra Turcas Vindobonæ præmio Wirtenbergici Ducatus, Ulrico erepti, regimen concesserat Cæsar, varia Sueviæ Ordinum Comitia celebravit, in quibus sua potissimum auctoritate publi-

- 
- (*p*) PETRVS CRINITVS (*Harer*) Electori Palatino a secretis in *Historia Rusticorum tumultuum* Alberto Cardinali & Electori Moguntinb, qui A. 1545. decessit, dedicata Cap. 24. apud FREHERVM *Scriptor. Rer Germ.* Tom. III. p. 147.
- (*q*) HVB. THOMAS LEODIVS *Historia seditionis rusticarum* pag. 290. apud FREHERVM loc. alleg.
- (*r*) PETRVS GNODALIVS *de Rusticis tumult.* Lib. II. pag. 145. apud SCHARD. *Scriptor.* Tom. II.

cum Sueviæ statum Marchio ordinavit; Dux Suevici Circuli cum Philippo Palatino creatus. (s)

Obiit Philippus A. 1533. (t) XVII. Sept. cum vixisset annos LIV. menses X. dies VIII. Badæ sepultus; ab Ernesto, fratris virtutum æmulo, sepulchrali monumento in Ecclesia Collegiata ornatus. (u)

Obitus  
Phil. I.

Tom. II.

Tt 2

(s) *Schwabische Creyß - Abschied* de dato *Eßlingen* 18 Apr. 1531. & *Weil* 9. Jul. 1532.

(t) CHYTRÆVS in *Chronico Saxonie* Lib. III. pag. 129 Philippum A. 1539. mortuum asserit; sexennii errore.

(u) Epitaphium hoc est:

## FID. DEI S.

ILLUSTRI PR. PHILIPPO MARCHIONI BADENSI  
HABITU CORPORIS ET DIGNITATE FORMÆ  
SINGULARI EQUESTREM MILICIAM PRIMUM  
SUB CAROLO VIII. R. FR. AD MEDIOLANUM  
EXPUGNATUM OBEUNTI MARI PARTIS CLASSIS  
AD MITYLENEN OPPUGNATAM PRAEFECTO  
HISPANIIS GALLIISQUE PERAGRATIS IMPERII  
AUGUSTI SUB CAROLO QN. CAESARE PER  
GERMANIAM VICARIO TERRA MARIQUE  
MAGNARUM RERUM USUM EXPERTO DOMI  
PRUDENTIA ET MODERATIONE AD CIVES  
BENE DE PATRIA MERITO PR. ERNESTUS

## §. VII.

Chara-  
cter ejus.

Ceterum Philippus noster Literarum & Literatorum, speciatim Francisci Irenici, Etingæ in terris Badensibus nati, fuit fautor insignis. Vitam ejus duobus libris conscripsit IRENICUS, temporum qui perierunt injuria. Alio in loco (x) eum ita alloquitur: „ Hæc ob tuam voluntatem ingressus sum, Philippe, Princeps maxime, & quæ ad nominis tui gloriam attinere vidimus. Reliqua, quæ de te concepimus, duobus libris absolvimus, qui postquam satis maturuerint, auspicato fidere æque in vulgus abibunt. „ Scripsit hæc IRENICUS A. 1518. Hagenoæ, ubi prima Germaniæ Exegeſis tum prodiit editio.

Idem IRENICUS Hieronymum Aleandrum & Philippum Beroaldum Philippi nostri Marchionis laudes celebrasse memorat (y) his verbis: „ Philippus felici sydere tredecimus, Marchio Badensibus obvenit, ab Hieronymo Alcandro ac Philippo Beroaldo tot laudibus profecutus, qui & nostro ævo ad miniftrandæ reipublice natus, Marchionatum pace atque bel-

---

FRATRI GERMANO EX • TESTAMENTO POSUIT  
VIXIT ANNOS LIV. MENSES X. DIES X.  
OBIIT ANNO CHRISTI MDXXXIII. MENS.  
SEPTEMBRI DIE XVII.

(x) *Exegeſis Germaniæ* Lib. III. Cap. 124. pag. 169.

(y) *Lib. III. Cap. 100. pag. 158.*

„ lo inclitus, iusto fasce, regimine subditos auspiciatissimo con-  
„ servat atque ampliat. „

Favit ille religioni Lutheranae per aliquot annos; at <sup>Favet</sup>  
A. 1532. pastores Evangelicos eiecit, Caroli V. Imp. in Sueviam <sup>Luthera-</sup>  
adventu, ut videtur, perterritus. Protestantium sacra tamen <sup>niz.</sup>  
aperte professus est nunquam. Cancellarius ejus Vehus in Wor-  
matiensibus Comitibus 1521. docta oratione studuit persuadere Lu-  
thero, ut ab instituto desisteret. Jo. Ungererus, concionator Phi-  
lippi permittente eo, matrimonium inivit. A. 1529. & 30. Dur-  
laci impressa est Germanica versio partis Bibliorum Lutheri. (z)

## §. VIII.

Philippi conjux fuit Elisabetha, Philippi Electoris Palatini <sup>Uxor &</sup>  
filia; Wilhelmi Hassiae Landgravii vidua; cum qua A. 1503. nu- <sup>Liberi.</sup>  
ptias celebravit. Elector filiae suae dedit in dotem Spanheimensis  
Comitatus partem, quam Fridericus Palatinus Badensi eripuerat  
Carolo. Obiit Elisabetha A. 1522. d. 24. Junii. Cum ea Philip-  
pus VI. genuit liberos.

1. Jacobea A. 1507. die 25. Junii nata; quae Wilhelmo Ba-  
variae Duci nupsit A. 1522. † 1580. 15. Nov.

2. Philippus natus 1508. † 1509. 16. Febr.

T t 3

---

(z) In Bibliotheca Bada-Durlacensi, quae Basileae servatur, Bibliorum hujus  
typi extat exemplum, forma, quam quartam appellant.

3. Philippus Jacobus statim post baptismum mortuus 1511.

4. Maria Eva nata 1513. 10. Jan. post baptismum quoque defuncta.

5. Johannes Adamus natus & denatus 1516.

6. Maximilianus Cæsar natus & denatus 1519.

Paſſa de  
ſucceſſio-  
ne Phil.

Jacobea ex liberis his ſola patri quum fuiſſet ſuperſtes, terræ ad Philippi fratres, Bernhardum atque Erneſtum, pervenerunt. Iidem cum Wilhelmo Bavarie Duce, aſſine ſuo, ſuper hereditatem fratris transactionem inierunt die Veneris poſt Judica A. 1534. Bernhardus quum deceſſiſſet A. 1537. tutores filiorum ejus, Wilhelmus Bavarie Dux & Johannes Simmerenſis, cum Erneſto Bada-Durlaceni, \* circa Philippi ſucceſſionem ejusque debita, nova paſſa inierunt; (a) quæ tamen a pupillis, majorem ætatem adeptis, Philiberto & Chriſtophoro, & præſertim ab hujus filio, Eduardo Fortunato, fuerunt neglecta.

Philippus Marchio, maſculis qui ſucceſſoribus caruit, claudit Tomum ſecundum. Fratres propagatores Gentis exhibit tertius.

---

(a) Conf. *Grundlicher wahrhafter Bericht Ernſt Friederich* pag. 10.

FINIS TOMI II.

---

Ms. 1445969

